



Digitized by the Internet Archive
in 2016 with funding from
Getty Research Institute

360 x 5089

IOANNIS AB INDAGINE

INTRODUCTIO. NES APOTELESMA- TICÆ IN

*Physiognomiam,
Complexiones hominum,*

*Astrologiam naturalem,
Naturas Planetarum.*

CUM PERIAXIOMATIBUS DE FA-
CIEBUS SIGNORVM ET CANONIBVS DE
ægritudinibus hominum:

OMNIA NVSQVAM FERE EIVSMODI
tractata compendio:

Quibus ob similem materiam accessit

GUILLIELMI GRATAROLI BER-
GOMATIS OPVSCVLA

De Memoria reparanda, augenda, conseruanda:

De Prædictione morum naturarumque hominum:

De Mutatione temporum, ejusque signis perpetuis.

ET POMPONII GAURICI NEAPO-
litani Tractatus

*De Symmetriis, Lineamentis & Physiognomia, ejus-
que speciebus, &c.*



ARGENTORATI,

Sumptibus Hæredum LAZARI ZETZNERI,

M. DC. XXX.

PROBATION

OF THE

COURT

OF THE

STATE OF

NEW YORK

IN SENATE

January 11, 1885

REPORT

OF THE

COMMISSIONER

OF THE

DEPARTMENT

OF

THE

LANDS

AND

MINES

OF THE

STATE

OF

NEW YORK

FOR THE

YEAR

1884

AND

FOR THE

YEAR



INTRODUCTIONIS

JOAN. INDAGINE LIBER

PRIMUS.

DE CHYROMANTIA.

De Manus distinctione.

C A P. I.



RÆCĪ Chyromantiam vocant divinationem, quæ ex manus inspectione colligitur. Et jam diu, atque adeo apud veteres quoque in usu fuisse, antiquissimus ipsius vocabuli usus arguit. Scripturus autem ejus rei observationes, necessarium

puto ipsam primum hominis manum describere, ejusque partes designare, quo deinde facilius cognoscantur ea quæ de vaticinio (ut ita dicam) manuario præcipiemus.

Et manus quidem passæ) sic enim appellabimus extensam, ac complanatam) interior illa planicies, palma est. In cujus medio relictum concavum, vola dicitur. Inde manant digiti quinque, quorum primus grossior ac rubustior, quod cæteris præpolleat, pollex, undi pollicare, quod ad pollicem pertinet. Proximus index vocatur: quod indicando aliquid extenso eo utamur. Qui deinde sequitur, ab eo quod inter quinque medius est, medietatis vocabulo censetur. Vocaturque alio nomine Medicus: quoniam eo utuntur medici locis infamibus. Et verpus, à vertendo: qua deinde voce ludæos infamandi studio, & qui sic crebrò utantur, eo digito notamus, Verpos dicendo. Ut Iuvenalis.

*Manus
passa
Palma
Pollex.
Vola
Index*

Medicus

Eadem nisi sacra colenti,

Quæsitum ad frontem solos deducere Serpos.

Annularis. Etiam contemnentes aliquem, medium plerunque digitum exerimus. Vnde & proverbio loco factus, cum aliquem despicientes, medium illi digitum ostendere dicimur. Post hunc à minimo proximus Annularis est, sic dictus, quod aureo annulo circumdari soleat, præsertim is qui in sinistra manu est. Cujus rei eruditi homines rationem scripserunt, quod in sectis humanis corporibus inventum sit, nervum quendam tenuissimum ab eo digito ad cor hominis protendi: unde visum antiquis, eum digitum annulo quasi corona circumdari. Vel certè ab auri ipsius natura, quo cor vegetari ac confortari ajunt medici. Omnium minimus ac ultimus à quibusdam Auricularis, vel auricularius, quod eo veluti auriscalpio emungendis auribus uti solemus. Et de digitis hætenus.

Pugnus. Porro clausam manum ac compressam, digitis convolutis, pugnum vocamus, cujus summum juxta pollicem est, infimum è regione. Quam manus partem, quia percutiendo corpori alicui admovemus, percussione manus dici à Chyromanticis jam prope receptum est.

Percussio manus. Tum manus ubi ea jungitur brachio, juncturam manus, vel quia ibi restringatur, ac in arctius exit, restrictam manum dicimus.

Restricta. Montes. Habent deinde singula tubera singuli digiti, quæ à radicibus digitorum insurgunt, ac à nonnullis Montes vocantur, inditis planetarum nominibus. Quibus additur prominens illa caro, quæ ad pugni infimum, id est, ad manus percussione est. Quo fit ut planetis in manu hominis locus sit omnibus. Vnde & vaticinia colliguntur. Nam

Planetarum signa. pollicis ruber Veneris est, & hac nota signatur ♀ Tametsi secus placuit aliis: verum nos à priscorum tramite minimè discedemus, quos antea polliciti sumus nos imitatu-
 ros; τὴν πρῆξιν suo solo dicemus, Indicis, Iovis. Et signum habet. ♄. Medii, Saturni hac nota ♄. Annularis, Solis, quod hic character indicat ☉ Auricularis Mer-

curii,

curii, sub hac nota ☿. Quòd verò in manus percussione tuber est, Luna occupat: idque sic scribimus ☿. Iam Mars quem locum habeat, paulo post dicemus. Sed prius sectiones manus, quas antiqui incissuras, nostrates lineas appellant, describemus.

Sunt autem præcipuæ & principales hæ. Restricta, quæ ibi est ubi restrictam vocari manum diximus, ac à brachio manum dividit, nam in ipsa penè juncta est linea vitæ, vel cordis, quæ sub tubere indicis, aut juxta, quasi inter pollicem ac indicem orta manum secat, ad restrictam tendens. In eadem manus regione, id est ad indicis tuber, oritur linea quæ per transversam manum ad Lunæ tuber, protenditur: vocaturque linea media naturalis. Atque hæduæ sic ortæ, atque in diversum euntes, trianguli formam incipiunt. Quam deinde, si fuerit, nam in quibusdam non apparet linea tabellaris, vel hepatis, aut linea stomachi (nam iis nominibus eadem sectio denotatur) perficit: ut sit quasi basis trianguli. Oriturq; juxta Restrictam sub tubere pollicis, & præter mediā naturālē perfluit ad Lunæ montem. His lineis conclusum spatium Marti damus vocamusque triangulum Martis, hoc adscripto signo ☿. Est & linea Mensalis, quæ sub auriculari, ea parte qua Lunæ tuber exit, orta, Indicem petit, hoc sortita vocabulum, quod inter eam & mediam naturalem, relictum spatium, mensæ figuram arguat. Nam omnino vocatur spatium illud Mensa manus: vel quòd faciat quadram, quadrangulus, appellaturque præterea fortunæ linea. Atque hæ fere potiores sunt manus sectiones, ad quas reliquæ minutiores, tanquam ad principes lineas colliguntur. Sed jam omnes, ut fieri potest describemus, ac quantum ex ipsa arte est, de earum significatione exponemus. At primo de eis dicendum arbitror lineis, quæ à tribus nobisissimis humani corporis membris, denominationem accipiunt, Cordis, Cerebri, & Hepatis. Ut autem in iis Corporum partibus, quicquid præcipuum hominis est vertitur,

*Linea
vitæ*

*Linea
media
naturalis.*

*Triangu-
lus Mar-
tis.*

*Linea
Mensæ
læ.*

*Socratis
natura.*

ita ab ipsis tribus incisuris seu lineis, de hominis salute, ac pernicie, & quicquid præter necessarium illi accidere potest vaticinari licet. Quod si cui leuiusculum videtur, meminerit & antiquos Pythagoricos, præsertim à linea-
mentis corporum humanorum mores hominum coniecisse, ac plerunque quod cui eventurum fuerit, prædixisse. Nam de Socrate quid fertur? quem cum quidam ex Physionomia descripsisset, ac hominum omnium qui vivunt impurissimum, ac plane perditum libidine dixisset, ob idque à discipulis ejus, tanquam flagitiosè mentitus reprehenderetur. Respondit Socrates, hæc quidem ita sibi naturaliter inesse, verum se naturæ vitia, rationis norma cor-
rexisset, innuens, ea quoque, quæ à natura nobis insunt, consuetudine emendari, & contra ipsum quodammodo fatum obluſtari hominem posse. Et peripateticorum princeps Aristoteles, ait manum hominis à natura factam, tanquam instrumentorum instrumentum in humano corpore, & organorum organum. Cum igitur illius officium sit omnibus humani corporis partibus inservire, & omnium membrorum virtus in humana generatione concurrat: valdè consentaneum est, humanæ qualitatis (quam vocant complexionem) signa quædam ac indicia in hominis manu conspici. Ea est omnium inter se membrorum proportio, sic in singulis omnia conveniunt. Quid quod Plinii ætate fuisse jam dum in usu Chyromantiam, ipse Plinius asserit? Officii tamen mei arbitror, interim admonere, quatenus arti concedendum sit, & quid aliunde præterea adiscendum, ne quis putet juxta tam angustos terminos, eam magnæ rei cognitionem includi. Vbi quid ego consueverim, non absurdum arbitror ostendere. Quoties enim percontantibus respondendum est, ipsam quidem primum manum (ut assolet) intueor, sed interim universum juxta corpus, ac omnia ejus lineamenta accurate perspicio: physionomiam (quæ vocatur, & de qua in sequenti libello agam) cum Chyromantia conjungens. Deinde nativitatis horam, vel mensem, diem ac annum. Quo scito, ad Astrologiam naturalem cu-
jus

jus infra scriptis à melibellis rationes pertractabuntur, animum adjicio. Sic plane putans, nihil horum, si seorsum usurpetur, satis esse ad respondendum inquirentibus potiusque me temerarium, si citò respondeam, quàm illos stultos, si facillè credant, judico. Itaque sic ista contenta ac complicata habeo, ut quodquod arripuero, reliqua simul protraham, & omnibus pariter utar. Existimans dementis omnino hominis, inspecta semel manu, de vita ac fortunis omnibus sententiam ferre. Sed jam ad Chyromantiæ leges redeo.



A


4

A Linea



- A Linea mensalis , vel fortunæ.
- B Linea vitæ vel cordis.
- C Restricta mulieris.
- D Percussio manus.
- E Linea media naturalis.
- F Linea hepatis vel stomachi:

A Linea



- A Linea Mensalis.
- B Percussio manus.
- C Restricta manus viri.
- D Linea Hepatis.
- E Mensa, vel quadrangulus.
- G Mons pollicis.
- H Linea vitæ, vel cordis.
- I Triangulus.
- K Linea media naturalis.

A f

A Men-



- A** Mensalis imperfecta
B Soror lineæ vitæ.
C Hepatis & stomachi.
D Soror lineæ naturalis.
E Linea vitæ.

De linea Vitæ. CAP. II.

LINEA vitæ, quæ & Cordis linea appellatur, incipit, ut dictum est, à monte Indicis per palmæ medium, tenditque eo, ubi restrictam manum appellari volumus. Quæ si longa fuerit, recta ac vivo quodam colore perlucida, vitam longam & paucis ægritudinibus obnoxiam præfagit. Ipso hoc Plinio adserente qui ait: Contra longæ esse vitæ incurvos humeros, & in manu una duas incisuras longas habentes, quod de linea vitæ, & media naturali licet intelligere. Quid si virtus naturalis fuerit imbecillis, tunc & discolor, variegata, tenuis, & sæpè obversis rimulis scissa, & brevis apparet linea vitæ breviter, ac adversam valetudinem arguit, & virium parum, ipsumque hominem denotans rarò aliquid ad optatum finem perducere. Quemadmodum illa crassior, ac longa, & indistincta, omnia contraria pollicetur. Cujus rei si quis à nobis rationem exigat, dicemus hoc sanguinem ipsum, qui cor vegetat, & quem aliqui animi sedem esse putaverunt, præstare. Certum hoc enim est, ut ille purus, vel impurus fuerit, ita lineam hanc colorem fortitam, obscurum, aut clarum, adeò ut rubicunda ac splendida sit ea, quoties in homine sanguis abundat: & è contra pallens ac livida, ubi ille defecerit. Vnde & imminutus calor naturalis ostenditur, & firmatum corpus, & contra robustum ac vigen. Tunc si hæc linea fuerit stricta, subtilis, & benè colorata, ac mediam naturalem versus processerit: significat hominem boni consilii, subtilis intellectus, magni ac plane regalis animi. Et si fuerit lata, & malè colorata, vel pallida, contrarium denotat. Hoc autem semper notandum est, in omnibus lineis principalibus, Quòd si sint rectæ, ac indistinctæ, & bene coloratæ, semper bonitatem complexionis ostendunt. Si verò contra dispositæ fuerint, contrarium semper arguunt. Item si linea vitæ sit grossa & profunda, & diversæ coloris, id est, per puncta rubra pallens, ac livida: malitiam, calliditatem, invidiam, ipsum alioqui hominem garrulum, jactabun.

*Longa.**Brevis.**Crassa.**Rubra.
Pallida.**Stricta.**Lata.**Grossa.*

bundum, ac sibi ipsi placentem. Si eadem linea sit grossa, & valde rubicunda, fallacem hominem, impurum, inconstantem denotat. Si verò livida cum quadam rubedine permixta fuerit, iracundum, & quasi ex ira furiosum virum demonstrat. Si verò valde rubea, cum quadam plumbea lividitate permixta, inconstantem, inverecundum, vagum, proditorem, discordias ac lites ferentem, iracundum, & qui sæpe ad malum incitet. Iam si hæc linea fuerit rubea ea parte qua ad Restrictam protenditur, crudelitatem denotat. Sæpe & bifurcata ea in angulo supremo, instabilem, vagabundum, & in omnibus agendis virum mirabilem ostendit. Quæ si fuerit flexuosa & contra mediam naturalem versus, sed rubra deceptorem, subdolum, peculantem, & perversi animi innuit. Aliquando & crucis signum à linea vitæ tendens ad angulum supremum, cum tribus parvis lineis, in muliebri manu si comparuerit, falacem, pudoris prodigam ac extremè improbam signat.

Si quando in linea vitæ inveniatur quædam crux parva circa angulum dextrum, & hæc crux sic incisa, in manu mulieris, nefariam, scelerosam, ac ultimo aliquando supplicio propter scelus afficiendam. Nam talis crux in prædicta linea vitæ semper malum significat, tam in viro quàm muliere. Si duæ lineæ fuerint juxta lineam vitæ repectæ, in fine tuberis pollicaris, quasi ad latus jacentes, cum hominem brevi moriturum hoc signo conjicio. Si linea vitæ habens ramos extensos versus mediam naturalem in modum hic in margine signatum * divitias & honores, ac perfectionis signum esse dicitur. Si verò jam dictos ramusculos extendit inferius, versus restrictam, hoc scilicet modo * paupertatem, & à servis & domesticis deceptionem, ac eorum infidelitatem semper indicat. Si autem tales ramusculi vadunt directè ad mediam naturalem per triangulum, significat hominem post multa discrimina, & varias fortunæ jactationes, divitias, & bona habiturum. Si verò multæ parvæ lineæ secant lineam vitæ, multas ægritudines prædicunt. Si in linea vitæ spar-

sim



sim sunt quædam grana, sive puncta: salacem, impudicum, fornicatorem, præterea & contentiosum ostendit. Eritque homo ille in discrimine vitæ propter sanguinis effusionem in seditione, cuius ipse autor fuerit: omnino graviter aliquando vulnerabitur.

Vbi in principio lineæ vitæ oriuntur tres parvæ lineæ tortuosæ eam intersecantes, hoc modo * signum video futuræ lepræ. Nam perversum hepatis calorem ostendit.

Vnde ex jam dictis colligitur, quod si linea vitæ, vel cordis fuerit longa, alta, bene colorata, bonam habens cum linea media naturali ac hepatis & stomachi proportionem, & quod eadem lineæ etiam fuerint quantitatis & longitudinis debitæ, & coloris boni, sperandam esse dicunt longitudinem vitæ, & bonitatem naturæ, ingenii, & complexionis. Nonnunquā in linea vitæ vel capitis unum ☉ vel ☉☉ inveniuntur, & unius vel duorum oculorum amissionem significant. Quod licet perrarè inveniatur,

in me ipso tamen, quòd ita sit, expertus sum. Nam in præfata meæ manus loco, huiusmodi signum inest. Quod cum video, reminiscor quemadmodū olim in maximum alterius oculi discrimen deveni. Quippe ad ignem sedens hyeme, procidi, ac sinistro oculo in flammam convolutus sum, cruciabatque vehementer. Quanquam non solum hoc mihi signum illud malum prædixisse invenio, verum etiam quòd in nativitate Martis ac Lunæ oppositio apparet. Reperioque ortus mei tempore Martem fuisse in signo humano, in Vndecima, ac similiter Lunam in quinta domibus. Quæ constellatio tale aliquid portendere ab Astrologis observatum est. Quo verius hoc comperi, quod prius dixi, has artes quadam inter se necessitudine conjunctas, parumque sine alia aliam posse. Sanè inferiora hæc à superioribus illis gubernari, ac à cœlestibus vires influere, rursus defectus inferri certum est. Vbi considerare licet, quàm sollicita fuerit circa creationem humani corporis rerum opifex natura, quæ de nobilioribus hominis partibus, multis passim judiciis cognoscere ho-

mini



*Experi.
mentum
authoris.*

mini dedit. De reliquis non perinde Nam cordis, cerebri, ac hepatis certa sunt in hominis manu signa: quòd in iis maxima sit hominis vita. Oculorum, aurium, oris, manus, ac pedum non ita: quamquam hæc ad decorem magis quam necessitatem facta videantur. Ob idque, tres has lineas omnis semper manus habet, reliquas multæ non habent. Rusticis, propter continuos labores exceptis, quæ ex iis exterminantur. Proinde sæpius à me repetendum est: ita has artes conjungi inter se, ut semper ferè mutuo indigeant adminiculo. Quod ut faciamus palam, velut postliminio ex Astrologia repetamus, & hoc de natura signorum erraticorum, id est, de Planetis, quos sic Græci appellant. Sunt enim illi, qui non solum corpora hominum, verum etiam ingenia fingunt.

*Ingenio-
rum di-
scrimina.*

Nam Saturnus facit maturos, providos, remissos, cupidos, pauciloquos, sibi metipsis placentes. Iupiter placidos, benignos, tranquillos, sobrios & loquendo comptos. Contrà Mars truculentos, immanes, mendaces. Sol pios, ingenuos, faustos, atque elatos. Venus incontinentes, libidinosos, decoros, & gratiæ splendore fulgentes. Mercurius callidos, versutos doctos, scientificos, agiles. Luna acutos quidem, & splendidos, verum instabiles, & inertes ac pigros. Id in genere dictum de varietate ingeniorum.

*Vocum
iudicia.*

Nunc quo perspicacius videas, quàm longè inter sese diffideant, atque diversos producant effectus, de voce subinferam aliquid. Saturnus tardam dat, atque obstreperam. Mars stridentem. Iupiter sonoram, resonantem, lenem. Venus enervatam, mollem, foemini iram suam. Idem faciunt Sol, & Mercurius. Habent & signa suas voces. Nam quæ bonos ex illis tinnitus edunt, sunt Virgo, Gemini, Libra, Aquarius.

Quæ medio cres, Aries, Taurus, Leo, Capricornus, & ultima pars Sagittarii. *à Phœvæ*, Cancer, Scorpius, & Pisces. Et quidem hoc de voce tantum, Sunt quæ par-
tum.

tum & foetus foecundant, atque foecunda appellantur. Ea sunt, Cancer, Scorpheus, Pisces. Quaedam sterilia, ut Gemini, Leo, & Capricornus. Ita quicquid humanorum actum est, coaptari signis potest. Nempe earundem promotoribus.

Quod quo minus negari potest, eò altiùs blasphemant, qui Astrologiam non divinam, sed nugatoriam artem esse cavillantur, quos & suis in locis propriis pingemus coloribus, interim redeamus ad institutum.

Si hoc



Si hoc modo crux circa angulum supremum inventa fuerit, procedens ex linea vitæ, & à parte inferiori tres lineæ parvæ, à superiori duæ, ut hîc, in muliere libidinofam, ac impudicam arguit. Si verò in fine lineæ vitæ, receptam versus hæ tres lineæ inventæ fuerint, mulierem ob scelus supplicio puniendam extremo.

Quan-



Quando parvæ quædam superius lineæ scindunt, aut certè tangunt lineam vitæ, in præscriptum modum, corporis infirmitatem, ac ægrotudines prædicunt. Si verò ab alia parte lineæ media naturalis habuerit hujusmodi sectiones ab inferiori parte lineæ directè quasi jacentes, ac sursum erectas: malum conjicio, ut dolorem capitis: qui exhalantibus à stomacho fumis proveniat, aut talem genuinum morbum aliquem. Tres illæ in fine lineæ re-pertæ, malum denotant, ut infra patebit.

De linea media naturali. CAP. III.

*Linea
media.*

LINEA media naturalis vocatur illa, quæ incipit à radice lineæ vitæ transiens per mediam palmam, montem Lunæ versus, vel percussionem manus.

Recta.

Longa.

Curta.

*Hemicy-
claria.*

*Recur-
vata.*

Tortuosa.

*Lata &
grossa.*

Si talis linea sit recta, indistincta, nec obversis scissa lineolis, optimam valetudinem, cerebrumque sanum, ac ingenium vivax, & memoriam tenacem ostendit. Quæ si longa quoque fuerit, & ad Lunæ tuber usque porrecta, animum audacem, ac vitæ longitudinem arguit. Quod si curta fuerit, ita ut concavum manus non exeat, hominem timidum, tenacem, avarum, imprudentem, præterea & perfidiosum indicat. Et si dicta linea non extendatur usque ad montem Lunæ, seu è regione ejus spaciis, quod est inter medium & annularem finiatur, depravatis hominem moribus, sed vitæ non diuturnæ ostendit. Tum si in formam hemicycli, præter Lunæ montem hæc linea divagata fuerit, ac ad ipsum illud tuber recurvata, quanto quidem productius exierit, tanto vitam longiorem pollicetur, sed in senectæ egestatem. Iam si eadem linea qua parte desinit, sursum, ac ad digitos se erigat, imprudentem virum, & malitiosum ostendit. Quod si multum ascendat ad digitos, stultum & insipientem demonstrat. Econtra inferius tendens, ac penè ad receptam manus se demittat, cupidum & impurum denotat hominem. Si autem ex altera parte recurvata sit, & tangat lineam mensalem, damnum aliquod, & adversam fortunam ostendit. Eadem si fuerit tortuosa, non sibi constans, & inæqualis, ac diversi coloris: signum fit pravitatis animi, & nonnunquam furti. Recta autem, & æqualis si fuerit, colorisq; lucidi, & quædam lineæ moveantur ab ea, signum est bonæ conscientiæ & justitiæ. Sed quando media naturalis est lata & grossa, cum quadam rubedine permixta: ruditatem ingenii, & prudentiæ inopiam arguit. Si quando autem nec angusta nimis, nec ultra modum larga & bene colorata: latum, hilarem, ac etiam fortem hominem

nem signat. Quinetiam subtilis & tenuis, & livida, vel pal-
 lens: debilitatem cerebri, ac ascendentes à stomacho in
 caput vapores. Et si hæc linea compareat grossa & alta
 nimis, quædam parvæ lineæ juxta eam sint, cum rubeo
 colore: iratum, furibundumque hominem ostendit. Rur-
 sum si habeat intra se quædam spacia nodosa continua in
 hac forma, o, quot ibi fuerint nodi, tot homicidia vel jam
 admissa, vel post admittenda. Qui nodi ubi non omnino
 revoluti ac clausi videbuntur: grassatoris quidem indicia
 sunt, non tamen homicidæ: & qui cedat ac vulneret, non
 planè tamen occidat. In eadem linea puncta quædam
 crassa ac pingua, inconditos mores, ac hominem insul-
 sum, & insuavem ostendunt. Quæ puncta si fuerint rubea
 valde, crudelem ac præferocem hominem demonstrant.
 Si hæc linea fuerit tortuosa, & per gyrum faciens semicir-
 culum cum quadam obscuritate: à quadrupedibus peri-
 culum, vel à feris interemptum iri indicat. Et si juxta sæ-
 pefatam lineam fuerint duæ parvæ lineæ conjunctæ (ut
 infra in figura manus videbitur) vulnera, non ferro. Item
 si in eadem linea crux parva è regione medii reperiatur:
 hominem intra annum moriturum designat. Si quis hanc
 lineam restrictam versus bifurcatam habuerit, cum qui-
 busdam sectionibus minusculis, is omnes cogitatus suos
 ad pessima retorquet, ac neque Deum, neque hominem
 timere videtur.

*Subtilis
& pal-
lens.*

Nodosa

*Puncta-
ta.*

Tortuosa

*Crux si-
gnata*

B 2

Hæc



Hæc ante picta manus figura, cum linea media naturali, ut est, incipiens scilicet à radice lineæ vitæ, ac directè per mediam manum transiens absque incisionibus, significat bonum corporis statum, ac cerebri incolumitatem, Et cùm fecerit angulum acutum cum linea vitæ: tenacitatem memoriæ, & æqualitatem ac animi rectitudinem. Si autem fuerit ut in Canone scribitur inæqualis, non exiens manus concavum: virum timidum, avarum, tenacem, & labilem omnino memoriam præfagit.



Si suprà depicta linea media naturalis per gyrum facit quasi semicirculum, cum obscuritate quadam, à quadrupedibus malum, & interdum mortem minatur. Si verò in fine hujus sint duæ lineæ parvæ, ab utraque parte apparentes, vulnera tantum, ac ea ferro inferenda. Si crux parva, parvis secta lineis appareat è regione digiti Saturni, brevitatem vitæ, & corporis imbecillitatem demonstrat. Et magis si quadrangulus in manu defuerit.



Si jam picta manus figura, in linea media naturali hos habuerit nodulos: quot quidem nodi fuerint, tot homicidia admissa, ita tamen quod nodi illi palleant. Qui si rubicundi sint, homicidam & latronem futurum prænunciant. Si autem tortuosæ incisiones inventæ fuerint in præfata linea naturali, infelicem, & infortunatum hominem auguror. Si crux illa ibi reperiatur, contentiosum, litigatorem, ac discordiæ studiosum eum existimo.

Quando



Quando hæc linea media naturalis tendit ad lineam mē-
salem, & in fine sit tortuosa, modo præscripto, maledicam,
parvum, sanguinis effusorem, & qui circa hæc sæpius peri-
clitetur, & aliquando fortè suceumbat. Si autem hæc dicta
linea habeat clām incisiones, superbum, loquacem, iracun-
dumque virum denotat. Si crux inveniatur in angulo supre-
mo, ita ut recta sit à tubere pollicis, denunciat probum, &
in omne bonum proclive ingenium arguit, & è contra.

B 4

Linea

De linea Mensali. CAP. IV.

*Linea
mensalis
quadrang-
ularis.
Aequalis
& longa.*

LINEA Mensalis dicitur, eo quòd mensa manus ab ea constituitur. Sic enim appellari diximus spatium inter Mensalem, & mediam naturalem relictum. Vel etiam quadrangularis linea, ex eo, quia cum linea media naturali, quadrangulum penè perficit. Si hæc linea mensalis fuerit æqualis, ac longa satis, alta & recta, bonam naturæ qualitatem, membrorum in homine principalium robur, modestiam, temperantiam, & constantem in bonis operibus animum significat. Et si extendatur ultra mediocritatem ejus tuberis, quod sub indice est, ita quòd tangat montem Iovis, vehementis iracundiæ, aut etiam crudelitatis signum est. Hæc superius rubicunda, delatorem arguit, ac alienæ felicitatis invidentem. Et si habuerit ramos rectos, tendentes ad locum digiti Iovis, honoris promittit exaltationem, ac magnarum divitiarum accessionem: & pauperem, paulatim ad dignitatis apicem, ac potentiam accessurum præfagit. Sed si hæc linea fuerit nuda sine ramis, protendens ad radicem indicis, infortunatum, ac inopem fore hominem ostendit. Si autem habuerit tres lineas vel in fine quosdam ramusculos, videlicet circa montem Iovis, directè protendentes ad angulum supremum, fortunatum hominem, lætum, jocundum, liberalem, nobilem, modestum, æqui ac honesti cultorem, qui se vestitu oblectet decenti, omnis mundiciæ studiosum: ac saporum odorumque varietate gaudentem. In cujus hominis genesi qui consideraverit horoscopus (nempe ubi inveniet Taurum, vel Libram, quibus præest Venus: aut Sagittarium, aut Pisces, quorum Jupiter dominus: aut quisquis ibi planeta erit) rationem hujus rei facillè cognoscet. Et si crux parva in eodem loco reperiatur, virum liberalem, veritatis amatorem, benignum, affabilem, ac omni quodammodo virtute ornatum significat. Et si fuerit juvenis, præcocem barbam. Quòd si hæc linea è regione tuberis, quod sub medio est, exeat, & sine ramis fuerit, mendacem, sibi ipsi placentem,

incon-

Ramosa.

Nuda.

*Cruce si-
gnata.*

inconstantem, fallacem, inverecundum, lites ac discordias seminantem virum demonstrat. Quando autem hæc linea conjungitur cum media naturali, ita quod ambæ faciunt angulum acutum, talis ad multa animi & corporis pericula perveniet, ita quod aliquando vitæ tædeat suæ.

Et si desit media naturalis, hæc verò conjungitur cum linea vitæ, ita quod Mensalis & Vitæ faciant angulum, eum hominem aliquando capite truncatum iri puto, vel certè mortaliter vulneratum: quicquid erit, ad optatum finem nunquam deveniet. Sed ubi hæc linea dividitur, & una pars respicit lineam mediam naturalem, alia autem montem Saturni, indicium est, hominem eum de vita sæpè periclitaturum: quamquam & servatum iri ex tot discriminibus perspiciam. Eadem linea recta & subtilis circa montem Iovis, id est, loco exitus sui, significat familiæ suæ gubernatorem, & super æquales, fratres, ac propinquos aliquando elevatur, ut iis dominetur. Si autem habuerit incisiones è regione medij, adulatorem, bilinguem, & quem pauci amabunt. Si quædam linea interfecans mensalem, veniet à quadrangulo, & directè ascendat ad montem Saturni, atque ibi aliquam parvam crucem faciat, mortem coactam minatur. Tam magnæ felicitatis indicium est hæc linea, si præter medij tuber, ultra indicis montem progrediatur: quemadmodum & si non attigerit medium, sed juxta ejus tuber exeat, extremæ penè egestatis, ac pluribus passim periculis & calamitatibus obnoxium hominem prodit. Tum si hæc linea habuerit aliquas interruptiones, vel sparsim incisa fuerit, ineptum & inconstantem, ac libidine fractum hominem, & cujus studium erit variè cum mulieribus conflictari, ita ut eas nunc amanter accipiat, nunc iracundè expellat, sæpe etiam verbis objurget, ac verberibus affligat.

Et quoniam hæc linea aliquando reperitur alta, subtilis, & pallida, ad eundem quem dixi finem, pudicum & castum virum: sed imbecillem, & morbis ac ægritudinibus obnoxium. Interim pessimi argumentum est, linea ad me-

diam naturalem orta, quæ ita petat medii tuber, ut prius mensam manus, ac mensalem ipsam rumpat, in fineque bifurcata sit. Præsertim in mulieribus ea disciplicet. Quæ verò à vitæ linea venerit sectio, ac eodem quo dixi tetenderit: cui mulieri ea inest, aliquando partum necasse proprium autumo. Quæ tamen sectio ex obliquo ad montem Iovis devoluta, ei mulieri plurimas hereditates prænunciat. Et si magis quàm aliæ rubicunda ea fuerit, dolorem intestinorū, & torsiones circa umbilicum ostendit.

Rursum si veniat à linea vitæ sectio & fuerit duplicata, scindens mensalem, hominem significat misera morte vitam finiturum. Nam sive in viro, sive in muliere fuerit hæc, mali exitus indicium est. Quandoq; etiam eadem mensalis versus montem Saturni, vel Iovis bifurcata cernitur, & hominem denotat multos in vita labores obiturum, & qui gravibus aliquando fatigationibus implicabitur. Hæc si rubicunda sit, quo magis rubor elucescit, eo magis iracundum portendit. Quando in eadem mensali videntur lineæ quædam parvæ, seu rimæ potius, gradatim altera post alteram ascendente, quo hæ plures fuerint, eo magis honoratū ac potentem arguunt, ac illi quidem magnarum rerum dominia polliceor.

*Carens
mensali.*

Porro in cujus manu nulla omnino mensalis est, utriusque sexus homo, malevolus, contentiosus, iracundus, suspectæ fidei, ac parum constantis animi, & qui in omne facile malum proclivis sit invenitur. Item si inter mensalem & locum Mercurij, id est, Auricularem, linea aliqua apparuerit, quæ à mensali veniens digitum versus auriculare tendat: observatum est, nec bonum eum virum, nec fortunatum esse, sed video avaritiam, iracundiam, ac odiosam plenè tristitiam notari. Deinde sordidum quoque, & malignum, quique alieni aliquando sceleris socius fuerit prospicio. Et si aliquæ lineæ, inter mensalem & Auricularem apparuerint, si fuerint rubicundæ, numero sibi pares, nuptias portendunt. Si obliquæ & pallidæ, tot jam præteritas demonstrant. Si verò sub radice Mensalis obliquæ cruces reperiantur, quotquot hæ fuerint repertæ,

tot inimicos capitales denunciant. Vbi verò quædam lineæ interfecat mensalem, veniens à quadrangulo vel mensa manus, ad montem Saturni, quæ constituat in fine ejusdem parvam crucem, signum esse dicitur violentæ mortis.

Et dicunt aliqui hujus artis prudentes, quòd si quædam lineæ parvæ juxta finem mensalis repertæ fuerint, ægritudines in prima ætate. Si juxta medium, in mediâ ætate. Si juxta finem, in ultima ætate denunciari. Et si tales lineæ descendant desuper, erit ægritudo ex cholera. Si à parte inferiori ascendant, ex phlegmate. Si autem è medio tendant supra, ex sanguine. Et si è medio quidem veniant, magis tamen imum versus, ex melancholia, juxta eorum conspicuû, aut obscurum colorem magis ac minus.

*Ægritudinum
causa ex
mensali.*

Hic considerandum veniet, quod Cancer, & Scorpio, ac Pisces dominantur phlegmati falso, Saturnus morbis phlegmaticis, viscosis, unde morphea, lepra, cancer, vel podagra oritur. Taurus, Virgo & Capricornus ejusdem naturæ sunt frigida & sicca, melancholiæ præsumunt. Et ideo Venus in morbos frigidos & humidos, in gutture & genitalibus. Similiter & Luna in guttam, epilepsiam, apoplexiam. Aries, Leo, & Sagittarius in choleram, febres ex sanguine, & pustulas. Similiter & Mars in febres calidas, phrenesim, serpiginem, & vermem in capite dominia exercent. Iovi adustum sanguinem damus, quemadmodum in Mercurio mentis ægritudines, amaras cogitationes, ac conscientie morsus. Sol calidos ac siccos inducit morbos. Quæ omnia perpulchrè infra patebunt, ubi agetur de naturis planetarum & signorum.

Notandum etiam erit, quòd rubedo linearum ex calore Martis procedit. Ideo semper in judiciis Chyromanticæ artis ac vaticiniis, ad naturas planetarum recurrentum, moneo, & ad naturas signorum, in quibus Sol natiuitatis tempore fuerit inventus. Similiter in judiciis physiognomia hominis diligenter contemplanda erit, & in iis prudens judex experientiam deportabit non modicam & laudem.

Si



*Linea
prosperita
tis.*

Si inventi fuerint tres ramusculi in linea fortunæ (quæ etiam prosperitatis dicitur) & conjungitur cum linea vitæ, & cum hoc restrictam inscindit: bonum ac acutum ingenium ostendit. Si vero cum eisdem lineis conjungatur, ut hîc pingitur Mensalis, cum quadam tamen tortuositate: malum, perversum, iniquum, malitiosum, & calumniatorem, & qui semper avidus sit humanum effundere sanguinem indicat. Et semper cum has easdem lineas denotaveris, ad Martis naturam recurrendum est.

Linea



Linea Mensalis sic disposita, ut debito loco & modo incipiat & terminetur, bonam corporis qualitatem, & in membris, quæ vocantur generativa, vigorem. Si autem e contra, ut sit nuda sine ramusculis, brevis & grossa, ultraque indicis montem progrediatur, malignum denotat, & qui non facile discet,

Isti



Isti tres ramusculi in fine circa montem Indicis, respicientes directè angulum supremum, bonum tam in viro quàm in muliere signum esse ferunt. Si verò crux parva in eodem loco reperta fuerit, bonum & ipsum portendit. Qua de re canonem superius consule. Linea verò Mensalis si habuerit incisiones, à principibus & potentibus inimicitias, & infestationes habiturum demonstrat. Si verò discretæ fuerint in jam dicta Mensali plures parvæ incisio- nes, variam ac diversam fortunam judicabis.



Si linea Menfalis, in manibus virorum, five mulierum non reperitur, pessimum signum est. Nam hominem in omne malum propensum suspicor, malaque morte perituum. Vbi & respiciendum ad eas lineas circa Mercurii montem: quia ibi nuptiæ judicantur. Ibi enim colligitur judicium de iis, qui Mercurium planetam agnoscunt.



Si mensalis linea contentæ tangat lineam naturalem, ita ut cum eadem faciat angulum acutum, ut à tergo vides, malum portendit. Tanta enim huic pericula imminere putantur, ut possit eum non injuria poenitere, quod unquam natus sit. Si verò omnino desit linea naturalis, & mensalis tangat lineam cordis (nisi me omnia fallant) capite truncabitur homo ille; aut utcunque malè peribit. Vbi quædam linea (ut hîc vides) intersecat Mensalem, faciens in superiori parte parvam crucem, mortem violentam indicat. Quæ linea si directè ascendat, intersecans mensalem, mulieribus malum portendit. De qua re vide Canonē Si quædam crux pura sit circa lineam mensalem, dignitates spirituales: & fortius, si duæ cruces appareant (prout sæpius experti fuimus) scilicet beneficia ecclesiastica habiturum denotat.

De Restricta. CAP. V.

UT DIXIMUS, spacium omnino illud Restricta est, quod in manus junctura apparet, qua brachio jungitur. Si illud spacium sit purum & vivi & boni coloris, bonam corporis videtur qualitatem significare. Si e contra, malam. Et notandum, ut plurimum duas apparere in hujusmodi junctura lineas, quæ veluti dirimunt à brachio manum. Et si duæ fuerint: tunc ea quæ manui propior est si fuerit æqualis, recta, boni coloris, ac suprâ tendat, divitias huic promitto. Atque etiam si valde inops sit, rerum augmentum, & fortuitam felicitatem. Sed tunc magis, cum fuerint rami recti & non incisi. Quod si linea quædam oriatur à radice brachii, & extendatur usque ad radicem medii digiti, optimam fortunam, & prosperos successus promittit. In hac junctura si quatuor lineæ fuerint, transversim scindentes brachium, sintq; lineæ æquales, & bene conjunctæ: ecce tibi honoris dignitatem, & propinquorum hæreditates successionemque promittunt. Et si in radice brachii, prope montem pollicis, juxta lineam vitæ (si ea tantum se demiserit) reperiantur tres lineæ aut stellas, vel etiam plures: cui hæc insunt, eum aliquando delatum iri à mulieribus prævideo, ac forte aliquam subitum obid infamiam. Tum si linea quædam à media Restricta, ex radice brachii, montem Lunæ versus eat, multas hominis fortunæ adversitates, & occultas interim inimicitias ostendit. Quæ item linea sic orta, si torta sit, ac inæqualis, perpetuæ juxta servitutis judicium est, nec eum hominem ostendit unquam aut ad honores, aut divitias emergurum. Si autem nonnullæ lineæ dispergantur à restricta, & ascendant ad montem pollicis, ac in infima ejus parte jaceant: qui hoc signum habent, periculum est, ne aliquando à propinquis suis, & iis quos charos habuit affligatur, vulneretur, spoliatur, aut etiam in vincula conjiciatur. Interim si quædam lineæ oriantur à brachio, & scindant restrictam, ac in superiori parte conjungantur, is homo

in patria proculdubio exilio morietur. Quæ tamen lineæ, si non continenter jungantur, sed separatim distent: procul à patria apud externas nationes vitam finiet. Eadem lineæ si ad percussionem manus tendant, longas navigationes & itinera maritima, ac vitam omnimodo vagam, & quæ in diversis navigationibus & peregrinationibus teratur, præfagiunt. Et ubi quædam linea directæ per restrictam usque ad montem indicis tendit: hominem peregrè abiturum, ac difficulter in patriam rediturum ostendit. Item si quæpiam linea ad restrictam orta in volam manus incidat juxta lineam vitæ, ac rubicunda fuerit, corporis imbecillitatem, atque ægritudines arguit. Si verò palleat ea coitio, non jam instare ista, aut eventura, sed præterisse, ac completa, ut jam timenda non sint. Si autem quidam triangulus moveatur à restricta, tendens ad montem Lunæ, siquidem mulieris sexus manui insit, certum est, in prima statim adolescentia, atque adeò in flore ætatis corruptam eam ac improbam factam. Tum si cui mulieri hoc insit, ut prope restrictam habeat parvulam crucem, honestam hanc, probam, prudentem, ac omnis pudicitia sibi consciam judico. Ecce optimæ qualitatis in corpore hominis indicia. Spacium illud in restricta manu versus, atque alterum juxta brachii juncturam, boni utrunque, ac vivi coloris, tum quatuor hæ incisiones quid non boni portendunt? Rursum tres stellulæ, quàm odibiles, periculum ex accusationibus, ac infamiam quoque minantes. Vide autem lineam à restricta in manus percussionem progressam, malæ fortunæ, ac alicujus infelicitatis argumentum. Tum illa per restrictam ad Iovis usque tuber dilapsa, perægrè agendam vitam. Et altera rectè ascendens, divitias ac propitiam fortunam significat. Quæ verò in Iovis tubere signa vides, honores, opes, ac dignitatis accessus & ipsa ostendunt. In hunc modum quatuor lineæ repertæ infra depicta manu, ipsum pene cingentes brachium, longæ ætati documentum fiunt. Tum lineæ quædam à brachii radice euntes, quæ acutum faciunt angulū
juxta



juxta quem parvula crux conspicitur, summam vitæ tranquillitatem pollicentur. Item læta ejus vitæ tempora, & paulatim ad honores ascensum. Crux tamen illa si abfuerit, tantum in multorum hæreditates successionem video promitti. Quòd si crux, aut stellula quæpiam adsint: nihil huic homini ad vitæ necessaria deerit. Si duas lineas in restricta invenerimus esse latiores, & unam inferiorem, subtilem, divitias usque ad ætatis medium prospicio, & honores: per reliquam deinde ætatem, de die in diem successu omnia minora. Si verò duæ lineæ parvæ ab eisdem oriantur quasi mutuò se sustentantes, & quædam aliæ lineæ directæ per palmam usque ad lineam naturalem ascendant: indicium erit summæ

integritatis, cumque hominem ostendunt optimæ conscientiæ, & qui iis moribus ad divitias quoque & prosperam fortunæ successus perventurus sit. deinde eidem optatum quoque finem pollicentur. Diminutius tamen hæc evenient, si ascendens illa linea tortuosa fuerit,



Si duæ lineæ per palmam manus à restricta originem sumentes, ad montem Solis, qui etiam annularis dicitur, usque ascenderint, & si idem Mons duabus lineis ex transverso scissus sit, magnarum rerum gestorem & regiis negotiis officiisque exequendis præficiendum, Atque inde honores pariter ac divitias accipiat video,

Si



Si in restricta manus visa fuerit quædam linea grossa, deinde alia subtilior, & rursus tertia grossior & profundior, prima ætate divitiis abundantem. Vbi ad medium vitæ pervenerit, infeliciorem & inopem magis. Tertia verò ætate, omnibus quæ paulo ante amiserat recuperatis, vitam in honorum ac divitiarum augmento tranquillam, ad extremum usque finem portendunt. Si duæ lineæ tortuosæ ad Iovis montem ascenderint, & supra primam juncturam ejusdem, duæ aliæ lineæ ex transverso apparuerint, vagam peregrinam vitam, ac magna itinera, sed unde honores ac rei familiaris incrementa eveniant significandum dico. Si autem ad Mercurij digitum usque transferint hæ lineæ, qui sc. scissam manum habet, homo erit multis aptus rebus, verum nullas hic, au-

permodicas colliget opes. Si verò ad digitum Saturni per-
venerint, nihil pejus inveniri poterit. Nam avaritia, rerum
immodicarum cupiditas, invidia alienæ felicitatis animum
ad pessima semper rapiet.



De Triangulo. CAP. VI.

TRIANGVLVS in manu, sunt tres lineæ, scilicet vitæ, mediæ naturalis, & hepatis & stomachi, quæ ita dispositæ sunt, ut trianguli speciem præbeant. Porro spacium iis lineis inclusum, tres in partes dividitur, qui sunt tres illi anguli. Quorum primus constituitur, ut diximus, à linea vitæ, & media naturali, & dicitur angulus supremus. Is autem qui fit à linea vitæ, & base trianguli, angulus sinister appellatur.

*Angulus
supre-
mus.
Sinister.*

Triangulus autem æqualium angulorum, habens lineas pulchras & bono colore nitentes, ac rectas, bonam naturæ ac corporis qualitatem refert, & cum integra valetudine, mentis quoque securitatem, deinde & famæ celebritatem, & vitæ longitudinem ostendit. Qui si contrà fuerit lineis subobscuris, & inæqualibus, & qui non conspicuè referant triangulum, diversum omnino judicandum est. Spacium hujus trianguli si amplum fuerit, & patens, animum arguit liberalem & magnificum, ac audacem. Contrà angustum & breve, avaritiam, tenacitatem, & paviditatem prodit. Idem ille campus si palleat ac in livorem declinet, significat iracundum & deceptorem. Si fuerit hæc manus pars rugis conscissa, malam corporis qualitatem opinor esse.

Amplus.

*Angu-
stus.*

Angulus supremus trifariam clauditur à linea vitæ, & media naturali. Primò in ipsa penè vola è regione ejus vallis qui est inter duo, inter indicis, & medij tubera. Vnde judicamus ærumnosam vitam, calamitatibus, ac captivitati etiam obnoxiam, animum anxietate & sollicitudine plenum, frequentique commercium, idque ob pecuniæ ut plurimum studium. Secundò sub medio indicis tubere, fitque angulus ipse acutus, & bene clausus: prædicit optimam inesse ei homini naturam, ingenium acutum, bonam hominis qualitatem, secundos etiam ac prosperos successus, integritatem morum, atque hæc omnia eò perfectiora, quò magis fuerit angulus clausus acutè ac conspicuè. Tercio non coeuntibus lineis duabus, sed quodam interreli-

*Angulus
supremus
trifarius.*

cto spacio, quo argumento hominem accipimus ambigiosum, sibi placentem, impurum, morosum ac difficilem, obloquutorem, truculentum, præterea mendacem, ac sine laude omnino viventem. Qui si in servitutem, aut captivitatem devenerit aliquando, nunquam inde revocabitur in libertatem. Sed & liber si sit, miserè peribit. Iam spaciū illud triangulo inclusum, si callosius fuerit & durum, iracundiam hominis arguit, ac interim astutiam & dolos. Si rugis exasperum, invidentiam & insidias, ac oblocutiones. Quando autem quædam linea apparuerit inter duas istas, ita propinquè quod tangat utranque, & descenderit ad triangulum, significat hominem veneno aut percussione aliqua moriturum. Quandoque quatuor lineæ seipsas interfecantes ad formam crucis, & in eodem spacio superiori apparentes, invidiam, detractionem, & insidias, ac alios opprimendi studium ostendunt. Quippe duæ lineæ hæ bene conjunctæ, & acutæ, totius hominis bonitatem demonstrant. Si in concavo autem manus præcisè è regione digiti Saturni se conjunxerint, ibi angulum facientes, multam ac variis modis sanguinis effusionem, vulnera capitis, ventris fluxum, diarrhæam, aut si in mulieribus hoc fuerit, incessantes menstruorum fluxus, & etiam in partu periclitationem denotat. Si quædam figura ad modum stellæ in triangulo apparuerit, adulteram, & proculcati pudoris mulierem, ac iracundam ostendit, quæ etiam ad tantam mentis insaniam aliquando propter suam irrefrånabilem iram perveniet, ut seipsam cupiat jugulare. Quod si eodem loco stella apparuerit, quandam à se longam dimittens rimam (ut paulo post in figura videbitur) cui hoc inierit mulieri, quatuor maritos habebit. Vbi tamen à prudenti conjectore animadvertendum, an ea sit ætas quæ hoc ferat. hujusmodi enim in negotio multa ex nobis ipsis sumimus. Si in eodem spacio apparuerit crux sine aliqua incisione, bonum in viro & muliere portendit. Nam quibus hoc adest signum, optimè gesta vita, in fama bona morietur. Angulus ve-

rò dexter, si fuerit multum acutus, providum, sagacem. & parcum virum præfagit. Idem si fuerit obscurus, & grossus, signum est ruditatis, ignaviæ, & somnolentiæ. Angulus sinister si fuerit acutus, loquacem, & cavillosum hominem ostendit, acutum tamen, & industrium. Idque sic esse puto. Si autem angulus supremus nō fuerit acutus, & signum quoddam ad modum characteris Saturni eo loco reperiat, malæ, & planè Saturninæ indicium est naturæ. Vt in scripto triangulo apparebit.

Cujus digiti sic fuerint compositi, ut singulis artu-



bus singula sint intermedia, ac quasi tubera quædam & verrucæ ipsæ omnino tortuosæ ac inæquales appareant: pauperem eum futurum ac ærumnosè victurum dico. Quod si in superiori parte, id est, in tertio articulo utriusque manus, præcipua quædam, ac evidens tortuositas insit, invidentiæ, fraudis, malitiæ, ac mali omnino animi signum video: quem tamē hominem, miserè ac in ærumnis vitam acturum puto.

Triangulus verò in manu inventus, tam in viris quàm mulieribus, boni nonnihil pollicetur. Quo, in triangulo si formam stellæ fuerit inventum signum: si mulier ha-



beat, impudicam, adulteram, & libidinosam ostendit. Quin
etiam in viro malum portendit. Si verò circa angulum dex-
trum, evidenter expressa stella in manu viri fuerit: perfidū,
turbulentum, deceptorem, obloquentem aliis, maledicum,
furem, raptorem, & qui per fas & nefas omnia agat, & ad
deterius semper inclinet, quique in malis eruditus sit, atq;
hîc malè aliquando peribit. Ramusculi in principio
lineæ vitæ, vel mensalis, rei familiaris incre-
mentum, & abundantiam præfagiunt.



Si



Si stella, quam dixi, quandam à se rimam, ceu virgulam demittens in triangulo muliebris manus sit, prædicit, mulierem plures viros habituram. Quoties supremi anguli duæ lineæ interposito spacio distant, mali hominis indicium (ut prius scripsi) concipio. Quatuor lineæ seipsas intersecantes in modum crucis in spacio superioris anguli: invidum, detractorem, & pessimæ famæ virum demonstrât. Tum figura quasi characteris Saturni, malum finem homini pronunciat. Sed mensalis linea sic formata ut vides, infortunatum, & alioqui gulæ studiosum virum arguit. Si figura ad formam furcæ in dicto triangulo, sursum, vel deorsum apparuerit, inconstantem, & libidinosum virum ostendit.



S Pacium illud Quadrangulus appellatur, quod est inter lineam Mensalem, & mediam naturalem. Si ergo istius quadranguli incisuræ vivi ac lucidicoloris sint, æquitatem ac vitæ rectitudinem pollicentur. Si contra, iniquum, ac minimè bonum interpretor. Hoc spacium latum & amplum est in homine liberali, ac magnanimo. In quorum manu crux est hoc loco lucidè ac clarè apparens, bene fortunati erunt augendis censibus ecclesiasticis. Idque amplius, si talis figura duplicata, aut etiam triplicata sit instar cancellorum.

Con-

Conturbant hoc autem, & evertunt, si quæ lineæ aut incisuræ figuram hanc obliquò secuerint, aut ipsa illa crux tortuosa sit: ne tunc enim contraria omnia eventura opinor. Ibidem apparens stella, virum arguit magnanimum, æquum, apertum, verum, ac optimæ conscientiæ. Et qui aliquando fortunæ adversitate ad rerum penuriam dilapsus suapte rursus virtute emerget. Mulierosum tamen video, & aliquando mulierum causa nonnihil sinistri de se rumoris laturum.

Tota aliquando illa quæ appellatur manus mensa deest, Sed mensalis lineæ si cum naturali concurrens triangulum incipit, tunc à multis insidias, ac sanguinem quoque profusum iri, ajunt portendi. Si verò in fine mensæ, circa percussione[m] manus reperiatur manifesta crux, multas peregrinationes, & variam locorum mutationem concipio, sed prosperam inibi fortunam. Quoties multum inter se distant amplissimo interrelieto spacio duæ hæ lineæ quæ mensam constituunt: calorem superfluum, & male temperatos humores inesse ei corpori putare debemus. Contra, quoties illè in manu campus arcuè clausus fuerit, judicium erit hominis avari, & qui nimis circa pecuniæ studium sollicitus sit, crudelis interim ac truculentus.

Hæc ferè de principalibus manus incisuris, & iis partibus, quæ intra ipsam sunt manum, dixisse satis sit. Insequentibus de digitorum tuberibus, ac ipsis etiam digitis & planetarum stationibus, & si quid præterea supererit, dicendum venit.

Hi characteres, lineæ, sive cruces in mensa manus & quadrangulo, quid significant, paulo ante incanone expositum est. Stella in medio mensæ posita, virum omnis æqui ac boni studiosum, & ob id venerabilem indicat, ac dignitate plurima præditum. In communi dictum sit: quibus & natura contremiscunt manus (nam multis casu hoc evenit, aliquibus ex ægritudine) ut iracundos, rixosos, impuros, ac ebrios indicari.

De Montibus digitorum. Et primùm de pollicari, qui Veneris apud vetustiores dicitur.

CAP. VIII.



ET quia satis dictum est de principalibus manuum lineis. Nunc de particularibus digitorum lineis, & eorum montibus scribendum est, eorumque significationes subjiciendæ oculis sunt, adjunctis septem planetarum naturis: quomodo cognoscere liceat inter illos, quid conveniat, vel contra in discrimine quid noceat.

Mons pollicis, tuber illud est, quod vitæ linea ab ortu suo statim ad manum restrictam descendens præterit. Vocaturque mons Veneris. Qui si lenis & planus, nihil rugarum aut sectionum, aut admodum parum habeat, coloreque sit vivo & rubente: bonam primùm corporis qualitatem, deinde mulierum quoque amatorem ostendit, hominemque circa vestitus cujusdam lautitiam occupatum, & qui munditiis studeat.

Quod

Quod si in eo breviuscula alia linea secundum vitæ illam rectè devoluta (cujus ob id soror vocatur) procurrat: signum est hominis Venereis sese oblectantem. Quin etiam perpetuas divitiās promittit eadem illa soror, si longior fuerit, nec abrupta statim, comiteturque vitæ lineam continuè. Iam si non in summo statim tubere incipiat hæc sed in medio forte, aut non longè ab imo: tenuitatem quidem rerum in prima ætate, in sequentibus copiam significat. Nonnunquam plano tubere, quatuor æquo intervallo à montis summo ad restrictam manum lineæ procurrunt: pollicenturque divitiās & honores in prima statim ætate. Quæ item si non summo monte oriantur, sed ab ipsa pollicis junctura eosdem quidem successus, verum serius fortasse eventuros denotant, ac omnino tardè, & in suprema senectute juxta. Si extremum pollicis articulum paulo infra unguem scindant, aut prope ipsam contiguè juncturam sint, ferunt, quod si longissimæ sint hæ lineæ, ac claræ & lucidæ, divitiās & honores statim id præfagire. Alioquin tanto id minutius, quanto obscuriores fuerint. Proinde & Imperium iis successibus portendi ajunt, si aliæ diversim obambulantes, illas interruperint quatuor lineas. Plerumque subtilis quædam incisio à supremo pollicis monte, lineam vitæ versus it, significatque ferro interiturum hominem. Alias quædam lucidè juxta indicem ortæ secant lineam vitæ, multarum peregrinationum, & longarum per diversas mundi regiones viarum judices sunt. In quibusdam eodem ortæ loco incisiones ad vitæ aut cordis lineam, superius ubi illa oritur, procedunt: in manibus hominum jactatorum & ambitiosorum, quique luxu & libidine adfluunt. In aliis signis quædam linea & rubicunda eodem in loco, montem pollicis peragrans, cognatorum incestum & concubitum ostendit.

Quamquam non ita fidem habendam arti huic judico, ut sola inspecta manu, hæc compertum iri credam. Sed ubi dico, cum propinquis coiturum eam, sic accipiendum moneo, adeò ardere hominem libidine, adeoque perditum


tum esse, ut ne à cognatis quidem abstinere eum sperari debeat. Neque enim fieri potest, ut hujusmodi planè intelligantur, sed conjectura assequi licet. Ad quod multum facit, ipsam hominis faciem intueri, totumque eum contemplari: ut videatur quomodo inter se omnia conveniant, & quòd ejus adminiculo occultam hominis naturam & futuræ vitæ sortem prodât, id quod semel hoc dictum loco, in futurum ubique observari debet.

Qui suaves sunt moribus, & vitæ jocundæ, vivuntque lætè, & hilariter conversantur, ac faceti sunt, & jocos miscunt, musicis gaudentes: stellulas habent hoc in monte, est enim Veneris planè regio hæc, cujus hoc est studium, & frequenter sic morati montem eum habent complurimis discussum parvulis, sed clavis sectionibus. Quales si quidem intuita fuerit celsitudo tua, pater ac princeps clementissime ac omnium colendissime, inspiciat faciem ejus hominis, videbitque ut plurimum colore candidum, alioqui compagine corporis decentissima, oculis nigris & præfulgidis ac omninò venustis, læto intuitu, ore honesto, & per omnia venerem, ob idque lascivientem impensè, & luxui deditum, ac libidine accensum, a læ studentem, & in jocos assiduum, ducentem choreas, oblectantem se floribus, rosis & odoribus, ac jucunda omnia appetentem, ornatusque omnes circa vestitum præsertim amantem: quem auri, argenti, & gemmarum desiderium tentat, qui frequenter rideat, qui convicia sectatur: comotiones & ludos studiosè frequentet: salacem, ebrium, venustum, & procacem, qui mulieribus conversari soleat, & circa venerea affici cupidissime, qui addiscendis eis artibus, quæ huic naturæ conveniunt, docilis admodum sit, id reliqua perdiscenda ingenio tardo, & hebeti intellectu. Qui facilè credat, facilè decipiatur, liberalem, æquum & lenem ac misericordem, naturæq; minimè malæ, pium enim & justum, quique in amicitia integra sit, & fidus. Quem musicæ studium teneat, ardua & seria non perinde sollicitum habeant. Qui delectatur pictis tabulis, & pingat ipse, & statuarum pulchritudine & artificio capia-

Veneris
TERRA
TUTA.

tur, & sciat ipse quoque fingere. Quique in iis quæ hujusmodi sunt, fortuna utitur secunda, in contrariis non feliciter admodum experiatur. Cujus vita sit splendida, res mediocris, lucri nullus valde ardor, neque avaritiæ studium. Amabilem, & cujus desiderio teneantur multi. Qui alios exhilaret, delitiis affluat, voluptatem colat, luxui delitiis ac lætitiæ deditus sit. Quem nulla facile res permoveat, nullum adeò arduum negotium perturbatum aut sollicitum reddat, minimè cogitabundum, sed præsentibus contentum, & anxietatem omnem prostergantem. Infumma, qui sic vivat, sic moriatur. Neque in iis magis, quam in omnibus aliis considerata hominis natura, non ex manus inspectione tantum, sed à totius habitudinis contemplatione venit. Quare idipsum quod de uno hîc exposuimus, de omnibus alibi esse exempli vice poterit.

Præterea in pollicis monte qui fissuras habent nimium multas, nullo ordine, nec ita pari intervallo, sed sparsim inter se diversas, eos haud dubiè libidinosos & impuros, sed interim amarulentos, etiam jurgiosos, & qui cum mulieribus lites facile conferant ac morosi & difficiles habeantur. Cumque libidine in tantum æstuent, ut satiari etiam facile non possint, exquirantque ibi genera insueti usu & monstro simillima, conversationis tamen sunt minimè jucundæ, & vitæ insuavis. Tenet eos ferè nullum sapientiæ studium, nec in doctrinis proficiunt, sed ad alia capaciiores sunt, sciteq; exercent ea quæ matutino opere fiunt. Et quæ ad luxum sunt omnia ingeniosè excogitant. Cujus rei adsigno rationem, quod qui tales sunt, & sic aptam manum habent, eorum ferè genitura Venerem in sexta aut octava domo ostendit. Vides igitur ut complexæ invicem sibi sunt, atque genuinæ scientiæ Astrologia & Chyromantia, & neutra sine altera addisci ritè potest, sed quæ suo loco dicemus uberius.



Si quando annuli in morem juxta primam ejus juncturam
fecet pollicem rimula quædam, ita ut totam circumdet ac
includat, video multos obstinatè arbitrari, omninò eum
hominem & necessariò suspendio interiturum. Atque ipse
in uno quodam id evenisse expertus sum. Sed cum multos
qui ad suspendium ducebantur, inspectis eorum manibus
carere hac nota viderim, pro incerto relinquam.

Qui tribus quibusdam, aut quatuor in latum sectioni-
bus conscissum sub prima junctura pollicem habent, eos
dico juvenes statim divitiis & honoribus amplificatos iri.
Si verò supra eam, in proVectiori ætate accessura hæc: tan-
demque in senectâ, si propè secundam juncturam sint hæ
sectiones. Si qua mulier autem sic insignitum superius
pollicem (ut est qui secundo hîc loco pingitur) habeat: eâ
ut fraudulentam & minimè bonam fugiendam moneo. Ec-
ce autem libidinosam tibi, & perditè moratam, adulteram,
& prostituentem se ultro, ac mirè intemperantē, nec in coi-
tu satiabilem quæ, hoc signo, quod hîc adscriptum vides,
medium Veneris montem impressum habuerit ☉ ferunt.

*Experi-
mentum*

Cujus nuptæ, primam in pollice juncturam tres sectiones parum impari intervallo secant, ei à proprio marito vulnerationis, aut necis etiam imminere periculum, Eamque, cui subtus secundam ibidem juncturam parvulæ quædam & multæ cruces sint: insigniter piam, & religionibus deditam denotari. Rursumque duas tantum hujusmodi notas quæ habeat: ut litigiosam & infidam, locacemque. Invenire est & petulantem esse, & prôcacem, quæ eodem in loco ramusculos habeat complures.

De monte Indicis & digito eo, ac Iovialibus.

CAP. IX.



PLANETARUM omnium beneficentissimu est Iupiter, isque locum habet in manu ipsius quod sub Indice digito tuber est. Quare si ad planum id & levigatum conspexeris, honesta temeritate, ac bonitatem naturæ significari tibi arbitrare. Idque magis etiam si à digito ipso parvulæ quædam & sub

obscuræ eadem rimulæ incedant : maximeque , si hæc non ita magno inter se spacio destiterint. tunc enim honores & dignitates à principibus portendunt. Ausique sunt quidam certius definire hoc , dicentes , tot illum gradus honorum , aut ecclesiasticarum dignitatum percursurum , quot hujusmodi hoc in loco sectiones habuerit.

Quorum in manu est recta quædam & clara sectio , in ipsa manu ad indicis radicem orta , & à media prope naturali ad tuberis ejus angulum transversum se movens , nos animi magnitudine , & rerum maximarum cura suspiciendos habe , famamque petentes , & gloria insigniri conantes & audacia dimicandos. Verum hoc postremum tidem denotata mensali ad indicis montem proficiscens parvula quædam linea. Atque has jam distas sectiones , si transversæ quædam rimulæ interseindant , capitis vulnera portendi ferunt.

Sæpe indicem à medio dirimit sectio quædam crassius elucescens , ac rubicunda , & intestinorum vitia arguit , eorumque imbecillitatem in viris. nam mulieres hanc habentes , in partu periclitaturas præfagi , tuncque magis , quando ea valde rubescit. Ajunt violenta morte interituum , cujus in manu à mensalis fine orta sectio , ipsum Iovis tuber recta petat. Cruces item in Iovis monte apparentes , honorum accessiones , & dignitatum incrementa præfagiunt tot gradibus , quot ea fuerint signa : comperitumque sæpè est , sacerdotia adsecutos hujusmodi , & ecclesiasticas dignitates abundè.

Sic insigniti , Ioviales in primis vocantur , & in talibus fortunæ successibus felicissimè ut plurimam agunt. Quos alioqui videre licet corpus habere modicè compactum , sed forma admodum grata , nec invenustum , coloris candidi , capillo spisso , oculisque decenter compositis , mundos , & lætitiæ deditos. Ipsorum verò natura hæc est , animi magnitudo , & elatio , magnorum appetens ; liberalior aliquando supra quam facultates sinant , cupiunt regnare , aut imperare aliis , in summis occupantur , infimorum impatientes , ac mediocritatis contemptores , honesti , no-

biles, gloriæ cupidi, & famæ captatores, læti interim & jucunditati ac delectationi dediti. Sæpenumero inflati & turgidi, magis apti negotiis, ac ad regium planè fastigium anhelantes, fidei opinione clari, amicitiarum studiosi, simplices, & à fraudibus abhorrentes, paci studentes, per omnia probi, ut plurimum sapientiæ etiam dediti, semper verò civili prudentia insigniter præditi, & cōsilio pollētes, nec eloquentiæ expertes. Eorum incessus neq; citus est nimium, neq; tardus. Constantiā animi quoq; ibi promittunt. Nulli hominū feliciores sunt, nulli votorū facilius compotes. Contingitq; iis præcipuè, ut magnorum virorum patrociniō tuti sint, & Principū testimonio commendentur. Amant uxores, amant prole, ac suos piè diligūt. Videre est in successibus quoque, & posteritate fortunatos eos. Præterea cibi appetentes suos facit Iupiter, & ob id plerunque laborantes ex stomachi crudelitate, aut circa hepar adfectos. Nam & valetudinem iis crapula turbat. Alioqui diurniori vitæ aptiores sint. Rarò videās Iovialem quempiam, qui non claram vocem habeat, & dentes superius priores duos eminentes, citò paupertatem & pubertatem egredientes. Hæc in summa de iis quorum in genitura Iupiter absque alterius mali commixtione dominus est.

Cæterum si qua mulier in extremo Indicis articulo circa manum, complures quasdam lineas transversim & in latum euntes habeat: ei ex demortuis propinquis, aut adfinibus hæreditates amplas ajunt accessuras. Quod si in medio articulo easdem præferat, ut invidiam & mendacē, ac fraudulentam arguunt. Item eisdem signis, montem Iovis si concessum habeat: iracundiæ, amarulentis morositatibus, & jurgii suspicione infamant eam. Hoc ipsi mihi compertum est prolis numerositatem patiendi, si qua in medio articulo habeat tres dilucidas sectiones secundum digiti longitudinem descendentes, quarum media brevis, & una parte obtusior sit, perq; eas transversim & in latum sectionem aliam clariorem, duasque obscuras, quæ mediam illam breviusculam non attingant. Habent improbæ & impudicæ mulieres stellulas cum hemicyclo in Iovis monte.

Tres



Tres variæ se curvantes lineæ , penè æquo intervallo in latum extrema parte infra ultimam juncturam , indicem per latum secantes , mulieris impuritatem arguunt. Contrà , si cujus medium articulum scindant in longum sectiones, quarum in medio stella aliquando sit, castitatis & pudoris argumento censenda venit. Promittimus amplam hæreditatem, & divitias abundè successuras , planeq; locupletandas fore , sive ex hæreditatum successione contingat hoc, sive ex sacerdotiorum , & censuum ecclesiasticorū proventu sit , eum qui in tubere Ioviali crucem, aut stellulam habeat claram , & vivi coloris , quamq; nullæ interfecent



aut confundant alia sectiones aut rugæ. Vidi imbecilles quosdam, meticulosos, pusillanimes, sed invidos interim & avaros, lineam quandam à medij tubere ad restrictam euntem habere. Alii ferunt, qui hanc lineam conscissima ea parte manus habeat: si aliquando capi, & in custodia vel carcere poni contingat, aut moriturum ibi, aut supplicio affici, vel difficulter fore ut liberetur.

De

De Monte mediꝝ qui Saturni eſt, & digito eo, ac de Saturniꝝ hominibꝱ. CAP. X.



DIXIMVS in præcedentibus, medium manus digi-
tum Saturno dari hac in arte, ejusque ob id nomi-
ne cenſeri: quare & tuber quod ſub eo eſt, mons
Saturni vocatur. Quod ſi planum penitus, lene & ſine ru-
gis, ſine ſectionibus fuerit: ſimplicitatem oſtendit homi-
nis, ipſum laborioſum, ſedulum, fraudis expertem. Si ve-
rò à linea menſali veniens rima Saturni hunc montem ſec-
cet, hominem denotat mirificè anxium, & qui quotidia-
nis commordeatur curis, quem ſollicitudines inquietum
agant, qui aſſiduè meditetur aliquid, ſeque conſtitiat in-
tra: & quamquam hæc agat, nunquam tamen, aut perra-
rò locupletetur.

Inibi complures hujusmodi ſectiones, vitam ſignificant
cum inopia anxiam, & in magna rerum penuria laborio-
ſam, atque carceres: & in iis tormenta dicunt portendere
hæc. Vbi à radice annularis ad Saturnium tuber quædam

D s

ſc

se recurvat sectio : hominis iudicium concipio pigri , torpentis, ignavi, ac desidiosi: præterea stolidi, insipientis, temerarii, & stupidi, qui nihil unquam scitè agat aliquid, nonnunquam imprudenter audeat, rudi intellectu, mente stolidi.

Ajunt, quæ mulier plures habeat inter Solis & Saturni digitos sectiones in longum descendentes, item inter Solis & Mercurij, cum ibi quoque habeat quasdam, generationi aptam esse, & masculos concipere facillimum. Quo de promittere nihil ausim. Imo verò neminem latere volo, ex Chyromantia nunquam potuisse de prole investigantem certum aliquid comperire me. Adeò semper fefellit ibi ars ea, unde ad alia recursus mihi est. Hoc scitè exploratū habeo, si quæ à principibus manus lineis, parvæ sectiones ad Saturni montem se derivent, malæ hominem eum qualitatis, nec vitæ admodum esse probæ. Ferunt & in prima digiti hujus junctura, muliebri manu, si crux, aut stellula conspiciatur, sterilitatis hanc argumentum esse.

Qui montem hunc plurimis variè rimis inscissum habet, aliorum haud perinde digitorum rimosis tuberibus, eum Saturnium planè iudicato. Quo loco referre arbitror, ejus planetæ habitudines ut explanem, quibus eos, quorum genituræ præest, instruit. Pallent ij plurimum & invenusta facie sunt, ac defixis in terram oculis tardiusculè incedunt, macilentis, & interdum recurvo etiam tergo. Moribus verò sunt magna ex parte improbis. Nam malitiosus facit Saturnus, subdolos, & fraudulentos. Gaudent esse soli, ac sibi vivunt: nec ferè aliis operam dant, aut amicis vacant. Circa cibum non admodum sibi indulgent. Potatores verò sunt strenui, quamquam sæpe edunt, & nonnunquam voraces sint etiam. Agitantur miseris continuo curarum inquietudinibus, neque unquam à solitudine liberi sunt, & anxie affliguntur amarissimis intra cogitationibus, semper tristitia, semper meticulosa agitantés animo. Vita est eis apud paludes & stagna. Sordide vivunt per omnia, loquuntur & tardè & pauca, Nonnunquam propter assiduam contemplationem auscul-



tare alios non possunt. Frigent natura , imbecilli sunt corpore , valetudinarij , hircum olentes , & alopitij. Vox est obscura , & raucum quiddam submurmurant , ac impedita sunt lingua. Invident aliis facilè. Suntque ut nulli præterea affectionum omnium tenacissimi. Itaq; & quos odio persequi decreverunt , odère infensissimè , & irremissibiliter; neque infirmius, quos volūt, amāt. Cogitationes sunt velle ædificare, velle arbores plātare, agros colere, & quiddam diuturnè mansurum incipere. Non admodum amant mulieres, itaq; & proli rarò dant operam, plerunq; steriles moriendo. Sensibus obtusis, & intellectu hebeti. Qui cùm tales sint , libertatis sunt tamen mirabiliter tenaces , eamque contumacissimè tuentur ; nec ferunt dominos , & servire

servire in extremis judicant malis, regnorum ut nulli hominum impatientissimi. Gaudent nigro, itaq; sic vestiunt, & omnia colore eo infecta circum se volunt. Suspiciuntur facile, facileque metuunt. Atque hi somniorum etiam curam habent: ut humilia alias omnia cogitant. Sed de Saturniis haftenus.

Præterea signum in prima medij junctura impressum si quidem mulieris fuerit, bonum: sin viri, contrarium portendit. Mulier quoque, in cujus ea junctura fuerint quinque vel sex lineæ seorsum in digiti longum demissæ: significant filium parituram, qui aliquando sacerdos futurus sit. Interfecturum dicunt, qui stellam habet in eadem Saturnij junctura.

De monte & digito annulari, & significatione solarium. CAP. II.



EST autem annularis mons, qui inter digitum & mensalem lineam quadam intercapedine prominet, à vulgò doctis, solaris appellatus. Ab illius igitur radice ad mensalem usque si protendantur lineæ minuscule, idem perinde faciunt quòd apud Astrologos Mercurius: hominem acri, felicique ingenio, variis deditum disciplinis: præterea arrogantem, & cum quodam supercilio eloquentem, ad hoc capacem dignitatum tam prophanarum, quàm spiritualium. Fit interdum, quo geminatum in modum parallelorum distent æquè: id vide ne quid imponat tibi. Nihil ferè distat à prioribus, nisi quod magniloquentiam adimit, præbet verò sobrietatem & honestatem. Secus si aliundè in illas ducantur aliæ, vel altrinsecus secuerint se: ubi prorsus ab opposito divinatur. Nisi fortasse vel non pertigerint, vel non inciderint has: id apprimè faustum ominosumque habetur, quòd inimicos omnes vincet, prosterneatque sub se. Iam si neque contigerint digitum, neque æqualiter locentur à mensali, verùm propenderint ad eum qui juxta est digitum, juxta alterationem linearum, etiam status & vitæ mutationem notat. Item si plusculæ rubicundæ tenuës per eundem montem ducantur, jucundum, hilarem, prudentem. Quæ tamen si tortuosæ fuerint, ac perinde rubicundæ, dolores indicant, quibus jam actu affligitur quis. Pallidæ identidem cruciatus, verùm præteritos jam. Intersecantes se in modum crucis, quòd vocant Andreæ, protractæ verò à mensali per montem Solis ad primam juncturam, providum, res suas prudenter moderantem. Pulchrè verò digitos hujuscemodi solares venamur, estque id certissimum indicium, si variegatus lineis fuerit ornatus.

Est & aliud signum, videlicet lineæ duæ tortuosæ parallelæ protensæ à restricta, quòd ubi in manu perspexeris, felicissima pronunciat, præcipuè in dignitatibus acquirendis, & quicquid ad optimas virtutes spectat, scientiam, prudentiam, liberalitatem. Ejus typum quendam subjecimus in hunc modum.

Item



Item si invicem concurrerint minutæ lineæ suprà juncturam primam, sitque fœmina quæ has habeat, idem indicat prorsus. Hoc adjecto, quod ea ab maritis locupletabitur, habebiturque in honore. Præter hæc etiam devotam, nisi quòd monasticam vitam non feret. Ita si in secunda junctura fuerint, semper in honore futuram, verùm inter eos, qui de eodem sunt stemmate. Vbique enim tam in maribus quàm in fœminis divitias notant, pessimum verò, si ad solarem usque pro cesserint.

*De Monte & digito Mercuriali, & de natura
Mercurii. CAP. XII.*



MONS Auricularis, vel rectius Mercurii, inter digitum minimum est, & lineam Mensalem. Hunc permagni refert planus sit, & nervis minimè perplexus: an obductus lineis, vel coloratior. Repurgatus enim à verrucis, à squaloribus, à nervis decenter coloratus constanti animo virum indicat, in Virgine verò integritatem. Vbi linea à mensa exoritur, gracilis, picturataque descenderit, ad radicem montis diametro procedens, liberalitatem. Eadem per plures similiter inter mensam & auricularem sumentes exordia, tot nuptias præse ferunt quot illuc trahuntur lineæ. Tamen si longitudinem & contractionem, exilitatem, & colorem animadverti hic velint Chyromantici. Pallidæ prædictas nuptias significant, verum peractus jam. Oblongæ atque primo tinctæ colore, contrahendus in futurum. Evenit verò haud rarò, ut ex eisdem crassiores sint aliquæ hoc etiam rubi-

rubicundæ: judicabis inde mendaciloquum, subversorem furem, raptorem deniq; omnium flagitiorum genere contaminatum. Atque huc usque de parallelis & rectis lineis.

Iam si recurva vel circularis aliqua demissa sit ex eodem digito, declivis ad medium, præclaram indolem denotat, de quo multa sit spes, ut ad omnem tandem fortunam futurus sit idoneus.

De mulieribus hoc habet. Si cui parvulas atque easdem retortas habere contigerit è superiori parte auricularis, ut plurimum conditionem indicat, quæ fermè totæ foeminarum cohorti familiaris est, nempe insolentiam, garrulitatem, inconstantiam.

Physiognomia omnium Mercurialium hæc fermè est. Color medius inter album & nigrum, frons elevata, rotunda facies, oculi perpulchri, in felium morè, non omnino nigri, barbitium nigrum, sed rarum corpusculum, gracile, statura decens, labia tenuia, nasus præacutus, vox gracilis, & eadem prompta, motus velox.

*Mercurialium
natura.*

Et si ex monte etiam id prædicere velis, monticulus plurimis lineis rectis est variegatus; secundum conversationem etiam docilis ingenii, audax, scortator, fidelis; proclivis ad mendacia sui ingenii, sectarum amator: osor superstitionis, templis & oraculis non multum tribuens, ad nullam artem ferè non idoneus, præcipuè verò ad Mathematicam, & Geometriam. In summa, omnium horarum homo, Doctor, Poeta, Mathematicus, præditus scientia linguarum, scrutator arcanorum, Philosophus cordatus, modestus alioqui, verbosus etiam, sed neminem lædens: ex mechanicis artibus eis studens quæ politiores sunt & mundiores, ut puta picturis, & hujusmodi. In agritudinibus paulò plus tamen infortunatus, & infestatione phantasmatum quam cæteri homines.

De perspectione verò juncturarum, id etiam summo pere auscultandum est. Sunt certa quædam cauteria, cujus primi quidem figura si est hæc in prima junctura, hominem judica studiosum, in primis Rhetoricæ, arrogantem & superciliosum, ingenii procacis. Alterum in secunda

da junctura, quod tamen si figura abludat à primo, ipsa tamen re ut primum, concionatorem præsignaem ostendit. Rursum si obversum sit, variis obnoxium passionibus, horribilibus somniis, & quicquid malorum phantasmatum est. Sic in tertia junctura si crucem videris, signum certum paupertatis, inedia, tenuitatis. Idque admodum satis de Mercurio. Hæc in figura latius. Quæ si etiam tam locuples non sit, ut omnia signa complectatur, certè tamen potiora curavimus adscribere. Quis enim tam multifarias lineas, tam vanorum ingeniorum indicia, in tam exili spaciolo comprehenderit? In canonibus tamen nihil omisimus, quod ad rem nobis facere videbatur.



De Base triangulari, & iis quibus predominatur
Luna. CAP. XIII.



In primis explicandum est, quam vocent triangularem basim Chyromantici. Ea est quæ protrito vocabulo dicitur linea hepatis & stomachi, protenditur à cauda lineæ vitæ, contingens verò lineam mediā naturālē quæ sinul junctæ, efficiunt triangulum, modò nihil obstiterit nativitati adversum. Quanquā sciam, hanc à quibusdā minimè cōminisci, quòd sui nō semper similis est, sed non video, cur ideo omitti debeat, cum palam compertum sit, nihil minus posse hanc quam omnes alias, maximè si ex æquo angulum perfecerit cum media naturali & lineā vitæ. Nam indicat sanitatem, incolumitatem, florētem non solum corpore sed etiam animo. Quod si contigerint se, vel obscurata sit, aut circum se habeat puncturam, nihilo secius de stomacho & hepate prognosticat, nempe indigestionem, morpheam, torturam, spasnum, phlegma, constrictionem alvi, dolorem stomachi & costarum, præcipuè si pallida extiterit. Porro bene obducta curæ & rubea,

ea, rubor tamen ille sit ad lineam vitæ propensior, quam ad lineam naturalem, dolorem capitis. Et è diverso, pncipimoniam, tussim ethicam, squallorem oris, si ad naturalem rubor ille diverterit.



Id quoq; scitu dignum est, quod si in loco Lunæ figuram illam videris circularem, tamen si videatur fortasse ridiculum tibi, tamen amissionem significat unius oculi: & binæ si sint notulæ o o amborum oculorum. Id non tã certum esse, quam omnium certissimum à doctis viris conperimus, quin & nostropse didicimus malo. Simile est & illud, si eodem in loco Lunæ stellula compareat: quæ nefarium & sceleratissimū significat. Physiognomiã si scire voles, facie quidē albus est modico perfusus rubore, conjuncta supercilia sunt, facies & maxillæ inflatæ, oculi in-

*Lunati-
corum
natura.*


quales, subnigri, fortasse etiam signati notula aliqua in facie. Nullius frugi, ut plurimum languidus, instabilis, piger, insipiens, inops, atque id in prima ætate. In secunda ditior paulò evadet. In tertia rursus miser, delirus, infortunatus, natus ad peragrandum perpetuò terras. Quoad ægritudines, addictus epilepsiæ, paralyfi, guttæ caducæ, torturæ vultus. Nisi Luna in radice nativitatis Solem, vel Iovem habeat sibi benè propitium.

De loco Martis, & natura Martialistarum.

CAP. XIV.



OPERÆ precium est, antequam de Marte sermonem faciamus, scire cur hunc in vola voluerint constitui in ipso triangulo juxta lineam naturalem. Verùm id alibi dicemus: jam lineæ nobis discutienda sunt. In triangulo, si sit alius triangulus consummatus, secundum omnes proprietates Martialium pronosticandū est, & quo major ac major est, eo amplificandus & vitiis catalogus: præsertim si latus atq; bene collocatus lineis physiognomia illi accedat: quæ mihi quidem videtur



non esse posthabenda in hoc negotio , quamque ob id introducimus hîc , ut Chyromantiæ Physiognomia suffragetur: alioqui fieri non potest, ut tam exactè quispiam omnia perspiciat.

Est autem secundum faciem rubei coloris, qui Martis cognomine gaudet, velut ab Sole combustus , pauci capillitii & eodem crispo , minutis oculis , corpore aliquantum incurvo, & acri severoq; aspectu. Secundum animam audax , avarus, fraudulentus, peculator, raptor, infidelis, insignis nugator, inverecondus, levis, inconstans, iracundus, sediciosus, suspiciosus, impatiens, homicida, jactabundus, derisor, perjurus , falsarius rerum omnium, quæ adulterari possunt.

Conclusio operis Chyromantici.

His brevibus, lector optime, finem esse volumus Chyromantiae nostrae, ne quando pluribus ambagibus simus molesti tibi, ubi si rem ipsam acu (quod ajunt) tetigimus, id est quod conabamur. Sin aliter, id vel maxime donandum mihi puto, quod ausus fuerim. In magnis siquidem vel voluisse sat est. In summa, sic tractavimus omnia, quo & posterius etiam colligere spicas permittatur. Neque ego ita absolutam volui esse hanc artem, ut nihil superaddi possit, vel debeat. Imo rem mihi faciet gratissimam, qui sic nostra emendaverit, ut adferat probatiora, tantum abest ut feramus ægrè. Vale felix qui hæc legeris. Ex ecclesia nostra Steynheim, Kalend. Novembris Anno salutis 1522.

*Prognostica Chyromantie quantum ad locum
Planetarum septem.*

PRæter characteres & lineas quæ passim in manibus sunt interdum & notæ peregrinæ comparent: quæ nescio quid magni præ se ferunt. Hæ nam quid velint sibi, curæ nobis fuit adscribere laconismo nostro quo solemus. Naturas signorum jam alibi diximus, & quis planetarum cujusque dominus sit: nunc periculum faciamus, quid in planetis suspecta signa, non ea dico quæ in coelestibus sunt, sed quæ digitis sunt notulæ planetarum, valeant.

De loco Martis.

Locus Martis in triangulo est. Si igitur illic conspexeris signa hujusmodi ducta in hunc modum, hic Martialis est, & præfocabitur laqueo. Reliqua tria juxta mensam manus, audaciam, pertinaciam, severitatem, præterea & patrimonii dissipationem, oppressorem affinium & cognatorum suorum significant.



VENVS pollicem occupat una' cum musculo, qui propter contiguitatem appellatur mons Veneris. Si itaque in prima junctura extare videris signum tale, hic pleraque in rebus omnibus prosperabitur. In secunda junctura, pauperem. Iuxta unguem, leprosam habiturum sobolem. Alioqui semper in loco Veneris venereum indicat, & incestuosum, adulterum, percussorem uxoris, in primis si in monticulo conspiciantur hæc signa.

De digito Iovis.

H A B E T & suas notulas Iupiter, qui Iadicem possidet, eas subscripsimus. In prima junctura adulterium significant. In superioribus opes præcipuè in senectâ. Cætera ut multum nihil præsagiunt mali.



SATURNVS in cæteris extremus, hîc mediûm digi-
tum obtinet, privatas suas notulas habet: eas sic an-
notavimus. Ostenduntque Saturnicum hominem,
cujus naturam partim ex præcedentibus nosti, partim di-
cemus in sequentibus.

De digito Solis.

IN annulari, qui propriè Solis dicitur, in eum modum picta linea, longævam vitam & prosperitatem significat. Quicquid aliud apparet, à malo est.

DE



MINI M V M Mercurio deputarunt, & cum hoc Mercurialibus certas lineas, quibus cognosci Mercurialis potest: has breviter accipe. Notant enim quædam beneficia vel officia. Alia tristitiam, melancholiam & angustias.

De loco Lune.

LVN Æ locus à percussione manus est, vel altero musculo. Exinde si à restricta ascendant superscriptæ lineæ quas vides, ignaviam indicant. Alioqui in loco Iovis bardum & stultum, maximè si foemina sit, quæ natura ipsa non multum sapiunt.



CONCLUSIO.

Habes breviter Lector optime, signa planetarum, quibus extra Astrologiam etiam, cui quisque planetæ subiectus sit, discere potes. Opellam hanc nostram boni consule, atque pertenta rem ipsam opere aggredi: ne omnino frustra hîc sudasse videamur, Iudicio tantum opus. Labor enim nullus est, ut vel una saltem, & altera lectione rem omnem adsequare-

FINIS LIBRI I.

DE

DE PHYSIOGNOMIA

LIB. II.

De iudicio Frontis. CAP. I.



*Frons
perfricta.*

ON sum nescius, quàm nihil fidendum in fronte sit, quæ ad quamlibet statim passionem mutatur. Illud tamen observatum video, plerosq; non melius dignosci quam fronte: adeoque sic obtinuisse apud vulgum, ut quosdam perfrictæ frontis, dicamus in eos, qui pudorem omnem abjecerunt: quòd nulli magis quam in fronte, & in oculis pudor ipse conspiciatur. Quod si damus: neque frustra potest esse, quod pro verbiis celebratur, & prophetiis palam fit: non esse præposterum, vel inconveniens, si præ cæteris membris ab ipsa fronte exordiemur. Est autem alia ratio latæ, alia rotundæ. Quod, quo fiat perspicacius, brevibus rem omnem aperiemus.



*Frons
elevata.
Rotunda.*

Quæ in gyrum elevata est, à quibusdam probatur: maxime si capiti bene respondeat. Sin autem temporum prominentias occupet rotunditas illa, sitque subinde depilis, indicat præstantiam ingenii, cupiditatem honoris, arrogans

rogantiam, & quæ magnanimos omnes consequuntur. Glabra & complanata cuticula, nisi intra supernam superficiem nasi, prophanum, fallacem, iracundumque significat. Caperata, & rugis contracta, in medio tamen declivior, una cum duabus optimis virtutibus, videlicet magnanimitate, & ingenio, pessimum vitium habet crudelitatem. Prægrandis, rotunda, depilis, audacem, & mendacem. Oblonga, cum oblonga facie mento tenui, crudelitatem & tyrannidem. Confusa & tumida nimia vultus pinguedine: instabilem, phlegmaticum, crassum, hebetem. Hæc summatim & sub compendio, quantum ad Astrologiam, satis est.

*Glabra.**Caperata.**Prægrandis.**Oblonga.**Confusa.*

De iudicio Superciliorum. CAP. II.

ET supercilia ipsa in proverbium abierunt, ut qui cristas erigit, volueritque super alios efferre se, superciliosus dicatur, quod non multum abluat à vero. Indicat enim revera, si complicata & dura, vel rubea fuerint supercilia hominem inverecondum, impudentem, invidum. Alba verò, foemini virum, citò credulum, stolidum. Quamquam pessima omnium sint concreta, & quæ contingunt se: notantque maleficum, plagiarium, maleficis artibus deditum. Id quod palam ipse vidi in vetulis sagis, quæ jam ad incendium ductæ, hujuscemodi præferebant supercilia. Quibusdam titillant, videnturque modicum subagitare se: quod similiter audacitatis & animositatis indicium est. Hirsutiora, simplicem: molliuscula planâ atque invicem respondentia ex æquo sibi nigrantibus pilis, contentam complexionem, & probum.

*Supercilia rubea.**Alba.**Concreta.**Experimentum.**Hirsuta.**Mollia.**& plana.*

De iudicio Oculorum. CAP. III.

SIMILI modo & probitatem oculi, & improbitatem arguunt, vel Servatoris nostri testimonio sic in Evangelio loquentis. En quia oculus tuus nequam est, quia ego bonus sum? & rursus si oculus tuus fuerit simplex, totum corpus lucidum erit.

Oculi bene decori.

Est

Est autem conjectura talis. Sic ubi videris quempiam benedecentibus oculis præditum, atque iis vigilantibus, apertis, lucidis, clavis, mediocribus, neque rotundis ad-



*Propen-
duli.*

*Profundi.
Compres-
si.*

*Distil-
lantes
rubei.*

modum: ex ipsa proportione animus metiendus integer & sanus. Quibus verò in morem vitellorum propendent extra foramina (ut in paucis hoc conspici licet) ita insigniter delirantem portendunt, crassum, & hebetem: ad hoc etiam luxuriosum, pigrum, mendacem, simplicem. Similiter si vel nimis ampli sint, aut prodigiosæ aperturæ. Ediverso profundi, invidum, maliciosum, structorem malorum, iracundum, suspiciosum. Sic quibus compressi sunt, & velut ad scopum intendentibus, crudeles, tyrannos. Vbi verò deflaccescunt, volvunturque ultrò citroque (qui mos est eorum qui jam frontem & pudorem omnem abjecerunt) impudicos, arrogantes, instabiles, mendaces, pessimè autem omnium, si citrinati fuerint atque fucati.

Quibusdam distillant atque rubescunt, quod non naturam indicat, sed humiditatem cerebri, & phlegmatis abundantiam. De iis satis.

De iudicio Nasi. CAP. IV.



DE naso Rhinocerotis proverbium in eos qui alios rident. Habent enim hoc, qui naso sunt adunco, ut & ipsi facile alios rideant. Quanquam aliqui apud Persas decori hoc sit magno, atque eodem adunco præditum esse. Sicut illum suum Xerxen habuisse memorant historiæ Xenophontis & Plutarchi, & usque in hanc etiam diem, neminem subrogant ad id fastigium nisi adprime fuerit nasutus. Ferunt & hunc fuisse audacem, derisorem, & magnanimum. Vnde augurantur, derisores & audaces esse, qui huiusmodi habent, impostores, proditores, rapaces, avaros. Hoc de iis, qui recurvos habent nasos, ut accipitres & aquilæ. Qui verò cum curvitate supernè prominentiam habent, remissa nonnihil curvitudine, de iis aliud iudicium est. Hi ut plurimum liberales & magnanimi sunt, eloquentes & superbi. Nisi ubi illius pex fuerit exacuatus vel acuminatus, qui quo magis exaugetur, hoc amplius reddit iracundum, severum, tergiveratorem.

Est autem hæc maximà varietas, ut fermè non sit alia distinctio facierum quam per nasum, potissimum tamen iudicium in longitudine, densitate, & curvitate. De incurvis

Oblongi. curvis jam diximus. Oblongi, si admodum in lateribus prominentes fuerint, sinceritatem præferunt animi, sed corpore atque castitate parum potentem continere, adprobè mentulatum, appetentem coitus. Crassities & *Nares amplæ.* amplitudo narium, hebetudinem adjicit, stoliditatem, amentiam, derisionem, dolum atque immoderatum appetitum ad coitum. In medio latus, atque nonnihil compressus, in summitate verò elevatus: mendacem, protervum, crudelem, loquacem, petulantem. Longus & *Longè rotundus.* undecunque rotundus, rapacem, & cælitus fato quodam proclivem ad malum.

Et est in colore discrimen. Vbi si lividus sit, vel rubeus, aut sanè rubeis fibris intertextus, vel punctulis: egregium inde potorem elice, ebrium, siticulosum, calido hepate, deditum luxuriæ, ex ægritudinibus verò morpheæ.

Corruptionis indicia. Illud obiter adnotamus, de corruptis juvenibus, & juvenculis si quis scire cupiat. Nam illud præcipuè ex naso cognoscitur. Cartilago quæ in apice nasi est, si secare se permiserit, atque perinde tactu findi digitulo potest: indicium est corruptum, vel corruptam esse. Sunt & alia pleraque, quæ quoniam ad præsens negotium minimè promovent, lubens prætereo.

De Oris Physiognomia, & quid ex illius aspectu dividendum sit. CAP. V.

Os patulum.



RIS physiognomiam & labiorum uno sermone explicabimus. Os aut magnum est & patulum, aut angustum. Patens, quo præcipuè videmus insignitos Francofabrones, audacem,

obstreperum, impudicum, mendacem, impostorem, luxuriosum significat, neque me unquam hîc fefellit iudicium. E contra angustum, retentorem arcanorum, modestum, sobriû, pudicum, timidum & largum. Ferulentiâ anhelitus vel dentium, medicorû scholæ dimittimus, quæ ab illis & copiosius & eruditius explicantur. Illud experientia compertum est: tenuibus labiis loquaces esse, & eloquen-

Angustum.

Labia tenuia.



quentes, garrulos, sagaces, prudentes & ingenuos. Prægrandibus autem labris, & quibus dependet labium inferius, ad eò ut emineant dentes, bardos, stupidos, indociles, impuros, luxuriosos, inconstantes, & malos.

Prægrandia.

De Physiognomia Linguae & Dentium.

CAP. VI.

LINGUA pusillum quidem membrum, sed magna jactans, incurabile malum, plena veneno morifero, & eò pestilentior, quòd neque ex physiognomia, neque aliunde peruestigari satis potest. Utunque animadvertatur in eam, raro sui similis est, nisi quantum ad balbutiem attinet & eloquentiam. Balbutiem efficiunt grossæ, immoderatæ, prælongæ. E regione tenues, acuminatæ, limatæ viperarum more, eloquentiam, astutiam & calliditatem præ se ferunt. Tamen si hîc aliud fingant Astrologi, non linguæ vitio tribuentes balbutiem, sed Mercurio everso, & eo retrogrado. Sed hæc alias.

*Lingua
grossa.
Tenuis.*

Dentium eadem ratio est. Hi si spissi sint & canini ex ipso robore vitam longam præsagiunt. Neque video, quid hîc multis sit opus: cernere enim est decrepitos jam, qui nihil unquam molestiæ perpeffi in dentibus sunt. E converso maridi, minuti, brevitatem vitæ, caloris abundantiam, noxium humorem: cujusmodi sunt fermè cholicorum. Alioqui quoad animum nihil videntur mutare, quod

*Dentes
spissi.*

Maridi.



*Dislo-
cati.*

quidem observatum sit. Vbi dislocati fuerint, aut extra seriem stantes, videntur nebulonem indicare, loquutuleium, insolentem, pomposum, & instabilem.

Dē Mento. CAP. VII.

*Natura
vitiati.*

DE Mento video convenire Philosophos: ut sicut nasus recurvus, sive aduncus, vel præacutus semper iram, audaciam, & tyrannidem notat: ita & mentum significare ajunt acutum. Illud verò non possum non exponere in lucem, qui membris aliquibus mutilati sunt, quò ab illorù commercio temperemus, ab iis inquam qui membris aliquot orbatì sunt per naturam, non arte vel maleficio. Et quanquam fortasse curiosum vel superstitiosum id esse videatur, proditum tamen est ab sapientissimis viris, è quibus hæc decerpimus, à Galeno, Hippocrate, & ab his etiam quibus malè propitia fortuna est: verbi gratia, quibus mutilati sunt oculi, nares, os, pedes, manus, & altero claudicant pede: vel de quibus constat, quod Saturnici sunt. Superstitiosum inquam videbitur quod dico: sed tamen quod verum est dico, & audacter dico. Dissentiunt sibi invicem Saturnici & Ioviales, Martiales & Venerei. videas id in hominum conventibus, & conciliabulis. Videtur autem nescio quid aliud



aliud intervenire, cum revera nihil sit aliud, quam planetarum repugnantia. & aspectuum infelicitas. Frigidus est Saturnus & siccus, Iupiter calidus & humidus. At qui jam potest fieri, caliditas & frigiditas ut sibi non repugnent? Rursum Saturnus pigros efficit, & tenaces, & tardos, solitarios malos, intractabiles. Iupiter humanos, flebiles, dociles, benignos. Quod igitur in planetarum qualitatibus est, id pro rerum & ingeniorum inclinatione atque influentia, efficit in illis planetarum qualitas. Quis horum ingenia componet? aut quis hic extricabit se? At qui id jam ex Astrologia didicit, novit quid cuique donandum sit, ut quisque tractandus est, poteritque ex suis affectibus remittere interdum aliquid, ut Venus quæ ipsa natura cum Marte non stat, sua tamen mollicie alterius temperat sævitiam. De signatis illud nullibi non celebratissimum est, quod Aristoteli tribuunt, cavendum esse ab his quos natura signavit, Saturnicorum meminit & eleganter doctissimus Marsilius Ficinus libro 3. de vita coelitus comparanda, ejus verba sic habent: Saturnini evadunt immundi quidem, ignari, invidi, tristes, dæmonibus immundis expositi: quorum commercium procul effugito. Nam Saturni quidem venenum alibi sopitum latet, ceu sulphur à flamma remotum: in viventibus verò corporibus sæpè flagrat, atque ut sulphur accensum, non cumbu-

*Aristoteles.
Marsilius
Ficinus.*

rit solùm , sed etiam vapore noxio omnia circumimplet, atque inficit appropinquantes, &c. Ita etiam Ioviales præfente tali aliquo signo infelices evadunt. Hactenus Marfilius. Apollonium Thianeum fama est, in Epheso deprehendisse Saturnium senem , qui sola præfentia sua totam urbem infecerit pestilentia. Hæc cùm copiosè ab eodem viro sapientissimo tractata sint , cætera sollicito lectori relinquimus, nobis sat est indicasse autorem.

*Apollonium
Thianeum.*

De Capillis, & aliis accidentibus.

CAP. VIII.

Capilli.

CAPILLORUM physiognomiam ita rectè describemus , si primum illorum naturam adsignaverimus. Non sunt aliud capilli, quàm vapor calidus & siccus ab aere circumstante indensatus & siccatus. Qua finitione id in primis palam fit, senes & saturnicos depiles esse ideo, ob perpetuum in viribus gelu. Cholericos item hirsutos, comatos, propter ca-

*Depiles
saturnici.*



*Capilli
plani.*

lorem, & adustos humores. Nisi in quibus nimium calor ille abundat. Quod autem crisper sunt quidam & retorti, id potius adscribunt medici, qui præfracti comam quoque sic disponunt: subiinde feramus nunc iudicium, Cæsaries plana,

plana, mollicula, tenuis, mollem, tenuem, timidum, remissum, pacificum indicat. Tenax & grossa: audacem, robustum, fallacem, fortunatum. Sunt quibus frons capillitior est, & tempora hirsuta, iis tribuimus luxuriam, vanitatem, arrogantiam. Crispitudini tamen si accedat durities, semper ignaviam ingenii præ se fert. Quæ verò in angulis temporum in morem cornu effertur crispa, & galeata, vel cristata, præ cæteris hominibus gravi alicui vitio inplexum & deditum: rubeam habentem similiter, sed quod nemini non compertum habetur. Illa optima est, quæ candenti quodam nigrore nigrescit. De his pronuntiandum, quod prudentes sunt & cogitabundi, fideles, probi: pariter & alba, flava, glauca, vel subalbida. Illud ex medicorum decretis obiter etiam adjiciendum censemus, quibus præmaturi subcrescunt cani, in juvenia esse continentes, impudicos, & instabiles. Præterea & illud traditum ab Alexandro Aphrodisæo, quod humor ille qui masculis in comam resolvitur, mulieribus convertitur in menstruum, vel in lac, si conceperint. Et quibus barbitium succrescit, has quoque viragines dicimus, certi quod coitus sunt appetentissimi.

*Tenax
Frons capillitior.*

De Physiognomia faciei. CAP. IX.



F 4

Ex

EX tot hominum faciebus an non mirum videtur tibi, quòd vix duo sibi conveniunt? Quo fit etiam, ut ne hic tradi certa conjectura possit. Quis enim poterit omnium animos scrutari? Si quis tamen curiosior fuerit, habeat id colorem & proportionem. Colorem extrema vel temperamenta ut in picturis præstant, ita in faciebus vel bonitatem arguunt, vel malitiam. Rubeus nullibi non suspectus est, etiam ex proverbio, complexionem indicans calidam. Illaudatus & lividus vel plumbeus præter saturnicam inclinationem & atram bilem, etiam pessimas animi affectiones significans: ut puta invidiam, iram, rancorem, machinationes, insidias. Albus foemineus, mollis, frigidus, frigidum quoque & mollem efficit. Præterquam ubi albedini quædam rubedo sanguinea interposita est, eam cernere est in sanguineis: hic inter omnes non solum laudatissimus est, sed honestis etiam rebus occupatum efficit, & ad omnia idoneum.

Facies

rubea.

Livida.

Alba.



Oblonga.

De ipsa verò proportionem hoc tene. Aut oblonga facies est, prominentibus hinc inde maxillarum ossibus: & homi-

hominem divinabis audacem, superbum, injuriosum, rixosum, fallacem. Aut mediocris, non macilenta admodum, neque præpinguis, aptum significat ad omnia. Carnosa, pigrum, phlegmaticum, tardum, lentum, timidum, venereum, instabilem, præsumptuosum: & quo major accesserit crassities, hoc hebetiorem reddit, & intractabilem. Macilenta verò mediocris, ingeniosum, studiosum, prudentem. Inflationes verò maxillarum, non accedente carne, aliud præfagiunt. Nempe epilepsiam, & regium morbum. Pallida nusquam probatur. Crocea, quæ tamen ex natura crocea non est, aut iſteritiam, aut oppilationem splenis, aut inundationem fellis & cholæræ. Medicorum sententia, nunquam ad sexagesimum annum provehuntur huiusmodi. Cætera quia trivialia sunt, libenter dissimulamus.

Mediocris.

Carnosa.

Macilenta.

Pallida.



De Physiognomia Aurium. CAP. X.

AURES tametsi ad prospectum non veniant quibusdam, tamen patulæ, oblongæ, & asininæ sunt, & ex naturis potius animalis metiuntur quàm aliunde. Auriti in morem asinorum igna-

Auriti.

Succin-
ti.

vos significant, & asininis moribus. Succincti & minusculis auribus ut simiæ instabiles & fallaces.

De Physiognomia Capitis. CAP. XI.

Caput a-
cumina-
tum.
Rotun-
dum.
Exile.

IAM omnia illa si sumas invicem, os, mentum, labia, capillos, frontem, oculos, tempora, caput constituunt: aut prodigiosæ magnitudinis, aut exile. Superne acuminatum, instabilem, bardum, indocilem, hebetem, invidum significat. Rotundum mediocri mole, ingeniosum, sagacem, astutum, bonæ memoriæ. Rursum exile, & gurgulione non admodum oblonga, sensatum, prudentem, doctam. Vel exiguum caput & prælongum collum, infortunatum, debilem, insipientem.

De colore totius capitis & corporis. CAP. XII.

Corpora
delicata.

Alba.
Fusca.
Nigra.
Rugosa.
Gracilia.

ET quod de membris diximus, idem de toto corpore sentiendum putamus. Corpusculum ipsum si tactu expenderis, licebit in promptu dignoscere qualitatem vel complexionem. Delicata & gracilia, bene curata cuticula, & carnes molli, maxime si ruboris nonnihil accedat in genis, sanguinis dominum significat. Alba, carnosæ, mollia: phlegma. Fusca, subrubicunda: cholera. Nigra, subnigra, pallida, vel subpallida: melancholiam, vel adustam cholera. Sic si rugosa, nervosa & callosa cutis sit, identidem cholera. Gracilia, tenuia, alba: phlegma, imbecillitatem, & huiusmodi.

De Brachiis. CAP. XIII.

DE brachiis nullum negotium est, neminem tam esse crassæ Minervæ puto, qui non protinus robustos ac fortes judicet, quibus nervosa vel carnosæ sunt brachia: cum his potissimum consistit robur & vires corporis. Præterquam ubi carnosæ cute, nervi non adeo varii & multiplices sunt: huiusmodi sunt phlegmatici, & sanguinei, proclives ad ignaviam. Portentose proluxa, audaciam, fortitudinem, ignobilitatem, & cum hoc vitam bre-

brevem significant. Curva respectu staturæ, vel molis corporea, ingratos, impudentes, avaros, obrectatores, invidiosos, superbos, haud multum discrepantes ab iis quibus pilosa brachia sunt quos similiter petulantes, venereos, vafros, astutos, instabiles, & verbosos pronunciare oportebit.

*Prolixa.
Curva.*

De pectore & costis. CAP. XIV.

LEONIS non rubor modò, sed & audaciam ex pectore maximè dijudicant qui naturas animalium descripserunt. Ex eadem conjectura, & fortem hominem & audacem dicimus, cui pectus sit prominens, & luxuriosum, procacem, lascivientem in verbis, super-

*Pectus
promi-
nens.*



bum, iracundum, tenacem. Cui verò hirsutum & quadam pilorum silva obductum est, cholicum indicat hominē, cum suis proprietatibus. Recalvum, frigus & phlegma significat. Vnde quibus in gibbum elevatum inæquale erat pectus altera parte, hos deprehendimus fallaces, insidiatores, & ad pessima proclives, martiales, vanos, hypocritas, ita quibus superne usque guttur rubet pectus, comperimus iracundos, contentiosos, præsumptuosos, arrogantes, inconsistentes, rigidos tamen. Illud tamen optimū esse decernū, quod planum, & carnosum, mediocre, & depile est.

*Hirsutū.
Recal-
vum.
Pectus
rubeum.
Planum
carno-
sum &
depile.*

Nam

Nam est indicium hoc discreti, prudentis, & bonorum naturalium. Et ne quid etiam, quod ad medicinam spectat relinquamus intactum, aliud quoque non indignum scitu est, quibus minuta sunt corda, cæteris esse cordatiores, quòd spiritus illi impellentes vitales, in minuto membro præsentiores sibi sunt, quàm in prægrandibus, ubi faciliè disperguntur.

De Physiognomia manus. CAP. XV.

MANUUM Physiognomiam, quoniam abundè descripsimus in libro nostro de Chyromantia, istuc remittimus lectorem.

De ventre, dorso, & iliis. CAP. XVI.

NON multum negotium est, etiam è ventre judicare qualis quisque sit, atque item, è tergo, & iliis. Sunt enim hæc non minima corporis membra. Sed quæ hæc sint audiamus.

*Venter
pilosus.*

Macer.

Adiposus.

Venter pilosus & umbilicotenus hirsutus, cum primis luxuriosum significat, deinde audacem, atque magnanimum, prudentem, intelligentem, studiosum, solertem, alioqui tardè fortunatum. Macer & tenuis, calidam atque cholericam complexionem, nonnunquam etiam melancholicam indicant complexionem. Vt plurimum qui adiposos habent & crassos ventres, ingenio quoque non multum valent. Illud jam crebra experientia comperitum est.

*Tergum
amplum
Gibbosum.*

*Coxæ
crassæ.*

Suræ.

Pedes.

Tergum illud laudatius est, quod amplum & robustum est, indicium etiam fortis & robusti hominis. A gibbosis & recurvis quidam cavendum suadent, quod præ cæteris insigni aliquo scelere præstant, maxime detractioe & invidia.

Coxæ idem indicant ferme, si crassæ sint & carnosæ, quod carnosæ suræ & pedes: nempe audacem, & fortem.

Eadem

Eadem ratio quorum crura nervosa sunt, macra, tenuia, exilia nemo non videt imbecillitatis esse indicia. Impotentia illud vel maximum argumentum existimant, si depiles sint pedes: è diverso incontinentia, audacia, si quàm maximè hirsuti sint. Ita quibus duri sunt, hebetes & obtusos: quibus verò molles, leves, levia atque mollia quoque ingenia.

De mulieribus hoc observatum habent: ut quibus prælongi sunt pedes, hæ ad procreationem liberorum sint aptiores. Ajunt enim generandi appetitum potissimum decerni in pedibus, & in muliere vulvæ signum esse pedem, id quod asserere videtur Albertus in libro quem inscripsit de Arcanis mulierum, videlicet mensuram medii pedis, neque omninò etiam malè. Lego enim apud alios scriptum, qui è medicorum sunt cohorte, nisi calefactis pedibus vix quempiam posse concumbere.

*Mulieris
pedes.*

De tota hominis statura. CAP. XVII.

LICEBIT & ex statura judicare. Sic enim proditum ex historiis legimus de Maximino, qui ob insignem ac bene portentosam longitudinem pro bardo habitus est. Vnde etiam illud dimanavit proverbium. Climacis ægyptia, & caliga Maximini. Quamquam quid de hoc attinet citare aliquid? cùm passim videamus, omnes eos qui tam prodigiosa longitudinis sunt, parum vel nihil omnino sapere, atque id potissimum si macro fuerint & oblongo corpore, extento & ciconiano collo. Hujusmodi animadvertimus quosdam in aula Frederici tertii, & Caroli Imperatorum ad miraculum macilentos & proceros, suspiciendæ amentia & stoliditatis. Neque multum ab iis etiam distant, qui curviter incedunt. Vnde illud irroboravit fortasse veteris proverbii: Rarò vidi procerum sapientem, & parvum humilem. Quæ verò mediocris est, decenter obesa, simulatque qualitatibus aliis

*Maximi-
nus.*

aliis probè instructa, ingeniosum, prudentem, & in rebus omnibus expeditum denotat.

*Epilogus & recapitulatio totius Physiognomicæ
artis.*

Hæc quasi præfati, ut ad summam reducamus omnia, tamen & ipsa quæ diximus sufficientia videri possint. Ad summam igitur si meriantur à vertice usq; ad talos omnia membra, sic pronunciandum est de singulis, de oculis in primis. Hi quibus contigerint humidi, lucidi, hilares, vibrantes, huiusmodi etiam mores indicant, nempe hilares. Sed hæc perspicacius videri possunt, si velut in tabula è regione subiciamus, quid quodlibet membrum significet id enim intendebamus. Porro situm ipsum locavimus talem.

Oculi humidi, lucidi, hilares, probos mores, vitam conspicuam. Obstipi, defixi, subrussi, prægrandes, voracitatem. Parvi, defixi, avaritiam. Glaucci, insidiatorem. Defixi, dolosum. Mobiles, seditiosum, suspiciosum, infidum, ostentatorem. Ampli, segnes. Trementes, ignavos. Micantes, violentos. Parvi, impudentes. Subtremuli, iniquos. Varii & parvi, dolosos, adulatores. Ad nasum vergentes, venereos. Ampli, stillantes, mobili aspectu, furentes. Aridiores, versutos. Tremuli, impudentes. Nigri, & clari, justum, solerem, libidinosum, scitum. Ambitus eorum viridis, dolosum, iniquum, furem. Humidi, mentis magnitudinem, integrum eloquium, rectum consilium. Magni vibrantes, dementes, levès, gulosos. Sinuosi, cavi, & aridi, perfidos, proditores. Excelsi, ampli, lucidi, puri, humidi, solertes, studiosos, amatores. Fluidi, lacrymosi non ex ægritudine, stultos. Caligantes & aridi, perfidos. Vibrantes, ampli, humidi, lucidi, intelligentes, sublimes, violentos, magnanimos, iactabundos. Nigri & resplendentes, timidos, pessimos. Circumturgentes, crudos, gulosos, inamabiles. Pusilli & cavi, cupidos, insidiatores. Hilares, justos. Proclives ad risum, humanos, pios. Humidi, boni consilii. Tristes & humiles, vel humidi, studiosos, Cum ciliis receden-

cedentibus, amabiles. Conniventes, insidiatores, fures. Lippi, libidinosos. Protensis superciliis, effœminatos. Lufitantes ciliis, adulteros.

Frons angusta, stolidum. Longa docilem. Sublata, turgida, rotunda, versutum, vergi versum, Rugosa, curis oneratum. Rotunda, invidum & dolosum. Ampla, largum, liberaliorem.

SUPERCILIA pilosa, balbutiẽm. Protensa ad tempora, immundiciẽm.

FACIES plana, litigiosum. Carens tumore, injuriosum, immundum. Macilentior, sapientem. Carnosa, docilem. Tristis, stultum, prudentiam.

AURES patulæ, insensatum. Vastæ, imprudentem. Parvæ, stultum. Quadrangulæ, eruditum.

NASUS acutus, iracundum. Crassus & humilis, malis moribus. Vergens ad os, honestum, fortem, docilem. Magnus, bonum. Paryus deceptorem. Simus, libidinosum.

NARES solidæ, fortitudinem. Rotundæ, timorem, Diductæ, alacrem. Angustæ & rotundæ stultum.

OS latum bellicosum, audacem. Vastum prominente labio superiore, voracem, impium, loquacem, temerarium, ineptum, crudum.

LABRA exilia, tenuia, subtilia, eloquentem. Subtilia in ore minuto, effœminatum. Carnosa, stultum. Quibus canini dentes labra extollunt, contumeliosos, parum fidos.

GURGULIO asper, nugacem, inanem.

CERVIX longa, exilis, timidum, malis moribus. Crassa, longa, furiosum, timidum, pertinacem. Mediocris, docilem, robustum, virtuosum. Crassa, rudes, barbaros, difficiles, Aspera, contumeliosum. Curta, temerarium. Incurva, incuriosum, avarum. Flexa in dextrum, temperatum. In sinistrum flexa, ganeonem, stultum.

PECTUS ingens, laudatum. Amplum, magnanimitatem, audaciam, probitatem. Paryum, timidum. Corpus lentum, inhumanum, crudelem.

MAN-

MAMMÆ pendentes à pectore, violentum.

VENTER magnus, indiscretum, stolidum, superbum, luxuriosum. Strictus amplo pectore, intelligentem, consiliarium.

TERGUM latum, generosum. Mediocritas tergi & pectoris laudabilem. Incurvum, parcum, avarum.

BRACHIA prælonga, audaciam, probitatem, robur. Succincta, seminarium discordiæ, libidinem.

MANUS curtæ admodum, crassum, rudem. Pingues cum digitis, furaces. Parvæ, versutos.

PEDES carnosî, fatuitatem. Parvi, leves, duriciem.

TIBIÆ subtiles, ignorantiam. Grossæ, audaciam, fortitudinem. Latæ, fortitudinem. Nervosæ, robur. Curtæ & pingues, immanitatem. Gibbosæ & cavæ infernè, malos homines ostendunt. Molles, turgidæ, moratos.

SURÆ crassæ & curtæ, asperum calcaneum, pingua crura, futuram insaniam ostendunt.

HÆC sunt in physiognomiam artem introductiones breviusculæ, quibus adjutus quilibet, ingenia hominum dijudicare potest. Neque me fugit, eandem fermè fabulam egisse Aristotelem, medicos, Vallam, atque alios quamplures. Non minuit hoc nostrum conatum vel honorem. Id præstitimus quod potuimus, vel illorum etiam adjuti opera. Quòd si dentibus suis roserit nos caninis quispiam: sciat non commentarios scripssisse nos, sed compendium: atque ita finis esto.

PERIA

PERIAXIOMATA DE FACIEBVVS SIGNORVM, QVID

in una quaque domo efficiat in

natis Sol. Liber or-

dine III.

P R Æ F A T I O.

CVM in disciplinas Astrologicas inducere atque imbuere decreverimus studiosos, sintque multa quæ circa hæc observari oporteat: post domorum situm, & judicia horoscoporum, id jam reliquum est, de faciebus cognoscere signorum, quid singulis in gradibus efficiant. Nam aliam ac aliam Sol, atque cæteri planetæ in gradibus & faciebus habent operationem. divisa enim aliud in prima, aliud in secunda, aliud in tertia agunt facie. Quod ut intelligas, quodlibet signum in triginta gradus partitur. Triginta hi gradus sic in tres partes lecentur. Prima series usque ad decem, primam faciem tenet. Deinde à decem usque ad viginti, quicquid intervenit secunda dicitur. Residuum usque ad triginta tertia: atque in hunc modum supputandum est cum reliquis signis. Hi gradus, quo magis ac magis augescunt, tanto in vigore, præcipuè in ultimis faciebus decrescunt, fiuntque remissiores in fine quàm vel initio vel medio extiterunt. Hæc atque alia breviter adnotavimus ex Abraham Hali, Alcabitio, Firmico, &c. Quod si iterum Zoilus quispiam obganniat nobis, cur hæc ad nostra trahamus. Huic respondemus, viros illos doctissimos, non omnia edocenter scripsisse, quæ consummatum possint efficere Astrologum; verum magis sui admonendi quàm aliorum docendi gratia. Atque his ita prælibati, ad Arietem progredimur,

Signa in gradibus

G

Sol

Sol in Ariete. V

SOL igitur in Ariete, quod primum signum est inter reliqua signa duodecim, in primis decem gradibus editos in lucem, facit communiter subruffos, simios, ventre exili & angusto, macilentos, atque signatos in sinistro pede vel cubito micos habentes plurimos, odientes malum, prosequentes quod optimum est.

In secunda facie, id est, à decimo gradu Arietis, usque ad vigesimum, facit nigrum, qui nigor tamen non in vitium reputatur, sed in venustatem & maximam civilitatem. Temperatæ quoque qualitatis, & iracundum, suspiciosum, fraudulentum, cordatum, septum inimicis pluribus, qui hunc venantur ad mortem.

In tertia facie, interdum ruffum, croceo permixtum colore, solitarium, meditantem insidias, & fraudes frequenter.

Sol in prima facie Tauri. 8

NATVM in prima facie navum facit, & prægrandibus aliquando oculis, labronem, signatum in cervice, verum, festivum admodum, in delitiis semper occupatum.

In secunda facie lascivum, libidinosum, sed non usque adeo ut prima signi facie, vagabundum tamen atque mutabilem.

In tertia facie frigidiores in complexione: propter Saturnum, qui hanc ultimam faciem possidet. Gignit & aurium, ventris ac crurium dolores.

Sol in prima Geminorum facie. II

SI cui in prima facie Geminorum ceciderit nativitas, faciunt moderatæ staturæ, corpore pulchro, membris omnibus bene compositis: signatum in capite, vel genibus: mansuetum etiam, laboriosum, & ab mulieribus diffortunatum, ac communiter sterilem.

In secunda facie minuunt staturam, addunt nigredinem, signant in cubitu in genitalibus: & quod in aliis diminutum videtur, in eloquentia reparatur.

In tertia deficientibus gradibus, decrescere faciunt & in
natis

natis probitatem & debitam membrorum proportionem: faciunt insensatum, & nugarum disseminatorem.

Sol in Cancro. ☿

NATVM in decem gradibus primis, corpore & pilis decentem facit, strictis superciliis, eruditi ingenii, signatum in brachio dextro, & cruribus: præterea animam influit bonam, & amicorum copiam.

In secunda autem facie ruffo capillitio, brevi statura, imberbem, signatum in oculis.

In tertia facie crassum, hebetem, pilosum superciliis, pruriginosum, facie quasi insufflatum.

Sol in Leone. ♌

SIC in prima facie vitæ donarum, corpusculo venusto facit, rubicundo colore, modico permixto albore, variegatis oculis, corpore recto, pedibus autem morbidis, præcipuè in senio, fama atq; egregiis factis agnitum pluribus, simplicem, dilectum ab regibus & principibus terræ

In secunda facie pectore lato, testiculis & membris gracilibus, cordatum, & honorabilem.

In tertia facie statura brevem, colore roseo permixto etiam albore, obnoxium etiam multis ægritudinibus, scortatorem, & mulierum amatorem.

Sol in Virgine. ♍

FACIT natum decenti statura Sol, possidente virgine primam faciem, corpore procero, facie pulchra, sciolum, acutum, prudentem, crispo capillitio, cinctum, comatum, arguta & sonora voce, multarum artium peritum, sed infœcundum in procreandis liberis.

Sub secunda facie, similiter facie venusta, parvis oculis, pulchro naso, religiosum, doctum, probum, integrum, & laudis cupidissimum.

Sub tertia tamen facie simplicem, pulcrum, docilem, sensatum, prudentem, bonum.

Sol in prima facie Libra. ♎

NATVM facit (cùm sit signum humanæ formæ) pulchra facie, simplicem, laboriosum, modestum, sauciandum aliquando in capite.

In secunda facie similiter facie pulchra, sed oculis lip-
pis interdum, vel petis. nam vitium aliquod illis inerit.

In tertia facie honorabilem, observandum, pulchrum :
in extremo verò nullius, vel certe utriusque sexus, caveat
ne toxicum quippiam accipiat.

Sol in Scorpi ne.

♏

SOL in Scorpione facit difformem, in capite vel scapulis
signatum, vel in sinistro pede vel brachio, amplo pectore,
in proferendis salibus lepidum, sobrium, vel discretum.

In secunda facie, capite magno, multiloquum, signa-
tum in genubus, vel tergo.

In tertia statura pusillum, contortis oculis, comedo-
nem & scortatorem.

Sol in Sagittario.

♐

FACIT decorum aspectu, proceræ staturæ, aulicum, stu-
diosum bonarum rerum.

In secunda facie statura decenti, aspectu pulchro, cro-
ceoque, superciliis conspersis, signatum in pectore.

In tertia facie, procerum, pulchrum, lato & patenti pe-
ctore, signatum in pectore & pede.

Sol in prima facie Capricorni.

♑

FACIT pectore aliquando amplo, tenerem, statura com-
petenti, sed aliquantulum nigra, signatum notula in cubi-
to vel pectore, astutum.

In secunda facie pulchrum, signatum brachio sinistro :
si natiuitas fuerit nocturna, maliciosum, naribus prælon-
gis, ingenio acuto.

In tertia facie corpore venusto, facie citrina, signatum
in brachio, vel genu. Iracundum, amabilem, amatorem
mulierum.

Sol in Aquario.

♒

SOL in prima facie Aquarii facit corpore & facie formo-
sum, signatum, vel in pectore, vel in sinistro pede, beni-
gnum, affabilem, tractabilem apud homines.

Sub secunda facie facit oblongum, rubea facie, signatum
in tergo, vel cubito, tribulationibus variis obnoxium.

Sub

Sub tertia facie statura brevi, vultu roseo, signatum sub cubito, amatorem mulierum. Qui autem in postremo gradu natus fuerit, hunc non solum in proportionem corporis, sed in omnibus etiam actibus cæteris faciet disconvenientem.

Sol in piscibus.

X

SOL in prima facie piscium facit corpore mollem, album pectore amplo, barbitio decenti, pulchra fronte, clara cute, oculis patentibus & pulchris, carnosum atque honestum.

In secunda facie statura brevi, æquali, nigranti barba, parum hirsutum, agilem, lætum.

In tertia facie in membris omnibus decorum, venustum: dat & vocis clangorem.

HOC dignum ita notatu judicavimus: quod certa signa *Signif. cantia signorum.* sunt, siue formæ, quæ ad magnitudinem etiam in artificiali Astrologia tendunt, ut Leo, Virgo, & Sagittarius.

Quædam ad diminutionem, ut Pisces, Cancer, & Capricornus. Et quod est à principio signorum Arietis, Leonis & Tauri, faciunt tendere corpora ad grossitiem & fortitudinem: & fines eorum ad macredinem tendunt & debilitatem. Similiter Gemini, Scorpio, & Sagittarii principia ad macredinem & debilitatem; & fines jam dictorum signorum ad grossitiem & fortitudinem.

Sed & Virgo, Libra & Sagittarius ad æqualitatem ac bonam proportionem; Taurus verò, Scorpius & Pisces (ut Hali inquit) tendere faciunt ad diversam proportionem corporis. Nati etiam in die limpidiores sunt illis qui in nocte nascuntur. nox namq; adjuvat planetas nigredinem & obscuritatem significantes: imò Epileptici erunt, in quorum nativitatibus Luna cum Mercurio est, nec unus ex illis complectitur ascendens in hora nativitatis: & si cum hoc Saturnus fuerit in angulo in diurna, vel Mars in nocturna nativitate. Amentes autem eodem modo sunt, propter Saturnum in angulis in nocturna, & in diurna. Et maximè cum Cancer, Virgo vel Pisces in an-

gulis reperti fuerint. Et cùm Saturnus in domo luminarium, id est, Cancro, vel Leone fuerit, passionem oculorum semper innuit.

Signa significantia pustulas, lepram, maculas rubeas, prurignes, impetigines, sorditatem, balbutiem, calvicem, paucam barbam, sunt Aries, Cancer, Scorpius, Capricornus, & Pisces.

Signa multorum filiorum sunt Cancer, Scorpius, & Pisces.

Signa significantia honestatem mulierum & religionum, & eorum probitatem, sunt Taurus, Leo, & Aquarius.

Signa rationabilia sunt, Gemini, Virgo, Libra, prima pars Sagittarii, & omnes partes Aquarii.

Iracundiæ signa sunt & acuitatis, Aries, Leo, Scorpio.

Signa vociferantia & fortes voces habentia sunt, Gemini, Virgo, & Libra. Voce verò carentia sunt, Cancer, Scorpius, & Pisces.

*Planeta-
rum si-
gnifican-
tia.*

Planetæ quæ dant divitias sunt tres. Scilicet Jupiter, Sol, atque Venus. Sol etiam prudentiam, Mercurius eloquentiam largitur, Venus verò loquelæ ornatum.

Tria sunt signa orientalia. Aries est cor orientis. Leo secunda ejus triplicitas, & sinistra pars orientis, Sagittarius est dextra pars orientis.

Capricornus est cor meridiei, Taurus sinistra, Virgo dextra pars Meridiei.

Libra est cor occidentis, Aquarius sinistra, Gemini verò dextra pars occidentis.

Cancer est cor Septentrionis, Scorpius sinistra, Pisces postremò dextra pars Septentrionis. Ex iis si jam scire volueris, ad quidnam conferat talis signorum respectus & dispositio, id breviter sic accipe. Diximus tria esse signa Orientalia. Tria ad meridiem, ad Aquilonem tria, & tria ad Occidentem. Orientia conferunt nobis, si iis jam orientibus & persistente in iis Sole, ad eam partem locemus, constituamus, dirigamusque, ea quæ facturi sumus, nempe lectus, grabata. Veluti si vitam velimus vivere sanam, leviter indormire, prosperari in liberis, si adfuerit uxor.

Item

tem si succedere cupimus empturi aliquid, vel vendituri contractus: si honoris, aut commodi speramus quippiam, aut si quid est hujusmodi: totum ad eam plagā faciamus, quo signa ad prædicta respicitur. Sicut è converso, si formidamus ne malè succedat aliquid illorum, vitanda sunt signa contraria. In hunc modum judicare licebit de reliquis. Verum etiam id obiter descripsimus quando mentionem fecimus de qualitate & natura domorum.

Sic copiosè, & non minus tamen succinctè habes facierum atque aliorum signorum sive imaginum naturas. Neque video, quomodo aliquis succinctius has tradere possit: & si prolixis ambagibus hîc diu immoremur, non usque adeò magnus fructus est. Vtunque enim ad Astrologiam promovent, non sic tamen magna sunt, ut in iis propra sit constituenda & puppis. Nesciri commodè non possunt, sed sic tamen cum moderamine discenda sunt, ne iis jam scitis, protinus Astrologum esse se quis existimet: ut si etiam persuadent qui ejus sciëntiæ principes sunt. Quam obrem de modestia commonefacio te quicumque es, qui ad eam artem videris esse propensior, ne quid hîc præcipitanter agas, neque actutum relatâ in medium alicujus nativitate judicium proferas. Nam multa sunt quæ fallere possunt. Nempe hominis prudentia, dispensatio Dei, fallax judicium. Verbi causa: fieri potest ut in Ariete natus aliquis vehementer iracundus sit, atque idem liberata secum vitii turpitudine, iram ipsam moderetur & supprimat, ego verò hunc judicarem iracundum, quis non hîc me rideret? Inclinent licet natura & fatum, ita tamen temperanda sententia est, ut nisi prospectis ad amussim omnibus, facilè hanc non præcipites. Si quid aliud agis scito non solum, veri nihil prædicere te, sed etiam ludibrio futurum omnibus hominibus. Hæc passim inculco, quòd sciam quosdam turpissimè hîc lapsos, quod veluti securi jam sedecim pedibus, quod ajunt, figebant à scopo.

*Commensatio autem
rta.*

FINIS LIBRI III.

G 4

CA.

CANONES QUIDAM SUPER ÆGRITVDINIBVS, QVI- bus modis succurrendum ægris sit ex aspectu signorum. Liber ordi- ne quartus.

P R Æ F A T I O.

STVLTVM hoc medicorum vulgus, quod nostro seculo sic videmus insolescere, atque imponere nobis purpura sua, cùm sibi ab autoribus suis præceptum sciant, ut absque astrorum consilio nulli medicetur: & tam longè à medicina est, qui Astrologiæ ignarus est ut non medicus dici debeat, sed impostor. Tamen eo nunc ventum est: ut è centum vix unum aut alterum reperias qui verè sciat dijudicare, quo tempore quælibet medicina adhibenda sit. Quod fortasse mirum non est. Quid enim illis ocium esset, in Astrologia occupare se, quibus ocium non est ut Galenum suum elegant & Hippocratem, sed ex tumultu agunt omnia: ac præscriptis quibusdam receptulis? Vidimus quendam apud Moguntiacos non vulgarem, dixisses tertium Catonem, vel Galenum alterum, si quid ad artem faceret purpura. Hic cùm esset longè crassissimus duobus utebatur receptis: quæ nescio è quibus exfluxerat chartis. inerat illis ellebori 3. 8. vel tantundem scamoneæ, ad laxandam alvum. Hæc alternatim ministrabat, non habita ratione vel complexionis, vel ægritudinis: atque iis nugis tantum ad se corrasit nummorum, ut functus jam vita aureorum relinqueret post se tria millia. Summam artis in eo collocabat, ut solveret alvum. Tantum in re medica valet purpura, & caperata frons. Hos neque monebimus, neque in viam revocabimus homines crassos, & qui contemnunt etiam discere. Cæterum
aliis

aliis, qui futuri medici sunt, iis regulas præscribemus aliquot: ut missis veteribus nugis, discant è supernis consuleræ ægrotis. Compertum est enim quàm sapissimè, quod plures medici cum maximis ac potentissimis pharmacis non potuerunt, id simplici herbula perfecisse Astrologum, observato signorum accessu & recessu. Totum hoc, quicquid est, in Canones partiti sumus.

CANONES.

CANON primus. Quatuor signa sunt quæ interiora respiciunt hominis. medici hæc spiritualia vocant membra. Ea sunt Cancer, Leo, Virgo, Libra. Ex iis autem Cancer hepar, pulmonem, & præcordia respicit, Leo stomachum & ejus orificium. Virgo ima stomachi, ventrem, diaphragma & intestina. Libra lumbos, inferiora ventris, umbilicum.

Canon secundus. Cancer qui respicit pulmonem, ex ægritudinibus facit tussim, ptisim, pleurisim. Leo apostemata, ictēritiam, febres, pestilentiam. Virgo tumorem ventris, hydropisim, līentēriam, colicam. Libra dissenteriam, dolorem ventris: & circa spinam dorsi. Idque si prædicta signa in eas inciderint domos quæ natura malæ sunt. Sunt autem hæ. Sexta, octava & duodecima ab ascendente vel horoscopo.

Canon tertius. Natus in Tauro ut plurimum veneno succumbit, maleficio, vel colica passione. Idque in annis fatalibus, scilicet, sexto, octavo, decimo octavo, vigesimo, trigesimo secūdo, quadagesimo quarto, juxta revolutionem anni duodecimi ab octavo nativitatis supputando. Cæterum quoniam guttur respicit Taurus, hunc etiam ad squinantiam referunt, apostemata omnia, vel ulcera quæ in gutture contingunt: quod ubi bene resciverit medicus, videat ne quid inconsulto, vel indiscretè exhibeat. Est enim hoc canonicum pene, ut peragrante signum aliquod Sole, vel potius Luna, quod signum membrum respicit, quod tunc languet in ea revolutione, me-

dicina ad hoc membrum non adhibeatur: aut sic adhibeatur, non ut sanet, sed ut foveat, ne in hoc pejorem in statum recadat, donec evolatus ex hoc signo fuerit Sol.

Canon quartus. Quibus stranguria molesta frequenter est, vel calculus, hi communiter nati sunt Sole in Arie, vel Geminis, talemque ægritudinem fortuntur.

Canon quintus. Qui Pisces habuerint in exortu natiuitatis, vel in piscibus nati sunt, iis timendæ infirmitates calidæ: ut puta febres calentes, torsiones ventris, venena propter libram dominū ejus in octava domo. Imminuent tales ægritudines, partim ab scortis vel malis mulieribus, vel aliunde, maxime in annis 44. 56. 68. quibus non longè etiā erit ab extremo die. Hæc multa sollicitudine observare oportebit diligentē medicum. Sunt & anni Scalares & climacterici: unde & septimus quisque annus judiciarius etiam est. Tu igitur si vitā producere velis ad senectutem, quoties septimo vel novenno cuilibet propinquas anno, si Marsilio Ficino, vel Firmico credis, consule diligenter Astrologū, unde immineat tibi discrimen ediscito, deinde vel addito medicū, vel prudentiam & temperantiam accersito: sic obitum etiam naturalem differri posse, cū Astrologiæ machinis, tum præsidis medicorum. Neque te pigeat perquirere ab expertis medicis, quæ naturaliter tua sit dieta, & ab Astrologis, quæ stella vitæ faveat, & eam ad Lunam compone. Idem, in principio ægritudinis respicias solem in die, vel Lunam in nocte. Si impediti fuerint maxima cura habenda est super ægroto. Idem timetur in ægritudinibus, cū Luna, & dominus ascendens fuerint in octava, quæ mortis dicitur, impediti. Nam hîc desperandum erit, nisi diligentia experti medici notetur. Hæc & multa alia sollicitudine observare oportebit diligentem & solertem medicum.

Canon sextus. Nato in Capricorno infirmitates parit leo in octava, videlicet torsiones stomachi, pleurism, tussim, & hepatis incensionē, apostemata stomachi. Quod si in Julio accidant hæ infirmitates, id est, quando in Leone versatur Sol & Luna, malum ipsum conduplicat. Porro in curatio-

Anni scalares & climacterici.

curatione hâc evitandi sunt dies Mercurii, propter Geminos in sexta: dies solis, propter Leonem in octava: dies Iovis, propter Sagittarium in duodecima domibus.

Canon septimus. Pneuripimoniam facit Cancer, Sole existente in Sagittario, similiter & ethicâ, & inflationem pulmonis. Et si Saturnus in Sagittario repertus fuerit, pedum inflationes, podagram. Saturnus in Cancro, dolorem mentulæ & genitalium, ac testiculorum.

Canon octavus. Scorpius chyragram, sciaticam, & dolorem capitis aliquando facit. Si Saturnus in eodem, in cavillis cruciatum. Præstabitur igitur dieta talis. Non abluant capita diebus Martis: neque balneis utantur calidis Sole in Ariete existente, ne incidant cephalîa: quod tum capitale periculum imminet, nempe phrenesis, vel manîa. Et quia semper dies, menses, & anni mali observandi sunt, his potissimum à calidis temperent. Ad subventionem hypochondriorum dies auspicati sunt Iovis, Lunæ, & Solis. Infelices Martis, & Mercurii. Respicit autem verenda Scorpius, neque illis ergo medicandum est Sole existente in Scorpione.

Canon nonus. Qui in Virgine habent horoscopum, aut in virgine nati sunt, frequenter naturalem infirmitatem habent crurium, aut pure repletos pedes, aut crura saniam profluentia, seu genas, vomitis obsitas, vel maxillas. Similiter & vehementes capitis dolores, humoribus ex pedibus exhalantibus ad caput: qui tamen mox sedantur, inciso tumore, & hoc plus Saturno in Virgine natiuitatis tempore. Id si diligenter observes, videbis naturalem esse ægritudinem, & plærumq; inevitabilem, & propterea naturali signorum observatione depellenda est. Arcendi igitur huiusmodi à balneis sunt, sive aqueis, sive sudatoriis. Quod si omnino vitari non potest, ipsi tamen dies vitentur Saturni, & Martis, & prædicti Menses & anni mali, fortius tunc, quâ alio tempore sua effluentibus venena. Temperent etiam à fructibus autumnalibus.

Canon decimus. In Leone natis, infausti dies sunt Saturni & Iovis: quod in dieta observandum est. Obsunt omnia
acuta

acuta & piperata illis. Insuper & nullæ propinandæ portiones sunt. Vbi verò ex leone venerit Sol ad Capricornum, vel ad Pisces, rursus vitandi sunt saliti pisces, & diminutio sanguinis.

Canon undecimus. Sole in Ariete existente, ægrotare si cœperit quis, atq; medicus fueris adhibitus (solet hîc in primis gignere capitis dolores, & scotomiã) vide ne balnea adhibeas calentia, vel æstuarialia calida, propter Martem, & multo amplius in Octobre cum Scorpionum posfederit Sol. Neque in dieta carnes adhibebis motunum, arietum, & agnorum. Sed neque caput alui permittes die Martis, & Mercurii, quod Mercurius sit dominus domus sextæ, id est, Virginis, & Mars occultè cum ibi gaudeat & Scorpius in octava: tunc ægritudinem promouent, non solum quia infirmitatis mansio est sexta, sed quia Virgo etiam est signum frigidum, siccum, terreum, & melancholicum. Spes tamen est, quia non decedet ægrotus. Et si Scorpius, ut jam dictum est, occupaverit octavam, id est, mortis: & quia Mars est dominus ejusdem signi, nihil efficit: quia nullus Planeta malus nocet in domo propria: maximè verò ne gladio pereat qui hujusmodi est. Post conualescentiam præcipiendū est ægroto, ne Sole existente in Piscibus, quæ duodecima est ab horoscopo, itineri se committat: neque negotium sibi faciat cum notariis, scribis, sculptoribus, aurifabris. Item ab virginibus & equis temperet. Sunt enim hæc omnia à quibus infirmitas expectatur, propter domum sextam, quæ est infirmitatis, maximè in Augusto, Sole Virginem peragrante.

Canon duodecimus. Summopere etiam observandus est annorum ordo ipsius ægroti. Semper enim septenarius & novenarius annorum numerus exitialis est. & vocantur ab Astrologis, ut præscriptum est, ii anni Hebdomatici, Enneatici, vel Climacterici, quod Latine potest dici Scalares. Horum ratio hæc est, quòd semper iis annis magna sit mutatio corporis. Saturnus enim, cum aliis annis remotus à nobis sit, tunc Lunæ copulatur Planeta-

rum

Anni
hebdo-
matici.

rum infimo. Respiciendus in annorum revolutione igitur huiusmodi planetarum aspectus, utrum discrimen immineat, an maliciam suam exercere possit Saturnus & Mars, qui & novenum respicit annum, an quosdam alios habeant bene propitios sibi. Sic fiet, ut non solum ipsam ægritudinem, sed futuram etiam mortem fatalem Astrologiæ machinamenti depellas.

Canon decimustertius. Semper perquirenda est dieta ægroti. Deinde horoscopus nativitatis. Postremò erigenda figura. Ex figura prospiciendus status Planetarum, ex statu & collatione eorundem in domibus effectus, item infirmitatis causa, & genituræ dominus: atque sic ex oppositis qualitatibus signorum depellenda ægritudo. Id paulo post exemplis demonstrabimus.

Canon decimusquartus. Ex diebus etiam observandus septimus, & crisis, & exinde vita vel mors divinanda. Verum Critici dies qui sint, ex medicorum schola petendum ducimus. Exempli ipsa quoniam magis erudiunt, typum unum subjecimus. Contingat forte fortuna, quod in exordio ægritudinis Luna versetur in Ariete, quod calidum signum est, & siccum futurum est, ut pro signi sui natura succendat ægritudinem Aries. Hinc ægrotum monere potes, ut patiens sit, remissius hunc habiturum in die septima: qua in Cancrum demigrabit Luna. Nisi ægritudo sit furiosa. Porro cancer frigidus est & humidus, & quartus ad aspectus ad Arietem: temperabit igitur infirmitatem gelu suo & humore. Id si diligenter attenderis, notanter deprehendes, atque sic etiam operari potes in reliquis signis, quomodo confortantur ex similibus signis ægritudines, & ex contrariis curantur.

Canon decimusquintus. Ita secundus dierum numerus, id est, dies decimusquartus certum iudicium facit: quod tunc plena est Luna, non tam propter crism, quam Lunæ etiam influentiam, quæ hinc est opposita, quemadmodum Aries & Libra, Taurus & Scorpio.

Canon decimussextus. Habent & sua signa medicinæ ipsæ. Neque enim indifferenter quolibet tempore quæque
mini-

*Medicinarum
admini-
stratio.*

ministranda sunt, sed alia gargarismatum, alia suffumigiorum, alia potionum tempora sunt, & ne prolixior sim, singula in unum canonem comprehendam Luna si fuerit in Ariete, Leone, & Sagittario, corroborare licebit quæ in homine est virtutem attrahendi, recentivam in Virgine & Tauro, digestivam verò in Geminis, Libra, & Capricorno. Gargarismata, vomitiva, suffumigia ministranda sunt Luna existente in Ariete: & fortasse etiam in Tauro gargarismata tantum. Et solutiva in Scorpione per potionem, per electuarium in Cancro, per pillulas (si placet) in Piscibus. In Geminis & Aquario trisera, ac medicina confortativa. In Libra etiam vel Scorpione enemata, siue clisteria.

Canon decimus octavus. In purgationibus etiam Lunæ respectus est habendus & aspectus illius. Eadem enim existente in Cancro, & habente aspectum trinum vel sextilem cum Venere, licebit purgare Cholera. Cum Sole phlegma, & cum Iove Melancholiam, atq; hoc si vel bolos administraveris, vel pillulas. Si autem per potionem volueris purgare, eisdem utere aspectibus in Scorpione. Idem fac in Piscibus per pillulas. Et si duæ planetæ eodem tempore iis aspectibus fuerint cum Luna, poterunt propinari duæ purgationes. Exempli causa. Si Luna cum Venere & Sole per trinum vel sextilem fuerit, simul cholera, etiam phlegma repurgari poterit.

*Cholerici
infirmi-
tates.*

Canon decimus nonus. Quibus Mars in radice nativitatis in Ariete, vel ejus triplicitate est, cholerici sunt: his ut plurimū febres imminet calidæ, ex abundantia cholera, phrenesis, pustulæ sanguineæ, impetigo, antrax, & quæ carnem absorbent ac glutunt, facer ignis. Quæ si vitari prorsus non possunt, sanè adhibenda medico siue chirurgico cura est, ut per regulas, quas dixi de signorum qualitatibus, abigat ægritudinem.

*Mercuri-
vialium.*

Canon vigesimus. Par ratio eorum qui Mercurium habent perperam locatum in domo Martis: id ubi prehenderis in nativitate, elicies inde febres calidas, vomicas, sanguineas, cancrum, morbum regium, ignem sa-
crum,

crum, caliginem oculorum præmaturam, præterea cogitationes, & conturbationes horrendas: nisi Lunæ accesserit temperamentum, vel venereis in dictis signis vel locis, idque in choleris.

Canon vigesimus secundus. Phlegmaticorum alia infirmitates sunt. His accidunt frequenter febres, quas vocant quotidianas, plurimum molestantur frigore. Quod ipsum ex urina perspicitur: quæ si spissa ac cruda frequenter est, iis indicendum exercitium est: utque caveant à carnibus pinguibus & porcinis, seruent se à casco, à lacte, medulla & cerebro animalium.

Phlegmaticorum.

Canon vigesimustertius. Saturnus ex ægritudinibus facit cum Luna epilepsiam, atram bilem, lepram, fistulam, morpheam, podagram, & frequenter passiones cronicas. Quæ ubi acciderint, tractim ac remisè agendum est, nec in huiusmodi reluctari astris debes, nisi talis medicina sit, quæ omnibus viribus nitatur expellere ægritudinem, atque hanc radicitus evellat. Item si quis nascitur in conjunctione Solis & Lunæ, semper illa nativitas censetur mala, nam facit periculosos in senio, spaticos, valetudinarios, caducos, aut mentis insaniam, & tales ægritudines, quæ à medicis difficulter curari possunt.

Melancholicorum.

Canon vigesimus quartus. Licebit ex cursu Solis divinari ægritudinē, si mensem attendamus in quo natus est quis. Verbi causa. Natus est aliquis in Scorpione, imminebit illi ægritudo scapularum, Chiragra, manuum seu digitorū contractio. Si mulier sit, dolor splenis & stomachi. His qui in cancro nati sunt, imperigo, ulcera, pustulæ: maximè etiam si ascendentem habeant cancrum. Fœminis tormina intestinorum, & pericula ex aquis. Habentibus Taurū, infirmitates circa guttur, plæraq; etiam alia corporis tormenta: & hoc præcipuè in annis & mensibus præscriptis malis. Sic Leonē habentibus, stomachi dolores. Et aquariū quos interdum febres divexabūt diuturnæ: id quod etiam in præcedentibus obiter tetigimus.

Canon vigesimus quintus. Illud etiam præcipuum est, non tam ægroto conferens, quam Medico, videlicet: Si

ægro.

ægrotus in septima habet Saturnum, vel Martem : con-
venit hîc prorsus neque medicum adhibere, neque medi-
cinam: & si etiam infelix sit dominus ejus domus. Sic pla-
citum est Galeno, Item si Saturnicus sit, vel Martialis me-
dicus ipse, qualis tandem ægrotus sit : compertū est hu-
jusmodi in perniciem esse natos humani generis. Impo-
ssibile enim est, ut unquam sanent, vel prosperè agant ali-
quid nisi in prophanis & rusticis fortasse hominibus. Ta-
lem novimus virum sanè doctum, & apud Principes cele-
berrimum : quantū ad artem quidem spectabat nihil illi
deerat: verū sacerdotibus, nobilibus, principibus eccle-
siasticis adhibitus, nihil unquam probè egit, semper arte
sua frustrabatur, ac magnam eorum partem peremit.
apud prophanos verò nullum illi negotium erat. Vides
igitur quid in his atque aliis valeant astra. Id ausim polli-
ceri: si quis Martem habeat cum Venere in sexta, hunc
futurum medicum præstantissimum, neque se alio arti-
ficio occupare debet hujusmodi. Possem ejus rei etiam
testes citare tibi viros graves & medicos, quibus quidem
proclive est sanare, & citra omnem operam : quibusdam
tam grave, ut vix omnibus conatibus aliquid possint,
quorum nomina ideo subticemus: ne cuiquam obrecta-
ri videamur. Hæc dicta summatim sint, non quòd hîc
singulatim exponamus omnia. Quis hoc tam brevibus
posset? Sed quòd ansam præbeamus medicis, ut perspecta
utilitate Astrologiæ, hanc incipiant ambabus, quod ajunt
manibus complecti, & non solum è præscriptis hominum
præceptiunculis discant opem languentibus ferre, sed
suo ipsorum ingenio dispensare. Sciunt quæque absque
etiam medicina. Non omnes tales ægroti sunt, qui per-
ferre pharmaca possunt. Plærîque dieta, plærîque obser-
vatione signorum adduci possunt eo ut revalescant. Ri-
deant nos qui velint, maximè *απερὸ τοῦ τοῦ* illi, nos sanè sin-
cero animo hæc scripsimus, exhibituri propediem majo-
ra. Sic placitum erat primo exponere generalia, postmo-
dum ea ex quibus summa rei propendet.

*Nasi me-
dici.*

EPI-

EPITOME, QUID QVISQVE PLANETARUM
in naturis & hominum qualitatibus
agat.

HActenus ex membrorum dispositionibus conati sumus venari hominum ingenia, nunc penitus rem ipsam scrutantes, ad Planetas divertimus, ut si quid fortè in antecedentibus vel prætermisum est, vel frigidè & oscitanter dictum, id liquere possit ex cōsideratione planetarum. Sicubi tam varium est (ut inquit propheta) humanum cor, atque plæraque inscrutabile; quanto magis nervis omnibus conandum, omnis tentanda via est, ut pervium fiat tandem, simul atque scrutari possit. Addit ad conatum aliquid, dum alia atq; alia via tentatur, id quod in manibus est: si enim unum non successerit, alterum sanè vix potest non evenire. Sic quod Physiognomiâ non quivimus; id pro viribus præstabimus in Astrologia naturali, atque id succinctissimè. Neque me clam est, quod & ab aliis hæc tractata dudum, & fusiùs dicta sunt. Sed quod illi prolixis ambagibus, id nos per compendium absolvimus. Aequa autem laus est, primum rei alicujus esse autorem; atque sic tradere inventum, ut ab pluribus succinctè possit, & per compendium intelligi. Et ne verbosior sim, dum vitare volo multiloquium, præcium operæ est, cujusnam naturæ sit quilibet planeta explicare. Sol natura sua calidus. Luna minus calida, sed humectior. Saturnus frigidus & siccus. Iupiter calidus & humidus.

Mars calidus & siccus. Mercurius anceps est. Et ne quid hic immoremur diu. Mars semper calidus quidem, interdum minus, interdum acrius, alioqui tamen semper siccus. Id quod proclive est cernere in circulo augis in signo humido, &c. tunc enim solus humidus est, juxta quod vel plura habuerit testimonia humectationis. In qualitatibus verò activis vigoratur, cum fuerit ascendens in circulo augis, Iupiter & Venus temperatè calefaciunt & hu-

H

mectant.

Natura
Planeta-
rum.

*Iudicium
quomodo
feren-
dum.*

meſtant : Venus tamen cum temperata frigiditate. Sin autem fuerint aſcendentes , roboratur temperamentum caloris utriusque naturalis viciffim: ſi deſcendentes ſint, humiditas eorum vigoratur naturalis. Idem de Sole. De Mercurio ſecus ſentiendum. hic cum neq; ſiccus admodum ſit, neque multum etiam gelidus, aſcendens tamẽ calidior efficitur, & gravitate & ſiccitate ſiccus. E diverſo deſcendens, humidior, paucò permixtus frigore: alioqui tamen plus omnibus aliis mobilior , juxta naturam ſigni, & loci in quo eſt. Iam ſi iudicium ferre volueris, planetam ipſum ſpecta dominum nativitatís. Verbi cauſa. Demus Solem eſſe in Leone tempore nativitatís Petri : ubi nulli refragari licebit, quoniam futurus calidus ſit Petrus : & aliquantisper ſiccus, atque ideò prudentem, ſapientem, honeſtum, ſuperbum facit, gloriam & imperium communiter conſequentem. Et cæterorum planetarum dominus eſt Sol, & in medio locatus tanquam rex eorum. Aliud. Sit Lunaticus quiſpiam. Luna humida eſt, modicum calefacit, erit igitur natus ille huiuscemodi obnoxius, epilepſiæ, morbo caduco. Ita ſi Saturno fuerit ſubjectus aliquis, hic infrigidat : ſi mul atque exſiccant : facit ob hoc contemptibilem , cogitandum, triſtem, dejectum, ſolitarium, timidum, ſuſpicioſum, invidum, & infœcundum. Iupiter, quia temperatè calefacit, & humectat : largitur itaque prudentiam, concordiam, religionem, honeſtatem, benignitatem. Mars ſimul & exſiccans & comburens, ſuccendit choleram, furorẽ, præbet audaciam, robur, ſuperbiam, importunitatem, inſolentiam. Venus quia parum calefaciens, ſed plus æquo humectans, efficit potorem, ocioſum, venereum, manſuetum, luſorem, &c. Solus Mercurius, ut diximus , uti Vertumnus quiſpiam, nunc ſiccus , nunc humidus & frigidus, inſtabilia operatur , atque ideò interdum peſſima. Porro dominum ipſum nativitatís, qualitercunque hunc deprehendere oporteat, in ſequentibus trademus. Hæc ut non commentarios ſcribamus , ſed rudimenta , per compendium dicta ſufficiant.

*

FINIS LIBRI IV.

IN ASTROLOGIAM NATURALEM JOANNIS DE INDAGINE,

*

P R Æ F A T I O.

TEMERARIUS fortasse videri possem, si id conarer ego quod ante me pauci fecerunt in discutienda Astrologia naturali. Video enim omnes aliò deflexisse animum, ad theoriam videlicet, quòd civilior paulo illa sit: paucos qui naturam, ac temporum mutationes sequuti, naturalibus vestigiis inceserunt. Iulius enim Firmicus cùm in hac, atque artificiali arte adeò primus, & post se reliquerit neminem præstantiorem, non tam obiter tractavit, quàm etiam data opera dissimulavit: fortasse quòd non adeò multi negotii sit, naturalem Astrologum evadere, maxima verò laus præstare in artificiali. Cùm revera (pace dixerim doctissimi viri) major naturali laus debeat, quàm artificiali, partim quòd fidelior est, & superstitionis minus? partim quòd non adeò facilè imponere potest nobis. Nam quid attinet curiosa sectari, quando vix ea quæ in prospectu sunt pervestigare possumus, etiam quæ nullis nequè principiis firmantur, neque certum est, vera ne sint, an ficta? Cujusmodi esse videtur artificialis, non usque adeò pervia humano judicio. At naturalis, tametsi à quibusdam temerariè abnegatur, tamen experientia eò provehit: ut non possit non mentis inops esse, qui hanc frustraneam esse dixerit: de qua constat, quòd multò præclariora per eam agnita sunt, quàm per artificialem. Ejus rei testem unum citamus Ioannem Liechtenberg, hominem neque Ptolemæo inferiorem. Hunc enim quis non est vehementer admiratus? cui ille non fuit suspiciendus? ut etiam à quibusdam vates habitus est. At is palam mihi concessit, Astrologiæ naturali

Iulius Firmicus,

Astrologia naturalis præstantior

*Astrologi
officium.*

Act. 7.

Gen. 44.

debere omnia se, artificiali verò nihil unquam tribuisse; adjutus nimirum etiam Physiognomia, & Chyromantia. Non quod inde suggillare Firmicum velim, aut cæteros ejus artis summates, Albumasarem, Aboali, Abraham, Dorotheum, & qui tandem illi sunt: sed quòd artificiali hanc meam longè præfero, quantum præstant ea quæ à natura sunt iis quæ sunt ab artificio. Et quamvis multis suspectum sit hoc nomen, atque præterea etiam damnatum à Romanis pontificibus (qui nihil probare solent quod quæstum illorum diminuere solet) tamē nihil est aliud, quàm naturalis philosophiæ absoluta consummatio. Quid enim aliud videtur tibi agere Astrologus, dum futura prædicit, quam quod quæ secretiora sunt naturæ, ac soli Deo nota, hominibus insinuat, per propheticam Dei voluntatem, & consilium nobis insinuans. Vt Mosen illum, & Abrahamum Astrologos fuisse ferunt Iosephus, Eusebius, Dicearchus, Theodorus, & cæteri autores Græci: quos contra Appionem Grammaticum citat Iosephus. Quamquam quid hos necesse est citare? cùm palam id fateatur scriptura. Sic enim de Mose Stephanus inquit. Et eruditus est Moses omni sapientia Ægyptiorum, & erat potens in factis & in dictis. Præterea Ioseph patriarcha, audi quid de se ipso dicat ad fratres suos. An ignoratis, quod non sit similis mei in augurandi scientia: Quid iis testimoniis clarius? Cesso interim Origenem adferre, autorem Christianissimum, qui cisternas effossas ab Isaac, philosophiam extitisse ait: sic à studioso patriarcha erutam atque profectam. Non ideo tamē illam extruimus, quam leges omnes, omnes res publicæ damnarunt: neque sanctos homines ei vacasse credendum est, sed illam quæ ex certis principiis constat, quam omnes sapientes, omnes cœlestium rerum studiosi approbant & sectentur, altiore, sanctioreque omni Philosophia, nempe Philosophiæ apicem & scopum. Alioqui quorsum spectaret tam curiosè syderum & cœlorum motus perquirere per Philosophiam, si nihil omnino est quod per suum motum efficiunt astra? Quid tamen motiones illæ proderunt, quando pro maximo

firma.

firmamento id ratum habent, nihil agere naturam frustra? Quid quod in crescentiis, in graminibus herbescentibus, in fluxu & refluxu maris, in vernantibus temporibus, in quibus verò ab initio influxu syderum nova creantur omnia? Id negare omnino non possunt. Quod ergo rebus omnibus tribuunt, solis humanis corporibus non tribuent, cum æquè ex elementis sint ut nihil aliorum? Quid hoc est portentum? Dicamus & aliud: ne hanc nostram cum prohibita existimet convenire aliquis. Superstitiosam illam, nemo unquam palam professus est, quod in autoris vergeret ignominiam: istam professi sunt optimi viri, idque maxima cum laude. Prohibitæ nullam dedisse idem Pythagoram, earum artium ferè antesignanum, autor est Diogenes Laertius in illius vita, & idem Plutarchus. Ridetur eadem à Seneca, exploditur à Cicerone, neglecta est ab Aristotele, Platone. Videbatur enim indigna, de qua unquam facerent vel verbum quidem. In summa, ut nullis probatur rationibus, ita nec certis firmatur autoribus. Nostra hæc, à clarissimis viris inventa & illustrata, hos præcipuè habuit autores, Xalmolsidem, Zoroasten (non qui fortè creditur, sed hunc Soromasti filium) Damigeronta, Apollonium, Hostanem, Dardanum, Eudoxum, Alchindum, Rogerium, qui iidem & Magiæ fuerunt autores. Ex nostris autem Liechtenbergium naturæ miraculum altissimis plena mysteriis, profundissimam rerum sacratissimarum contemplationem, & donum totius naturæ complectitur: & non tam facit miranda, quam facienti naturæ sedulò subfamulatur. Et quemadmodum prohibita Dei hostibus mancipans, advocat à Deo, ita illa in eam operum admirationem excitat: & quemadmodum agricola ulmos vitibus, ita terram cœlo, id est, inferiora superioribus virtutibus maritat. Neque enim ad cultum Dei quicquam promoveret magis, quam assidua contemplatio mirabilium Dei. Verum quoniam in huiusmodi narrationibus nonnihil etiam movent doctissimorum virorum actuaria, illud *παράδειγος* moneamus etiam, Marsilii Ficini, hominis citra contentionem

Astrologia artificialis superstitiosa.

Autores Astrologia naturalis.

Marsilius Ficinus.

Thomas
Aqui-
nas

gravissimi, tertium librum legat de vita cœlitus compa-
randa, intelliget proculdubio, ne minimam adhuc par-
tem dixisse nos ejus scientiæ, modis omnibus divinissi-
mæ. Sed neque dici posse, ut nunquam satis commendan-
tur quæ divina sunt. Idcirco autem tam obiter hæc præ-
famur: propter eos, qui semper ignota damnant: procla-
mantes statim hæreticum esse quicquid ipsi vel non in-
telligunt, vel damnatum vident ab indoctissimis sophi-
stis. Quasi ideo mala vel hæretica sit Astrologia, quod
hanc calumniatus est Thomas Aquinas, homo nusquam
sibi constans. Sed clamitent interim illi, atque halluci-
nentur multa: nos quod polliciti sumus, præstabimus. Si
prius id fuerimus præfati, viam tantummodo nos moni-
turos: quæ sic tamen aperta erit, ut qui hanc ingressus sit
semel, huic promptum sit ex iis parvis magna, ex minimis
iis cognoscere maxima. Ne quid igitur agamus obscu-
rius, & quo minus imponamus iis qui in ea arte adhuc
rudes sunt, quando tam crebra de domibus mentio fit, de
signis, de horoscopo, de ascendente, de dominis genituræ
vel signorum, succinctè quid unum quodque il-
lorum, diffiniemus ex Iulio Fir-
mico,

NATU-

NATURALIS ASTROLOGIAE COMPEN-
 diosa descriptio, per Ioannem de Indagine Sacerdo-
 tem, nusquam antea simili tractata com-
 pendio. Liber ordine
 quintus.


IN primis autem hoc refellere oportebit de Planetis, si quis forte homo mathematicus calumniari velit, quòd præter Solem & Lunam reliquis Planetis non tantum tribuimus, atque summam rei in iis colloca-
 mus tantum duobus. Sciat tantum inesse iis virium, quan-
 tum reliquis omnibus. deberiq; interdiu Soli regnum, no-
 ctu verò Lunæ, neque opus est quemquam respicere cæte-
 rorum, atque ea differentia est, qua ab se invicem distant
 Naturalis & Artificialis Astrologia. Quod enim speciatim
 atque seorsum de singulis Planetis, de observatione ho-
 roscoporum decernit artificialis, id naturalis efficit una
 tantum observantia motus Solis & Lunæ. Alioqui tamen
 adeò affines invicem sibi, ut neutra sine altera addisci rite
 possit. Non male locabit operam, qui utranque conjun-
 xerit, non tam propter scientiam quàm etiam volupta-
 tem, habet enim nescio quid amplius leporis naturalis
 quàm artificialis, tametsi præstantior videatur altera. Por-
 rò Domus quid sit audiamus.

*Quid sit
Ast. Nat.*

Quid sit domus.

DOMUS, est firmamenti spacium quoddam, gradibus
 emensum certis, per quod planetæ moventur. Sic per me-
 taphoram dicta, ut enim in domo mansio est, ita Planetæ
 sua in cælo, scilicet firmamento, loca habent, per quæ
 moventur, & in quibus resident. Ea vocant descriptionem
 signorum per gradus 30. nam quælibet domus vel signum
 triginta gradus habet.

*Domus
quid.*



*Nomina
domo-
rum.*

SUNT autē domus duodecim, quas vulgaribus rhythmis memoraverunt Astrologi hactenus. Neque nos admodum erubescimus adscribere, quod videntur memoriam juvare nonnihil. Sunt ii. Natus, vincit, fratrem, pater, filium, Infirmus, uxorem, mors, ambulat, regnat, fortuna, incarceration. Horum interpretatio hæc est.

Prima domus, est domus vitæ, hebraicè dicta Beth chai Græcè Τοῦ βίου.

Secunda succedens, facultatum, vel substantiæ, Græcè ἀνάφορα, ab aliis dicta, ob loci importunitatem, porta inferni.

Tertia cadens, θεία, mansio fratrum.

Quarta profundum cœli, angulus terræ, domus parentum.

Quinta succedens gaudium Veneris. Græcè ἡγάθα, domus filiorum.

Sexta cadens, adversæ fortunæ, servorum, infirmitatis, gaudium Martis.

Septima

Septima respondens ex diametro primo κλίσς, nuptiarum, inimicorum apertorum.

Ostava succedens, mortis.


Nona cadens, θεία, religionis, vel itinerum magnorum, Gaudium Solis.

Decima medium cœli, regnorum sive Magisterii.

Vndecima succedens, fortunæ majoris, Gaudium Iovis.


Duodecima carceris, Gaudium Saturni. Græcè κακοδαίμων.

Sequitur de Cardinibus cœli.



Ex his duodecim quædam Cardines cœli vocantur, Prima, Decima, Septima, & Quarta. Primus angulus Orientis, ea est Domus Arietis, natalitii horoscopus. Secundus medium cœli occupat, domus Capricorni. Tertius occu-

De Cardinibus cœli.

occubitus, vel angulus Occidentis per diametrum. 
 Quartus, ab Firmico Imum cœli vocatur, In iis ferè totum iudicium pendet, suntque principales anguli, & Planetæ majorem in iis quàm in aliis efficaciam habeant.

De exordio natiuitatis sumendo.

Superstitiosum existimo, de exordio natiuitatis multa inutiliter cavillari, cùm magis ad artificialem hoc spectat Astrologiam, videlicet de casu spermatis in matricem, de horoscopo natiuitatis, &c. alterius, ut præactum, speculationis est. Nos quidem ad Solem, & ad signum in quo est Sol die natiuitatis, intentionem dirigimus. Nam tot insunt Soli virtutes, quot omnium stellarum. Pto. teste. Et quæ jam ipsa natura & longæva experientia comperta nobis sunt, ea faciemus palam, ad superstitiosa quæque conuidentes,

Solis virtutes.

De effectibus Planetarum.

Id tractare convenit in primis, de Planetarum naturis & effectibus, quid in unaquaque domo efficiant. Quod tamen si in Octocedronte nostro fecerimus, non pudet tamen & secundo hîc adscribere obiter.

Natura Planetarum.

Si quis nascitur decima, vel undecima die Martii, ubi communiter Sol intrat Arietem, duratque per tres decanos vel facies in jam dicto signo. Sic usque ad decimum vel undecimum diem Aprilis, Mars repertus in die natiuitatis, cùm natura igneus sit, Aries similiter, augmentat calorem & iracundiam, cæterasque omnino pravas affectiones magis quàm si in aquatico vel terreo signo fuerit.

Saturnus ubi, & præcipuè in sexta, octava, vel duodecima, ærumnarum, miseriarum, laborum & ægritudinum autor est.

Venus temperata, amantem facit mulierum, ludorum, cantorum, conviviorum, & alia ad lætitiâ pertinentia.

Mercurius sapientiæ & eloquentiæ dator legum, rhetoriæ, operum subtilium, mercantiarum & huiusmodi.

Luna amentiam gignit, instabilitatem, humiditatem, ignaviam.

Jupiter

Iupiter in angulis pulchritudinis, divitiarum, honorum, administrationum autor est.

Sol in ascendente, vel angulis, magnum, honoratum, & inter principes nominatum reddit.

Signa quoque pulchritudinis sunt Gemini, Libra, Virgo, & prima pars Sagittarii.

Mediocris pulchritudinis Scorpius, Capricornus, & Pisces.

Sterilia Gemini, Leo, Virgo.

Facientia defectionem & inopiam liberorum Aries, Taurus, Libra, Sagittarius, Capricornus, Aquarius.

Media & sine voce, Cancer, Scorpio, Pisces.

Rationabilia, Virgo, Libra, Aquarius, & Gemini.

Qualitates Signorum existimo notas esse.

CALIDA, sicca, ignea: Aries, Leo, Sagittarius.

Frigida, sicca, terrea, melancholica: Taurus, Virgo, Capricornus.

Frigida, humida, & aquosa: Cancer, Scorpius, Pisces.

Calida, humida, aerea: Gemini, Libra, & Aquarius.

Et sic tria semper signa in una natura conveniunt, & triplicitatem faciunt.

Habent quoque planetæ potestates quasdam in propriis domiciliis.

Aries & Scorpius domus Martis sunt.

Taurus & Libra Veneris.

Gemini & Virgo Mercurii.

Sagittarius & Pisces Iovis.

Capricornus & Aquarius Saturni sunt.

Sol unum domicilium occupat, Leonem scilicet.

Luna Cancrum possidet.

Habent etiam signa suas proprias significationes in humanis corporibus ex creatione membrorum.

Aries habet ex corpore hominis, caput & faciem,

Taurus, collum, & gutturis nodum.

Gemini, humeros, brachia ac manus.

Cancer, pectus, cor, stomachum, costas, splenem, pulmonem.

Leo,

Leo, inferiorem partem stomachi, dorsum & latera,

Virgo, ventrem, diaphragma & intestina.

Libra, lumbos, & inferiora ventris, umbilicum, &c.

Scorpius, verenda, testiculos, vesicam & femora,

Sagittarius, nates, & succedentia,

Capricornus, genua.

Aquarius crura.

Pisces verò pedes & talos, quos cavillas dicimus.

De Sole ☉ Luna quadam notatu digna.

*Sol &
Luna
nullius
nativi-
tatis do-
mini.*

ID verò ne cuiquam imponat prætereundum, consilii non est, de Sole & Luna, qui licet Planetarum principes sint, nullius tamen nativitatis dominia sortiuntur. Verbi causa. Si Luna in Geminis sit tempore quo puer nascitur, vel etiam in Cancro, quæ est domus sua, non illic dominium sortitur, sed Planeta domus sequentis in dominium computatur. Sic si Sole in Leone aliquis natus sit, tametsi Leonis dominus est Sol, hîc tamen dominium amittit, derivaturque ad Mercurium patronum sequentis mansionis, id est Virginis. Virgo enim sequens post Leonem signum est, & Mercurius dominus Virginis. Item si Luna reperiatur in Virgine, tunc Venus est domina genituræ propter Libram sequentem, cujus signi Venus domina est. Non erit inutile, & hoc monere (de quo ambigi passim video) dominos vel planetas malos, veluti Saturnum & Martem, non ad eò perniciosos esse in propriis domibus, ceu jam aliorum occupantes castra. Exemplum unum proferam de primo signo, & quo simul & præcedentia fiant clariora, ponamus Solem tempore nativitatis alicujus esse in Ariete: jam antea nosti, cujusmodi sit Aries: præterea quid in iis agat, quorum horoscopum tenet. Iunge deinde etiam dominum signi, hic est Mars. Loca igitur in erectione figuræ Martem cum Ariete, feresque subinde iudicium, longissimè supervicturum sic natum. Non obstante Marte, qui tametsi malus est, non usque ad eò tamen maliciam diffundit suam velut in alia domo: nisi quòd pro gladio repentinas etiam ægritudines minatur, propter Scorpionem, & Martem in octava. Non enim

*Satur-
nus &
Mars in
propriis
domibus
non uq̃
adeò ma-
li.*

*Exem-
plum Na-
tivita-
tum.*

noce

nocebit sic ad mortem ægrotudo. Hæc ad superficiem dicta sūt. Et idem de Saturno in Capricorno vel Aquario intelligendum esse censemus. Ne videamur omninò posthabere artificialem, quam non inficiamur, necessariam etiam ad naturalem. Vnde quia signorum explicanda nobis vis est, id in primis faciemus de artificiali, ut si cui desit fortasse Firmicus & tabulæ, habeat autem Astrolabium planum, in quo prospecto ad horam nativitatis ascendente, possit ex minutis illis proferre iudicium, posthæc ordine quodam, atque aliis verbis idem agemus negotium Astrologiæ naturalis, sed quæ vicissim adminiculabuntur etiam artificiali.


De prima domo & horoscopo in Ariete.

QuÆRIS autem, quatenus in nobis operetur in Ariete horoscopus? Primum omnium moneo, quod & antea, nihil urgere in nos astra, sed jam proclives trahere, qui sic tamen liberi sunt, ut si ducem sequantur rationem, nihil efficiant. Sin verò naturam, id agere quod in brutis ferè.

Sic editum in lucem facit juvenia floridum, orbum fratribus, usque ad unum fortasse, si tamen bene cadat fortuna. Hæreditatem mutabilem, quæ parta mox dispergetur, mox dispersa reparabitur, propensum ad capitis dolores magis quàm ad alias ægrotudines (respicit enim caput in primis Aries) locantem ut plurimum operam suam ingratas hominibus, atque hoc si Aries in horoscopo sit. Post horoscopum perspiciendi anguli sūt, de quibus diximus, quod signorum habeat quisque, id ratiocinari statim in proclive est ex digitulis, vel erecta figura. Exempli gratia. Primam habente Ariete, fit aliquando ut Cancer possideat ima cœli, Capricornus medium cœli, Occasum verò Libra. Nunc quid singuli cardines promittant dicendum est.

Capricornus in medio cœli, honores decernit, facultatesque, & sumptus maximos, eminentiam, arcana religionis, versutiam ingenii.

Libra



Libra in occasu, vitam & aulicos mores : quæ vita uè à paucis probatur, estque inconstans, ita & hunc dejiciet de gradu, jamque paulo ante residentem in capite, mox pòst constituet in cauda, jam afflante hunc fortuna, & hilariter acclamante, statim variis calamitatibus affliget. adeò nullam commoditatem feret solam sine incommodis, atque sine appendice jacturam, eo hunc promovebit consodaliū invidia pessimū malum, verum totum illud damnum quicquid est, Cancer refarcit in imo cœli. Figuram, qua velut in tabula perspicias ad unguem omnia, hîc adneximus.

De secunda Domo & horoscopo in Tauro.

POST Arietem sequitur Taurus in ordine signorum regulariter, & locatur in figura ad secundam domum, quæ ut diximus, facultatum & substantiæ est. Si quis igitur nosse velit, num in prima, secunda, vel tertia ætate locupletabitur, juxta triplices dominos & eorundem col-




collocationem iudicabit: verum idipsum in posterioribus, nunc generalia tantummodo dicemus.

Horoscopus si fuerit in Tauro, ratiocinandum erit in hunc modum, videlicet fore eum hominem laboriosum, anxium, atque variis dispunctum curis in opibus acquirendis, facilem ad divitias, & item proclivem ad easdem amittendas, fortunatum, triumphatorem de suis hostibus.

Hunc acceptum Principibus facit in medio cœli Aquarius, atque actibus præstituet, & publicis officiis, fortasse etiam negotiis quæ ex aquis sunt, quod aquæ naturæ videtur esse deditior.

Scorpius in Occidente cordatum, officiosum, qui uxorem amittet, si masculus sit; sin autem mulier, quæ marito & filio privabitur.

Leo in imo cœli si fuerit, patrimonium vendicabit: quod non obstantibus omnibus insidiis, & agnatorum conatibus, consequetur.



In his si horoscopum habeat aliquis, hunc pronūciant prosperatum iri, à parentibus, fratribus, amicis, cognatis, magnatibus habere fortunam:

Iuxta Firmicum, si medium cœli in Piscibus habeant natum, victurum ex humidis & aquosis: quanquam ad tempus aliunde, non è suo alimenta illi ministrabuntur, unde & stipendium adsequetur vel principis cujusdam, vel civitatis.


Sagittarius in Occidente è cōverso exitium minatur illius germanis & propinquis: quo fiet ut variis sollicitudinibus distractus animo, tempore multo cruciabitur. Hinc turmatim irruentibus atque frementibus in eum hostibus suis, inde *τοῦ ταραχῶς* malorum ingruente, quo linquere etiam paternum solum cogatur: unde exulabit agiturque profugus ut Cain, donec tandem Dei præsidio in pristinum restitatur statum.

Idem comminatur & Virgo in imo cœli. Sed temporum varietate & incremento, juxta conditionem incommodo

modorum, sic & in abundantiam augebit & fortunam. Figuram qui nosse velit, hinc videat.

De horoscopo in Cancro

QUANTUM ad naturalia & omnem fortunam, sic in horoscopo Cancer disponit. Hominem efficit acri subtilique ingenio, quanquam tardiusculum paulò, suavem, placidum, quietum, iracundum, & cum stomacho infestantem malos quosque, sed cujus ira tamen citissime placatur: fortem, moderatum, gravem: quibus donis eò promovebitur, ut publicis quibusdam officiis prælatus ex illis & victum habeat. Dejicient illine, atque coacti ad blandiantur quidam, verum simulatè, & non ex animo. Saturnum habet infestum sibi, si vel eum horoscopo coeat, aut limis respectaverit saltem. Prædicat autem mortem non solum violentum, sed gravem etiam valetudinem, & necem fratrum suorum.




Quaquam pro virili obsistat illi (si adest) in medio coeli Aries: qui gratum Principibus & magnatibus viris facit, & bonarum rerum studiosum, simul & dissipantem & recuperantem patrimonium.

Eadem clementia Capricornus in Occidente notam inuret infamiae, quam paulo post diluet post multa diffortunia, facietque restitui hunc in pristinum gradum. Addet & impetum & calcar ad peruestiganda absconsa & arcana secretorum, non sine tamen anxietate multa & labore.

Libra si in imo coeli, doloribus dolorem addens dissipat patrimonium, idque statim post instaurat: prostratum quoque jam publicis functionibus popularibus vel civilibus praeficiens eundem, adeo ut concedantur secreta illi, & negotia maxima, quae non nisi optimis viris dari consueverunt. Et quod superius Saturnus in horoscopo de mala morte interminabatur, id levius rursus Libra honesta morte & sepultura hunc decorabit. Et si Iupiter in sequenti signo fuerit repertus, primum facit inter omnes masculos filium.

De horoscopo in Leone.



Quibu

Quibus in Leone horoscopus est , id evenit frequenter, ut multis negotiis implicentur , & plærunque ad se non pertinentibus. Quamobrem, nomina etiam sibi pariunt immortalia, deferuntque etiam aliis nationibus se , libertatem asserunt neque facillè jugum sustinent , omnem autem operam insumentes quò aliis præscribant leges. Marspiter si in artificiali cœli figura è regione atque ex diametro respexerit Leonem , in omnem eventum filios negat : nisi hunc demulceat Iupiter, qui fortasse unam dabit filiam.

Taurus si in medio cœlo , suspectum viris Principibus facit , ducem officiorum publicorum & antesignanum, vel dignitate quapiam alia insignitum à potentibus. Omnia scientem , in rebus omnibus felicem : præterquam in uxoribus ducendis , ex quibus rejectis formosioribus atque honestis, anum vel infamem , aut certè viduam copulabit sibi.

Occasus in Aquario, & incrementa pariter & damna largitur. Scorpius in imo cœli principem ordinabit negotiorum quorundam, & ii Taurum etiam in medio cœli habent. Quem ex adverso prospiciens Mars carcerem minatur illi & mortem in peregrinis locis.

De horoscopo in Virgine.

In Virgine si sit horoscopus , vehementissimè accendit ad luxuriam nervos, facitque natum deperire mulierculas in tantum, ut omnibus velit abuti. Cum petulantia etiam divitias subministrat & religionem : præficiet enim à responsis , à sortibus , ab oraculis magistrum , ut è numero videatur delapsus divorum, callentem omnia , nihil non explorantem , omnia percallentem , omnium habentem scientiam, omnium artificem, abundè etiam divitem, siye ex religione, siye ex literis, siye ex negotiatione,



Idem pollicentur fermè in medio cœli Gemini, si ad sint, nisi quod non tam præmaturè decernunt easdem cæterùm in scrutandis rebus arcanis, in præstituendis præceptis vivendi aliis, ingenium impellunt.

Quod ipsum & Pisces faciunt vergentes ad occidentum atque non eadem præfagiunt solùm, verum etiam lætiora. Nempe venustatem, largitatem, ingenuitatem, teneritudinem, favorem & clementiam apud omnes homines.

Addit iis etiam divorum gratiam Sagittarius, præter ea & felicitatem, & rerum omnium copiam, filios, regnum sacrorum, agilitatem quoque ad gerenda hæc omnia. Hoc fatum ejus qui in Virgine habuerit horoscopum, in eum modum colatis etiam aliis tribus signis, u diximus.

De horoscopo in Libra.

P O R R O si in *Libra* horoscopus sit, causet ægritudines, pericula, hostes, lites: attamen semper post pericula triumphum decernit. Ad hæc etiam dignitates, religionem, & iudicii sinceritatem, integritatemque. In nulla prorsus re infelicem facit, quàm in liberis procreandis, horum cum aliquot jam procrearit sibi, atq; in iis omnem fiduciam suam locare cœperit, statim numerus ille deficiet, decedentque in quibus prorsum videbatur collocasse & puppim.

Si quis autem scire cupiat, quibus dignitatibus præfulgere debeat, & quo in loco: pulchrè id deprehenditur ex ascensu *Canceri* in medio cœli. Hic in religione vel sacro loco ecclesiasticum mihi videtur stipendium polliceri, id est, cum ferè ex publicis habere victum. Eodem referenda existimo pecuniam, gnatos, nobilitatem, facultates, quæ in senectâ contingent affluentissimè. Quanquam in successu filiorum non aded erit felix, nisi jucunda aliqua, atque fatali irradiatione hunc aspexerit *Iupiter*.

Et hæc omnia *Aries* in occidente tribuit in aquosis lo-

cis vel circa, aut ex aqua adducet. Præterea in discrimina maxima, in profectiones longas, in deserta loca, in pericula cum uxore, quandoque in maniacam destituet passionem, vel phrenesim: idque usque ad senectam, ubi tandem finis erit horum omnium.

Capricornus hac illac conquassabit in turbationes plurimas, sinetque rarissimè tranquillum agere. Neque patrimonium patietur in tuto esse. Nunc labefactabit, nunc rursum restituet. Quoniam autem petulantes multum sunt quibus Capricornus in imo cœli est, ita & hic ex ignobili & illegitima, aut aliunde sane filium tribuet.

De horoscopo in Scorpione.

Si in Scorpione sit horoscopus, naturam arbitror manifestam esse, juxta animantis ductum naturalem. Qui hunc in horoscopo habuerit, facit iracundum, diffundentem clanculariè aconita, mordentem clam lingua sua pestilentica: divitem, ut neminem hominum fluctuantem in periculis variis, ut desperare etiam possit: verum iis aliquantisper in tranquillum reductis, placatissimum fructum percipientem gloriæ, dignitatum, obsequiorum,



longanimitatis, religionis. Indit & vivacem spiritum, vigorem animi, politiemque sermonis. Proinde non obstante priori damno, filios multiplicabit: qui omnem antea tactam amaritudinem sua felicitate compensabit.


Quoniam autem perrarò fit, ut quod ascendens ipse præstat, id etiam cæteri cardines cœli non spondeant, ira ex Leone medium tenente cœlum, eadem illi speranda sunt. Sed & fortitudinem addit & robur, quibus perfici hæc possint. Postremò omnium & dignitatem tribuens, & virtutum omnium præmium immortale.

Taurus in occidente tam clam, & in palam illius grassantes opprimet hostes. Quod contingere quidem illi possunt. Modica tantum infamia consperget, ob venerandam rem: & tamen & ipsa expirabit paulatim, & patrimonium nunc locupletat, nunc dispergit rursum.

Aquarius in imo cœli, discrimen ex aquis minatur, & ingratiitudinem illorum de quibus ipse bene meritus est.

De horoscopo in Sagittario.

HOROSCOPUS in Sagittario ex iis est, qui multis




ac variis periculis se implicant, ubi ascendens fuerit. Alliecit atque trahit sub eo natum ad peregrinandum, tentandaque maria & fluvios maximos. Ingenium quoque largitur natura ipsa idoneum ad omnes, & ad eas quidem optimas disciplinas, modo hanc sequutus ductricem naturam fuerit

Quod si fecerit, Virgo in medio cœli augmentabit fortunam, compensabitque habitos ingenii labores insigni aliqua potestate, qua cæteris antestet, qua & liberalissimè fungetur: necessaria præstiturus aliis hominibus, tametsi ingratiss.

Liberos & nepotes Gemini dabunt in occidente, idque ubi in declive abierit juvenilis ætatula, Facient, & à libellis vel arcanis rebus eum hominem.

Pisces in imo cœli, ex humidis locis dabunt subsidia. Facient & fidum, cui arcana concedi possint, sanguine vel ingenuitate nobilem. Quòd si modica radiatione hos respexerit Iupiter, uxorem obtrudet, verum constupratam prius, vel alteram,

De horoscopo in Capricorno.




CAPRICORNUS non omnino malum signum, si in se horoscopum habeat, natum facit amabilem, lætum, fidum, subdolum, abundantem, sed pusillanimum, & in offerendis Deo preculis superstitiosum nimis, insuper etiam libidinosum, sed statim peracta voluptate, mox pessimè tractantem mulieres. Alienæ vitæ secretum censores, maximè verò religionis, aut similis alicujus rei.

Libra in medio cœli, aliena damna, & mortes alienorum illi lucrum suum facit, proinde etiam honestum, pium, acceptum, eloquentem, eruditum, voventem in necessitate vota Deo, quo fiet, ut tandem, mala omnia felix & prospera senectâ comitetur.

Cancer in occasu, insensos illi faciet amicos, periculis etiam innumeris implicans.

Quod ipsum & Aries comminatur in imo cœli. Fluctuant illius omnia, substantiâ, dignitates, officia, ferenturque nunc sursum, nunc deorsum. Tandem, ut diximus, moderabitur omnia Libra. Filium tamen in tantum præservare non poterit, quin non in gravem incidat valetudinem.

De horoscopo in Aquario.



I 5

IN.

In hoc signo vis horoscopi talis est. Moderatè divitem facit: effert etiam, atque apud potentes promovet: conjicit in pericula: è quibus veluti desperatus jam eximetur rursus divorum præsidio. Facit etiam hospitalem, munificum, prodigum, patronum eorum qui è bonis atque melioribus artibus, præ cæteris videntur attigisse aliquid, tractantem atque dissipantem sacra: & in tali constellatione

Si medium cœli occupaverit Scorpius, vires largitur & vitam tetricam ac duram. Ad itinera impellet frequenter, ut stare uno loco diu non possit. In uxoribus fortunam experietur adversantem sibi. Postremò omnium bonorum virorum suffragiis ex malis omnibus extricabitur.

Leo in occasu uxorem illi dabit, vel concubinam, quæ cum variis simultatibus dissentiet. Dabit & anum: quæ ore quidem adblandietur sibi, ingentia illi promittens, verùm in animo alios amabit. Inimici illius erunt domestici ejus: & illorum adjutorio freti hostes alii, conabuntur collidere hominem. De alieno thoro copulabit in matrimonio aliquam, aut certè viduam.

Gloriam & pompam, quibus videtur deditus esse, illi adauget in imo cœli Taurus: cui & id acceptum ferre debet, quòd aliorum sibi bona adduntur: & vitam vivet diuturnam.

nam.

De horoscopo in Piscibus.

Egregiè ingeniosum faciunt Pisces, animatum, cordatum, fidum, amicabilem, paulatim sublimatum, donec tandem ad fastigium hunc provehant.

Sagittarius in medio cœli, dejiciet in pericula multa, in multos errores: alioqui habilem facit, & qui potenti- bus etiam audiet lites movere: de alio quodam in discrimen adducet, facietque possidere non sua.

Virgo in Occidente facit cordatum, hospitem, tenentem secreta, œconomum, amantem uxorem immodicè, sed quem vicissim illa non amat, ut cæteri quoque in quos ille officia collocat illi ingrati sunt. Vnde fiet, ut crebris laboribus & molestiis augetur, propter uxorem & liberos.

Insuper conficietur valetudine quadam adversa, procurantibus id Geminis in imo cœli. Vitio quopiam laborabit sibi tantum noto: & substantiam quam amittet fortasse, rursus recuperabit, atque resarcient amici, ut ne sic quidem destitutus videri possit. Spiritum suo reddet autori in alienis locis à patria, morte inauspicata & repentina.

DE

*De judiciis naturalibus, juxta revolutionem Solis
per duodecim signa Zodiaci.*

Hu C u S Q u E trivialia diximus de horoscoporum judicio, dicta etiam ab aliis, sed cujus furti nos non ad cò pudeat, ac piget. Sed enim antea præfati sumus, per compendium tantummodo acturos nos ea, quæ ab aliis prolixis commentariis sunt præcepta. Cum enim ubique reprehensibile furtum sit, in solis tamen literis non vitio tribuitur, sed laudi: maximè si quid ab aliis dictum obscurius est, quispiam cupiat elucidare. Earum inquam cavillationum nos non piget. Id dictum volumus ad eos, qui omnia fastidiunt, barbari ex trivio: cum ipsi ad nullam artem idonei sint, & tamen omnia censere lingua sua spurcissima volunt. Tu quisquis es qui hæc legis, magis animum nostrum expende quam verba, qui parati fuimus ad docendum, nihilque omnino celare te. Si quid aliter cessit, præter nostram sententiam factum est. Ad judicia nunc properamus naturalia, ubi summatim de Ariete sic habet.

De Sole existente in Ariete.



OCCUPANTE Arietem Sole, natum neque divitem facit, neque admodum extenuat, vel exhaurit. Item iracundum, sed citò placabilem, studiosum, facundum, varium, elatum, mendacem, luxuriosum, pollicentem (ut ille inquit) aureos montes, sed promissa non reddentem, male audientem ab affinibus: ab hostibus, quos habebit non contemnendos infestos sibi, adducetur in discrimen. A quadrupedibus, veluti ab equis futurum est, ut dejectus cicatrices accipiat, cum periculo etiam mortis: adeò non cedent illi prosperè aucupia, piscationes, venationes, status equestris, & quæ ejus generis sunt: in alienis tamen semper felicior erit, etiam longævus. Item si puella sit quæ sic nascitur, erit mendax, iracunda, venusta, curiosa, cupida novarum rerum, invida, foecunda in liberis procreandis, sed primogenitus illi extinguetur, obnoxia periculis, unde notam accipiet, vel cauterium in capite: alioqui ex natura etiam signata in capite, vel in pedibus. Illud etiam ex autoribus deprehendimus, Arietis filios diurnales, ut sic dicam, id est, in die genitos, fortunatos esse, & magni nominis apud Primores, vel Principes, è contra nocturnales, diffortunatos & ignobiles.



IT A audacem facit Taurus, & faustum in aggrediendis vel pertentandis negotiis vel facinoribus arduis, victorem hostium suorum, peregrinum, & à paterno ostio exulem, servilem, familiarem, iracundum: ferventius tamen in juvena quàm in senectâ. Tollit nempe incommoda senectus, addetque divitias, & uxorem, atque hoc medio exhilarabit tandem. Nam in prima ætate, si quæ illi nupserit, vix hanc ducet. Solas ægritudines non adimit: apponitque tristitiam, melancholiam, morsum canis, atram bilem, idque circa annum ætatis suæ 32. vel 35. his sedatis, jam rursus florebit, proficietque in longissimam senectam, aut Nestoreos, vel Hesiodos annos. Non paulo aliter fœminas facit petulantes, laboriosas, obsequentes, dicaces, ob amissum pudorem infames: quæ infamia labescet paulatim, atque evanescet, ubi ad annum pervenerit vicesimum primum. Maritis nubet plurimis, procreabitque liberos. Erit quæ consulere aliis potest prudens, circumspecta & dives.

De Sole in Geminis.

G E M I N I natura formosi, formosum faciunt, & misericordem, sapientem, ingenuum, liberum, jactabundum, cursorem, peregrinum, suarum rerum parum curiosum: quo fiet, ut neque dives evadet, neque penuria premetur, verum medio modo incedet: ejus tamen fidei, ut ærario publico præficiatur. Animo hilaris, intelligens, astutus, ingeniosus, affabilis, natura quadam hominibus gratus: veluti ii qui Venerem habent in radice nativitatis. Pulchra quoque facie, pulchris & idoneis artibus imbutus, nempe mathematica, legibus, arithmetica. Id præ cæteris habet insigne, ut cum irascitur, celare tamen iram atque dissimulare potest. Imminebit illi periculum ubi ad annum pertigerit 32. aut ex morsu canis, aut ex igne, vel ferro.



CANCER frigidus & humidus, carnem inipissat, al-
 licit ad amorem mulierum, extimulat ad coitum. Alio-
 qui semper ingenium præstat, humilitatem quoque &
 sapientiam, implicans litibus & bellis variis, ut multum
 tamen victorem hostium decernens: qui multa tentabit,
 præcipuè maria. In multis periclitabitur, variis quatie-
 tur incommodis, in multa paupertate & miseria, & si
 etiam lucri causa sit, nihil tamen inde habitior fiet; the-
 saurum effodiet, aut reperiet minimè separatim. Verùm
 si puella sit hujusmodi, pinguiuscula fiet, formosa, agilis,
 iracunda, placabilis, officiosa, prudens, civilis, verecun-
 da, sagax, fallax, astuta, ingrata: aliud dicens, aliud fa-
 ciens & habens in pectore, anxiosa, laboriosa, exposita plu-
 ribus periculis, periculis in aqua, periculis in casu, peri-
 culis in partu, in chòlica passione, primum foetum edens
 imbecillem, alterum validiorem. Porro infamiæ si quid
 contraxerit, id quicquid est post annum diluetur: 6.
 Utrobique inimicorum victoria est, sive in fœminis, sive
 in maribus, atque prosperabuntur in annis sequentibus,
 bea

bene comati, modesti, fideles, laboriosi, avidi cibi & potus, noti magnatibus, bene fortunati in agricultura.

De Sole in Leone.



IN Leone Sol facit magnanimum, audacem, arrogantem, eloquentem, superbum, derisorem, immitem, immisericordem, durum, inexorabilem, tetricum, unde quaque angustis & periculis maximis septum. E periculis rursus eximit, & officiis præstituit publicis, centurionem facit vel pentacontarchum, è tribus magnatibus beneficia expectantem, infelicem in prolibus, & pro iis sustentem labores & afflictiones multas, ad iram pronum, periculis exponentem se plurimis. Succendit choleram, interim etiam ad dignitates provehit & honores, vocat ad pericula incendii, ferri, impetitionem bestiarum, unde in loco succumbet non suo. E periculis tamen elabetur Dei præsidio. Simili pacto puella si fuerit, animabitur, facietque hanc magno & amplo pectore, gracilibus cruribus, quæ animositatis & audaciæ sunt iudicia, atque item iracundia.

dix, contumeliarum, loquacitatis : sed tamen cum moderate, remittit enim in omnibus iis muliebris clementia nonnihil. Pericula quæ illi imminet, sunt aqua fervens, vel ignis: ab iis custodire se oportebit. Ex infirmitatibus, stomachi torsiones. Cæterum ab anno .60. vel 21. fortunam sentiet in divitiis, quas conquiret potentum opera, in usufructu rerum alienarum, in familia, pulchritudine, amore: filios tamen habebit paucos.

De Sole in Virgine.

S I C Virgo facit rebus domesticis bene præfectum, ingeniosum, veracem, magnanimum, affectantem honores. Auferet & uxorem illi ductam antequam cognoscat, tollentur illius quædam, atque diripientur, ulciscetur in adversarios, & adeò arcanorum malè retentivus est ut ne secerissima etiã sua celare possit, fortè quia jactantiæ deditior est, nitida facie, comptis moribus, facit etiam amatorem mulierum, in aulam se recipientē Regum & Princi-



pum. Præterea etiam iustum, sapientem, bonum, honorabilem, consultorem, patronum amicorum, pium, misericordem, venustum, candido & mundo corpore, stipatum amicorum maxima cohorte. Puella ejus nativitatis erit ingeniosa, verecunda, pudica, benevola, officiosa, provida, iracunda, viro nubet circa annum 16. primogenitum parturiet eleganti forma, periculis implicabuntur plurimis, siye viri, siye mulieres fuerint.

De Sole in Libra.

SOL in Libra natum facit libidinosum, negotiosum, bene fortunatum, præcipuè in aquis, aut in iis quæ ex aquis sunt, præterea quæ ex aromatibus sunt, preciosis lapidibus vel hujusmodi, in obeundis itineribus prolixis & remotis. Corpore verò facit pulchro, agili, sermone comptum, optimæ famæ, rimantem arcana multa, sed in promissis rarissimè stabilem, tamen si aliud præ se ferat verbis ipsis. Exponet se insidiis & machinamentis plurimis malitiosis. Vxore prima non diu fungetur. Accedet & hæreditas illi ex rebus mortuorum, & partim ex ingenio




K 2

& pro

& proprio sudore: alioqui tamen non facilè credit. In quadrupedibus animantibus non omaino erit diffortunatus. Propter mulieres verò plura & ingentia sustinebit, impinget in turpitudine coitus illiciti, & somniorum interpreter futurus est longè optimus, siue diurna fuerit generatio, siue nocturna. Puellam facit amicabilem, hilarem, jucundam, quæ varia oblectamenta ex pratis & herbulis capiet, quibus potissimùm gaudet. Ad loca propellit ignota, viro nubet circa annum vigesimumtertium, cujus & matrimonium secundabitur. Efferet hanc formam corporis egregia, eloquium dulce, gestus urbani. Neque omnino etiam inhabiles sunt quicumque sub Libra sunt, ad literarum studia & artes meliores. Cavebunt autem sibi aut ab incendio, aut aqua ferventi: ex iis laedentur, nisi cautissimè sibi prospiciant.

De Sole in Scorpione.


IN Scorpione Sol augmentat hæreditatem nato, addit audaciam & frontem, & blandiloquentiam, qua fre-



tus

tus pluribus imponet, una manu panem ostentans (quòd ajunt) altera lapidem celans, semper melle permiscens venenum, ferè nihil eorum faciens, quæ dicit: aliàs tamen facetosus, jocular, credulus, triumphator de inimicis. Sic si puella fuerit, facit amicabilem, solertem, fallacem, quæ primo suo sponso fraudabitur, altero fructur hilariter, quæ vincet adversarios suos. Laborabit ex dolore splenis, atque cauterium accipiet in capite, aut scapulis vel laceratis. Alioqui utriusque sexus audaces facit & temerarios, ad prædandum, ad peruestiganda quæ prohibita sunt, ad ineundum pacta, ad contrahenda mercimonia, præterea etiam petulantes, fornicatores, instabiles, male cogitabundos, loquaces, iracundos, interdum juxta ac vehementer mœstos atque afflictos. Cæterùm non deerunt qui hos magnifaciant, qui hos ad se vocant principes homines, ex plebeis etiam qui in illis assentientur: quî fiet ut multò fiant spectatissimi.

De Sole in Sagittario.



SAGITTARIUS non omnino malum signum est, manente in eo Sole, fortunam largitur, subministratque
K 3 ani-

animum ad quidvis tentandum : quod institueris animabit, in primis ad permeandas alienas terras, ad trananda æquora, inde non sine quæstu reuertetur qui huiusmodi fuerit. Conciliabit quoque amicos sibi, ut ad principum adsciscatur domicilia & aulas, non quadras quidem colligens, & lingens paropsides, ut viles illi solent aulici, sed subrogatus ad maiora officia, alienam pecuniam dispensabit. Ad quod magnopere hunc promovebit, atque potissimum conservabit in aula, quod natura agilis & fortis est. Insuper equitatu, aucupiis, venationibus, saltationibus, pugnis, jocis, lusibus, conflictibus plane deditissimus est. Quamobrem etiam adversarios habebit, qui hæc atque alia invideant, atque acerrimè hunc impugnabunt, sed quos collidet tamen, atque pervincet. Et paternam hæreditatem adsequetur, quod non cuivis contingit. Frequenter etiam justos facit, sciolos, tacitos, cordatos, ingeniosos, fidos, mites, stabiles, firmos, laboriosos, jactabundos. Quod si puella fuerit, non multum etiam differet, facit eam anxiam, laboriosam, misericordem, obnoxiam multis æmulationibus & insidiis à malis hominibus, sed victricem, fecundam: quæ viro nubet circa annum 17, vel si non successerit, circa annum 28.

De Sole in Capricorno.

CAPRICORNUS facit iracundum, levem, atque vili-
bus sese associantem personis, suspiciosum, laboriosum,
distractum variis ligitiis, quæ illi aliunde provenient, sed
audacter sustinentem adversaria, eritque cordatus. De-
periet puellas, & eas pauperulas & simplices, quæ tandem
deducent hunc in ægritudinem. Facit etiam mediocriter
divitem, benevolum, alacrem, facetum : verumtamen in-
stabilem, si nocturna fuerit nativitas. Idque ferè in omni-
bus rebus. In senecta ubi viderit accedi sibi divitias, inci-
piet amare pecunias, declinabitque à prima largitate in
avaritiam. Nam in juvenia tractari quidem utcunque po-
terit. Prosperabitur in navigationibus, maximè si ad O-
rientem fuerit. Ab Oriente etiam fortuna illi imminebit à
magnis viris. Physiognomia sic natorum talis est. Caput
communitè habent parvum, compressos oculos, mode-
ratam loquelam. Proderunt illis balnea ubi ægrotaverint.
Porro puellæ timorosaæ erunt, citoque erubescant. Domi-
nabuntur inimicis suis, & ad aliena loca peregre profici-
scentur.



AQUARIUS natus facit amicabilem, cupidum, proclivem ad febres diuturnas, diffortunatum etiam circa aquas, quas & natura abhorrebit. Crescet autem illi fortuna circa annum 35. & 36. ex quo tempore incipiet peregrinari, pervagarique loca varia, & paulatim etiam ditari. Sed quæ divitiæ nunquam ad extremum perveniunt, neque cumulantur in immensum, sed partitæ rursus dispergentur: nisi ubi anni advenerint postremi, ii resarcient quicquid largius expensum est in primis. Neque profectioes illæ ad longinquas regiones magnoperè illi ad cumulandas opes cedent. Aliunde ab alienis fermè majora sperabit, atque consequetur. Interim variis incommodis, jacturis, periculis distringetur, atque omnium maximè cum uxore & mulieribus. Ducta illi uxor in paralysim solvetur, sed neque cum aliis etiam prosperabitur mulieribus. Vxore prima non diu fungetur: verum hac resoluta in tabem mox feliciter succedent omnia. Puella etiam sic in Aquario nata, similiter deliciosa erit, verax, constans, iis tribus masculinum ferè excedens. Subinde ditabitur

tur alienis bonis. Consuletur illi de liberis, variis quati-
tur aduersitatibus, tentabit aliena loca. Vsque ad vigeſi-
mum secundum annum humiliata incedet, ad 22. verò
annum incipiet paulatim illi arridere fortuna. Mediocres
divitias obtinebit. Frequenter omnes, siue mares, siue fœ-
minæ taciti sunt, sapientes, ingeniosi, fideles, faceti, infesti
inimicis.

De Sole in Piscibus.



PISCES in primis quidem annis multa suis obtur-
bant mala, idque præter meritum interdum, faciunt etiam
avaros, jocosos, officiosos, lufores, negligentes for-
tunæ, probæ indolis, amantes bonorum consortia, pro-
caxis linguæ, audaces, sibi placentes, fortunatos in perue-
ſtigandis theſauris. nam omnino illud eis evenit, ut & ipſi
præter ſpem invenient aliquid. Partim etiam ab alienis
ditabuntur. Non diu vivent niſi annum exceſſerint 35.
tunc ſpes eſt longævitatæ: non nimium tamen ditabun-
tur, ſed moderatè, alioqui animo & opinione Cræſi divi-
tias poſſidentes, obtumultuantes & nullibi non impor-

tunas cogitationes. Ob mulierem in captivitatem venient, & pauca illorum prosperè cedent in pueritia & juventute. Signum habent in cubito, vel in pede, & fortuna illorum ad meridiem. Puella sic nata erit fervida, audax, insolentis linguæ, contumeliosa, litigiosa, multis etiam undique circumdata periculis, pudorem abjiciet, & relicto marito suo, adultero se (nisi cohibeatur) copulabit, molestabitur torminibus ventris & stomachi. Et hoc jam secundò de signorum influenza dixisse satis est.

De naturis domorum.

SUPEREST ut de naturis quoque agamus domorum & signorum, in quibus rebus nostris faveant cœptis, quid in unoquoque signo agendum, quò temperare actus nostros possimus, ut cuncta nobis eveniant secunda & prospera. Nam hic ferme scopus est Astrologiæ naturalis: ad quem nisi pertigerimus, nescio ad quid tandem illa possit nobis (Alchabitio inquite) prodesse.

PRIMA domus Arietis est. Et primum etiam in ordine signorum, vocatur ab Astrologis domus vitæ, & ferè semper initia illis significat operum, id est, quæ in ipso vitæ exordio vel delectant, vel male afficiunt natum, item & robur & debilitatem. Denique omnia quæ ad vitam spectant naturalem.

SECUNDA est Tauri, Domus facultatum, victus, ministrorum, servorum, significans finem juventæ. In eam si forte fortuna inciderint Iupiter, vel Venus, planetæ, cæteris nobiliores, promovebunt ea in primis quæ ex bonis mobilia ab jureperitis vocantur: vel etiam immobilia, ut hortos, agros, vineas, redditus annuos & quicquid est, quod durare potest diu. Mancipia si quis conduxerit in hoc signo, rem domesticam fideliter dispensabunt.

TERCIA domus. Successum cum fratribus, sororibus, propinquis, & minoris itineris, in tertia locant domo, id est, in Geminis. Si quis igitur in y horoscopum habeat, hunc pronunciant prosperatum iri à fratribus, à cognatis, à magnatibus & propinquis. Conducit & in hoc signo.

signo, scribere ac mittere epistolas, ambulare iter breve, contrahere amicitiam, inire fraternitatem, & hujusmodi.

QUARTA, mansionis inscriptio est patrum, hereditatum, thesaurorum, & arcanorum. In ea bonum est contrahere, emere, vendere, ambire vineas, agros, possessiones, erigere structuras & machinas, jacere fundamenta, effodere terram, quærere thesauros, testari, deligere sepulchram: prosperatur hæc omnia Cancer.

QUINTA est domus filiorum & dilectionis, legationum, donationum, & eorum quæ post defunctionem vitæ ad laudem vel vituperium pertinent. Expediit Sole hanc occupante tractare omnia quæ in mentem veniunt, indulgere genio, pergræcari, helluari, peregrinari, inire pacta & amicitiam, propter gaudium Veneris illic, diffundente lætitia. Convenit & vestibus novis vestire se, scribere epistolas, periocari, ludere, conquirere sibi amicos, qui fidi sunt, quique possint in necessitate propugnare vel defendere.

SEXTA domus Virginis. Si quid autem ad tristitiam spectat, ad ægritudinem, id sextæ deputatur domui: & vocatur infirmitatis, ægritudinis, tristitiæ, servorum, gaudium Martis. Nulla hîc emptio probatur vel venditio, propter perfidiam, laborem, & dolorem: præsertim à Mercurialibus & Virginibus quos vitare oportebit. Exaggerat hæc in nos falsos testes, latruncultores, & qui vitæ nostræ insidiantur, homicidas sanguinarios. Præterea & tumultus bellicos, seditionem, factiones. Omnia hæc ab Virginistis in sexta, & Mercurialibus: propterea quod Mars (ut dictum est) in hac gaudet.

SEPTIMA domus in Libra. Sunt deinde post ægritudines, nuptiæ, conjugia, & ea quæ circa mediam vitam velut in directa jam Libra trutinantur. In ea valet instaurare amissa, reparare desperata: & quia habitatio consummata inimicitia est committere quoque cum hostibus, undique immittere se guerris & litibus, iis præcipuè qui Arietem habent ascendentem.

OCTAVA ab Oriente mansio est Scorpionis. Domus vel pars mortis, timoris, pavoris, hæreditatis, mortuorum, & eorum

eorum quæ post mortem fiunt. Commorante in ea Sole, vide ne quid auspiceris, neque iter arripias, non aquis credas te: facile hîc impingitur. Quamobrem vitanda omnia sunt bella, contentiones injustæ causæ, inimicitia, mulieres malæ, maximè si ex parte hæreditatis hæc oriantur.

N O N A domus in Sagittario. Habent & fides, religio, prolixa itinera, sapientia, Philosophia, Mathesis, libri, epistolæ, narrationes, legationes, somnia, rumores, suas in cœlo stellas. Quo sit, ut peragrans hanc domum Sole vel Luna, ea tractari debent, quæ ad prædicta jam spectant, nam citius sortiuntur effectum, quam alio tempore. est enim hoc tempus consummatæ amicitia complementum.

D E C I M A domus in Capricorno. Non omnino etiam frustra est, quod hîc in regem asciscitur, ille verò præficiatur potius. E cœlo est hoc, atque decima domo vocaturque domus regni, dictaturæ, magistratus: tribunitii, præfecturæ Imperii, & quicquid potestatis est. Si quid igitur præcipiendum est, si qua in ditionem redigenda provincia vel urbs, si quod adipiscendum magnificum regnum, si quis adoriendus iudex, si patrocinandum egenis, si conferendum cum magnatibus & præpotentibus, faustè atque feliciter fieri potest, manente in ea domo Sole vel Luna. Vulgato nomine vocatur domus Capricorni ordine regulari, si Aries fuerit prima.

V N D E C I M A domus Sole in Aquario. Hæc est domus laudis, fortunæ majoris, gaudium Iovis, ministrorum, auxiliatorum. Licebit in ea adoriri adversarios, conquirere amicos sibi, laudare alios a quibus præmi quippiam speratur, denique tractari possunt omnia quæ optamus ut fortunatè eveniant.

O M N I U M pestilentissima fermè est Duodecima. Nempe habitaculum inimicorum, carceris, laboris, ærumnarum, invidia, susurrationum, bestiarum, termini vitæ, nihil in ea frugis auspicabitur. Cavendaque in primis vincula & carceres, in quos si quis inciderit in hoc signo, maximo cum negotio liberabitur, & mortem operatur, & omne

& omne malum, residente nimirum ibi Saturno domino illius signi, vel Marte. Et sic de reliquis successivè signis, & domibus succedentibus.

A T Q U E huc usque de natura & effectibus signorum, quid promoveant in iis qui hæc habuerint ascendentia, id est, qui nati sunt in talibus. De planetis res ipsa postulat, ut vel obiter in memoriam reducamus, quæ de iis in præcedentibus dicta sunt. Cæterum nolui ut fucum hîc quærat aliquis in re omnino levi, ubi si jactare etiam nos velimus, res ipsa prohibet: ne circa hanc magnopere luxuriemus, atque ex musca (quod ajunt) faciamus elephantem.

De Saturno domino geniture.

S A T U R N U S ubi dominus genituræ fuerit, habet id quod trahit natorum animos ubi illi concesserint habenas, nempe ad elationem, ad tumorem, pervicaciam, malitiam, ad calamitates & ærumnas multas. Largitur aliqui fidem, & in persuadendo consilium, ad decernendum quod justum est: nisi in propriis rebus, in quibus non ad eò sapit, ubique sui ingenii, atque sibi vacantem facit, cibi parci, verum potus largioris, ad uxorem & liberos non multum affectus. Præterea quantum ad corpus emacerat, exsiccat, infrigidat, noxios indit humores, ministrat pallorem, maturè accersit ægritudines, morbos omnes in unum exaggerat: videlicet pneuripomoniâ, hydropisim, podagrâ, morbum regium, sive caducum, ulcera, alopiatiam, cæcitatem, & quæ ex vitiosis humoribus sunt maiorum omnium mare. Præscindit etiam vitam aut in loco humectiore, aut certè extra paternum solum ignoto, aut derelicto, atque eodem succulento. Malum est, si illius in mansionem inciderit Mercurius. facit enim incantatorem, magum, atiolum, foedisfragum, hostem parentum & fratrum (ne dicam) omnium etiam hominum.

De Iove domino geniture.

I U P I T E R nusquam atrum calculum meretur, nullum

lum est consilii, prudentiæ, scientiæ, eloquentiæ, & pulchritudinis donum, quod ille non magnificè præstet, ut si vir quispiam bonus deliniendus nobis fuerit, hunc oporteat fingere Iovianum. Nihil est quod multis agam, frangi & virtutes omnes optimas illi vendicato, non errabis. Summatim habent omnia Ioviales, tantum abest ut in illis virtutis aliquid desideres. Quorsum enim opus est, commendare in iis magnanimitatem, honores longè amplissimos, atque cæteras mundi dotes? cùm dixerim, nihil esse in illis quod desideretur.

De Marte domino genitura.

C O N T R A Mars ut natura pessimus, ita ingenia suggerit omnium pessima: & quemadmodum de Iovialibus diximus, nihil esse de quo in controversiam quidem vocari possint, ita de Martialibus pronunciamus, nihil esse scelerum quod audacter illi non audeant, nullum esse tam scdum crimen quo illi contaminati non sint. Apud hos virtuti studere, piaculare est. Virtus maxima, latrunculari, grassari, cædere, succendere ignes, mentiri, imponere, deludere. Et quid dicam? genuinum est illis, omnia patrare nefanda, & si quid sceleribus sceleratius, aut scelerstius est, illud impunè & citra frontem, illis facere summa licentia est.

De Venere domino genitura.

VENERIS proprietates notiores etiam sunt, quàm ut multis ambagibus has convenias retractari. Neque video, quomodo non cum Iove coincidat nisi quòd operibus ac factis omnibus, virtutibus omnibus, scientiis omnibus, denique quicquid boni præstat Iupiter splendorem addit. Venus ad luxuriam, non eam tamen dico quæ in inguine est, maximè si Iupiter illi accesserit, aut hunc respectaverit benignius, vel certè cum Mercurio coeat. Cum Saturno & Marte, nota est significatio.

De Mercurio domino genitura.

QUIBUSDAM Mercurius ambiguus videtur, cum bonis

nis bonus, cum malis malus. Hoc interim donemus: alio-
qui seorsum optimus est, tum maximè in dotibus ingenii
ministrandis, quibus Iovem & Venerem præcellit. Porro
artium & disciplinarum genera, quæ ille largitur, notiora
sunt, quàm ut repeti hîc debeant.

De Sole cum genitura domino.

TOTUM illud quod de bonis diximus planetis, & de
Sole dictum volumus. Non malum planetam habet qui
hunc habet. Non dico, si dominus genituræ fuerit, nun-
quam enim hoc sortitur. Perinde etiam ut Luna si cum
domino genituræ inciderit, mihi medio quodammodo
inter Martem & Venerem incidere videtur. Et quemad-
modum in ordine medius est, ita & in natura mediocrita-
tem servat. Quod si cum tribus illis Iove, Venere, vel Mer-
curio scilicet, etiam convenerit, nemo non videt hominem
hunc esse felicissimum.

De Luna cum dominogenitura.

LUNA ob hoc solum malè audit, quòd instabilitatem
gignit: verùm in homine instabilitas, quid tandem non
malorum etiam trahit secum?

Canon super erectione figuræ cæli.

EADEM series est Signorum quæ in artificiali. Quod-
cunque principatum obtinuerit, semper juxta ordinem per
singulas domus, singuli sunt infarciendi planetæ. Vt si A-
ries sit signum in quo natus es, loca Arietem in prima do-
mo, deinde Taurum in secunda, Geminos in tertia, Can-
crum in quarta. Si autem Sol fuerit in Cancro, tunc locabis
Cancrum in prima, Leonem in secunda, Virginem in ter-
tia, Libram in quarta, Scorpionem in quinta, Sagittarium
in sexta, Capricornum, in septima, quod est oppositum
Cancri, &c. ordine suo quem nosti.

PORRO dominium ipsum signorum longè diversum
est, atque ferè præposterum, quàm traditum est à Firmi-
co. Hic tantum ascendens dominus spectatur, post hunc
locantur in qualibet domo juxta eorum ordinem naturalem
ceteri

cæteri planetæ. Et in tantum cum artificiali convenit, quod ascendentis dominus juxta ascendentem collocatur. Cæterorum nullus ordo est nisi naturalis. Verbi causa ponamus Sole existente in Ariete natum esse aliquem: cupio erigere figuram. Ea statuenda est sic. Scio seriem nunc domorum: pono in prima domo Arietem, in secunda Taurum, in octava Scorpionem, in nona Sagittarium, in decima Capricornum, in undecima Aquarium, in duodecima Pisces, sic inscripta signa sunt, qui mos est etiam eorum fermè qui ex horoscopis judicant. Reliquum est, quo subscribantur & planetæ domini signorum. Subsigno ad domum Arietis Martem: quia Mars est dominus Arietis & Scorpionis. Deinde ad secundam domum adscribo Solem, ad tertiam Venerem, ad quartam Mercurium, ad quintam Lunam, ad sextam Saturnum ad septimam Iovem, ad octavam Martem, ad nonam Solem, ad decimam Venerem, ad undecimam Mercurium, ad duodecimam Lunam. Vides igitur, excepto domino ascendentis, reliquos juxta ordinem suum locari naturalem. Quando autem de ascendente hîc loquor, nolo quis intelligat de ascendente tempore horoscopi, sed de signo in quo fuerit Sol.

I T E M in secunda revolutione pones Saturnum ad primam & erit dominus vitæ 13. anni nati. Deinde ad secundam Iovem, & judica de substantia nati juxta naturam ejus. Exinde ad tertiam domum locabis Martem: ex illo judicabis de fratribus & propinquis, brevibus itineribus &c. Ad quartam pones Solem, & juxta illum parentes hæreditatem in decimo sexto anno judicabis. Ex typo illo licebit cuilibet fingere similem revolutionem, & perspicere, quid singulis annis futurum sit cuique. Significat enim hîc domus, non monumentaneam illam revolutionem, qua duabus horis in unaquaque domo versatur Sol, sed anniversariam. Vnde revolutionem unam subdidimus vergentem ad annos fermè 84. juxta ascendentem Arietem. Si autem cæterorum aliquod in ascendente fuerit locatum, alia formatur, sed tamen ad eum typum. Si

vis de prolibus, respice quintam. Si de ægritudine, de pecudibus parvis, vel de servis, vide sextam. De connubialibus, inimicis manifestis septimam. De morte, & hæreditate mortuorum, & de generibus eorum, aspice octavam, atque sic de reliquis domibus.

NEQUE video quid ultrà possit vel debeat addi. Summa hujus artis est, scire naturam signorum & Planetarum, deinde erigere figuram, & exercere quod lectum est. Experiatur qui velit, videbit hanc cum artificiali non solum convenire, sed etiam longissimè excedere, non tam propter facilitatem, quàm certitudinem. Cernis enim, ut nihil inibi speculandum est, nisi pauca quædam quæ ex artificialis penuario proferuntur: & quod in præfatione sumus testati, id jam secundò repetimus citra pudorem, Liechtenbergium suæ ætatis doctissimum in naturali mathematica hac arte sola Astrologos omneis dementasse, ex hac egisse stupenda. Itaque iniquum videbatur nobis, si tanti magistri artem tam dignam sineremus obscurari. Nam ex eo hanc hausimus, non nostropote ingenio finximus, propter quod eò minus in jus vocari debemus, aut criminari à quoquam, si non omnium palato fecerimus satis. Nisi hoc fortasse vitio debeat verti, quod aliorum benefacta posteris exponimus, & aliena præferimus nostris. Quod si nephas est, quis hîc tandem immunis à vitio erit, etiam ii qui hac tempestate judicantur doctissimi. Figuram unam è regione subjecimus. Cæterás revolutiones qui nosse velit, tabulam legat mox sequentem.

L

Figura

FIGURA REVOLUTIONIS SIGNO-
rum & Planetarum, juxta Astrologiam naturalem,
cujus horoscopus est ♊ & dominus
illius. ♄.



CONTI.

CONTINUATIO FIGURAE PRAE-
cedentis, ab horoscopo primi anni **V** usque ad
annum 84.

1 ♂	13 ♀	25 ♀	37 ☉	49 ♀	61 ☾	73 ♀
2 ☉	14 ♀	26 ☾	38 ♀	50 ♂	62 ♀	74 ♀
3 ♀	15 ♂	27 ♀	39 ♀	51 ☉	63 ♀	75 ☾
4 ♀	16 ☉	28 ♀	40 ☾	52 ♀	64 ♂	76 ♀
5 ☾	17 ♀	29 ♂	41 ♀	53 ♀	65 ☉	77 ♀
6 ♀	18 ♀	30 ☉	42 ♀	54 ☾	66 ♀	78 ♂
7 ♀	19 ☾	31 ♀	43 ♂	55 ♀	67 ♀	79 ☉
8 ♂	20 ♀	32 ♀	44 ☉	56 ♀	68 ☾	80 ♀
9 ☉	21 ♀	33 ☾	45 ♀	57 ♂	69 ♀	81 ♀
10 ♀	22 ♂	34 ♀	46 ♀	58 ☉	70 ♀	82 ☾
11 ♀	23 ☉	35 ♀	47 ☾	59 ♀	71 ♂	83 ♀
12 ☾	24 ♀	36 ♂	48 ♀	60 ♀	72 ☉	84 ♀

Supputationem Lector, si Celis, in infinitum exaggera.

FINIS LIBER V.

IN LIBRUM SEXTUM

DE PERNOSCENDIS PLANETIS HORO

*scoporum & Signorum ascendentium ex quatuor
complexionibus, Ioannis inda-
gine.*

P R Æ F A T I O.

S C I O quid hic dicturi medici sint, si viderint in suar
messiem falcē misisse me: atque illud me: atque i
lum mihi opprobriabunt fortasse, Ne sutor ultra cre
pidam. Quibus nos obgannimus vicissim, Plerun
que & holitor opportuna loquitur. Neque etiam protinu
doctum facit professio, sed labor atque industria. Qu
quoniam moderatē nobis contigerunt, modicum etian
illud celare volumus studiosos. Illud inprimis obtestar
tes, ne ante damnent quā legerint nostra. Subinde si ali
dixerimus à Galeno & Avicenna quā ipsi scripserint, ha
ctenus condonent licentiam hanc nobis: quāquam pr
viribus conati hic sumus, ut & illis diceremus consenta
nea: nisi quantum astrorum scientia nos ab illis cogit di
sentire. Non enim hic nostrum negotium agere voleba
mus, sed juvare medicos qui alioqui ex complexionibu
omnia dijudicant: ut non tam protrititis illis freti manu du
ctionibus, ut puta urina, physiognomia, & pulsu, achu
jusmodi, quæ imponunt nonnunquam parum sollicitis
quā etiam ex Astrologia salvare ægrotos possent, atqu
cognoscere qualitates hominum. Operam nostram bon
consultite, quicumque Lectores estis, non studium ipsun
nostrum metientes, sed conatum. Ad rem ipsam prope
ramus.

Quid sit complexio.

EST autem complexio, autore Avicenna, qualitas, quæ Comple-
 ex actione ad invicem & passione contrariarum, qualita- tio quid.
 tum in elementis inventarum resultat. Quam definitio-
 nem qui velit exantlare ad unguem, actiones illæ & pas-
 siones quomodo in se agant mutuò, legat eum autorem li-
 bro 1. fen. 1. doctrina 3. cap. 1. Nos præmittere oportebat: ne
 quid non diceremus quod ad rem pertineret. Sicut & illud
 de quaternario numero elementorum, de qualitatibus pri-
 mis, de illorum actionibus mutuis, quæ petenda ex Philo-
 sophia sunt naturali. Neque enim id intendebamus, sed
 quantum ad stellas & genituras pertinet, adsignare ratio-
 nem, cum complexionem alicujus noverimus quibus stel-
 lis vel Planetis fiat, ut ad hoc vel aliud ille inclinatio est.
 Exempli causa. Sanguineus aliquis est, sed verbero, raptor,
 sanguinarius, quæ in sanguineis rarò sunt: conjicio hunc
 Saturnum, vel Martem habere in horoscopo nativitatis.
 Naturam singulorum Planetarum subjecimus. Ad hæc
 quia magnopere conducit & Physiognomia, & Chyroman-
 tia, utrasque præmisimus: & hic etiam inspersimus, quan-
 tum rei præsentis convenire nobis videbatur.

*De iis qua bonam faciunt vel malam comple-
xionem.*

NATURAM bonæ complexionis, vel malæ, Albertus
 vir naturalium rerum non imperitus, in tribus ait consi-
 stere, in debita corporis mole, in eleganti membrorum
 dispositione, & in venustate coloris. Ex iis licebit conjic-
 cere ingenuitatem complexionis, sive ad sanguinem, sive
 ad phlegma. Rursum habitudinem malam in nimia cras-
 sitie, nimia macilentia, in immodica tenuitate, corruga-
 tione & squalore: quæ quem possederint, faciunt melan-
 tholicum, cholicum vel phlegmaticum. Crassitudo e-
 nim ex immodico frigore & humore est, macilentia ex ca-
 liditate & siccitate, squalor ex frigore & humore: quan-
 quam hæc secus quibusdam placeat. Porro gelu & humor

*Crassi-
tudo.
Macilen-
tia.*

phlegma faciunt, caliditas & siccitas choleram, frigiditas & siccitas melancholiam.

De observantia complexionis ex colore.

*Color tri-
farius.*

HABITUDINI corporali suffragatur & color. Eum trifariam partiuntur. Nam quendam inesse capillis; alium cuticulæ; tertium oculis. De iis admodum plura etiam Aristoteles. Omnes si in unum computentur, aut ex æqualitate consistunt, ut albus rubeo permixtus, & caussatur ex abundantia humorum. Aut ex inæqualitate, siue ex obliquo conveniunt: verum nobilior qui ex æqualitate consistit humorum. Differentiam si scire voles, ex senario dependet. Primus, ex albedine & rubedine est. Secundus, niger. Tertius, citrinus. Quartus, glaucus. Quintus, albus. Sextus, rubeus. Extremi sunt albus, & niger. Cæteri medii, partim ex albore, partim ex nigrore commixtionē habentes in æqualitate. Optimus tamen, qui ex albedine & nigredine est. Autor Galenus. Notiones hæ sunt, albus conspersus rubore, tumentibus buccis, sanguinem notat: albus phlegma, pallidus melancholiam, fuscus, subniger, niger, choleram.

*Colorum
differen-
tia.*

De complexione pernosceda ex tinctu capillorum.

NEQUE obstat, quod de capillorum natura autores referunt quidam, datam videlicet ad decorem: quod sic ornatu splendoris nonnihil adfert naturæ. Non ideo tamen abrogatur conjectura: cum multis argumentis testari possimus, etiam de complexione. Verbi causa. Viros depiles & imberbes, aut eunuchos, aut phlegmaticos: nigros, & nigrantibus capillis, cholicos ut plurimum. Sunt autem quatuor, qui vulgati quidem sunt: niger rubeus, glaucus, & canus. Glaucus ex humore melancholico est, Canicies ex defectione caloris naturalis, & phlegmatis putrescentis. Rubedo videtur adferere sanguinem, nigredo choleram, glaucedo melancholiam, albedo phlegma. Quæ causa est, quod rubor nigredini præfertur, quod nobilior complexio sanguinis est, quam cholæ. Et illud corpus

*Color,
Glaucus,
Canus,
Rubeus,
Niger.*

corpus optimum est (teste Galeno) quod molliculum rubeis capillis ornatum est. Tamen hîc plurimum retrahetur Constantinus, nigrum ipsum præferens. Tum quod fortior atque stabilior est, tum etiam propter iuuentum. Quæcunque enim superfluitas magis est nociva, ejus expulsio præsentius iuvat: Vt cholera succensa, & sanguis adustus magis conficiunt, quàm sanguis non adustus. Verùm ad istius expulsionem sequitur generatio capillorum nigrorum, & non rubeorum: præstat igitur rubedini nigredo. Aliis aureus magis placet, cum nigrore in oculis. Quod utrumque etiam sinamus. Alberti certè placitum est: optimum colorem optimam designare complexionem cerebri, videlicet calidam & humidam. Tamen in operationibus naturalibus, magis conveniat caliditas & siccitas, maximè ad apprehendendum aliquid. A calore est enim quod velociter rem aliquam deprehendimus, ab siccitate memoria & firmitas retinendi. A calore motus est & agitatio, à frigore quies & tranquillum. E quibus ratiocinatur, magis cerebri complexionem convenire siccitatem, quàm humiditatem. Videmus enim quibus cerebrum est humidum, hebetis ingenii esse, somniculosos & tardos: siccum verò, acres, vigilantes, sobrios. Quàm plura igitur ex capillis deprehendi possunt, quæ ad complexionem spectant. Sed in præsentiarum satis.

De complexione Cholerici.

Cholicam complexionē facit caliditas & siccitas. Vnde qui calidi sunt & siccæ, cholerici vocantur. Agnoscuntur autem ex physiognomia, & urna, & ex horoscopo natiuitatis. Quo ad physiognomiā, oblonga habent membra, & ea gracilia, nimirū suffocato atq; extincto humore per caliditatem & siccitatē. Capillos habent interdum crispas & retortos, interdū planos & nigros, nonnunquam etiam rubeos & duros, totum ex abundātia caloris. Oculos profundos, nasum acutū, faciem citrinā. Eloquium velox, pectora ampla, & hirsuta, egestionem adustas, & umbilicotenus hirsuti sunt. Vocem argutā, pulsum purum & prævelocē, gressus

*Physiognomia
Cholerici
corum.*

sus celeres. Proclives ad ebrietatem: ob stomachum, & calidum cerebrum. Insomnes, proni ad coitum, oculos habentes citrinos, os amarum, linguam asperam, torsiones in stomacho, siticulosi, citò caligantes in oculis. In somnis & visionibus nocturnis videntes rogos succensos. Flammæ, morticina, sanguinem, lites, homicidia. Atque eousq; de physiognomia corporali. Cæterum juxta animum audaces sunt, iracundi, & qui reconfiliari statim possunt: dociles, ingeniosi, fidi, prodigi in dandis rebus, synceri, zelosi, amatores Iustitiæ, impingentes in lingua ubi irascuntur. Neque enim fervor ille sanguinis sustinet, ut seriatim verba promant. Tametsi quidam sint, quos eousq; perduxit labor & assiduus conatus, ut multa hujusmodi possint dissimulare. Sed non potest tamen lana tincta mutare colorem, atque id admodum perspicuè deprehendi potest. Quicquid enim præter naturam accersitum est, vel conquistum, dissimulari diu non potest.

Rationes de proprietatibus Cholericorum.

Rationem si quis poposcerit dictorum, talem damus. In primis de irascentia: quæ quoniam humorem suppressit, flagranti velut flamma absconsa aliquandiu: quæ ubi rimulam adepta fuerit, erumpit in incendium. Idem prodigalitatem causat, hac illacque diffundens se per latera, non sursum. Similiter & audaciam propter elationem spirituum & caloris: unde interdum difficillima conantur, & promittunt (ne dicam) impossibilia, gestiente atq; saliente corde præ nimio æstu. Eodẽ pertinet exile caput cum amplo pectore: quod ex eodem corde provenit calido. Quod etiam agiles sunt & dociles, nemo etiam non videt perpolire atque habilitare omnia. Sic gracilitas ob defectionem humoris est, proceritas ex calore, qui in alium tendit.

De Planetis convenientibus ad complexionem.

Proximi nunc planetæ sunt, qui quando dominia suscipiant operæ pretium est cognoscere. Ii quando ascendentes, vel in radice nativitatis sunt, licet ex Astrologia artificiali discatur, tamen hinc citra erectionem figuræ auscultatur, attenta sola physiognomia & complexione.

De

Irascentia cholericæ. Prodigalitas. Audacia. Agiles. Dociles.

De Saturno in radice natiuitatis Cholerici.

A SATURNO sumamus exordium. Hic in radice natiuitatis collocatus est, si videris hominem subpallidum, defixis oculis, lento gressu & tardiusculo. Reprimit enim nonnihil innatum calorem Saturni frigus: verum macilentiam non adimit. Oculos subministrat minutos nervos & ingenium ad pessima quæque meditanda, sub prætextu honestatis: quod esset alicui bonum, si non tam maligno sydere obscuraretur. In dandis etiam consiliis, plus quam dici potest, ad omnia nefaria perpetranda, consultissimum, videlicet ad expugnanda castra, civitates, oppida, ad instituendas prodiciones, & bellorum acies. Hæc omnia solitarius agit, lugens ac mœrens: adeò nihil est celestem, & facinorosum quod ille non audeat. Interim tamen omnibus iis plurimum sibi placens. Alioqui parcus in cibo & potu, semper irrequietus, semper sollicitus, semper in laboribus quasi omnia ad se corradere possit Obiter de Saturno hæc.

De Iove in radice natiuitatis Cholerici.

IUPITER benignior est. Facit candida cute, & prolixa barba, recalvastrum in fronte, coma subruffa vel tineta, facilem ad iram, & item facilem ad redeundum in gratiã. Disponit ad consilia, & ad prudenter dispensanda publica negotia: ratione temperamenti & caloris. Signum est in radice locatum esse, quibus conditiones huiusmodi.

De Marte in horoscopo natiuitatis Cholerici.

MARS si dominium in genitura aliqua obtinuerit, facit colore rubeum, veluti ambustum ab Sole, rotunda facie, felinis oculis, atroci aspectu, insolentem, indomitum, inconstantem, nugacem, impostorem. Alioqui in rebus agendis celerem, depilem in vertice, mediocri statura, crasso syncipite, naribus prominentibus: qui cum graditur, distantes passus locat, atque hos veloces. Victoriosum, audacem, frivolum, seditiosum, gulonem, hostem humani foederis, & cui ne cum amicis etiam convenit bene, futurum ductorem exercituum, aut tribunum plebis, sanguina-

♂^a ♀^b
differt.

♀^{tem-}
peramen-
tum ♀

♀^{cum}
♂^{retro-}
gradus.

rium, rixosum, nugatorem insignem, malitiosum. Nihil admodum à Saturno distans, nisi quod ille consiliis molitur, id ille factis exequitur. Sine Deo, sine fronte, sine pudore persequens eos qui probitatis & virtutis studiosi sunt; tam sine mente, ut solus sibi sapere videatur: tam cæcus, ut nulli unquam bono precari bene possit. Nisi Veneris accedat delinimentum, quæ quia frigida est, & humida, ob insitum natura frigus, remittit nonnihil alterius fervorē. Carnem multiplicat, & blandiorem facit hominibus, pro ferocitate iucunditates participat, & civilitatem, oscula, comestationes, voluptates, pulchritudinem, dulcedinem, circumventiones mulierum. Efficit & pejeratorem, foedifragum, violatorem jurisjurandi, in sui ipsius factis parum sollicitum, quæ Veneris proprietates sunt. Quamquam enim non adeò malæ sint, tamen illius bonitatem alterius contaminat malitia. Omnium pessimè seducit, ubi domicilium Saturni permigraverit, id est Capricornum, vel Aquarium. Aut si Mercurius in domo Martis retrogradus fuerit, hoc est in Ariete, vel Scorpione, tunc enim facit impudentem, desperatum, incorrigibilem, maximè ubi bene potus inebriari cœpit: tunc obbrutescens, homo esse desinit. In rebus mechanicis præclaros atque spectatos opifices facit, æris aut ferramentorum fusores, lanios, carnifices, chyrurgicos. Et si accesserit illi Venus, barbitonfores. Si verò Mercurius, qui malagmatis & emplastris occupat se, chyrurgicum, seu unctorem.

De Mercurio in radice natiuitatis Choleriæ.

SIN autem in radice fuerit, locatus autem perperam, id est, in domo Saturni, vel Martis, & nullum habuerit aspectum benignum, aut commixtionem Veneris, Iovis, vel Lunæ, ferè peior frequenter Marte est. Id verò ex illius factis sic deprehendes. Facit sacrilegum, prædonem, violatorem sacrorum, incendiarium, interfectorem, exulem à patria, oppressorem pauperum, pupillorumque, & viduarum. Neque id quidem satis, quin & hæsitare in fide facit, & ære implicans nunquam solvendo, semper involutum

lutum periculis, semper proficientem in pejus, è charibdi in scyllam, juxta proverbium. Hæc si fortasse primo obtutu non omnibus patent, ex raritate capillorum pernosci possunt. Secus si Venerem propitiam habeat, aut Iovem, vel Lunam. Cum Venere argentarios facit, egregios sculptores, in omni opere æris aut ferri, vasorum musicorum opifices, & quanto propius ac vicinius respexerint, hoc diminuitur Mercurii malitia. Fit autem perquam rarissimè, ut statuta excedat hujusmodi.

De Sole in radice natiuitatis Cholericorum.

CUM Sole perrarò fit, ut suam commixtionem cholerici impertiat: nempe sanguini additior quàm cholera. Facit autem alioqui in colore fuscum, modico cum rubore, carnosum, & prægrandibus oculis, barbatum, bene capillatum, capite obeso & rotundo, mediocri statura. Insuper etiam iracundum, sapientem, hypocritam, largum, cupidum laudis, sonora voce. Interdum etiam audacem, ubi probè fuerit adpotus.

De complexionem Phlegmaticorum.

PHLEGMATICORUM complexio frigida & humida est. Nam Græcè *φlegμα* humorem significat. Atque hîc multa distinguunt de humorum diversitate medici: quæ quoniam nota sunt, libenter connivebimus. Ceterum phlegmaticum ubi ex physiognomia velis pernoscere, unam faciem contuere, qua præditus est præpingui & alba. Est carnosum corpus, pectus depile, venæ strictæ. Ejus rei hanc adsignant rationem: quia frigus crassifici semper causa est & somnolentiæ: propter fluorem permixtum frigido, atque inde etiam esse, quòd coitus appetentes non sunt, nisi vino admodum madidi, aut aliunde calefacti.

De Saturno in radice natiuitatis phlegmaticorum.

NON raro phlegmaticis dominatur Saturnus, & ratione

tionem frigiditatis participat cum phlegmate. Id autem operatur quod alias ex natura solet : nisi quantum obstiterit illi complexionis bonitas , perspicuum est enim, quòd in natiuitate constitutus hominis sanguinei , non tantum virium habet quantum in melancholico vel phlegmatico, reluctantem nimirum naturam complexionis. Sic jam in natiuitate phlegmatici , hominem suapte natura obesum ac circa oculos lividum facit & tardum , submisso capite & humeris, tristem, odibilem, invidum, detrectantem optimis quibusque, patronum malorum, & ad machinanda perversa doctissimum. Et licet interdum videatur agere aliud, & conviviis lætantium immiscere se, familiaritatem tamen diu non sustinet, aut certè deiectus noceret. Facit & incivilem, & agrestem, atque non tam non studentem urbanitati quam aliorum etiam moribus & ritibus bonis adversantem. Ingenio plumbeo, & retuso, capientem vix multa cum industria aliquid : in malis verò tum excogitandis, tum discendis suapte natura industrium. Etiam pauciloquum facit. Porro immodica taciturnitas illa misanthropiam gignit, inprimis verò mulierum, contrà ordinem, contra sexum, contrà naturam. Cui severitati propior accedit appetitus vindictæ, ira, invidia, curiositas rerum alienarum. Cum Marte verò quid faciat, tædet fermè adscribere. Facit hunc audacem, temeratorem, scelerosum, præcipitem, improvidum, inobedientem, atque in iis agentem constantissimè. Et si Mercurius quoque comes vel socius sit, insidiatorem, infidelem, malè sentientem de Deo, de superis, de religione: deceptorem amicorum, homicidam, rixosum, sacrilegum & prædonem sacrarum rerum. Iam ubi talem aliquem videris phlegmaticum, conjice hunc Saturnum male vel Martem habere in natiuitate: si aliunde hoc ex erecta figura non licet.

De Iove in radice natiuitatis Phlegmatici.

IUPITER deinceps in ascendente, calore suo frigiditatem phlegmatici temperat leniter temperatū corpus, mediocriter

diocre & molle reddit, non grave, aut carnosum nimis. Ornat etiam perquam venusto capillitio, optimis moribus, optimis gestibus, dulci eloquio, pace, religione, sanctimonia, iustitia, veritate, consilio, misericordia, clementia, In vestibus & corporis decore paulo plus facit curiosiorem, atque in huiusmodi etiam felicem & prosperum.

De Marte in radice natiuitatis Phlegmatici.

MARS si malè in natiuitate Phlegmatici inventus fuerit, facit in colore subruffum, coactæ atque coagitatæ naturæ, fortem, audacem, loquacem, mendacem. Nec tam clemens aliquis aspectus aliorum Planetarum est, quin si dominium nati fuerit consecutus, malitiam suam non exerat in eum. Adurit in vertice capillos, amplificat faciem, & inspissat caput, faciet crudelem & torvum aspectu, audacem, præferocem, alacrem, præpetem, inportunum, iracundum, verbum, jactabundum, proditorem, protervum, spiculatorem, autorem discordiarum, raptorem, verberonem, parricidam, flagrionem, matricidam, amicorum clancularium æmulum. Tamen si mitius agat hæc omnia in Phlegmatico, quàm in Melancholico, vel Cholerico, despumante nimirum ac defervescente calorem Phlegmatico humore. Vitam alioqui incidit, dirumpitque fatalem illam Chordam, aut præcipitio, aut inopinata morte.

De Venere in radice Natiuitatis Phlegmatici.

VENUS lascivientem facit lubricum & lætū, elegantem & gratum, amabilem, comem, suavem, pium, benignum, justum, sincerum, corpore candido, eloquio dulcem, coma densa reflexa molliter, vel crispata, potorem, musicum cytharædum, cantorem. Ex artibus quæ manu fiunt, pictorem, & earum artium studiosum, quæ absque sordibus sunt. Cum Mercurio petam facit, mathematicum, oratorem, gymnosophistam, lanistam, chyronomum

rum , & in iis omnibus acceptum hominibus , boni rumoris & celebrem. Mars ubi irrepserit, commutat pro iis fraudulentiam, vaniloquium, & ea quæ suarum virium sunt.

De Luna in radice natiuitatis Phlegmatici.

LUNA facit album, asperso rubore modico, capite denso, conjunctis superciliis, oculis pulchris, & fortasse inæqualibus, laboriosos, maximè in tentandis atque pervagandis itineribus variis, & si in signo fuerit aquarico, id est, in Piscibus vel Cancro, supra modum pingues facit.

De Melancholica complexione.

MELANCHOLICA complexio frigida & sicca. Nas-
citur autem ex humoribus superfluis & adustis. Et ut
paucis dicam, fæx illa sanguinis est, colata à splene. Sapor
ejus inter dulce & ponticum medius est: dirivaturque ab
hepate, cujus una portio mittitur ad splen, altera relega-
tur ad singula membra. Qui ad splen demanat, risum di-
minuit. Quo fit, ut qui eo humore immodicè abundant,
parum rideant. Illorum calvaria tamen durissimæ sunt,
perquàm facillimè tamen offenduntur à gelu. Quin &
hoc illis familiare est, quod in juvenia plus sapiunt quàm
in posterioribus annis, senescunt autem quàm citissimè,
præmatura adhuc ætate erumpunt illis cani, deflaccescunt
capilli, tardiusculè irascuntur, verùm semel provocati a-
criter, non desinunt citra convicia & verbera. Ferè nihil
probant earum rerum quæ ab vulgo laudata sunt, non si-
nit enim hoc sanguinis malitia calore privatus, præterea
venæ illæ restrictæ, & sanguine vacuæ. Sed neque coitum
permittunt, nisi ab mulieribus admodum impetantur &
solicitentur. Ossâ habent dura, corpus aridum, cutem
asperam, quæ omnia corrupti ingenii indicium sunt Nam
præterquam quòd indicium illis est admodum pingue &
obtusum, etiam immodicè perciti invidia sunt, rancore,
tristi-

tristitia, suspicionibus, impudentia, stoliditate, & si quid
iis excogitari potest malignius. Odiunt in hominum cœ-
tu versari, amant secessus & umbras, subducunt ab omni-
bus conventibus se, pavitant ubi timendum minimè est.
Observant somnia, quæ & contingunt illis semper ve-
rissima. Avaritia illis connata est. Inebriati, ac constituti
inter muscen & vinum, lachrymantur. Neque statim
concredunt etiam amicissimis se, verùm semper latens se-
cum venenum alunt in aliorum perniciem. Hæc genera-
tim dicta sint.

*De Saturno in natiuitate Melancholici male for-
tunato.*

I A M si pessimæ complexionis pessimus Planeta acces-
serit Saturnus, omnia hæc mala conduplicat, & exagger-
rat. Facit facie distortum & ineptum, discoloratum, tri-
stem, timidum, desperatum, sordidum, obsoletum, va-
rium, torvis & trucibus oculis, fætulento anhelitu, pro-
fundarum & earundem malignarum cogitationum, sui
sensus, sine fœdere, sine iugo, graviter incendentem, igna-
vum, labiis spissis, scapulis carnosissimis, signatum in pedibus
vel calcaneo. Ex artificiis cerdonicam callentem, & si quæ
sunt ex iis viliora. Hoc de Saturno tantum. Fit autem non
rarò, ut illi adsocietur & Mars idem ipse malignus. Addit
igitur ille malum malo, ægritudines, timores, impostu-
ras, rixas, sanguinem, calamitates, pericula, incestum, stu-
pra, impietatem, idololatriam, prophanationem Deorum,
sanctorum, & religionis. Neque est quod leniri ista pos-
sint ab aliquo planeta. Si verò contigerit, ut excluso Mar-
te coeat cum Iove, vel Venere Saturnus (id quod fit rari-
simè) excellenter ingenium auget, & quarundam artium
inventorem facit. Cum Luna, peritos molitores, & mo-
lendorum constructores, item pontium, navium, fon-
tium, aquæductuum, colonum quoque & agricolam, ar-
chitectum, è quibus & ditabitur.

H^c 8

H^c 4

vel 2

H^c 11

De

De Marte participante in Melancholico.

MARS autem si solus perhibeat testimonium complexioni absque Saturno, semper facit calumniatorem, minaci vultu, mediocriter audacem, signatum in facie, lentum, incurvum, fallacem, timidum, proclivem ad furta, ad latrocinia, & quæcunque damna inferenda proximo, etiam non nocenti se. In cujus domicilio si retro gradus fuerit Mercurius, aut impeditus, melancholicum facit mentem captum, vitia sectantem paterna, & paternis infectum moribus pessimis: ut si fatuos ille habeat parentes, aut aliunde male morigeratos, nullis neque terroribus ab illorum poterit divelli pervicacia & semel imbibita consuetudine.

De Mercurio in radice nativitatis Melancholico.

MERCURIUS in hac complexione si everfus fuerit, facit incredulum, male sibi conscius, literatum tamen, & vaniloquum, ardelionem & jactabundum, maximè si quid proferendum ex literis est, aliud tamen semper in ore, aliud in corde habentem, aliis persuadere volentem quod ipse non credit, acutum persuasorem, scrutatorem multarum rerum, felicem quoque in factis suis, male volentem tamen amicis & de se bene meritis. Saturnum si secum habuerit, facit peritum mensurandi agros, vineas, campestria, doctum architecturam.

De Luna in radice nativitatis Melancholici.

LUNA si dominium in Melancholico assumpserit, facit corpulentos, tenaces, sibi ipsis placentes, crapulosos, avaros, anima mala monachos, sed qui rarissimè servant institutum. Saturnum secum habens, osorem facit hominum. Martem verò susurratorem, & disseminatorem malorum. Mercurium, congerronem, obstreperum, nugacem, instabilem, & aliorum interpolantem verba.

De sanguinea complexione

SUPEREST ut de Sanguinea differamus complexione: quæ omnium censetur esse optima; atq; paucioribus contingit. Ejus proprietates obiter hæ sunt. Vocem habent acutam Sanguinei, juxta hilares sunt & læti. Cujus causa est commotio spirituum & sanguinis calidi, subtilis, promanantis à corde ad os & cætera membra exteriora. Vnde carnem habent mollem, ungues tenues, delectanturque cantionibus, & iis quæ extra se rapiunt ac ponunt animum, faciuntque gestire. Salit enim in illis sanguis, neque finit aliud agere quam sanguis movet Vnde neque diu, neque multum irasci possunt, propter innatam temperiem. Neque nocet illis coitus, propter abundantiam humoris spermatici.

De Saturno in nativitate sanguinei malo.

SATURNUS aut rarò, aut nunquam sanguini participat. Cùm frigidus sit atque siccus Saturnus, sanguis verò calidus & humidus. Plurimum illi in suis effectibus sanguis adversatur, rarò etiam, propter nimiam caliditatem & siccitatem, Iupiter, Venus & Mercurius illi familiares sunt.

De Iove participante cum sanguineo.

IN primis Iupiter cùm dominium suscipit, candidum reddit in corpore, & rubedine quadam faciem resplendere facit, oculos non omninò nigros, dentes candentes facit, & liberalem, mitem, pium, dilectum hominibus, cogitabundum, prælatum, nobilem, splendidum, spectatū, tacitum, tranquillum, venustum. Est tamen quo in loco positus sit. Nam si in nativitate Orientalis fuerit, vincit in eo humiditas. Sin verò occiduus, formosiores reddit & decorum nimis. Mars tametsi perrarò illi jungitur, junctus tamen addit audaciam, non eam qua temerè abutuntur Martiales, sed circumspectam & prudentem, qua

M

cum

cum maxima tractabat, atque prostituet posteris suum nomen factis suis egregiis & celeberrimis, maximè in persecutione malignantium & impiorum hominum. Ita si Venerem habeat secum, decorem decori, virtutem virtuti, venustatem venustati, prudentiam addit prudentiæ, quin & totum quod boni ab Iove præstitum est, polit, ornat, vanum exponit, ut magis ac magis placeat, denique ut nihil sit rerum omnium quod illi non donatum videatur.

De Mercurio in radice nativitatis sanguineorum.

NON minus Mercurius alioqui indifferens, cum Iove tamen doctum facit, facundum, disertum, præconem, consultorem, acri iudicio, studiosum, disciplinarum amatorem.

CONCLUSIO.

Hæc atque alia tamen si dicta fortasse prius sint in Astrologia naturali, non tamen eo modo, neque in eum finem. Est autem finis (ut diximus) huiusmodi, ut præscita alicujus complexione, ex hominis etiam gestibus ac moribus discamus, quem in horoscopo vel bono, vel malo loco planetam habeat, & ex agnitione planetæ, deinde omnes illius conditiones alias divinari possimus. Non igitur medicorum hîc scripta damnamus, quæ circa complexiones scripserunt, sed hæc velut jam firmata præsupponimus, jacto fundamento superstruentes ædificium. Legant qui velint, qui non volunt, despiciant. Id enim antea sciebamus, ut qui ædificium vellet construere publicum ab omnibus opus illius incessetur.

GUILIEL



**GUILIELMI GRATARO-
LI BERGOMATIS ARTIUM
ET MEDICINÆ DOCTORIS
OPUSCULA, VI-
delicet.**

*De memoria reparanda, augenda, conservandaque
ac de Reminiscencia: tutiora omnimoda remedia, præ-
ceptiones optime.*

*De prædictione moram naturarumque hominum,
tum ex inspectione partium corporis, tum aliis modis.*

*De temporum omnimoda mutatione, perpetua &
certissima signa & prognostica.*

*Omnia ab autore correctæ, aucta satis, & ul-
timò edita.*

**SERENISSIMO AC PIO
BOEMIÆ REGI MAXIMILIANO
PERPETVAM FELICITATEM à DO-
mino Deo precatur Guilielmus Gratarolus
Doctor medicus.**



*UPERIORI anno, Rex optime, li-
bellos tres etsi multis antea mensibus
elaboratos, citius quàm voluissem emi-
si in lucem, amicorum ac typographi
coactus instantia: cumque me absen-
te, non pauca inter cudendum errata fuis-
sent commissa, arrepto rursus libro non tantum menda*

correxī, sed primariam ac omnem ferè adhibens operam, extremamque (ut vocant) manum, adeò rebus & bonis, & his non paucis auxi, ut veluti non imensis partus septimestri, aut purum aurum argento, ita editio hæc priori præstat. Dedicaveram priorem Anglorum regi, qui antequam rescire, nedum videre potuerit, vitam cum mortè coactus est commutare. Quærendus igitur mihi erat patronus alter, sub cuius angustiori nomine rursus exiret liber nitentior factus. cumque animi oculos huc illuc non parum volutasse, tua Majestas mihi tandem magis arrisit cum non nullis de causis, quas in præsentiarum omitto, cum quia inter cæteros principes ac Reges, non tantum apud potentes Germanos, & Hispanos, sed etiam Italos (è quibus unus sum) bene audiat tua optimæ spei Majestas: faxitque omnipotens Deus, ut indies, quoad fieri justè potest, unà cum nomine crescat & res. Huc accedit quod etiam intellexerim, ornâtissimam apud T. M. perstrui bibliothecam tali Rege non indignam, in qua, spero, non postremam partem obrinebit liber meus, qui priore sui parte mirum in modum eos juvabit, qui ex ea vel quacunque alia librorum supellectile proficere in ediscendo voluerint: eorum namque libellorum unus est De Memoria recuperanda conservandaque: secundus De Physiognomia: tertius prognostica perpetua certaquæ continet. Cæterum cum sapientis & philosophi proprium sit, rationem & causam sui operis reddere, dicam brevissime, quid me potissimum ad hæc moverit. In tanta librorum ac discientium copia, videbar mihi, ita movente Deo, rem studiosis non inutilem me facturum, si de Memoria (etsi argumenti talis plura bona aliàs extent opuscula) succincte præcepta & selectissima remedia indicarem: quam si quis justis præconiis ornare velit, multas opplebit chartas, actumqueaget. quis enim est qui nesciat Memoriam, universorum sensuum communem fore arcam? siquidem quicquid vel oculis conspiciamus, vel auribus haurimus, aut denique ipsa mente concipimus, usui ac

medi

meditationi servat: de qua Seneca in præfatione libri De-
 clamationum: Memoria, inquit, est res ex omnibus par-
 tibus animi maxime delicata & fragilis: in quam primum
 senectus incurrit, &c. De physiognomia itidem non est
 quòd multa præfari velim: nam si concesserimus (ut con-
 cedere par est) sapientissimum Deum nō ab re corporum
 atque hominum varietatem fecisse, dubio procul fatebi-
 mur, hanc dijudicandi facultatem probe tractatam, & u-
 tilem admodum & bonam esse. Cum enim sine ullius rei
 adminiculo solus Deus in corde videat, homo tantum in
 facie & ab extrinsecus intrinseca cognoscit. Quis corda-
 tus princeps servum in familiam accersat, nisi antè solerti
 examine ex facie mentis nota, ex oculis animæ fenestris,
 & ex omni denique corporis situ & specie naturam illius
 rimetur atque exploret, num frugi & rei familiari usui fu-
 turus sit? Proditum est memoriæ, Pythagoram à princi-
 pio statim adolescentes prius quàm in disciplinam suam
 admitterentur, *φυσιογνωμονεῖν* consuevisse, h. e. indolem
 ex oris, vultus, totiusque corporis serie atq; habitu scru-
 tatum, num ad philosophandum apti essent: quòd relu-
 ctante genio haud feliciter aliquid cedat. Quamvis au-
 tem illud interdum præter communem philosophorum
 fidem & sententiam longè secus evenire cernas, ut è cor-
 pore deformi insignes prodeant virtutes, hoc tamen ea-
 tenus fieri existimandum est, quatenus animus divini nu-
 minis afflatu, philosophiæque adminiculis adjutus, ex-
 ternas omnes virtutisque contrarias exuit affectiones, &
 rebus honestis invigilat: ut Socratis inter cæteros exem-
 plo notum est. Illorumque opiniones explodendæ sunt,
 qui cæco quodam judicio vanam physiognomiæ artem
 censent, quæ jam à priscis illis statim temporibus ad hanc
 nostram usque ætatem longissimis observationibus, mul-
 to rerum usu, variisque eventibus comprobata, ex certis
 & peculiaribus corporis humani indiciis naturam inve-
 stigandam tradidit. Et quamvis non pari modo morta-
 les affectus & detegant & aperiant, nemo tamen ad ha-
 rum alteram partium tam cautè inclinat animum, quin

tempore procedente deprehendi queat, siue is secunda eleverur sorte, siue egestate prematur. id enim quod casu fit, siue virtutis, siue vitii speciem gerat, ordinem minime statuit: sed qua in parte mens affixa maneat speculandum est, indeque actiones nominandæ sunt. Tertium De perpetuis prognosticis adjeci, cum viderem quotannis incertitas prædictiones fallacesque (causa equidem difficillimæ astrorum scientiæ, ac humani ingenii caritate atque audacia) invulgari, volens nimirum ex iis quæ sub sensibus cadunt, ostendere longe certiozem esse prædictionem. Non novas artes scientiæve propterea me allaturum nunc polliceor, verum earum quæ à clarissimis viris inventæ sunt, partem utiliozem aliquam dilucidare ac facilem reddere augereque nitimur. Neque illud à me expectetur in his opusculis, quò varios adducam sæpius autores, cum nullam ferè auctoritatem exoptulem, præterquam experientia ipsa exhibebit. Quod ad stilum spectat, usus sum (id postulante operis materia) non latinissimis verbis & abstrusis, sed perspicuitate qua potui, id est, vocabulis plurimum usitatis, servata illorum significatione. Nunc serenissime Rex luculentius meæ erga T. M. observantiæ symbolum dare non potui: neque ego, ut moris est, partem aliquam tuarum laudum attingam, quòd nec idoneus sim tanto muneri, nec hætenus defuerint aut defuturi sint doctissimi viri, qui hoc munus obeant. Quamvis, utpote qui bonorum principum exemplum jam esse inceperis, humanis laudibus non egeas, satis ex re ipsa commendatus. Me verò tuæ Majestati humillimè commendo ac dedo: quis sim, si non alii ob locorum distantiam, facile poterit judicare serenissimæ Regiæ conjugis tuæ medicus excellens ac perspicax Iosephus Salandus, qui me jam diu familiarissimè novit. Christus Deus optimus maximus M. T. quam diutissimè incolumem ac florentem suis donis augeat ac servet, Basileæ Calendis Febr.

M. D. LIIII

PRIMUS LIBER DE MEMORIA ET REMINISCENTIA

dividetur in capita

septem.

Primum caput declarat quid sit Memoria, ubi vigeat, quàm utilis & necessaria sit. &c.

Secundum potissimas quibus ledatur causas, earumque notas continet & curationem.

Tertium quomodocunque memoria nocentia precipua ostendit.

Quartum similiter juvantia particularia enumerat.

Quintum nonnulla probatiora selectioraque medica remedia composita continet, servantia multumque augentia memoriam.

Sextum philosophica consilia, canones, & praecepta reminiscentiae narrabit.

Septimum caput brevi sermone de locali vel artificiosa memoria agit.

Dictorum brevis epilogus ultimò ponitur.

CAPUT PRIMUM.

MEMORIA est per quam animus repetit illa quæ fuerunt Vel, est firma animi rerum & verborum dispositionis perceptio Aut (ut Aristoteles opinatur) imaginatio est, quæ ab his quæ sensus deprehenderat, remanet Platonis autem sententia, Memoria est sensus & incolumitas: nam anima sensuum officio adipiscitur quæcunque sub sensum cadunt, indeque opinionis origo est. Sed per mentem ipsam intellectualia animadvertit, & intelligentia fit. At memoria amissa per reminiscentiam denuo resumitur: nam cum oblivio sive memoriæ amissio duplex sit, perpetua videlicet & temporanea, in hac quidem reminiscentia agit, de qua interius suo loco dicitur. Sedem vero habet memoria in occipitio in tertio vocato ventriculo, quem & puppim vocant. Longum esset ac penè superfluum hic (ubi studeo brevitati) cerebri totius anatomē describere, quam in multorum libris videre licet, præsertim doctissimi pariter & diligentissimi Andreæ Vesalii. Dicam tamen aliquid brevissime ad rem nostrā propius faciens. Tres animæ operationes sunt in cerebro, phantasia, ratiocinatio, & memoria. Primæ duæ in duobus ventriculis cerebri majoribus, tertia in tertio & minori exercetur. Inter cerebri cava animalis spiritus tenuis, purus, mundissimusq; versatur, atque talis defertur memoriæ: quæ quidem claritate & subtilitate spiritus indiget. Quod si non aperiatur via illa, qua trāsit spiritus ad puppim cerebri, nihil homo reminiscitur: & contrā qui velocem habent hujusce viæ aperitionem, prudentes sunt, & velociter respondent. ut sunt quidam cholericī: qui verò pigrā illam & tardam habent, pigri sunt & tardi ad discendum atque respondendum, suntq; tales ut plurimū phlegmatici vel melancholici, crassisq; ac multis cibus ac potibus utentes. Rari quidem reperiuntur, qui felici ingenio & fœcunda memoria dotati, à natura sint, siquidē ingenium subtilem & mollem cerebri

cerebri substantiam, memoria permanentem indicat. Dicit quoque Galenus capite duodecimo Artis medicinalis, ingenium quidem subtilem cerebri substantiam indicat: tarditas verò intellectus crassam, &c. Huic functioni deserviens spiritus, à corde per arterias ad caput subvolat, & exterius nos cingente aere alitur, diuturnitatemq; consequitur. Et denique, conveniunt physici omnes, Memoriam potissimum pollere ex bona temperatura organi sedisve, in qua hanc functionē anima exercet. Sciendumq; quod sapere fit ex spirituum bonitate: boni verò spiritus sunt qui claritate ac motu temperati sunt & subtilitate. Plato in Theæteto: Non rectè, inquit, anima se habet in denso, aut lutulento, aut molli nimis, aut duro. Intemperies autem multifariam contingit: nam ex utero quis tam validam nonnunquam contrahit, ut non solum memoria, sed & ratio lædatur, atque ita stultitia fiat: cujus inter cætera signa, ut habet Aristoteles primo de animalium natura, sunt prægrandes & erectæ aures. Ex pravo item victu frequens est cerebri intemperatura, quandoque ex insalubri ambientis aeris constitutione: nam vetus est dictum, ubi sit siccior aer, ibi ferè etiam animam prudentiorem melioremque seu promptiorem: ut etiam habet Galenus in libro Quod animi mores, &c. Quin etiam ex casu, ex percussione, ex morbo & aliis id genus injuriis labefactatur, quorum exempla varia & ex Thucydide & ex aliis haberi possunt: quidam ictus lapide, oblitus est tantum literas, ex præalto tecto lapsus, matris, affinium & propinquorum cepit oblivionem: sui verò nominis oblitus est Messala Corvinus orator. Ecce igitur quàm fragilis sit omnium preciosissimus hominis thesaurus. Memoria inter humanæ naturæ commoda, teste etiam Seneca, primum sibi locum vendicat: nam multa legere studiosis facile, multaq; intelligere bono atq; exercitato ingenio non difficile est: verum ea congerere, & in memoriæ scrinio conservare, ita ut non effluant necessarium ac præcipuum est humanæ vitæ bonum. Ut testatur Plinius libro 7. cap. 24. Cyrus Persarum rex omnes suos milites appellabat. Mi-

thridentes duarum & viginti gentium rex, totidem linguas absque interprete & audiebat & alloquebatur, nec desunt innumera penè quorumcunque temporum exempla præstantissimæ in hominibus memoriæ. Quibus igitur non est jam excellens memoria, labore ut eam assequantur, opus est, sine qua vix in virum excellentem quisquam emerget: fieri enim solet, ut quantum quisque memoria emineat, tantum eniteat & sapientia, nisi sit somnolentus atque ociosus. Et poetæ non ab re sapientiam memoriæ filiam finxerunt: ac de ipsa rectè scriptum est: *Vsus me genuit, mater peperit memoria.* Quo igitur pacto ea acquiri augerive possit ac servari, hoc opere differemus. Constat autem cum pluribus doctis, tum verò Ciceroni, memoriam habere quiddam artificii, & non omnem à natura proficisci: Sic igitur & nos prius docebimus quo victus genere, quibusve medicaminibus ea acquiri firmarique possit, breviter, clara, usuque probata ponentes: postea, de artificiosa memoria, quæ observationibus, locis, imaginibusque constat, succinctè agemus.

Caput secundum præcipuas quibus ledatur causas, earumq; notas & curationem continet.

DVÆ sunt causæ principales quæ obsunt memoriæ, frigiditas & humiditas: quæ frigiditas vel sola est vel cum humiditate conjuncta: omitemus corruptionem, quæ fit à calido & sicco intensis, plus tamen nocet frigiditas humiditate: ea siquidem confundit naturam neque ejus opus ingreditur nisi tanquam subdominans instrumentum. Humiditas verò retentivæ contrariatur, quæ sicco proportionato confortatur: nam siccitas superflua nocet præsertim apprehensioni, dum impedit ne insigillantur formæ. Frigidi est sistere, & calidi movere: ergo frigiditas impedit motum necessarium ad memorandum. Retentionem verò impedit humiditas. Deniq; cum frigiditatis filia sit oblivio, ut & Paulus Aegineta, & reliqui tenent, dicendum ac tenendum est, eam magis obesse memoriæ, quàm noceat humiditas. Propter frigi-

frigiditatem enim quæ humores & spiritus congelavit, spectrum seu species imprimi non potest. Quorum igitur memoria vel intellectus perit, somnos etiam observare oportet, utrum vehementer an modice somnolenti sint, aut omnino non somnolenti, sed secundum naturam habeant. Sic enim vincentem invenies intemperaturam: nam ex multo ac profundo somno, humiditatem obesse: ex vigilia, siccitatem: & ex horum medio æqualitatem & bonam humorum proportionem cognosces. Adhæc considerandum, utrum excernat quippiam ex naribus vel ex ore quod à capite defluat, an arida ex toto vel ut plurimum huiusmodi partes sint, atque antecedentium causarum & externarum cognitio capitis dispositionem declarabit, quò idoneam dispositioni curationem adhibere possis. Vbi dominatur cerebri humiditas, multa somni cupiditate tenentur, oris plurima est saliva, & in naribus oculisque pituita frequens: omnes motus hebetes sunt. Tales præsentia recordantur & nuperrimè gesta: dudum verò facta, aut nequaquam aut difficilè recordantur: nam humiditatis cerebri est facile admittere & dimittere quaslibet impressiones.

Siccitate dominante, quæ humiditati contraria est, ex contrariis signis indicatur: adsunt enim capitis vigiliæ, levitates, & rarissima illarum superfluitatum emanatio, quæ à naso, palato, & oculis expelli solet: oculi sunt cavi: citò calvi fiunt: aurium tum abundabit cerumen. Quantum verò ad memoriam spectat, præsentia difficilius inscribuntur, & inscripta diutius tenentur: inde fit, ut quæ antea gesta sint, facilius memorentur & reddantur, quàm quæ nuperrimè geruntur. Exemplo sint senes, qui gesta ab ineunte ætate recitant ordinatim, præsentia verò non recordantur aut confundunt. Hoc etiam contingit senibus: quia ex frequentatis actibus fit habitus: hinc fit ut decrepiti bene recordentur antiqua, quoniam sæpius circa illa vel illis similia consideraverunt: male autem nova, quòd illis impressio non facilè fiat ob duriciem sensorii.

Si dominatur frigiditas, his facies albet, lumina languent, venæ inconspicabiles fiunt, somnolenti sunt, partes ad caput attinentes parum calidæ erunt, nec rubicundæ: mens erit stupida, vertigineque gravatum caput, & tardæ rememorationis. Hæc qualitas, ut prædiximus, valde officit, & animi facultates imminuit, inertesque efficit nam ut calidi est movere, ita frigidi e contrario facere: scias tamen in universum, viventis cerebrum calidius esse aere æstivo, ut Galenus habet in De usu partium.

At cum viget in cerebro caliditas, his notis facile innotescet: nam quæ circa caput sunt, calida magis ac rubicunda sentiuntur: oculos cernes versatiles, eorumque venas magis apparentes: Capilli in lucem editis statim oriuntur, nigri, robusti, crispique fiunt: brevibus somnis nec profundis contenti sunt: motuum velocitas & recordationis inest. Si verò auctior sit & facta innaturalis caliditas, vigiles erunt. Hic nimius calor animales spiritus excoquit, in fumosque ac fuligines diripit, & siccos generandis spiritibus aptos torrefacit. Qua de re felici vel tuta memoria destituuntur.

Si verò duæ qualitates adjungantur, signa earum tanta proportionem cognoscas, quanta istæ qualitates aut intenduntur, aut remittentur: nec difficile fuerit iudicium ex præmissis, ut si fuerit caliditas & siccitas extra temperiem, aderit permixtio sensus, vel phrenitis iuxta intensiorem gradum qualitatum.

Quo ad curandi rationem, victus primo pro causarum varietate mutatur, ut infra dicemus. Annotandum verò prius est, oblivionem à natura reportatam, non facile removeri posse, nec quæ à causa calida & sicca fuerit, sano in cæteris corpore. Hoc etiam interdum evenit, ut præter consuetudinem sit diminuta vel abolita memoria: tunc timendum est de peiori ægritudine, nisi ocyus succurratur, scilicet Lethargia, Epilepsia, Apoplexia, Paralyti, cæterisque id genus quæ à phlegmate in cerebro fieri solent, pro quibus ad medicos confugas. Si etiam ob extremam senectam memoria perierit, frustra laborandum ad-

movent-

movendis scilicet remediis, non est: sed tantum conveniente victus ratione contentos esse oportet, denturque cibaria & linctuaria humectantia & restaurantia siccitatemque arcentia.

Si propter vehementes purgationes cæterasque inmodicas inanitiones, vel à siccitate, memoriæ noxa superveniret, victu tantum reficiente succurrere oportet, corroborato siquidem corpore, collectisque, memoria reparatur. Cibi conferent igitur succulenti & boni succi, qui facile concoquantur in ventriculo: vinum sit rubrum, maturum, dilutum: exercitia moderata & citra fatigationem: caput clementer fricetur: prolixè dormiant: mollior cubent: tepidæ aquæ balneis utantur: sudationes vitent: capiti abrafo epithemata infundantur, vel fomentationes, ex decocto florum chamæmeli, melliloti, seminis lini, ordeï decorticati: aut ex lacte recens mulcto: inungatur oleo fusino, amigdalino, dialtea, butyro non salito. Sumant conservam boraginis, buglossi, cortices citrei conditas, & similia.

Si à frigida cerebri intemperie sola sine materia malum ortum fuerit, opponatur caliditas frigiditati, & pariter humiditati siccitas, cum temperamento tamen: in caliditate enim & siccitate naturali omnis æqualitatis debet esse proportio, ut ne quid nimis. non enim omnis caliditas bonam memoriam facit, nec omnis siccitas: sed quæ proportionē respondet temperamento, nec fluat in intemperiem immoderatam, cujus vis est actum propriæ virtutis tollere. Cavendum est ergo ne nimis cerebrum calefaciamus, aut exsiccemus nimis. Et qui temperato est capite, caveat ne medelas apponat. Qui igitur corruptionem memoriæ patiuntur ex immenso calido & sicco, quæ conjunctionem plerunque phrenitides & deliria sequuntur, iis oxyrhodinum capiti infundatur, & curatio reliqua cum his quæ refrigerant & humectant, pulchrè complebitur. Quod si ex nimia frigiditate adnixa intensæ siccitati fuerit, quod accidere consuevit aut propter longos morbos, aut vehementes corporis labores, aut acres valde ani-

de animi affectiones, quibus naturæ vires fatiscunt, & animales spiritus dissipantur, humectantia & mediocriter calefaciendi simul vim habentia, haud mediocri erunt præsidio.

Cùm autem non solæ ac nudæ qualitates offensionem e-runt, sed adfuerit simul humorum copia, ab evacuatione incipiemus præmittendo concoctionem convenientem, si opus erit. Sanguinis copia venę postulat sectionem, quę cuni medici docti consilio fiat. incidatur autem humeraria, quam cephalicam vocant, si caput solum degravatur: si corpus totum, aut interna, aut media. Si bilis flava abundaverit, consulto medico, cum educantibus bilem purgetur, ut cum rhabbaro, manna, casia, succo rosarum, electuario rosato: syrupo rosato solutivo: tamarindis, vel aureis vocatis pilulis, & similibus. Si atra bilis, præsidii itidem convenientibus à peritis medicis traditis, educatur, ut senæ infusione, epithimi, veratri in fortioribus: dyasene, pilulis indis, &c.

Quòd si fuerit causa quæ penè semper contingit, frigida & humida, hi modi in curando serventur: Et primo quoad victū, moram trahat quantum poterit, in aere luminoso non ventoso, nam venti plurimum obsunt. Evitent quę phlegma multiplicant, omniaque frigida, similiter & vaporosa, ut cepe, & super omnia repletio & sacietas aut cruditas, multus potus, multa fructuū comestio vitetur, cibi gravis concoctionis, ablutio cum nimis calida vel frigida aqua, potatio ejus nimia vel vini. Conferet igitur cibi bene nutrientes, calidum & spirituosum sanguinem gignentes: vervecina, hædina, capi, phasiani, perdices, quorum ova singulari potestate in hoc pollent, pipiones, turtures, passercoli, galeritæ, turdi, merulæ: parentur cum hyssopo, satureia, thymo, sampso, rore marino, garyophyllis, macere, zinzibere, pipere, cinamomo, granis juniperi, præsertim hyeme. Animalia fugiant nuper edita, quòd mucosam ac viscidam habeant carnem: animantis cerebrum ut pituitosum incommodat, nisi sit gallinæ, quod peculiariter & summè laudatur. Similiter fugiant medullas, gruinas

gruinas carnes, pisces præsertim viscidos & lacunales, cœtera frigida, lac, caseū, præcipue multū, aut pravū: fructus humidos & horarios: acriora interdum hyeme præsertim, exhibeantur, ut allium, puleium, capparis remota falsedine, sinapi à Pythagora laudatum: parcè epulentur præsertim cœnantes, vinum bibant album, aut verniculum subrubrumve: aquā nisi sit cum melle vel cinamomo aut alio cum aromate decocta, non gustent. Prolixum somnum diurnumque aversentur, nec super nucham, vel super nimia repletionem fiat: à superflua quoq; vigilia caveant: debilitat enim spiritum, ipsumque resolvit ac caput replet. Exercitium fiat deambulando, & cibos præcedat, cum fricatione etiam partium capitis (facta tamen prius convenienti purgatione) cum pannis asperis, & pedum & manuum, sed moderatum: circa lacus, flumina & uliginosa loca non versentur, austrinos flatus & pluviosas constitutiones declinent, lucidam & altam domum inhabitent, caput oleis convenientibus (ut etiam infra dicetur) unguatur. à multo vel frequenti coitu omnibusq; cerebrum debilitantibus caveant: nam principali debilitato nocentur & orta ab eo: corpus servetur mundū à superfluitatibus. Si igitur pituita lenta ac crassa fuerit, fiet illius attenuatio, & concoctio, & præparatio ad educationem, cum oxymelle composito vel scyllitico vel de quinque radicibus, de stichade, de raphani radicibus facto, melle rosato prout opus fuerit, & aquis seu decoctis convenientibus. Ad educendā verò præparatam materiam exhibeantur pilulæ vel cochix, vel ex hiera Galeni addito modico castorei & nucis myristicæ, addatur etiam præparata colocynthis secundum medici præsentis prudentiam: vel detur hiera magna cum nuce moschata: vel hiera Russi, de qua Aetius libro tertio: conveniet etiam yeralogadii, & alia quæ conveniunt dolori capitis ex phlegmate, deinde fiant etiam gargarismata, fomentationes, unctiones, sacculi, & huiusmodi: clystere etiam si opus fuerit fiat ex respicientibus caput: sternutationes fiant, ut cum pipere, struthio, seu condisi, elleboro albo, iride, & simili-

bus

bus. Conferunt præterea si pituita ulterius exundat, quæ salivam movent seu apophlegmatismi, odoramenta: cubebæ masticatæ seu commanæ, modis omnibus auxiliantur: auribus indatur oleum castorei, lavandulæ, spicæ. rursus pro purgatione conferent hæ pilulæ etiam à proprietate: Recipe thuris masculi, mirrhæ electæ, zinziberis ana drach. i. med. pulveris capitis upupæ drach. duas. acori scrupulos duos. hieræ majoris drach. i. med. castorei, colocynthidis ana scrupu. med. confice cum bona terebintina vel cum serapio de stichade, & fiat pasta, denturque pilulæ numero paucæ, sed crassæ supra levem cœnam in lectum descendentem: possunt etiam auferri ea quæ solvunt, ut tantum confortent: hæ ferunt principatum hac in causa, & præ cæteris conferunt memoriæ. Item ad corroborandum, fiat eclicma vel linctuarium tale, vel simile in modum Rec. conservæ anthos, melissophylli, ana unciam unam. enulæ conditæ, zinziberis viridis vel conditi, ana unc. med. corticis citrei conditæ drach. 6. diatrionpipereon, diambaris, ana unc. med. cum modico aquæ vitæ in vasis vitreis semel distillatæ ex vino bono, vel cum aqua mellissæ, aut florum lilii convallii: commisce: sumat horis duabus ante cibum in mane drachmam unam aut alteram, & semi drachmam hora somni.

Notandum autem quod nucha est cerebro frigidior, ideoque calida magis patitur & tolerat, frigida deterius: meminisse igitur oportet, ne frigefacientia quæ forinsecus inducuntur, in occiput cadant. Calefactoria itaq; medicamenta tam extra quam intra corpus adhibenda. Extrinsecus autem junctiones capiti ex oleo calido, idq; æstas adhibendæ, ut rutaceo, anetino &c. hyeme verò irinum in quo incoctum sit serpillum vel calamentum, piper, baccæ lauri, addendo aceti modicum ad penetrationem. Utile erit & castoreum cum oleo illitum occipiti: vel tale unguentum: Rec. olei de lateribus, de castoreo ana unc. med. radice acori, phu seu Valerianæ, ana scrup. i. pyretri, rutæ ana scrup. med. cum cera quantum sufficiat, fiat unguentum, quo rasum occipitium inungatur: & subinde sca-

de sacculus imponatur, qui recipit florum rosmarini, mel-
lissophylli, lavandulæ, singulorum manipulum med. flo-
rum sambuci manip. unum, stichadis drach. 3. nucis mo-
schatæ, ligni aloes, maceris ana scrup. 1. contusa in seri-
cum demittantur formeturque sacculus.

Linimentum aliud conferens diminutioni memoriæ &
oblivioni: Recipe olei sambucini unc. unam, olei de been.
unc. duas, olei euforbii, castorei ana un. med. aceti drach.
3. misce, inungaturque locus. Item oleum philosophorum
vocatum à Mesue, occipitio inuncto, memoriam mirabi-
liter reparat.

Alia inunctio. Recipe radicis rutæ, buglossi, phu cum
radicibus ana unc. 4. castorei duorum vel trium annorum,
avis quam semen fraxini vocant, ana drac. duas: redigan-
tur in pulverem & misceantur: post Rec. succi eufragiæ, or-
mini quam sclaream vocant, verbenæ ana unc. 4. medul-
læ ana cardi unciam unam, axungia ursi, quantum satis
est, fiat unguentum liquidum, & ponatur in vase cupri vel
stanni, ut stet liquidum, nam aliter haud valeret, ungatur-
que occiput.

Emplastrum quoque de sinapi Mesue secunda descri-
ptione Antidotarii valebit in affectu frigidiore: vel oleum
de sinapi. Superiora conferunt etiam absque prævia pur-
gatione, ut & sequentia, his qui frigidityte sola absque no-
tabili humiditate laborant. Intrinsecus quoque præter
suprà narrata conferunt, verus acorus conditus (quem
calamum aromaticum credo, vel galangam) saccharum,
florum betonicæ, roris marini, lavandulæ, spicæ nardi,
melissophylli, adjectis longo pipere, garyophillis, cinna-
mo, nuce moschata; & id genus aliis odoratis. Valde et-
iam juyat zinziber conditum ad avellanæ quantitatem,
præsertim in ventriculo frigido & humido, uti ferè est in
omnibus vel pluribus tali causa & affectu laborantibus:
nam reparat memoriam sumptum mane in temporibus
non calidis, horis quatuor ante cibum.

Confert non parum & hoc: Rec. thuris, cyperi, piperis
longi, croci, mirrhæ, ana, confice cum melle, & ex eo omni

die sumatur drachma una horis supradictis præsertim mane.

Aliud ad idem præcipue senibus valens. Rec. mellis anacardini, thuris albi, cyperi, acori veri ana partes duas, rotundi piperis & longi ana partem unam, myrobalanorum cepulorum, cæruleorum ana partes duas, cymini partem unam, mellis quantum sufficit. datio sit drach. 2. singulis mane. diambæ etiam convenit.

Prodest & confectio anacardina si probe conficiatur, a post sex menses ea utaris: hæc enim acuit ingenium & sensum & intellectum clarificat, mentem revocat sopitam, lethargiam curat & artheticos: confertque dolori ventriculi & alij à frigiditate, &c. sic verò fit: Recipe myrobalanorum empeliticorum, belezicorum, piperis albi & longi ana drachmas duodecim, zingiberis, mellis anacardici ana unc. una, castorei, styracis, garyophyllorū, ana drach. quinque, florū camamelis, baccarū lauri, cyperi ana drach. tres mellis quantum sufficit, misce in modū electuarii. Datur infuso admodū parvæ nucis sive avellana, id est drachm. 1. Scum vino calido decoctionis seminū anisi & feniculi. potest & mane sumi. Caveat verò sumens à frigiditate, à cibis phlegmaticis, ab ira, coitu & ebrietate. Anacardi autem antequam in aliquibus medicinis ponantur compositis, debent in hunc qui sequitur modum præparari.

Rec. anacardos aceos tere optime in mortario, atque in aceto fortissimo ponantur per dies septem, post lento igni in eodem aceto coquantur, quoad aceri pars tertia remaneat: tum percola fecem illam quæ in fundo vasis remanserit, prius aceto leviter extra colato, eamque colorem transmissam fecem, in medicinis pone: neque enim anacardorum fructus medicinis per os assumendis immiscentur, nisi si prius hoc modo vel simili præparentur.

Quod si mel anacardinum facere volueris, pone curi ipsi anacardis eo modo in aceto coctis, tantundem mellis despumati ac simul ambo bulliant ad spissitudinē, & mel habebis anacardinum, quod in prænarratis affectibus cooperatur mirabiliter, si ex eo des drachmas duas in aurora

In Sicilia dum recentes sunt anacardi ponuntur in melle prius liquefacto, & diu morantur in eo, taleque vocatur mel anacardinum, & habetur usui absque anacardis, & inditur linctuariis. Si eo ex melle dentur drachmæ duæ, recuperat memoriam ex proprietate sua.

Expertus est & acorus nutritus ac coctus in mille & reservatus, ut condiuntur nuges ac radices: similiter piper longum nutritum coctumque in melle & aservatum, nam servant & augent memoriam: dosis communis drach. i.

Aliud expertum in forma pulveris Recipe thuris drach. unam, cyperi, piperis, croci, myrrhæ ana drachm. duas: terantur subtiliter, & per cribrum ducito, & fiat pulvis, de quo omni mane dum surgit detur drach. i. vel serò in ingressu lecti.

Aliud expertum. Recipe cimini, piperis ana drach. duas, sacchari albi drach. tres: terantur & fiat pulvis, cape drach. unam omni die mane. Aliud itidem expertum. Recipe thuris albi drach. unam, piperis longi vel albi scrup. unum, fiat pulvis, qui mane totus pro una datione bitur per plures auroras cum unciis tribus aquæ mellis, vel decocti cinamomi modici & garyophyllorum.

Aliud æquè bonum ac certum. Recipe cimini drachm. quinque, piperis novi drach. unam, acori veri vel galangæ, cyperi, mirobalanorum nigrorum ana drach. duas, mellis anacardi (de quo supra) drach. unam, mellis communis unc. 3. s. terenda terantur, & cum melle prius despumato incorporentur, & fiat conditum in pixide, datio in omni mane drach. 2.

*Caput tertium, quomodocunque nocentia memoriæ
precipua ostendit.*

C Avere oportet in universum cruditates, tanquam rationi infestissimas, & toti corpori.

N 2

Plu-

Plurima vini præsertim potentis potio pessima est: vehementer enim humectat caput, ac ferè nihil æquè obliuionem inducit, quàm superflua humiditas.

Exterior excedens frigiditas lædit memoriam, præcipuè nocturna propter malam capitis cooperturam.

Caliditas intensa valde quandoque perturbat rationem & memoriam lædit.

Ciborum fumosorum comestio & potus; ut alliorum porrorum, ceparum, item casei & leguminum vitetur.

Potus post comestionem dum cibi sit concoctio eam interruptens præsertim à cœna; memoriæ cerebroque valde nocet.

Quies superflua calorem debilitat: superfluitates retinet & aggravat, ideoque lædit memoriam.

Somnus cibo propinquo, antequam scilicet descendat ritibus ad ventriculi fundum, infestissimus.

Dormire calciatis pedibus, præcipue cum sotularibus memoriam impedit, ob vaporum reflexum.

Crudæ herbæ comestæ, multum nocent memoriæ: ut plurimum; videre vel audire non placentia animo: & huiusmodi animi symptomata.

Metus perimit memoriam, vel tristitia perseverans.

Somnus immoderatus, & vomitus laboriosus, & frequens coitus.

Acetum & acetosa omnia. Sunt qui dicant gallorum ossa exusta, veterum adducere.

Caput quartum, iuvantia particularia præcipua enumerat.

F Ructuum stipticorum ex natura vel arte post comestionem moderata sumptio, prohibendo fumos elevari, memoriam iuvat valde.

Temperatorum ciborum & potus, sicut gallinarum & perdicum præcipue cerebellorum eorum temperata refectio;

tio, non tantum memoriam, sed & totum corpus confortat.

Ante cibum moderatè & convenienter exerceri, non tantum memoriæ, sed & cæteris functionibus prodest.

Superfluitatum per intestina, per nares, per palatum, per os, aures, per urinam, per capitis frictionem cum pectine conveniens & debita expulsio, confert plurimum virtuti memoratiuæ, si post somnum & ante exercitium fiat.

Visorum auditorumve frequens recordatio, memoriam corroborat & confirmat: nam nihil æquè aut cura augetur, aut negligentia intercidit, ac ipsa memoria: quia nisi excolas & jugi meditatione exerceas, inertia situque corrumpitur.

Gaudium temperatum & honesta delectatio non solum memoriam, sed virtutem intellectiuam cæterasque virtutes corporis etiam augmentat.

Sæpe lavare pedes in aqua calida, in qua bullierint melissophyllon, folia lauri, chamæmelon, & similia, memoriæ, capiti, oculisque valde confert.

Abluere caput decimo quoque die cum lixivio in quo parum bullierint chamæmelon vel assatum, melissophyllon, salvia, amaracus, sive sampsucus, lauri folia, vel similia, additis in æstate rosas, memoriam corroborat & confirmat, ut in capite etiam sequenti latius dicitur.

Stare pedes post comestionem, vel suaviter deambulare, quo cibus ad fundum descendat ventriculi, multum expedit & confert, ob bonam ciborum concoctionem.

Coriandri bene præparati & saccharo inducti post cibum assumptio, prohibendo fumos ad caput ascendere, memoriam juvat: id præstat & Diacotoneon.

Masticatio masticis cum modico zingibere facta jejuno stomacho, ab humiditate phlegmatica sine molestia caput purgat, indeque præpedita confortatur memoria.

Recipe thus albissimum, tere in pulverem, pone in pura & simplici frigida aqua, bibe in augmento lunæ in ortu lili, in meridie, & solis occasu, facit bonam memoriam,

acutum sensum , exsiccat cerebrum & ventriculum.

Tradit Simeon Sethi, fel perdicis arteriis temporum illitum, ut penetret, semel in mense, ad memoriam confirmandam prodesse plurimum.

Melissophyllon confirmat eam, & ingenium acuit, hominemque quocunque modo comedatur herba facit industrium: quod etiam nasturtium in frigidioribus & segnioribus efficere potest, unde natum est in segnem adagium, Ede nasturtium Melissa præter hæc, animi tranquillitatem præstat soporem capiti jucundum in ducendo.

Gallinæ cerebrum ingenium & memoriam juvat, ad ut aliquos qui delirare cœperant, resipiscere fecerit.

Semen ormini seu schlaræ domesticæ fertur ad recuperandam memoriam mirabile, si in pulvere sumatur cum aliquo potu, aut cibo. Item eboris limatura conducit oblivioni, si parum de ea in vino modico sumitur mane.

Item granum unum thuris albi cum lectum petis, maxime conducit solum transglutitum: nam capitis humidatem exsiccat & ventriculi, ac ita memoriæ confert. facito hoc post purgationem bis terte in hebdomada, si multa adsit humiditas.

Pleresarchoticum confectio, duarum drachmarum pondere hora somni assumpta, vel myrobalanus cepulus conditus sumptus in aurora horis quatuor ante cibum beneque mansus semel in hebdomada, memoriam restaurant ab humido læsam præsertim. nam roborant intellectum & juventutem ferè conservant myrobalani cepuli conditi ita passulæ, &c.

Memineris in materia humida prius fieri evacuationes. nam materia humida plerunque est debilitatis memoriæ causa, ut superius dictum est,

*Caput quintum, nonnulla probatiora selectaq; medica
remedia composita servantia continet, multumq;
augentia memoriam.*

ANTIDOTUM mirabiliter conferens memoriæ, lethargiæque vel oblivioni: ventriculum confortat, & omnia debilitata membra ex phlegmate & frigore.

Recipe zingiberis, galangæ, masticis, cimini, origani ana drach. sex, nucis moschatæ, calami aromatici, assari, carpesiorum, id est, cubearum, ligni aloes, maceris, seminis apii, ammeos ana drac. 2. thuris albi, garyophyllorum, cardamomi, zedoariæ, piretri, castorei, piperis longi & nigri, costi, cyperi, ana drach. tres, mentæ siccæ unc. med. terantur & pulverizentur omnia, ac cum penidiarum & mellis despumati quantitate sufficienti fiat eclema Cujus modus usus ut reliquorum sit, præsertim tempore frigidus vel non calidus multum, & per intervalla.

Pilulæ quæ languenti cerebro conveniunt, præsertim senioribus ac frigidis. Rec. succini odorati seu ambræ delectæ drach. unam, ligni aloes scrup. s. cubearum scrup. duos: cum vino meracissimo pilulas confice quindecim, da binas ante cœnam.

Pomum odorandum pro memoria: Rec. radicum iridis drac. 1. med. seminis fœseli, id est, sileris montani, stichadis ana drach. duas, nucis moschatæ drachm. med. mentæ drach. unam, ambari (vulgo ambræ) thuris, calamiti, styracis, ligni aloes ana drach. med. ladanii quantum sufficit, fiat pomum secundum artem.

Probatissimum experimentum ad ingenium & memoriam, quod ferunt esse Aristotelis. Re. ursi pinguedinē quam habet in humero seu spatula dextra, eamq; reponē in vesica ipsius ursi simul cum ejus urina, & simul stent octo diebus: tum extrahe, & accipe succum ormini sive schlaræ domesticæ, eufragiæ, berbenæ, buglossi, phu seu Valerianæ, aloes, omnium æqualiter, & simul misce cum prædicta pinguedine super ignē cum lignea spatula agitando, quoad fiat unguentum spissum, ex quo cum volueris accipe

quantitatem parvæ fabæ & unge frontem & tempora fricando aliquantisper, & audita recordaberis.

Lixivium pro ablutione capitis humidi frigidique confortativum, & memoriæ conferens, debet autem esse ex cinere sarmentorum vel quercus, postea intus hæc bulliant. Rec. acori veri, stichadis, foliorum lauri, roris marini, ivæ, salviæ, ana manip. unum ex isto lavato caput: post verò ablutionem aquæ vitæ modicè sinciput madefacito, & sequenti pulvere aspergito. Rec. pulegii, calamenti, garyophyllorum, sandaracæ, macis, stichados, mentæ siccæ, majoranæ, ana drach. quinque, misce & fiat pulvis subtilis, & post insersionem superpone stupam canabis. aliis quoque diebus ingrediens lectum pone super capitis bregmate ex pulvere illo etiam illoto capite, nam siccet, &c.

Aliud lixivium ad confortandum caput & memoriam. Rec. hederam muralem, rosmarinum, laurum, stichadem, marrubium aut betonicam, & bulliant in lixivio, quo caput lava. Idem ferè operantur cupressi nuces, frequenti usu.

Aliud in humido capite, quo bis vel semel in hebdomadè utendum. Rec. senæ, rosarum, florum chamæmeli, acori, stichadis, foliorum lauri, nucum cipressi, salviæ iyz, baccarum hederæ partes æquales, hæc in hyeme bulliant in lixivio pro lotionem capitis, at in æstate remove stichadem, & rosas adde, ac aliqua myrti grana, & minus calido utere.

Optimum remedium aliud, sed longe difficilius paratu. Rec. florum citrullorum siccorum buglossi, roris marini ana drach. duas, chamæmeli, violarum, rosarum ana drach. i. med. seseli drach. duas, seminis viticis, rutæ campestris ana scrup. 4. foliorum lauri viridium, majoranæ, stichadis, salviæ, florum sambuci, artimisiæ ana drach. tres contendantur optime & infundantur in lib. 3. aquæ vitæ optimæ, & unc. 6. aceti albi scyllitici fortissimi, ac simul quiescant duobus diebus in vase vitreo bene cooperto, & postea destilla ad cineres cum suavi igne: deinde Rec. olei
de te-

de terebintina destillati optimi unc. octodecim, olei de
 been destillati unc. octo, prædictæ aquæ destillatæ unc. vi-
 gintiquatuor, loco olei de been potes accipere olei destil-
 lati de adipe ursino, sed melius si de utroq; acceperis par-
 tem mediam; si verò neutrum repereris, recipe oleū sam-
 bucinum: adde prædictis rebus capillos hominis bene ad-
 ustos, nam à Proprietate evigilare faciunt, & excitant le-
 thargicos: misceantur & destillentur in vase vitreo usque
 ad extractionem totius aquæ, & aquam ipsam seorsum
 serva: deinde recipe euforbii drach. quatuor, piperis lon-
 gi drach. 3. med. cumini drach. tres, thuris masculi clari
 unc. duas, & drach. duas, masticis, myrrhæ electæ ana unc.
 unam, anacardorum bene contusorum unc. 1. drach. 2. car-
 pobalsami drach. quatuor, pulpæ castorei drach. med. my-
 robalanorum empeliticorum drach. 4. med. opopanaxis
 unc. tres, serici crudi minutimque incisi drach. 1. med. co-
 sti, radicum pæoniæ fœminæ, cyperi electi ana scrup. qua-
 tuor, ladanii drachmas tres, sanguinis draconis, id est,
 gummi ita ob similitudinem dicti drac. 2. med. bdellii clari
 drach. 6. pulverizanda pulverizentur optime, & omnia
 infundantur in prædicto oleo toto, & sic quiescant in bal-
 neo temperato, simul in vase vitreo bene obturato diebus
 quinque, sed singulo die arundine sicca commoveantur
 miscendo, postea colentur, & optime exprimantur cum
 panno rudi prius infuso in aqua & bene expresso: Et oleum
 postea taliter expressum destilletur, vel fiat sicut in destil-
 latione olei de ladano fit: videlicet, primò incipe cum igne
 carbonum levi ad fornacem, donec leviter ebulliendo in-
 cipiat communiter destillare, dehinc procede cum levi &
 pauca flamma, & quandoque interpolata, donec liqui-
 dum & subtile destilletur quasi totū ex apposis oleis, id
 quod scire poteris ex visu, sed melius ex pondere olei de-
 stillati: postea procede cum igne carbonū mediocri, omit-
 tendo omnino flammam: & destillatū servetur in vase vi-
 treo bene clauso. Demum recipe galliæ moschatæ, garyo-
 phyllorum, macis, cubearum, nucum moschatarū, carda-
 momi, ana scrup. quatuor, spicæ, calami aromatici, corti-
 cum

cum citrei exteriorum ana scrup. duos, ligni aloes boni drach. 2. med. ambari electi drach. 3. med. moschi optimi drach. 1. med. pulverizentur omnia subtiliter, & misceantur cum toto prædicto oleo destillato, sicque simul quiescant duobus vel tribus diebus in calore temperato, & postea iterum destillentur arte sua, & ad subtilem substantiam reducantur, servanturque in vase vitreo forti bene clauso cum cera, & est optimum. Utendi modus talis est, ut prius si oportet facta purgatione totius vel capitis, eo utaris incipiendo in mense Novembri per dies quinquaginta continuos, postea semel omnibus octo diebus, postea solum quando vis memorari, capiendo illum in sero præcedenti ante mane quo vis recitare vel concionari.

Unguentum ad idem. Recipe adipis ursi, capi, gallinæ, vaccæ, & gummi hederæ, ana pondus æquale, omniaque alembico vitreo destilla suavi igne, quo oleo unge tempora & pulsus manuum ter in hebdomada, & rem optimam senties.

Unguentum quo tempora unges mediocriter in tempore frigido tantummodo. Recipe talpæ pinguedinem, ursi, mustelæ castoreique ana, succi betonicæ & roris marini ana: ex omnibus confice unguentum, quo utebatur, ut fertur, Aristoteles.

Ut profundè memoria teneas & perpetuò, utque velociter apprehendas: hoc usi sunt multi magni viri. Rec radicum linguæ bovinæ, radicum valerianæ, ana uncias quatuor, radicum rutæ unc. duas: fac inde pulveres subtilissimos, postea recipe succum eufragiæ, schlaræ sive ormini, berbenæque ana uncias quatuor: coletur bene succus per pannum, postea misce succos simul, ambo tamen separatim, postea recipe medullam anacardorum unc. unius pondere, & fac pulverem ut supra. Item recipe linguæ avis id est, semen fraxini, & fac pulverem subtilissimum, postea misce omnia prædicta simul scilicet succos & pulveres, & accipe sartaginem terream vitreatam, & pone ad ignem, intusque pone ex ursi pinguedine, & funde seu liquefac paulatim, & intus projice dictos pulveres cum succis mi-

screndo

scendo semper, apponendo de dicta pinguedine quousque fiat unguentum subtilissimum, quo unge tempora & partem memoriæ & frontem & verticis partem versus nucham: hocque ter vel quater in anno facies, & continuabis sic ungendo, etiam prout magis aut minus oportebit hoc enim in virtute excedit supersticiosam artem notoriam.

Ad idem Rec. octo calices aquæ communis, foliorum hederæ, stichadis ana li. i. med. ponantur simul in aqua ad bulliendum ferè ad consumptionem aquæ; postea coletur beneque exprimatur, & intus pone modicum terebentinæ lotæ cum rosacea, postea caput lava cum bono lixivio, & post exsiccationem unge cum prædicto liquore tempora & occiput.

Pomum odoriferum ad confortationem cerebri frigidi. Recipe ladani, ligni aloes, styracis, ana drach. unam, gaiophyllorum, nucis moschatæ, seminis ozimi ana drac. med. cum aqua rosacea, in qua nonnihil moschi & ambari dissolutum sit. fiat pomum.

Ad habendam profundam memoriam, vel si quis eam ex debilitate vel infirmitate amisisset: valet etiam vertigini. Rec. roris marini, id est, libanotidis, boraginis, chamæmeli, violarum, rosarum ana unc. unam, stichadis, foliorum lauri, majoranæ, salviæ ana unc. duas: omnia incide & pone in optimo vino, & post diem destilla per alembicum vitreum aut vitreatum, & destillatum serva, in quo pone terebentinæ odoratæ lib. unam, thuris albi uncias octo, masticis, myrrhæ, bdelli, anacardorum ana unc. quatuor: omnia tere, & dimitte sic stare per dies quinque cum destillatione cooperta, postea destilla in tantum cum igne fortiori. donec ex eis oleum habeas, quod serva bene clausum in ampulla vitrea bene cum cera & pergameno obturata, modus usus talis est, Recipe ex eo quantum caperet cortex avellanæ per os, & unge etiam partes memoriæ, scilicet occiput & quasvis partes jam dictas, optimum experieris.

Possem hic plura etiam utilia remedia aggregare, sed
hæc

hæc sufficient, & viam struent aliis pro occasione parandis: nam brevitati studui, & meliora ex bonis selegi, nec penes me, ut nec Christianum decet, latere volui. plura & non spernenda composita reperiet quicumque apud Anconium Fumanellum medicum Veronensem, in opere suo De compositione medicamentorum, &c. Hic ea non transcripsi, ne actum agerem, quamvis meis aliqua ex parte consonent illius nonnulla. eligat quisque quod sibi conveniens sit: & qui nescit, medicum consulat doctum, meminertque nihil sine labore fieri aut parari dignum laude. nam omnia proposuit labori Deus: nec sunt spernenda media illi, qui finem assequi desiderat: cum nec juxta Physicos, ex extremo ad extremum perveniatur sine medio convenienti.

*Caput sextum philosophica consilia, canones, &
reminiscentiæ præcepta narrabit.*

UT Aristoteli placet, duo sunt memoracionis actus, memoria scilicet & reminiscentia: quanquam reminiscentia respiciat ea quorum sumus obliti, sitque extimativæ seu cogitativæ virtutis officium, non principaliter memorativæ, ut Averroes & Albertus in suis tramatulis voluere: vel dicas facultatem illam reminiscendi esse mentem & intellectum, ut Themistius voluit: quoniam nulla facultas videtur discurrere, nisi intellectus. hæc autem sine objecti præsentia in homine solo est: nam cum objecti præsentia etiam in brutis reperitur, ut Aristoteles innuit, & in cane venatico satis patet: diciturque sensus phantasticus.

Memoria verò est retentio imaginum prius ab anima perceptarum, quæ tamen neque utilis est nisi & omnes retineat, & eo ordine quo eas concepit, reddat. non est autem præsentium neque futurorum, sed præteritorum tantum, ut inquit Aristoteles. Memoria rursus & reminiscentia, quamvis eidem subjecto generi competant, differunt tamen aptitudine, quoniam bene reminiscentes, communiter

ñiter male memorari consueverint. tempore item memoria semper reminiscenciam præcedit: non enim quis reminisci potest nisi ex his, quorum habet memoriam. hæc etiam multis aliis animalibus concessa est, illa verò solis hominibus: nam cum reminisci sit velut syllogizare, id est, ex notis ad ignota devenire, hoc verò proprium sit hominis, inde fit & reminiscenciam hominis esse munus, ut superius innui.

Ad memorandum quatuor motus concurrunt: primus est motus spirituum, qui à cogitativa ad memorativam figuras aut species transportant. Secundus est pictura fixioque figurarum in ipsa memoria. Tertius est reportatio à spiritibus à memorativa ad cogitativam seu ratiocinativam. Quartus est illa actio quæ cogitativa recognoscit, quæ propriè est memorari. Dicimus etiam quod actus memoriæ vel reminiscenciæ supra tres res quasi tria objecta per se cadit, videlicet supra rem aliàs apprehensam, supra actum quo illa res aliàs apprehensa fuit, & supra tempus determinatum vel indeterminatum in quo apprehensio illa fuit.

Ad cujuslibet harum rerum defectum necesse est deficere etiam memoracionem. Quapropter etiam bene memoria sic definietur, quòd sit apprehensio in anima existentium specierum, cum indagatione & inquisitione: sed de his in primo capite jam dictum. Nunc de artificiosa memoria dicere instituentes, quæ oporteat de se præstare volentem memorari, præscribimus. Erunt autem pronunc præcepta viginti, sed brevibus verbis complexa.

Primum judicato (hoc & similia sint dicta junioribus studiosis) studia quæ sequeris omnium præstantissima: & te felicem, si consequeris sapientiam, & sapientem audias præceptorem, quem etiam cogaris admirari: plurimum enim memoriæ conducit, si quæ aut leguntur, aut audiuntur, cum admiratione ac voluptate incidant.

2 Eam scientiam judicato difficilem & per paucis bene cognitam: quia inde oportet ingenium assurgere: & id utile est memoriæ.

Attentè

3 Attentè & accuratè audias præceptores : similiter si legeris faciās , ad studium omnes animi vires congregando : ille enim est docilis auditor, qui attentè paratus est audire : nam ex diligenti attentione major fit motus , ac impressio firmior. Vnde Terentius: Vbi intenderis ingenium valet.

4 Cum multa sis collecturus , quantum fieri potest ad paucitatem brevitatemque reduces: aliter enim addiscens, aliter memoraturus procedit : nam qui addiscit, genus in species secat usq; ad specialissima, qui verò vult memorari, multitudinem in unum, vel saltem in pauca redigit.

5 Ordo ante omnia diligatur in divisione corporis in membra: sic tractatus in capita in conclusiones secabis.

6 Singula sæpe repetenda , ita ut cum unum caput & sequens pariter didiceris, & primum & secundum rursus animo repeteres : & cum tertium didiceris, rursus à primo inchoandum erit, & sic successivè.

7 Complexurus multa , membratim secabis : ne diffusa multitudo memoriam confundat. Vnde poeta ille : Scire si vis hanc rem, tota sit separata minutim.

8 Sit tibi fræquens & diuturna de eadem re cogitatio, vel cum aliis disputatio, vel alteri declaratio, ex frequentatis enim actibus generatur habitus, qui est memoria. Nec te à disputatione deterreat erroris timor : nam tenacius retinebis quod didiceris cum rubore. unde Senec: Memoria nihil perdidit, nisi quod sæpe non respicit.

9 Conare ut intelligas quæ volueris memorari : neq; ita curandum est ut multa legas , quam ut multa intelligas: aut pauca multum legas, eorum præsertim qui non nugis chartas implent.

10 Cave ne obsint memoriæ literæ, ne scilicet illa quæ scripseris in memorabilium libello, ea veluti certa & alligata tenens, custodire desinas , & ipsa securitate fidens , è mente dimittas. Clarum est in hoc Antisthenis Atheniensis exemplum, qui amico cuidam deploranti quòd commentarios suos perdidisset : oportuit, inquit, ista potius animo quam chartis inscribere : sentiens librorum fiduciam esse causam, quo minus memoriam exerceamus.

11 Procuranda est cibi concoctio, & quæ obsunt memoriæ fugienda sunt, & sint in usu quæ illi conferunt, ut supra cap. tertio & quarto dictum est.

12 Liberandus est animus ab aliis cogitationibus, ab his scilicet quæ studium non recipiunt: nam pluribus intentus, &c.

13 Non audienda tantum, sed etiam videnda sunt quæ volueris memorari: nam semel videntes magis memorantur quàm identidem sæpe sæpius audientes.

14 De quibus interrogatus fueris, confestim ne respondeas, id est, absque meditatione: nam subita responsio semper inconsulta est.

15 Metui debes vires ingenii tui tuæque memoriæ, ne ingeras illi plus quàm semel capere possit aut tenere: exemplum à stomacho sumendum, qui si supra vires oneretur, invalidior fit, non enim concoquit: nec impinguatur corpus gulosi: ita quicquid addiscitur, nisi retineatur, parum prodest: ideo si quantum oporteret retinere non poteris, numerum multiplicabis, & continuam imminues quantitatem.

16 Certas horas studio constitues, illas præsertim quibus à cibo stomachus seu ventriculus erit vacuus: tunc enim ingenium vaporibus non obtenebratur, horæ convenientes erunt conticinia & matutini galli cantus, curabisque ne aliqua ratione fortunæ, deferas tempora studio decreta.

17 Vesperis quotidie quid discendo lucratus fueris repetes, imitatione Catonis, qui quicquid die fecisset, legisset & dixisset, in crepusculo commemorabat.

18 Memoria est à teneris exercenda, ut & in juvene & viro promptior sit & paratior: Quo fuerit imbuta recens, servabit odorem Testa diu. Omnia enim pueris nova sunt: nova autem & admirabilia fortem faciunt in memoria impressionem.

19 Ad animi recreationem viriumque reparationem, non ad obscæna confugies, sed mutato id facies studio: remittere enim animum quàm amittere, melius est. Sed & ludicra

ludicra Christianorum debent esse seria. Post studia igitur seria vel gravia, ad leviora confugiendum, ut ad historiam vel exercitia musicalia : nam vires reparat alitque tempestiva quies, ac etiam major est post ocia virtus. Sunt qui ludere malint, quod quidem conceditur, si ludus sit ludus, & non res seria : sitque brevis, honestus, sine dolo vel damno aut cupiditate. Movet ingenium ludus duodecim scruporum, quem moderni scaccorum nominant, sed id eo nimis sæpe adhibetur temporis & studii, quod præstaret melius collocare. Parvæ pilæ ludus, etiam toti corpori proderit : deambulatio, præcipuè capiti. Hæc animi recreatio non sit diuturna neque frequens, & præsertim horis studio non agatur. Revolandum est statim ingenio confirmato ad studia literarum ; ne tempus depereat, quo nihil carius, agendumque ut quod deperditum est, ardenti studio recuperetur.

20 Ne discedas à præceptoribus antequam deceat : plures enim scientia in summos evaderent viros, nisi prius esse discipulos pueret, quàm sapere valeant. Proderit & alios docere, dictare, declarare, interrogare, ac respondere : dubitare de nonnullis bonum est, modo id sine ratione non fiat.

Ultimò, inter infelices dies illum computabis, quo aliquid non profeceris didicerisve quod tuum esse possit : ut nulla dies sit (ut in adagio est) sine linea.

P R Æ C E P T A R E M I N I S C E N.

T I Æ.

PRIMUM præceptum est, ex ordine & reminiscibiliū consequentia : cum enim didicerimus ordinatim aliqua, connexionē & dependentiā quadam ordinata, & de illorum aliquo obliti fuerimus, id facile reminiscemur ordine reperto : cognito enim antecedente, facile in consequens deducemur, & deperditum inveniemus. Recte igitur dicit philosophus. Quæ bene invicem ordinata sunt, bene reminiscibilia sunt : quæ verò malè, difficulter

ulter in memoriam revocantur. Facile enim gesta recensemus, cum eo ordine in oratione collocantur quo facta sunt: quoniam sicut se habent res gestæ ad invicem, ita se habent & in movendo animam.

Secundum, ut uno simili in consimile provehamur: ut si Homeri non recordamur; Latinorum poetarum principem Virgilium memoramur: ex quo facile in Homerum Græcorum vatium primarium descendemus.

Tertium est, ut aliquando contraria recogitemus: qui enim memor erit Hectoris, reminiscetur & Achillis.

Quartum est, loci ac temporis recordatio in quo res tractata est: locus enim & tempus facile rem adducit memoriar. Sunt etiam tres argumentorum sedes, à similibus, à contrariis, à propinquis.

Quintum est, res omnes à proprietate repetere: ut si saginati memoriam habere velimus, ad Dionysium Syracusanum descendamus vel recogitemus; qui, ut autor est Iulianus, præ sagina visum perdidit.

LIBER SECUNDUS DE LOCALI VEL ARTIFICIOSA MEMORIA.

ARTIFICIOSA memoria, ut inquit Cicero secundo ad Herennium, ex locis veluti ex cera aut tabella, & imaginibus veluti figuris literarum constat. Sic enim fieri solet, ut quæ accepimus quasi legentes reddamus: neque multum inter sit an à vertice an à calce incipiamus. Locos ipsos ordinatos esse oportet: nam si in eis confusio sit, confundantur omnia necesse est. Multos etiam eos esse decet, ut multa locari eadem exercitatione possint. Cicero centum eos esse debere judicat. Thomas Aquinas plures habendos consuluit. Hos multi variis artibus quæfiere. Metrodorus in signis duodecim per quæ sol meat, tercetos & sexagenos invenit locos: quod tot gradibus apud astrologos secari soleat. Cicero familiarem domum finxit, locis discretam multis,

O

pla.

placuitque illi, ut inter locorum quinaria, vel manu auream, vel aliud quid discrimen figuremus, quo alter ab altero secernatur: in eisque immobilem ordinem haberi, ut semper dextra ingrediamur & egrediamur. Quidam non ignavus autor, ex animalibus locos fingeat, & eorum ordinem ex alphabeto Latino deduxit, ut à singula litera unius animalis nomen inchoaretur: perinde ac si nomina hæc essent: Asinus, Basilicus, Canis, Draco, Elephantus, Faunus, Gryfus, Hircus, Iuvenus, Leo, Mulus, Noctua, Ovis, Panthera, Qualea, Rhinoceron, Simia, Taurus, Vrsus, Xystus philosophus (qui de his scripsit) Hyena, Zachæus. Hæc singula in quinque locos dividebat, in caput, in anteriores pedes, in ventrem, in posteriores pedes, & caudam: nam hunc ordinem ipsa natura porrexit, neque confundi in eis enumerandis ingenium potest. Sic itaque centum & quindecim locos nactus, in eis rerum memorabilium imagines sculpebant, ac etiam in loquentis facie multa ingenio scribi præcipiebat, in capillis, in fronte, in oculis, sicque deorsum ad pedes descendi. Mihi verò facillimum videtur non modò centum, sed propemodum infinitos locos reddere & effingere: cum neminem lateat civitatis originalis situs vel in qua diu habitavit. Igitur cum per portam mens ingreditur, dum secantes se ad diversas regiones vias considerat, dumque amicorum domos, ædes publicas, prætoria publica repetit, miram locorum quantitatem assequetur. Accedet ad hoc potestas atria effingendi, in quibus quantum libeat, numerum locorum faciet, ut inscribi quæcunque voluerit possint. Et quia brevis atque efficax est doctrina per exempla, hinc exempla ponam, ut res facilius intelligatur, de decem ponam exemplum, & consequenter ex proportionem habebitur vel de mille. Capió igitur domum magnam & vacuam, ad quam non frequenter sed rarò ire debes, & statue primum locum qui est apud ostium distans ab ostio per tres pedes. Secundus locus sit ab isto distans per duodecim vel quindecim pedes: ut, verbi gratia, sit angulus unus. Tertius locus sit à secundo distans per totidem pedes

des, vel duodecim, & erit forte alter angulus, vel medium inter angulum primum & secundum. Quartus, erit angulus. Quintus, erit angulus distans per tantundem. Sextus consimiliter, & finita sala, intrabis unam cameram, atque intra ostium immediatè signabis septimum, deinde in primo angulo cameræ octavum, & in secundo angulo nonum, & in tertio decimum cum sua distantia. Si vis plura loca, excas cameram, & signa sic alias cameras proportionabiliter. Nota tamen, quod distantia data mediocris est & conveniens, sed si tanta distantia non inveniat, sed minor usque ad octo vel ad minus quinque pedes, adhuc tolerabile foret. De templo scito tale esse deprecere, quod non multum sit frequentatum etiam à te. ne multitudine imaginum confundaris. Ista loca debent esse signa memorabilia & manuductibilia, loci enim non sunt anguli, sed fixæ imagines in angulis situatæ: super quibus sicut super charta alix pinguntur imagines delebiles, sicut literæ. Vt, verbi causa, primus locus signatur per urinalem, ponendo in ejus loco urinale. Secundus signabitur per idem. Tertius per mortarium. Quartus signabitur per pistillum ponendo illud ibi. Quintus per pugillare. Sextus per pedem leporis. Septimus per cribrum. Octavus per sacculum ponendo similiter sacculum. Nonus per panem cereum. Decimus per cannas cassiæ, &c. Et ista nomina oportet mente semper tenere, & loca de quinto in quintum, & quinarium loci menti semper habeantur. de distantia satis dictum. Scio tamen, quod usque ad viginti quinque licet transire nec ultra: ne fiat negatio in imaginibus. Et consimiliter dicatur de quantitate quantum ad altitudinem, ne sint multæ altitudinis, sed à quinque usque ad duodecim pedes. Et notetur quilibet quintus, et dictum est de ordine. de qualitate autem ut non nimis lucidæ, nec nimis obscuræ, nec nimium frequentes. Transeamus ad imagines, quæ sunt res collocandæ: debent ita imagines nobis notæ in istis locis collocari cum motibus libis, ut per eas valeamus memorari. Verbi gratia, volemus memorari de viginti nominibus, sic faciam: in primo loco

imaginem Petri mihi notissimi locabo, cum urinali manu pleno urina quam fundet super Iacobum mihi notissimum: & ex isto actu notabili, horum duorum memorabor: & sic duorum nominum memoriam mihi fecerit. In secundo loco ponam Martinum mihi notissimum (nec oportet imagines istas esse notissimas, ut cito in memoriam recurrant) qui ponet digitum suum in pyxide & extrahet unguentum, quo cum digito orificium unget a Henrici mihi notissimi. In tertio ponam Andream mihi notissimum, qui cum manu ex mortario extrahet emplastrum quod ponet super faciem Francisci, vel alios mediculos actus fabricando, ex quibus memoria de talibus nominibus confirmetur. Et ita pariformiter procedatur in aliis.

Similiter si recordari voluero alicujus cum suo actu, imaginabor cum re illius actus: ut, si recordari velim alicujus comedentis ficus, tunc imaginabor quod cum fico aliquid solatiofum faciat vel stupendum.

Si argumenta recordari vis, capias substantiam argumenti, & ipsam tantum locabis, quia totum argumentum haud posset locari, sicque de aliis rebus suo modo.

Rursus de figuris etiamnum differamus his quinque præceptis.

Primum est, ut aut risum moveat figura, aut misericordiam, aut admirationem: facile enim invenitur figura quæ affectum animæ convertit. Exemplum hujus est, si in ore asini rabidi caput Antonii constituam morsibus confringi, cruorem effluere, auxilia petere, ac passis patris vociferare: nam fieri non poterit, ut cum voluerim non videam hunc oculis mentis meæ, & reddere Antonium nesciam repetenti.

Alterum est, ut aut simile per simile, aut per contrarium figuremus, aut per proprietatem. Primi exemplum est, ut si nomen Galeni sim locaturus, alicujus illustris medici nomen scribam, cujus quoad fieri potest, aut par sit, aut paulo debilius autoritas. Secundi exemplum est, si idem per
indoct

indocti medici nomen conscripsero : si Therſitem per Achillem , & bonum pro malo : informem per formosum annotaſſero. Exemplum tertii eſt, ſi Ovidium Naſonem, per magnum naſum : Platonem per humerorem latitudinem : Criſpum per anulatos capillos : Ciceronem per Gaſinum ſculpſero.

Tertium eſt , ut à tenellis annis aſſueſcamus locare , & cum quotidiana exercitatione creſcamus : quanquam etiam adultis prodeſſe poſſit ipſa doctrina. Efficacior ſit habitus , ſi quæcunque aut dicturi aut facturi ſunt ſic locent : quæcunque etiam inter fabulandum audiant : Sic pingant mores, geſtus, temporaque ſculpant : Sic enim brevi tempore fient exercitatiſſimi. Ludere etiam prodeſt alterum cum altero , illum vincere qui plura clarius , ordinatius, velociusque retulerit.

Quartum eſt , ut omni quinario rerum ſignandarum repetamus à principio quæcunque ſignata: ſolet enim repetitio valde conferre.

Quintum eſt , ut quæ non ſunt ſimplicia ea per componentium ſimilitudines ſtatuamus , verbi cauſa : qui memorari voluerit huius enunciationis , Cicero cum Hortenſio diſputat , Cicer legumen in horto ſinget, qui de horti ſterilitate conqueratur : ſic enim & cicer Ciceronem, & hortus Hortenſium, & querela diſputationem repræſentat. Sic autem ſeruari ſolent & legum capita, ut ſi locanda illa lex ſit, Publicati teſtamenti fides, eſſingamus dicam teſtamentalem patentem , cui quiſpiam cœnum injecerit : & ejus fides aboletur. Ecce publicati ſemel teſtamenti fides relegi poterit. Verùm hæc facilius fient, ſi adſit doctrina & rerum memorandarum cognitio, neque deſit conſummata & invicta exercitatio , cùm exercitatio poſſit omnia : ita & medicus medicinalia, & jureconſultus plebiſcita facilius recordatur.

Locus igitur tabulis (in quibus antiquitus multa ſcribebantur) comparatur: imago autem ſcripturæ: nominum recitatio, lectionis aut rerum lectarum recitationi. Locus eſt pars vicaria memoriæ & inſtar illius capax, multiplicatur-

que per antrorsum & retrorsum, per dextrorsum ac sinistrorsum, per sursum atque deorsum, aliquid addendo vel diminuendo: multiplicatur etiam mensurando longum, transversum & medium. Locorum regula breviter & hæc ordine est, ut primò sit locorum inventio (de qua superius dictum est) deinde ordinatio, meditatio, distantia, fictio, solitudo, mediocris lux, dissimilitudo, quãtitas, loci quinquaginta signatio per manum auream vel alterius metalli, illiusque variatio, ne similitudo confusionem pariat. Imagines sunt similitudines rerum in mente conceptarum, sive simulachrum simile ex toto vel ex parte rei cuius recordari volumus, imò pro ipsis rebus collocandis accipitur. Sunt verò in duplici genere, scilicet aut notæ aut ignotæ: notarum quædã animatæ, aliæ inanimatæ: & tam animatarum quàm inanimatarum, aliæ simplices, aliæ compositæ. Illud rursus non obliviscaris, quòd in collocandis imaginibus super locis, semper res locanda est cum actu ridiculoso, vel admirativo, vel crudeli, vel alio modo inconsueto: nam ridiculosa, crudelia, injuriosa, admirativa, excellenter pulchra, vel turpia, immutant sensus ac melius excitant memoriã, cum anima circa talia multum advertat. Variantur quoque imagines per transpositionem literarum, & per transumptionem: ut si velim Romam recordari, ponam Deum amoris, qui vocatur amor: & pro tyranno lupum rapacem. Sufficit itaque nos methodum ostendisse, quã qui sequetur, haud difficile, modò exercitatio accedat, multorum ac variorum sibi pro occasione debita, recordationem certam parabit: ingnavi autem & ociosi torpeant, quibus omnia infensa sunt.

Ultimò, epilogi vice ac veluti colophonem addam quæ scribit Erasmus Roterodamus lib. 3. Eccles. Ad nativæ memoriæ vim natura felicem, accedat intelligentia, cura, exercitatio, & ordo. ad memoriam confirmandam non nihil opis pollicentur & medici & secundum hos Marsilius Ficinus: sed præter ea quæ diximus, plurimum confert perpetua vitæ sobrietas: nam crapula & ebrietas, ut ingenium hebetant, ita memoriam prorsus obruunt: officit etiam curarum varietas, & turba negotiorum, officit & tumultuaria

tuaria diverſorum voluminum lectio. Hanc præcipuam arbitror cauſam, cur ſenectus ſit obliuiſa: quod ea viſ animi multitudine rerum obruitur. officiit memoriæ pudor immodicus, auditorum novitas & anxia cura: pudor & novitas vincitur aſſuetudine. Anxium ſtudium officiit ad hoc ipſum quod impendio affectat. Alibi ſic inquit: Optima memoriæ ars eſt, penitus intelligere, intellecta in ordinem redigere, poſtremò ſubinde repetere quod meminiffe velis. Haſtenus Eraſmus. Si viſ igitur rerum bonarum pollere memoria, diligenter curato, ut ejus quod ediscendum eſt, certam intelligas rationem. Ratio enim eſt indiſſolubile veritatis & memoriæ vinculum. Ob hoc forſitan Plato inquit, quod bene intellectum eſt ſemel, obliuioni omnino tradi nunquam poſſe. Ea quoque memoriæ tradenda ſunt, quæ non ſolum utilia ſunt, ſed & iucunda. nam alimenta quæ ſuaviſſimum ſaporem afferunt, facilius in naturam noſtram tranſeunt atque convertuntur: & quo avidius quid hauſtum eſt, eo diutius retinetur. Adde quod obſervandum omnino Ariſtot. & Simonides arbitrantur, ut certus quidam in ediscendis ordo vel inſit, vel ſaltem excogitetur. Ordo in proportionem quadam & connexionem conſiſtit. In his autem quæ ordinata ſerie digeſta ſunt, ſi quid unum acceperis, reliqua continuò neceſſaria quadam vel naturæ vel artis continuatione ſequuntur. Obſervandum inſuper, ut ſæpenuerò quæ didicimus, meditemur: ſic enim alimenta animi concoquuntur, & quaſi convertuntur in animum. Confert etiam quamplurimum ſi quis eleganti oratione cantuque ſuavi, quæ memoriæ mandavit ſæpe recenſeat, ut dictum ſupra eſt. Voluptas enim rerum condimentum eſt, amoris eſca, incitamentum ingenii, voluntatis pabulum, roburque memoriæ. Purganda eſt etiam anima à malis, ut impleatur bonis: orationeque ad Deum ſideli petendus eſt ſpiritus ſapientiæ & ſcientiæ per dominum noſtrum Ieſum Chriſtum, cui cum patre & ſancto ſpiritu ſi honor, laus & gloria ſemper.

DE PRAEDICTIONE MORUM NATURALIUMQUE HOMINUM FACILI, cum ex inspectione vultus, aliarumque corporis partium, tum aliis modis.

Opusculum in 23. capita divisum.

AVTORE GVLIELMO GRATAROLO
medico Bergomate.

De physiognomia in universali. CAP. I.



QUONIAM IN OMNIBUS animalibus commune est agere vel pati ab inclinatione naturali, quæ ut in brutis impetus, ita in hominibus propensio dicitur: ut in cholérico est ad iram inclinatio, in melancholico ad metum, in sanguineo ad jucunditatem, in phlegmatico ad segnitiam. Inclinationes ergo istæ in hominibus morum atque affectuum semina dicuntur, quoniam ratione regulari possunt: in brutis verò mores & affectus, quoniam sensibus & appetitu vivunt. Ex quibus patet Physiognomiam scientiam esse necessariam, quod per ipsam prædicimus aptitudines naturales ad affectus vel mores actuales, nec est scientia necessaria, nec firma: verum quia homines plerumque vivunt sensu, & non nisi sapientes vivunt ratione, ideo physiognomia est scientia prædicendi mores actuales & affectus ut in pluribus, quoniam plures appetitu & sensu vivunt quàm ratione, quàm etiam ob causam Bias Prienzus dicebat, plures esse malos quàm bonos: quoniam plures appetitu quàm ratione moriuntur: atque, ut inquit Aristoteles, à medio pluribus modis delinquitur, acceditur verò nonnisi uno modo. Duo autem

autem sunt signorum genera : aliqua quæ à qualitate elementari sumpta animi affectiones significant , ut thoracis pilositas, quæ iracundiæ est indicium, ex corde calido. quædam à proprietate, ut capitis in dextrum declinatio, quæ signum est cynædi, nec ex causa calida aut frigida, sed proprietate colligitur. Peripatetici verò (ut Aristoteles secundo priorum) supponunt, nulli homini inesse aliquam affectionem, aut aliquem morem à natura, quin illum in corpore comitetur signum, per quod illa passio aut mos possit significari. Ac licet anima quo ad intellectum sit à corpore elevata, quo ad alias tamen partes & potentias est à corpore comprehensa. Quamvis quoque hominum aspectus non differant specie essentiali, differunt tamen specie accidentali. Sufficit autem pro differentia morum, accidentalis aspectuum differentia. Si quis autem illud Ioannis septimo objiciat, Nolite judicare super faciem (seu aspectum) sed rectum iudicium iudicate. Respondeo dictum illud à Domino esse in illos qui ex pravis affectibus arrepti, non ex re & causa iudicium faciunt, sed ex personarum acceptione, hominumve odio vel contemptu alienantur à rei veritate : quod fugiendum est tum aliàs tum maximè ubi de cœlesti doctrina agitur. Hoc etiam est super faciem (ut suprà dictum) iudicare ac falli, si quis vultis pex aliquem ex natura hilarem, quem aliquando contingat casu aliquo vitam tristem ducere, si cum natura tristem censeat, qui tamen natura hilaris est, vel è converso. Sciendum etiam duplices fore passiones, videlicet naturales & accidentales : accidentales sunt quæ animæ insunt, & ex eo quòd animæ insunt, nulla fit in corpore mutatio, ut artis & scientiæ, & hæc per signa in corpore non indicantur. Naturales verò quæ cum in nobis insunt, aliqua mutatio apparet in corpore, ut ira, metus, &c. de quibus tractatur. Est enim physiognomia cognitio affectuum & morum animæ : mores autem & affectus sunt in parte sensitiva, quæ dianœa appellata est, animalibusque & hominibus communis.

De capitis judicio, super magnitudinem, figuram & dispositionem. CAP. II.

CVM caput inter reliquas humani corporis partes omnium maximè conspicuū sit influentibus, haud ab re etiam Hippocrates ex ejus potissimum figura de totius corporis constitutione judicare docet in sexto Epidemion: quod enim justo plus magnum aut parvum fuerit, id vitiosum existit: & qui eo præditi sunt, iis quæ ad intellectū attinent, evidenter læsa ac impedita esse apparent. Ut autem caput parvum perpetuè vitiosum, ita magnū interdum bonum, interdum etiam malignū existit. Optimum verò caput id est, quod exactè rotundum, & utrinque paulatim depressum existit. Veluti si sphæram exactè rotundā ex cæra constructam, paulatim utrinq; depressam excogitares: nam rotundum, ut geometræ asserunt, est capacissimum. Caput ergo melius in magnitudine moderatum existit, & habet decentem rotunditatem quæ ante & retro eminet, parva compressione temperatum. Causa parvitatæ capitis est paucitas materiæ: causa magnitudinis capitis est materiæ, scilicet spermaticæ, multitudo. Cerebrum sequitur formam cranei: parvum namque si fuerit craneum, parvum erit cerebrum, & e contra. Cranei figura si corrumpitur, corrumpitur & cerebri forma. Caput hominis inter cætera animalia proportionaliter plurimū cerebri habet. Mares plus cerebri habent quàm fœminæ: licet effectus aliquando contrarium indicet: sed de his quæ rarè fiunt, vel per accidens, non est ars vel scientia. Caput hominis juncturas plures habet quàm cæterorum animalium, & maris plures quàm fœminæ. Caput debitæ formæ habet formam mallei, in qua pars anterior & posterior eminent. Forma medii ventriculi debet esse leviter compressa, & ita nobilior est cogitativa. Forma anterior si depressa est, judicium abest. Si posterior depressa est, abest memoria, & inest imbecillitas motus nervorū, & per consequens totius corporis: nam ex cerebri fortitudine ostenditur fortitudo colli & nervorum: similiter spatula-
rum

rum amplitudo, pectoris, hippocondriorum & ossium. Caput non ultra condignam formam & rationem, adauget sensum virtutemque, & denotat in homine magnificentiam. Caput parvum & indebitum, oppositum arguit. Cum enim caput fuerit magnum, cerebrum erit magnum: & cum cerebrum sit omnium sensuum principium, caput si magnum sit, erit multi sensus, & e contra.

Maximum ergo habenti caput non ultra formam, formositas, & conditio bona denotatur.

Caput magnum cum figura diversa, & subtilitate nervorum, ac vivo collo, & subtili, ossibusque subtilibus, signum est maliciæ formæ cerebri.

Caput habentes magnum præter formæ debitum, fatui sunt & stolidi, & indociles.

Caput magnum & collum parvum, malum est: deficit enim virtus formativa, & materia est inobediens: inde stoliditas & fatuitas.

Caput magnum corpori proportionatū, præsertim collo, ita quod collum sit forte & mediocriter grossum cum fortibus nervis & grossis, non extra laudem bonum est.

Caput pinearum in formam pyramidis, ita quod pars inferior sit grossa & rotunda, pars verò superior acuta & pineata, in verecundiam arguit, rapacitatem, & audaciam temerariam: hoc ex caliditate & siccitate cerebri est lanuenses ut plurimum talis sunt figuræ & naturæ, & plurimi cucullati quos religiosos vocant, præsertim Bigotti & hypocritæ: Phoxi etiam dicuntur à Græcis, acuminata capita habentes, ut Therfites Iliados B. Quo non deterior alter venerat ad Troiam.

Caput magnum, cæteris signis ingenium denotantibus, est bonarum artium receptaculum: secus est cum caput magnum est, non respondentibus cæteris membris.

Caput forma decens est cum ventriculo anteriori bonæ formæ & satis humido, quia apprehensio specierum fit ab humido: retentio fit à sicco, in postrema parte.

Caput cum ventriculo medio aliqualiter compresso circa latera, denotat virtutem cogitativam in componendo esse

do esse promptam, & in dividendo quod apprehensum est, propter unitatem spirituum in loco.

Caput sphæricum, mobilitatem, instabilitatem, oblivionem, exiguamque discretionem, parvamque denotat sapientiam: motus enim spirituum nunquam pausat: quod in plurimis annotatum est Gallis, Vasconibus, & aliquibus Teutonicis. Si enim forma capitis sphærica est, ventriculus medius amplius est, & spiritus eò tendentes dum amplum locum inveniunt, non bene uniuntur: & sic extimativa debilitatur, quia in girum spiritus obvolvuntur. Talis capitis homines multa pollicentur & attendunt parum: sunt importuni, avari, invidi, de præsentitantum cogitantes. Nihil confidas his hominibus, præsertim si corpus est cholericum aut melancholicum. Hi si dominium habent, crudeles sunt & tyranni, deprædatores, & homicidæ, nisi pii sint ac Deum timentes.

Caput parvum de necessitate malum: ideo & faciliter ægrotat, & intus est parvum cerebrum, & angustia ventriculorum: in quibus spiritus angustiantes non operantur debitum: conculcantur enim, inflammantur, & suffocantur: ideo non imaginantur bene, non disponunt, non memorantur, Tales sunt irascibiles, timidi, & iram retinentes propter cerebri siccitatem & calidam temperiem. Sunt quoque exigui iudicii & intellectus, nec possunt recte discernere: tractant falsa, maledicunt, & sunt bilingues, à quibus fugiendum est, tanquam ab hoste: ab omnibus excipe sanctos.

Caput ineptè prolixum, obliquum in organis, impudicitiam refert, & impudentiam.

Caput humile & planum, insolentiæ & dissolutionis vitium signat.

Caput in priori parte eminens, insolentiam testatur.

Caput in anteriori parte vallatum, depressum & concavum, iracundum ac dolosum significat. at qui occipitis cavæ demissa habuerint, pavidorum nota erit.

Caput magnum cum frontis latitudine & vultu quasi gigantis, tardum, mansuetum, fortem & indocilem denotat: refer ad boves.

Caput

Caput longum aliququaliter protensum ad mallei formam, providum & circumspectum arguit, quales ut plurimum sunt Thufci.

Caput rectum, in medio lene & ferè planum, medioque magnitudine, sensibus ingentem & magnanimum facit.

Caput ad omnia mensuratum, ingenio excellentem notat, & perspicacem liberalemque.

Caput esse parvum vel magnum, intelligitur juxta corporis dimensionem.

Caput breve, sine sensu, sine sapientia est.

Caput ex posteriore parte concavum, dolosum & iracundum indicat.

In quibus tempora cava utrinque inspicies, dolosos trucesque judicabis.

Ex colore corporis judicium. C A P. III.

NI G R E D O in homine ut cornu lucens, adustionis signum est: tam in membris quàm etiam in capillis.

Color niger, imbellem, timidum, versutum indicat, refertur ad eos qui in meridiana plaga inhabitant: & etiam qui tales, sunt melancholici, quorum proprietas est timiditas. Ægyptii vero Æthiopes ex innato calore debili & ab extraneo resoluti, debiles sunt.

Flavus & albicans furoris & iracundiæ signum est.

Color medius inter album & nigrum fortitudinis est, quæ virtus media est audaciæ & timoris.

Color viridis obscurus aut niger, pronos ad iram indicat.

Rufus corporis color, perniciosi hominis ac variis moribus præditi, argumentum est.

Rubei valde, homines astuti sunt: refer ad vulpes. Rarò vidi breves, humiles, rubeosque fideles. sed pios excipio.

Homines supertabescentes facie, ita tamen ut rubedo major in fronte, & oculi demissi sint, verecundi omnino dicuntur, refer ad passionem.

Color

Color albus subrubeus, fortes & animosos indicat: refertur ad septentrionales.

Color vehementer albus, virtuti est contrarius, ignavique indicium: nam phlegmatici ac frigidi sunt, & ideo etiam timidi.

Color qui pallore deformatur, imbellem, timidum, eundemq; tergiversatorem significat, si non ægritudo sit studiumve causa palloris. Cum fuscior color pallori permixtus est, voracem, loquacem, intemperatæ iræ atq; linguæ denunciat. Color igitur ad insaniam vergit. Aristoteles ad Alexandrum inquit, Albedo livida vel flava, hominis deceptivi magnum signum est: quod si cum hoc accidat monstruositas, erit & natura & anima diminutus: fuge ergo, inquit eodem loco. Cave, inquit, ab homine omni qui aliquo membro diminutus ac mancus est, veluti ab inimico: quoniam turpes ac manci temerarii sunt, loquaces. & sine iudicio omnia proferentes.

Homines rubore simplici cum labiorum titillatione & narium ampliacione, signantur animosi & iracundi: referuntur ad passionēs.

Color tranquillè & moderatè rubeus, docile ingenium, veloxque declarat.

Homo cui ea quæ sunt circa pectus & faciem rubore flammeo ardent, inflammatur ira, maniacus facilè fit ac rabiosus.

Habentes colorem flammeum vel circa, diu iram tenent, implacabiles sunt, delatores, & difficiles ad regendum sunt irati. Refer ad morem in iratis apparentem.

Dixit Loxus experientia se observasse hominem cujus nasus & maxillæ natura hepatico colore rubent, esse omni vitio horrendo affectum, ut libidine, vinolentia, crudelitæ, & cæteris talibus.

Cum venæ cervicis & temporum extant, & sanguinei sunt oculi, iracundum animum & vehementem ostendunt, nonnunquam & insanum.

Cum vultus rubet, aut verecundum, aut vinolentum declarat. Discernes igitur hunc ruborem oculorum indicis, & ejus consuetudine.

Capit.

Capillorum iudicium ex substantia. CAP. IV.

Capilli plani, suaves, mansuetudinem & frigiditatem notant & humiditatem.

Calor hominis superiora petens, & passim penetrans, capitis cutem perforat, & humorem per foramina educit, ac subtilior pars humoris evanescit, crassior verò residet & cogitur in capillum cute duriolem extraneo frigore, & capillus fit tam latus quàm foramen, tam longus quam impetus exeundi.

Qui tardè nascuntur, humidam indicant complexionem nec sanguineam.

Si festinant capilli, corpus ad siccitatem declinabit potius quam ad humidum: & cùm caliditas & siccitas conjunguntur, capilli citius nascuntur, & grossiores.

Multitudo caliditatem arguit, & grossities multa fumositatem: ideo amplius in juvene quam in puero: in puero enim materiæ vaporosæ sunt potius quàm humorosæ: in juvene verò secus: ideo contraria sequuntur ipsorum contraria.

In puero multi pili, docent crescentem complexionem ejus ad melancholiam tendere.

Crispitudine in extremitate, caliditatem & siccitatem notat, ut in leone.

Grossities, ex vapore grosso & abundanti. Grossi & nigri capilli Saturno referuntur.

Capillatura compta nimis & ornata seu prolixa tam ab arte quàm à natura, arguit homines venereos & solares. Qui ferunt capillos positicios gratia ornatus, omnino sunt venerci. Nam sicut mulier sua natura induens ornamenta virilia, thoraces, trilices, & alia id genus armorum, est de natura viri, id est, masculina: modo simili viros muliebri ornamento gaudentes, effœminatos appellamus, id est, libidinosos & pusillanimes.

Capilli in capite erecti, & pili similiter in reliquo corpore, timidos arguunt.

Directi ferum vel spissi capilli, rari, insidiosum, mollem, effœminatum.

Capil-

Capillorum crispitudo sursum elevata, calidæ complexionis.

Polemon Græcus autor inquit capillos crispos (id ego de omnino crispis intelligo, ut in Aethiopibus) hominem admodum pavidum abominabilemque denotare : rectos (hoc alias haud est) inutilem & stolidum, mediam autem inter hæc qualitatem, optimam hominis naturam testari.

Capilli compressi, fronti eminentes, animum fortem & brutalem ostendunt. refer ad ursos & feras.

Capillorum asperitas, asperos vel ferinos mores denotat.

Capilli compressi, supra mediam frontem resupinati reflectentes in cerebrum, calidum, minus sapientem in bonis virum notant. refer ad barbaros.

Capillus ex utraque parte depressus in frontem descendens, naturæ signum est equinæ.

Capilli juxta tempora tenues & rari, frigidum & sine viribus hominem annunciant : ratio, quia ibi arteriæ magnæ : & ille locus deberet naturaliter esse calidus, ergo & pilorum generatio, quia fit à calido : ergo quando tibi sunt rari & tenues, deest caliditas : refer ad mulieres ibi penuriam pilorum habentes.

Capilli juxta tempora rari sed rigidi, timidum frigidumque profitentur.

Capilli densi circa tempora & aures, calidum hominem & libidinosum notant.

Capilli ibidem si fuerint stabiles, nigri lutei, vinolentum indicant animum. refer ad apros.

Capilli ibidem si fuerint grossi & albiores, arguunt mores indociles & indomitos. refer ad Frisones.

Capilli molles & rari utraque mensura tenues, foemininum animum & sanguine depauperatum arguunt : similiter hebetem & pigrum. Et quando fuerint rariores magis, subdolum & asperum & lucri cupidum innuunt. refer timiditati barbarorum, & Assyriorum avaritiæ. Assyrii enim extra mensuram avari.

Capilli

Capilli multi grossi atque depressi cum pilositate reliqui corporis, in puero testantur melancholiam futuram, id est, maniam incursum.

Quando augentur in ætate capilli, repræsentant multam adustionem per naturam, quæ causat ægritudinem fatuitatis.

Linea ultima capillorum si à fronte recedat, callidum & parvi intellectus arguit.

Linea ultima capillorum si fronti imminet, animosum notat ac semiferum hominem.

Linea ultima si post sinciput, ad quod terminantur origines capillorum, descendit versus cervicem, in nequitia callidum, in bonis verò insipidum ac luxuriosum arguit.

Linea talis ex priori parte cùm longè superior à cervice est, tardum, timidum, fœmineumque animum proficitur, & iracundum.

Mulieres non calvent, quoniam earum natura similis est naturæ puerorum.

Spadones non calvescunt, quoniam in fœmineam mutantur naturam.

Capilli in tactu crispi corrugationi piperis similes, debilitatem notant digestivæ, & citam senectam.

*Coloris capillorum judicium, & pilorum
ubicunq;.* C A P. V.

S Ignificatio coloris pilorum non verificatur pro majori parte, nisi in temperatis climatibus. Aliquid tamen potest comprehendi in quolibet climate comparando ipsis homines illius climatis: ut puta in Teutonicis & Æthiopibus. Æthiopes enim nigri sunt, & eorum capilli crispi ultima tortuositate: non propter hoc eorum complexio erit calida, sed hic calor & hæc crispitudo extrinseco calore nascitur. nam potius frigidi sunt vaporante calore. Teutonici verò & Sclavi, id est, Illyrii, frigidas regiones incolentes albi sunt, & eorum capilli flavi & plani: nec propter hoc generatim dicendum est quòd sint frigidi, imò potius eorum complexio est calida valde, quia calor clauditur intrinsecus, ut accidit in hyeme, &c.

Albedo significat aut frigiditatem vehementem, sicut canicies: aut fortem siccitatem, sicut accidit vegetabilibus cum siccantur, quæ ex sua nigredine aut viriditate transeunt in albedinem. Et hoc quidem non accidit hominibus nisi in fine ægritudinum exsiccantium.

Albus capillus est complexionis frigida. Colores capillorum præcipui sunt quatuor, scilicet: nigredo, rubor, glaucedo, & canicies. Regiones & aer operationem habent in capillis.

Canicies capillorum oritur defectu caloris naturalis, vel ex putrido phlegmate: & aliquando venereos mores indicant.

Niger capillus est ex cholera incensa superabundante, vel ex combusto sanguine.

Capilli subnigri si sint moderatè tenuēs, bonos mores indicant, & bonam complexionem hominis præ se ferunt.

Capilli valde nigri non plani sed asperi, calorem arguunt.

Capillus rubeus à nativitate, caloris non adusti signum: sunt enim diminutæ caliditatis capilli rubei, & complexio talium hominum minoris est caliditatis quam nigrorum capillorum, cum rubedo sit proxima & affinis nigredini.

Capilli rubei cum intensione rubedinis, insidiatorem, amentem, cholericum, iracundum, furiosumque absque ratione ostendunt: rubei subalbidī, avaros mores.

Capilli colore castaneo, rectum, justum, dilectum arguunt.

Aureus flavus est diminutæ frigiditatis.

Aureus ex flavo & rubeo mixtus, signum est temperatæ complexionis.

Capilli subflavi moderate tenuēs, Solis & Mercurii naturam notant.

Flavitas & albedo capillorum arguit frigiditatem, sed diminutam in flavo.

Capilli flavi longi solares sunt, id est, animo regali existentium.

Capilli blondi aut flavi, dominio frigiditatis subsunt, & calor

calor in humido sopitur : refer ad pueros. Septentrio-
ales tamen habent propter regionem : unde notandum
est, quoniam hæc solent physiognomum decipere.

Nigredo capillorum sicut cornu lucidum cum asperi-
te quadam & tortuositate, caliditatem complexionis
significat. Nigri simpliciter, timidum & avarum signant.
Nam omnis timidus ferè est etiam avarus.

Color ut lucidum cornu naturæ Martis assimilatur: ni-
lominus capilli non sunt grossi, sed aliquantulum sub-
les, subtilitate humorum, & nigrificantur intensa cali-
tate : patet in pane super prunas adusto, quia fugit hu-
miditas.

Crura satis admodum densis pilis oblongisque obsita,
ditati atque agrestiori naturæ ascribe.

Cum in residuo corporis autem est nimia pilositas, ibi
artis & Saturni sidus vim operatur suam. Tales vide-
us deprædatores viarum, præsertim quando cilia sunt
de pilosa : cum solum pectus pilos præfert, calidum &
imiosum significant.

Cum omne corpus contactum est pilis asperis & den-
sissimis, animum quadrupedis potius quàm hominis indi-
cant. Cum cervix à capite capillosa est, fortem & animo-
sum indicant : refertur enim ad leonem.

Frontis judicium. CAP. VI.

Acies, pars ea tantum quæ calvæ subiecta est, & in ho-
mine tantum.

Frons faciei pars est inter sinciput & oculos.

Latitudo frontis incipit à naso, ubi terminantur cilia
super commissuram coronalem.

Longitudo frontis intelligitur per latitudinem corpo-
ris ut villi ac nervi incedunt.

Per rotundam frontem intelliges quandam spæricam
continentiam & promptuariam ad exteriora, & talem for-
tem necesse est deficere in longitudine frontis.

Frons quibus magna, segnes : comparantur bobus.
Frons quibus parva, mobiles.

Frons quibus lata idonei ad movendam mentem : si valde lata, stulti : parva discretione, & ingenio rigidi. Latam intellige cum debita quantitate longitudinis & latitudinis.

Frons quibus rotunda, iracundi, præsertim si promptuaria, & insensibiles : refer ad asinos.

Frons quibus parva & angusta, stolidi, indociles, inquina, voraces : refer ad sues.

Quibus oblonga, valent sensibus, & dociles sunt, secevehementes aliquantulum : refer ad canes.

Frons quibus est quadrata moderatæ magnitudinis, consona capiti, tales virtuosi, sapientes, magnanimi : refer ad leones.

Quibus est frons plana & continua sine rugis, inflexibiles sunt & insensibiles, contumeliosi, & valde irascibiles. id est, pertinaces in ira obstinati & litigiosi.

Qui mediam frontem simul cum superciliis contrahit est vili lucro intentus.

Quibus est protentosa, adultores sunt : referuntur ad passiones & est frons protensa æqualis, quasi ultra tensa dicitur etiam collecta frons, id est, tensa & tranquilla, ut in canibus patet & hominibus blandientibus.

Quibus est obnubilosa, audaces & terribiles : referuntur ad tauros & leones.

Frons quasi cacumē quiddam habens & fossulas quoddam callidi & perfidi indicium.

Medius habitus frontis inter hos decenter congruit & bonus est.

Frons quibus tristis est, mœsti sunt : & referuntur ad passionem.

Demissa & obscura, planctui promptos facit : refer ad pavones.

Frons magna semper cum grossicie carnis, & e contra, frons parva, cum subtilitate.

Frons parva & subtilitas pellis denotat spiritus subtiles & mobiles : & e contra. Spiritus autem est corpus subtile ex vaporibus sanguinis causatum : estq; spiritus lator virtutum

utum animæ in membra spiritualia: atq; ideo ubi est humorum grossicies, ibi non potest esse homini ingenium.

Frons rugosa nimis, signum est inuerecundi. & rugositas causatur ex nimia humiditate, licet aliquando etiam ex siccitate, & ista non occupat totam frontem, & declarat iracundiam & irascibilitatem, retinet iram & odium absque causa, & sunt tales litigiosi.

Habentes curtam frontem, tempora & maxillas compressas, amplis mandibulis, strumas contrahunt.

Quibus tensa est & lucida, adulatores sunt & dolosi, ut supra dictum.

Frons in longum rugosa, præsertim in radice nasi, arguit cogitationes melancholicæ.

Frons laxa, diffusa vel aspera concava in medio cum tranquillitate cutis arridenti, versutos notat & avaros ac fortasse plenos inscitia.

Frons valde distorta, secerdem ac stupidum.

Cui velut nebula in rivum frontis est, vel in medium anquam obstricta, iracundus vocatur: refer tauro vel con.

Frons demissa & tristis, animum lugubrem, iracundiam & tristitiam notat.

Frons alta, lata & longa, auget bona. Humilis frons, virilis haud est.

Frons in temporibus quasi inflata grossitudine carnis, maxillis plenis carne, multum animum arguit, iracundiam, superbiam, & ingenii grossiciem.

Curva frons eademque alta & rotunda, stoliditatis indicium est & impudentiæ.

Superciliorum iudicium. CAP. VII.

Supercilia in ossium compage posita sunt: quamobrem compluribus senibus crescunt.

Supercilia valde pilosa ostendunt ineptos ad loquendum, quia arguunt multam & adustam materiam: Item ostendunt ineptitudinem morum & maleficorum: quia intel-

intellectus & morigeratio à temperamento tantum cal-
satur, non ab adustione & fumorum copia. Ex magni-
namque adustione semper cerebrum calefcit, & per con-
sequens est garrulitatis causa furibundi moris, nullo di-
cursu.

Supercilia densa cum multitudine pilorum conjuncte-
rum ad nasi principium, signant adustionem intensam :
habentes, sunt melancholici, & pravæ naturæ, impii & al-
quando fures & omnino deceptores, homicidæ, ac lene-
sæ, & omnia mala complectuntur.

Supercilia ad superius elevata si ad originem nasi de-
scendunt, & superius elewantur ad tempora, signant do-
minium calidi & sicci, & sunt callidi & malefici.

Polemon ait : Si frontis pili ad nasi medium densi de-
mittantur, ad partes verò quæ utrinque existunt minime
magnanimitatis & maximæ virtutis animi argumentum
esse. Ibidem rectos pilos, timidum & dolis præditum no-
tare

Supercilia multorum pilorum, multam arguunt cogi-
tationem, & multas tristitias, cum loquela plena & cras-
sa : tale signum aliquando reperitur in deprædatoribus
viarum, homicidis & furibus.

Supercilia si descendunt inferius à parte nasi, & supe-
rius elewantur à parte temporum, invecundos & hebe-
tes demonstrant, & hoc propter caliditatem furiosam.

Supercilia rara mensuratæ magnitudinis, arguunt tem-
peramentum, humorum bonitatem : talia habentes, in-
geniosi sunt & secreta indagantes.

Supercilia longa, arrogantiam & invecundiam no-
tant. Longa multorum pilorum signant virum magna
meditantem.

Supercilia quando panduntur ad tempora, immundi-
ciem signant, & derisorem simulatoremque.

Supercilia inferius à parte nasi descendunt, & supe-
rius versus tempora elevata, & sic utrinque divulsa, invecundiam, invidum, stolidum, insatiabilem, & porcis si-
milem.

Super-

Supercilia quæ descendunt per incurvationem à parte nasi, ingeniosum in nefandis arguunt: & quando incurvantur ad lacrymale silvestre, signant jocularorem.

Supercilia si fuerint directa lineata & proluxa, malum, imbecillem, & foemineum animum significant: refer ad mulieres.

Supercilia densa cum coeunt, tristem maxime hominem, sed & parum sapientem significant.

Supercilia dependentia vel oculis imminentia, invidum. Curvata parvam & angustam mentem.

Supercilia arcuata adeò ut penè naso adjungantur, subtilem & ingeniosum ac studiosum.

Supercilia rara, diametro commensurata & magna, intellectum.

Supercilia arcuata, si conjungantur ad conum nasi, subtilem & studiosum notant: si autem convexunt ibidem, tristem & parum sapiẽtem. Si arcuositas declinat ad tempora & ad gibbositatẽ genarum, negligentem & fatuum.

De superciliis malè dixit Michael Scotus, quem Ioannes Picus dicit esse scriptorem nullius ponderis, multæ verò superstitionis.

Ciliorum seu palpebrarum iudicium.

CAP. VIII.

Cilia tegmina sunt oculorum operitoria, venularum clausulis summis innituntur ex vapore crassiusculo. Causa parvitatìs, est materia parva.

Subtilitas pilorum arguit subtilitatem materiæ, id est humorum, & dominium cholera: & tales sunt maliciosi, vitiosi, malefici: & cæteras bilis passiones tu notabis. Et cum carnosior ille locus fuerit, ut milvorum oculi, astutia & mala caliditas indicatur. Milvorum natura est calida & rapax, & est species aquilæ ratione caliditatis, & est animal cholicum: cave igitur à cholicis non regeneratis ex spiritu sancto.

Lacrymale domesticum cum est modicum, significat astutum, ut tenet Avicenna.

Cilium superius eminens inflatum magis quàm plenum, parum supra oculum declinans, insolentem & quasi visum alligatum notat.

Cilia autem si declinant ad inferius, plenum & crassabundum ostendunt, maxime cum sunt rubore obducta, potatorem ruinosum denunciant. Et expertus sum in pluribus tabernas frequentantibus. ratio est, quia significat debilitatem oculorum, ergo & cerebri, ergo timent vinum.

Quod si subtile retractum inferius fuerit, in tantum ut oculi obtegatur album, denotant humorum siccitatem: quod si contingit in acuta aliqua passione, mortem denunciant.

Quando pili palpebrarum (à palpitando dictæ sunt palpebræ) curvantur inferius, vel naturaliter ad unam partem torquentur, mendacem significant & callidum.

Qui majorem & grossiorem habet palpebram, longius videt: quia conservat lumen à calido & frigido extrinseco.

Anguli oculorum quando sunt dilatati, signant oculorum ægritudinem: & si habent aliquam eminentiam carnosam ebriositatem notant, & præcipue quando oculi eminent, tunicis eorum exiccatiss.

Palpebræ oculorum superiores palpebras inferiores cooperientes, longam vitam notant.

Crebra palpebrarum palpitatio, meticulosos arguit & maniacos.

Tenues palpebræ & in sanitate optimæ sunt, & mentem Deo proximam indicant.

Oculorum judicium. C A P. IX.

EX oculorum indiciis Physiognomones sententias suas confirmant. quoniam signa quæ in oculis cernuntur, idola affectionum cordis sunt.

Oculorum complexio humida est, & septem tunicis formantur cum tribus humoribus.

Oculis passiones animæ maximè indicantur, tribulatio, hilaritas, amor, & odium, &c.

Oculo;

Oculorum colores præcipui quatuor, niger, subalbidus, varius, & glaucus.

Oculorum forma rotunda, mobilior & perfectior & incorruptibilior, propter carentiam angulorum. Oculi quasi occulti dicuntur.

Angulati oculi, superfluitates sæpe sæpius in angulis habent.

Rectus oculorum status, probi viri indicium habetur.

Oculi grossi, timiditatem & pusillanimitatem arguunt, quia causantur à magna copia humiditatis cerebri, in qua est frigiditas quæ diffunditur per membra, & exstinguit sanguinem. Ideo, quemadmodum spiritus sanguinis facit audacem; ita humida & frigida complexio, timidum.

Eminentes oculi timidos arguunt: refer ad lepores, cuniculos & ranas.

Extensi oculi in anteriori, stultum; profundi, maliciosam subtilitatem.

Lati oculi in latitudinem corporis tendentes, porcorum oculis similes, arguunt corporis humiditatem.

Elevatos & eminentes oculos habentes, parum vident: quia elongantur à cerebro eorum fonte; & tales sunt loquaces.

Oculi in caput pressi, acutius vident.

Oculus profundus, signum est malorum morum.

Mobilitas oculorum à caliditate est, & iracundiam notat, luxuriam & audaciam: ad accipitres & astures.

Immobilitas oculorum à frigido est, & timiditatem ac modestiam signat.

Qui cum oculis palpebras motitant, imbelles, infirmique animi existimat Polemon.

Oculi qui clauduntur, ac denuo recluduntur, proditorem hominem, prævumque denotant.

Si verò in ipsis humor inerit, accuratum, artiumque studiosum dixeris.

Oculi qui difformiter moventur, ut nunc currant

P 5

nunc

nunc quiescant, ad facinora omnia faciunt, & cogitationem scelerum notant : ideo tales homines pessimi moris sunt.

Cujus oculi moventur velociter cum acuitate visus, sunt latrones, infideles, & fraudulentii. Et multos notavi etiam à pueris, qui demum suspensi fuere propter latrocinia: hi tamen habent ingenium subtile, sed ad malum promptius.

Intuitus fixus, ex nimia & fixa cogitatione est, & desiderio sæpius ad decipiendum.

Qui habent intuitum ut mulieres, luxuriosi sunt & invereccundi : nam hæc dispositio à simili complexionem venit.

Quando quis intuetur ac si puer esset, ita ut & facies & oculi quasi rideant, hic læta & diuturna potitur vita.

Oculi quasi ridentes cum residuo faciei, adulatores, luxuriosos, & detractores notant.

Oculi crocei crudelitatem notant & deceptionem, ut expertum est in lenonibus, & homicidis. hic color à cholera fit prædominante & adusta.

Hominem, cæsius habentem oculos concretos, ac tenebricosos, fuge quantum licet. Cæsius in siccis oculis color, impiorum est.

Oculorum color qui oleæ colorem repræsentat, fortem virum testatur.

Flavescent color oculorum, fortem & magnanimum.

Quos plurima nigredo infecerit, difficilis naturæ & fraudulentis judicatio.

Oculi parvi, malum & stultum denotant & pusillanimum: refer ad simias.

Profunditas oculorum est ex siccitate musculos & ligamenta siccantem, unde sequitur contractio ad interiora & cerebrum exhaustum.

Paucitas materiæ oculorum, significat in humido proportionato dominium siccitatis & melancholiæ, adustæ, aut siccitatem adustivam. Et ob hoc sunt timidi & fraudulentii, ut simiæ sunt, & notat experientia.

Oculi

Oculi in longum situati, invidum, callidum & deceptorem notant.

Naturaliter in specie humana oculi situati sunt, secundum latitudinem corporis.

Oculi itaque situati secundum longitudinem corporis monstruosi sunt, id est, præter naturam. Et unum tantum vidi Venetiis hominem malum & crudelem: hujus causa est caliditas adusta, ex quo sequitur deceptio, invidia, & desiderium malum.

Quando igitur oculi secundum longitudinem corporis positi sunt, callidum & deceptorem demonstrabunt.

Caprini oculi, id est, aliquantulum varii, & turbulenti in pupilla, stolidos & fatuos arguunt.

Vaccini oculi, id est, similes oculis vaccarum, crassum intellectum, dementiam, & simplicitatem notant.

Oculi parvi & eminentes ut oculi cancrorum, stoliditatem & suas sequentes voluptates arguunt.

Eminentia oculorum multa objecta repræsentat, unde sequitur ineptus discursus ex confusione objectorum.

Sursum tendentes oculi ut boum, qui & hoc rubei videntur & maximi, pessimum hominem, stolidum, stultum, bibacem, ebriosum notant: hoc autem est ex debilitate cerebri valde humidi & discrasati.

Oculi sursum directi, tremuli, & pallore infecti, sævi inhumanique ingenii, invidentisque naturæ & homicidæ notant.

Si quis natura oculos sursum ductos habet, is natura libidinosus est. Refertur ad apparentem mortem in morientibus & coeuntibus, ut inquit Arist. in prob.

Elevatio oculorum per accidens est: nam causatur à nimia caliditate, cujus signum est color rubeus, ex qua est perturbatio animæ rationalis: ut videmus in intensa irascibilitate hominum.

Oculi retorti, si ad dexteram tendunt, fatuitatem; si ad laevam, incontinentiam indicare dicit Polemon.

Si oculi venter infra protenditur, vinosum somnolentum

lentumque denotat, si sursum tantum vergat similiter.

Extensi oculi cum vultus extensione, notant homines maliciosos & nequam: ratio, quia siccitas est in causa similiter & caliditas: & anima calida maligna est ut plurimum.

Asinini oculi, insipientes & duræ naturæ notant homines: sunt enim siccæ & frigidæ complexionis.

Oculi in capite quasi absconsi, id est, intus concavi vident longius, & arguunt suspiciosum, maliciosum, pessimæ iræ, perversi moris hominem: aut valde memorem præsertim injuriarum: audacem, crudelem, fallacem, mendacem, vitiosum, luxuriosum, &c.

Oculi moventes se in gyrum uniformiter, malos mores indicant, & homines sceleratos, facinorosos & venenatores domesticæ familiæ ac pollutores: qualis Thiestis & Thereus & Medea, quorum filii etiam laniati sunt manibus parentum. Cùm autem modò involvuntur, modò recurvant oculi, modò interquiescunt, ab his non dum perpetrata sunt hujusmodi facinora: verùm in animo & in cogitatione versantur.

Oculi habent tantas colorum varietates, quia diaphani sunt & raræ substantiæ: & hoc ex aqueis humoribus est ex quibus constant oculi: ideò spiritus visivi ostendunt suas qualitates in oculo: ut mulier menstruosa maculat speculum, & puerulos in cunis inficit, & oculis sanis interdum nocet.

Maculæ multæ circa pupillum in oculo apparentes, malum significant hominem, & deterior erit oculus maculosus si varius.

Oculorum varietas non procedit nisi à calido elevante vapores ad oculos: & quanto major est varietas, tantò major est caliditas.

Quanto maculæ sunt magis variæ, adustio est major spiritus elevati, unde & morum varietates, & vitiorum caterva procedit: & ex magna varietate deteriatur iudicium honestum & laudabile.

Qui

Qui oculos lucentes habent, ii sunt libidinosi: refer ad gallos & corvos.

Oculi in rubore prunæ, pessimos & obstinatos arguunt, igneo enim colore bilis intensa notatur.

Qui habet oculos mediocres declinantes ad cælestem colorem vel subnigredinem, talis homo est penetrabilis intellectus, fidelis & curialis. Dicit Avicenna oculos similes antimonio.

Almansor dicit oculos meliores esse inter nigros & varios, si non sint radiosi, nec rubedo aut citrinitas appareat. Oculi isti demonstrant discretionem & ingenium: ratio est, quia privati sunt & melancholia adusta.

Color oculorum cælestis & niger aut charopiis, præsertim ubi non sunt maculæ, ab humoribus humidis & temperatis sine adustione causatur: ex quo sequitur spiritus similis naturæ, & inde ingenium & speculatio. Chatopum Latine fulvum potes interpretari, ut fulvum aurum, fulvus leo, vel flavus, luteusve.

Varius color fit ex clariore spiritu visibili: unde tales sunt bene nati & indagatores scientiarum.

Deteriores oculi habent maculas albas vel nigras vel rubeas vel cujuscunque coloris; & talis homo deterior est omnibus, & magis reprobus: excipe tamen eos qui suffusione laborant, ex quibus probissimos & pios cognovi.

Oculi varii, magni & glauci, si fuerint cum guttulis rubeis maxime pulverulentis, qui color cyaneus dicitur nigro corrupto assimilatur, in gyro ordinate moti, turbatum animo hominem ac vitiosum designant, verum audacem & ingeniosum.

Per oculos non semper totum, sed nigrum intellige: nigrum enim est quod enarrat.

Quibus igitur nigri oculorum superrubescunt, ii adeo irascibiles sunt, ut ob iram stupeant & alienentur.

Observavimus etiam in albo oculorum venulas oculorum sanguine plenas rubescentesque, iracundos valde indicasse.

Cum

Cùm altera pupilla plus est major , altera minor , iniquitatem significant.

Guttulæ rubentes in oculis , sed non valdè , ac potius in nigredinem vergentes, ita ut intuentibus nigrescere videantur , generosi animi , iusti , probi , & ingeniosi sunt notulæ.

Oculi qui tanquam guttulis nitoris intus relucent , nitidos, compositos, gratiososque valde notant.

Oculi guttulis rubicundis omnino , non tamen rotundis sed quadratis, ac ut ignis micantibus intrinsecus & inferius, & aliæ post ipsas sint pallidæ, & aliæ claucescentes, & circuli forinsecus pupillas claudentes sint sanguinolenti, sitque oculi magnitudo, & palpebræ & pupillæ moveantur , significant animum atroce ultra mentis cogitationem, & domestici sanguinis effusorem , nefanda omnia perpetrantem, & dolo ac versutia omnia subvertentem. Tales erant oculi Ezelini tyranni.

Hujusmodi guttulæ quando fuerint rubicundæ & minutæ, tanto maiorem iram & scelus facinorosum testantur. Majores quidè & obscuriores hæc nefanda minuunt, sed minimè tollunt. patet hoc in notulis serpentum.

Nigræ guttæ aut sanguinæ in nigris aut fuscis pupillis maleficum & venenarium testantur. Pallidæ guttæ, dolos, fraudes, malignitates obscuras notant.

Nota quòd quāto guttularum colores sunt vehementiores, tantò sunt efficaciores.

Oculi habentes maculas albas aut nigras vel sanguineas circum quaque notant deteriores homines, proditores, nefarios & reprobos, nisi suffusio fuerit.

Sunt tamen oculi ut iris colorati, qui si sicci sunt, insaniam arguunt : si verò humidi, magnificentiam & sapientiam significant, tamen cum iracundia & venere turpi. Oculi humidi ut aqua fulgentes , hominem bonis moribus denotant.

Pupilla si nigra fuerit & claudatur ante dicta citrinitate, vel si deaurata appareat , ut dicunt medici , sanguinis fluxum præsignat per inferiora.

Oculi

Oculi magni & supercilia longa, brevem vitam notant, ut in pluribus judicatum est.

Oculi longi cum superciliis longis, erit doctus, sed brevis vita.

Qui habet albedinem subnigram in oculo, significat magnum hominem in honore viventem.

Oculi parvi & rotundi, ad malum iterantes significant, dummodo sit facies obducta pallore.

Oculi valde mobiles & parvi & palpitantes, pessimum indicant, ex caliditate.

Oculi bene mobiles & acuti, signant furem: refer ad accipitres.

Venosi & sicci oculi, maniam futuram vel præsentem notant.

Obsiti caligine oculi, homines malis artibus imbutos arguunt & infideles ac intemperantes.

Oculi prædictis contrarii, boni: videlicet perlucidi, nullo signo malo impugnanti: ut erant oculi imperatoris Hadriani, referente Polemone.

Oculi lucidi magni luminis coruscique etiam cum glaucedine & sanguineitate, temeritatem & insaniam arguunt: si verò statum detinent mensuratum, bonum mentis habitum signant.

Oculorum mediocritas inter nigrum & varium laudatur, etiam inter alios prædictos modos, nisi multum existant radiosi, aut valde citrini vel rubei. At sanguine infecti, inconsultos, & ocyssime quæ proposuerant efficientes arguunt.

Oculi magni pellucidiq; nitore, justum, docilem, providum & admonitorem signant, quales erant Socratis.

Oculi nimium præ eminentes rubicundi & parvi, mentem & linguam effrenatam, ac instabilem animum denunciant.

Oculi præ eminentes & micantes, tremantes & salientes, quos Græci pantomimos appellant, pravos, dolosos & versutos testantur.

Oculus tremulus levitatem, id est animi instabilitatem significat.

Oculi

Oculi trementes, glauci, sine pudore, sine fide, sine iustitia sunt.

Mensuratæ magnitudinis oculi humidi atque perlucidi, magnanimum & magna cogitantem ac perficientem significant. aliquando indicant iracundiam, vino deditum, latronem & cupidum extra modum: & tales erant oculi Alexandri.

Risivi & maximi oculi, hebetem, luxuriosum & improvidum notant.

In Scythia fœminæ Bithiæ vocatæ in oculis pupillas geminas habentes, & visu perimentes, si quem fortè iratæ aspexerint: hæ sunt & in Sardinia.

Cavi oculi arridentes, velut insidiis constituti reputentur: præsertim si genæ supercilia & labra unà moveantur, infandas cogitationes ac dolos, præsertim si interdum palpebræ coeant & interdum se tangant: cogitationem nequissimam demonstrant etiam.

Et tristes oculi non sunt omnino timendi: humidorum enim in cogitatione sunt dediti, & optimarū artium denotant studia. Quod si horum supercilia & frons sint latiora cum tranquillitate convenientes & palpebræ laudabiles, ingenium testantur fidum, benignum ac grave.

Oculi humidiusculi horrendum intuentes, in iram propensos, acres, furiosos, sermone & actionibus properos, temerarios ad dicendum testantur & nequissimos. Aridi verò oculi pravyos impiosque, cùm hujusmodi exigui & concavi fuerint, deteriores supradictis.

Tristes oculi sed sicci cum asperitate frontis, & intentione aciei, & palpebrarum subjectione, nocentem, ferum, nihilque inausum indicant relinquentem assignare.

Aridi oculi & tristioris intuitus, summæ benevolentiae hominis argumenta testantur, inquit Polemon.

Quibus ab oculis pendent tanquam lippitudines, amatores vini sunt, & calvantur, & tali dispositioni inest cerebri humiditas & lassitudo.

Quibus autem ante oculos tanquam lippitudines eminent, sunt amatores somni.

Lippi-

Lippitudo fit ex groſſo ſanguine ac melancholico humore ad palpebras affluente.

Lippitudines oculorum, inſpecta diſpoſitione, bibacem briumque notant; & quando fuerint cum demiffione oculorum, ſomni amatorem ſignificant.

Oculi magni tardos ſignant: refer ad boves.

Oculus medius inter parvum & magnum, bonus.

Oculi mediocritas bonitatem puritatemque innuit.

Oculus concavus malitioſi eſt: oculus eminens, fatui.

Oculi valde concavi, nulla prorsus laude digni: quos autem concavos ſed magnos videris, non vituperabis.

Oculi concavi & exigui, dolosos hominis mores teſtantur; ac proditorem, invidiaque ac æmulatione tabeſcentem denotant, quique majori æmulatione flagret, incredulum & ſacrilegum.

Concavi riſum præſeferentes, malum cogitantem denotant.

Oculi parum concavi, magnanimes ſunt: refer ad leones, amplius verò, manſueti: refer ad boves.

Pupilla nigra, pigrum nunciat & hebetem. Pupilla in circuitu cujus apparent margaritæ, hominem ſignat invilum, verboſum, timidum, & peſſimum, inquit Rasis. Las pupillas, pravorum morum fore dixit Polemon.

Parvas etiam, pravorum & perversorum. Quibus circulos qui circa pupillas ſunt inæquales inſpexeris, hi ſtolidi habendi ſunt.

Obliqui oculi cum febre acuta, ſignum ſunt mortis.

Si diu oculi remaſerint aperti, ſignum erit ſtoliditatis & inverecundiæ.

Oculi valde nigri timidos arguunt: & nunquam fallit. Etiam ad lucrum avidos notant.

Nigri oculi ignavum moribus hominem, pavidum & infidum teſtantur. Color enim niger timorem arguit.

Oculi pallescentes, ad dolum propenſos denotant.

Non valde nigri, ſed ad flavum declinantes, boni animi ſigna ſunt & fortis.

Glauci aut albi oculi, timidi ſigna ſunt, & de albo non fallit.

Nigri oculi, splendore notabiles, pravos, dolosos, & valde maléficos testantur, qui autem nigros & leniter subridentes habuerint, in omnem turpitudinem coguntur.

Non valde glauci sed charopi, boni animi notam faciunt: refer ad leonem & aquilam.

Glaucus color est proprie noctuarum (quas ideo γλαυκας Græci vocant) oculorum color: vulgò Italicè gazoli nuncupantur à calore picarum, quas gazas vocant, quæ alas eo colore variegatas habent.

Venosi oculi, maniacos testantur: refer ad capras. Venosi autem dicuntur illi oculi, qui pleni sunt parvis & minutis tractibus ad modum minutarum venarum: ex quibus color oculorum diversificatur. Tales ergo sunt diminutæ phantasiæ quæ servit intellectui, refer ad oves.

Ignei oculi, inverecondi sunt, refer ad canes: rapaces etiam & litigiosi. Oculi ignei sunt, quando ad modum ignis rutilant, flammant & scintillant: sunt enim accensi ira, & si unum vident, duo apparent. Averrois in De sensu & sensato, docet causas. Præcipuum signum iracundiæ est naturalis rubedo in venis oculorum.

Discolorati oculi, timidos arguunt, refer ad pass. nam qui timent, pallent, & sunt coloris inæqualis.

Oculi laxi, luxuriam notant: refer ad gallos, corvos, &c.

Oculi & genæ superrubentes, ebrios signant & amatores vini.

Oculi rubentes sicci, animosi sunt, & in iram veloces.

Glauci aut turbidi oculi, timorosos arguunt, relati ovibus & capris.

Oculi mediocres & demissi, verecundos & honestos demonstrant.

Oculi instantes, subrubentes, libidinosum & voracem nunciant.

Oculi stantes, breves, vel parvi & prominuli, avarum, lucrorum vehementer cupidum, appetentemque declarant. Si autem etiam frontem cum superciliis ad medium contrahat, multo est avarior, ac lucrorum studiosior.

Lupus animal est rapax, iracundum, insidiosum, audax,
violens.

violentum. Qui ad hujus animalis speciem referuntur homines, ita erunt: naribus obuncis deorsum detractis, superciliis conjunctis, hispidis, oculis parvis, clausis, subcapitis, capite parvo, rotundo, hispido corpore, protensis capillis, reductis ac restrictis cruribus, hujusmodi homines calidi, impii, gaudentes sanguine, ad iracundiam faciles.

Faciei & vultus judicium. CAP. X.

Facies eorum qui bene nati sunt talis est, scilicet mediocris in genis & temporibus, vergens ad pinguedinem, talis est verax, amans, intelligens.

Cùm Iacob ex facie Laban ejus in se odium deprehenderet, ad uxores suas conversus dixit: Cognovi ex facie patris vestri, non esse amplius in me qualis heri fuerat. Naniq; vultus, sermo quidam tacitus mentis est.

Faciei lætificatio est ex læto corde, & è contra.

Facies sæpe capitur & simpliciter de naturali aspectu, vultus verò de qualitatibus animorum. Deformis aspectus est raræ felicitatis.

Facies quibus carnosa, rathymi sunt, id est faciliter concupiscibiles: refer ad boves.

Quibus facies natura rubra est, ii & verecundi, & hilares sunt, quibus pallida, ii sunt natura timidi.

Macilenta facies, arguit sollicitos: & aliquando prodigium.

Carnosa facies, timidos notat: refer ad cervos & asinos. Timiditas soror est tenacitatis.

Magna facies tardos signat, sunt enim irregulatæ materiae phlegmaticæ: ut boves asinique.

Valde ossosa facies, laboriosos, pavidos, ac frigidæ naturæ homines indicat.

Forma media, nec magna, nec parva, utique conveniens. Parvifica facies, illiberales notat.

Carnosa valde, pigriciem, stultitiam, & grande desiderium: ideo vana desiderat & impossibilia: & tales sunt cretuli, studentq; in contendendo, bibendo, & luxuriando, si aia correspondentia fuerint annexa, scilicet magnitudo duorum ventrium.

Carnosus in facie , est minus sapiens , importunus , & mendax atque vorax.

Gracilis facies facit circumspectum in operibus , & arguit intellectum penetrantem.

Equi & homines quorum facies rugosa est , ex decrepitis parentibus sunt nati. Vis enim cordis ubi hebetata est cutem contrahit. estque indicium debiliū membrorum principalium.

Subtilis facies notat hominē multarum cogitationum.

Faciem habens ut ebriosis , facilè inebriatur & ebrius est.

Modestam & verecundam habens , pares habet mores.

Iracunda facies iracundiam denotat: & sic de aliis.

Rotunda stultitiam notat. Magna valde pigritiem.

Parva valde , malum , callidum , adulatorem , illiberalem & timidum signat.

Deformis facies rarò arguit bonos mores. Distortum vultum sequitur distantia morum.

Longa , inverecundum , injuriosum , scilicet ex caliditate.

Inflata tempora venis & arteriis magnis , iracundiam & irascibilitatem assignant.

Carnosa si squalida est , significat timidum & amentem.

Grossa cum maxillis amplis & rusticosa , hebetem rudemque naturam signat.

Facies per se rubicunda , asperos & truces hominis mores testatur: si verò malæ tantummodò hujusmodi colore inficientur , ebriosum hominem judicato.

Parva colore croceò , vitiosum , deceptorem , ebriosum signat , & hoc persæpè annotatum.

In homine facies manet , vultus mutatur : nam à volendo dicitur.

Trux vultus ex conditione labiorum , genarum , frontis & rictus , stultum & insanientem.

Lætus & arridens vultus jucuadū arguit & libidinosum.

Tristis vultus denotat tristitiam , deductus , cogitatorum , subdolum , timidum , astutumque adseverat.

Sudans sæpe facies etiam facili motu , caliditatem notat ,
luxu-

luxuriam, gulam, ac magnam commestionem, & inde in concoctionem ac futuras ægritudines.

Vallata facies plus macra quàm pinguis, injuriosum: lividum, mendacem, rixosum, crudelem, homicidam, præsertim si adusto sit colore, vel livido vel croceo.

Facies bene disposita carne, colore & suis connexis, vitam laudabilem arguit, & virtutum copiam. Omnis vultus, cum est plenus & crassus, ignavum significat, & voluptatibus deditum.

Concava facies à principio frontis usque ad finem menti ut sit nasus & os in valle, malos mores arguit, præsertim cum livido & adusto colore. Vidimus istos esse interfectores, loquaces, prædones, fures.

Multos ego vidi propinquos infortunio, quorum aspectus celabant infortunium prius, demum ad id deformes facti fuerunt, videlicet facies eorum facta est turpis plus solito contractis ciliis, obliquatis oculis, & id genus effectibus variis.

Cave ne decipiaris judicio in leprosis, quia rotundantur oculi & eminent venæ.

Vultus parvus, parvum & angustum ingenium: enormis, stultitiæ & ignaviæ testatur.

Nasinariumque judicium. CAP. XI.

Hæc pars præ cæteris hominis faciem formosum deformemque maximè reddit.

Nasus porrectus usque ad os cum decenti magnitudine, cartilagine & carnositate arguit ex calida complexionem, & est signum probitatis & audaciæ.

Nares magnæ & amplæ, magnos arguunt testiculos, & hominem luxuriosum, proditorem, falsum, audacem, mendacem, invidum, cupidum, tenacem, & parum timidum, ac grossi ingenii.

Nasus complexionem cordis arguit, & ex magno naso irascibilitas assignatur.

Nasus magnus & parvus, arguit verenda maris & mulieris qualia sint. Veretrum magnum est ex grossa materia & calido intenso,

Pes tamen mulieris est signum vulvæ.

Pes longus, strictus & macer, eandem vulvæ arguit, & e contra.

Mensura medii pedis, nudi, est mensura longitudinis vulvæ in quacunque.

Labia quoque grossa, grossam pellem vel labium vulvæ grossum testantur, & e contra. Et præsertim in virgine.

Nares sunt nasi latiores partes, ubi respirandi foramina videntur. Græcè *ἐξὺς ἀ τοῦ* quod fluere denotat: nam humor à cerebro per ipsos defluit.

Nares nasi, signant testiculos, hoc modo: grossæ & latæ signant grossos & latos: subtiles verò, strictos & parvos. Vnde regula non fallit nisi per accidens, ut puta per ægritudines, & per tractationes, ut cinædi faciunt: operatio enim auget membrum. Ita in pluribus dextera est major sinistra, quia frequentius venit in opus.

Aquilinus nasus est magnanimitatis nota, similiter crudelitatis, rapacitatis & audaciæ: hoc à calido est, inde ira irascibiles & vindicativi, & facientes illicita.

Aquilinus nasus in corpore valde cholericò, id est cirrino seu livido adusto deterior est.

Aquilinus verò in corpore sanguineo vel hujusmodi tendente ad choleram, non ita malus.

Aquilinus articulatus in fronte signat magnanimos, refer ad aquilam. Articulatus in fronte intelligitur, quòd habeat eminentiam versus frontem: Dicuntur tales esse rapaces, fit à calido & sicco, signat irascibiles, impetuosos cholericos.

Simus nasus, impetuosos & luxuriosos arguit, pusillanimes tamen, quia à phlegmate & humido.

Qui brevi naso ac simo sunt, fures & lascivos judicato.

Nasus curtus, os parvum, dentes curti & grossi, sunt ab humido & frigido.

Nasi acuitas, collum longum, epiglottis, & vox acuta, & pulchra, sunt temperaturæ cholericæ.

Nasus latus in medio ad summum declinans, verbum, mendacem, irascibilemque significat: & tales notari esse

esse cum excellentia vitiorum, præsertim circa mendacia.

Nasus in extremitate acutus, mendacis est nota, litis & iracundiæ signum. Est enim à cholera.

Nasus extremus grossus rachimos notat, id est concupiscentes & abjectos: refer ad boves. Tales præsertim in re venera concupiscunt quicquid vident: sunt etiam irascibiles.

Nares latæ luxuriosum annotant.

Nasus in extremitate grossus insensibiles, inverecondos, indisciplinabiles denotat, vel segnes: refer ad boves.

Nasus in extremo acutus, irascibiles notat: refer ad canes.

Qui naso plus nimium brevi fuerit præditus, accusatorem esse, ac delatorem censeas.

Valde retortus nasus, magna ex parte tum mores tum mentis propositum retortum perversumque denotat.

Nasus obtusus rotundus in extremo, magnanimi signum est, refer ad leones.

Nasus in extremo subtilis avicularis, par rostro avium, festinos, leves & stultos arguit, idem longus & subtilis.

Nasus à fronte in os curvus & ductus, facit inverecondos, refer ad corvos, & etiam fures.

Nasus concavus cum fronte rotunda sursum eminente, luxuriosos notat: ut galli, grandis nasus, probi indicium.

Nasus in extremo grossus fœda grossitie, insensibiles significat: refer ad sues.

Nasus in superiore depressus, animi imbecillitatem & stultitiam signat: estque signum fœmineæ levitatis.

Nasus à fronte si mox curvus producitur, inverecondos signat, ut corvos.

Curvæ nares, quas Græci *γῆρας* vocant, magnanimis attribuuntur.

Aduncus nasus, præclara mente & ingenio præditum indicat.

Nasus declinans in partes hominis laterales, si ad unam tantum positionis partem declinat, à cingulo versus partem extremalem, læsionem notat, si vero fuerit divisus, in

utraq̃ue parte positionis , ægritudinem sive percussionem ostendit: & hoc vel à causa primitiva vel antecedente.

Nasus in origine sua propè simus , liberalem ostendit: ut leo.

Nasus rubeus cum basi atque foramine & latitudine trahens ad tumefactionem ad modum fragorum , vinolentiam & ebrietatem ostendit: & tales ut plurimum sunt humidi luxuriosique , maxime si tale signum in corporibus parvæ dimensionis reperiatur , & hoc notum fuit experientia.

Nares apertæ iracundos signant , & quanto magis apertæ sunt, tanto majorem iracundiam notant.

Obstructas nares habentes, fatui censendi sunt.

Tenuēs & valde apertæ nares , ferocitatem & mentem indignatam signant. (gnum.

Tenuēs & longæ nares mobilitatis & levitatis dant signum.

Tenuēs & acutæ, querulum.

Narium pars admixta fronti , & à fronte deposita honeste & sejuncta compositione bona , ut neque alta neque humilis sit , & aliqua linea descendat, virilitatem indicat & constantiam, & prudentiam notat.

Nares in altitudine directè elevatæ & continuæ , intemperamentem signant: & hæc sunt quæ in extremitate inferiori cartilaginis elewantur ad lineam , & descendunt ad nasum. Cùm directæ sunt, linguæ intemperantiâ produnt.

Nares majores, simpliciter minoribus sunt meliores.

Nares minores naturaliter servilibus ingeniis , furibus, & tergiversatoribus adscribuntur.

Patulæ nares, alacritatis & fortitudinis indicium produnt.

Nares perangustæ, obtusæ, rotundæ, conclusæ, stultitiam proclamant.

Narium amplitudo, & in maxillis carnum multitudo & paucitas pilorum in genis, humidam complexionem significat.

Valde obtusæ nares, insipidos arguunt. Parvæ, mentem perversam demonstrant.

Pili qui intra nares hominis nascuntur , si quando densi &

si & multi & crassi sunt, immobilem animum & durum ostendunt. Si pauci & molles, facilem ac docilem animum nunciant, vipressi dicuntur, quòd cùm evellantur, vibretur caput.

Aurium judicium. CAP. XII.

A Vres magnæ generantur ex multa materia à virtute forti: & tales habentes, frequentius sunt collo brevi, & satis formoso, & sanguinei tendentes ad choleram ex grosso sanguinei aliquantulum adusto, & hoc frequentius: & sunt impatientes, & cito irascuntur.

Magnæ aures & erectæ ultra modum, indicant stultitiam & loquacitatem.

Magnæ aures asininæ sunt, cum stoliditate & tarditate intellectus.

Magnæ aures, stolidum, & longæ vitæ hominem notant ut plurimum.

Magnæ & deorsum flexæ, divitias arguunt.

Subtiles & siccæ aures, arguunt, quòd habentes non habebunt bonum, & notant magnam instabilitatem.

Auriculæ magnæ fatuos indicant, tamen bonæ intentionis & memoriæ.

Valde parvæ aures, stolidos, latrones, & luxuriosos indicant: refer ad simias.

Parvæ aures simiales sunt, cum malignitate & dolo.

Valde parvæ aures sunt ex parva materia cholericæ & virtute imbecilli cerebri. inde subtilis spiritus, ideo signant ingenium in operibus malis, fures, & omnia desiderantes, &c.

Angustæ & oblongæ aures, signum invidiæ. Aures oblongæ invidum.

Parvæ aures, parvam dant vitam.

Rotundæ nimium aures, indocilem arguunt.

Aures excavatæ, prudentem denotant virum.

Mediocres aures habent notam morum optimorum: ut quadratæ.

Optimæ & moderatæ aures, ad morem canis, fideles arguunt & bonos, irascibiles tamen si irritentur.

Equinæ aures, principatum & dominium testantur, saltem futurum.

Si prima pulpa aurium jungitur cum carne faucis, id est mandibulæ, stultum & vanum notat.

Flexibiles aures ostendunt proportionem calidi & humidum.

Erectæ & cartilaginossæ aures, ostendunt siccitatis dominium.

Aures proeminentes valde magnæ, aviditatem, stolitam, garrulitatem & imprudentiam notant.

Aures semicirculares, mediocres, connexæ lineæ, & in medio aliquantulum compressæ versus centrum, capiti adhærentes, mediocriter pilossæ, bonitatem præstant naturæ.

Aures jacentes super caput applicatæ, hebetes & segnes notant.

Aures latentes, & capiti recto modo fixæ, pigriciam indicant.

Pilossæ aures, longam vitam assignant, & bonum auditum.

Aures inter has species mediocres bonæ sunt, & bonitatis signum.

Pili qui intra aures sunt, si plures sunt & spissi & longi, multum calidum animum libidinis appetentem indicant.

Maxillarum sive genarum judicium.

C A P. XIII.

Maxillæ sunt eminentes sub oculis partes, maxillæ per determinativum à malis.

Mandibulæ sunt maxillarum partes, ex quibus barba.

Maxillæ accipiuntur sæpe pro mandibulis.

Maxillæ potissimum ostendunt hominis complexionem.

Maxillæ, id est mandibulæ eminentes ex parte superioris cum longitudine maxillarum ex parte compositionis, maliciosos assignant, præsertim in illicitis ac incongruis: & assimilantur ex parte maxillarum bubus & asinis.

Maxillæ curtæ & eminentes ex parte superiori oris, mali-

maliciam, detractiōem, violentiam, invidiam assignant, præsertim quando ibi non est præsentia carnis.

Maxillæ rubicundæ cum temperamento albedinis, non nimis crassæ, sed mediocriter carnosæ, calidæ & humidæ complexionis cum temperamento donant iudicium.

Maxillæ substantia macilentæ & tenues, colore fuscæ aut citrinæ, complexionē calidam & siccam demonstrant.

Maxillæ quasi lividæ cum substantia à carnibus depurata, significant excessum siccitatis & frigiditatis, ut patet in melancholico.

Maxillarum caro grossa, naturam testatur grossam, ignaviam & vinolentiam: interdum & violentiam.

Maxillæ nimium tenues, malignitatem arguunt: Lenes malæ & prolixæ, importunam loquacitatem designant.

Malæ oblongæ, nugacis hominis, & vana loquentis signa sunt.

Genæ sic dictæ, quòd in iis dentes pilique gignantur.

Genæ plenæ cum temporibus inflatis dant signum iracundiæ vehementis.

Genæ parvæ situatæ ut ab oculis conspiciantur abscissæ, plenitudinem humorum gravantium arguunt.

Rotunditas genarū ostendit invidiam & mores dolosos.

Crassarum genarum, ignavi & vinolenti sunt.

Genæ leves male dispositæ, prolixam linguam, importunitatem & loquacitatem arguunt.

Genæ supererubescentes, ebrios, vini amatores assignant.

Oris natura, & menti. CAP. XIV.

OS latum, bellicosos assignat: & est à calido, unde magna membra procedunt.

Exiguum os, foemineæ est naturæ.

Os magnum, latum, iram, audaciam & prælium arguit: & tales etiam sunt gulosi.

Os dilatatum ultra mensuram ac si recisum esset & ductum, voracem, imitem, impium, bellicosum, crudelem assignat, belluis marinis comparatum. Sunt etiam tales

les multi sermonis, jactatores, garruli, invidi, mendaces val le insipientes.

Os cum parva clausura & apertione, timidum, pacificum, infidelem tamen assignat.

Os longe prominens & rotundum cum spissitudine labiorum, & quæ sunt sursum exterius retracta habuerit porcis comparatur: & significat immundum, stultum, foetorem.

Os in situ quantitatem habens cum parvis labiis & parva clausura & oculis risivis cum residuo faciei, libidinosum, cynædum, mendacemque significat.

Exiguum os exterius prominens, prævos hominis mores, & proditores indicat.

Os in loquendo cum torquetur, ex catharrali vitio infestatur: ut expertum est.

Mentum cum prolixum est, minus iracundum, & minus perturbatis moribus esse manifestat: aliquando tamen loquacem, aliquando sui jactantem ostendit.

Qui parvum habent mentum, vitandi sunt: nam præter cætera immites, insidiosi sunt, referuntur ad serpentes.

Si in rotundum desinat mentum, muliebres mores indicat. nam & signum fœmininum est. Virile autem mentum propè quadratum esse debet.

Qui menti figuram decentis magnitudinis sortietur, ad venerea propensum esse & gratias sibi arridere judicato.

Debet autem mentum esse non nimis rotundum nec acutum, sed mediocre.

Qui nimium protensum mentum habuerint, nequissimi homines, atque importuna loquentes, susurratoresque sunt.

Mentum in extrema parte divisum, sic ut bifidam exprimat formam, si talis figura immodica appareat, doloſis moribus adscribenda est.

Labiorum judicium. CAP. XV.

Labia facta sunt ex carne molle, motu bono propter loquelam. Labium superius, inferius labrum: multi dicunt

licunt labia hominum, labra mulierum: confunduntur tamen hæc.

Magna labia sunt stultorum & hebetum.

Labiorum color rubeus versus aperturam oris, est propter multas venas ibi adductas.

Labiorum naturalis color in extremitatibus est rubicundus, propter cutis subtilitatem, & signatur puritas complexionis, & impermixtionis turbati sanguinis in forti virtute.

Lividitas labiorum significat contrarium, deficit enim virtus sanguinis & naturalis calor, talia habentes labia ægrotant.

Labium inferius laxum valde rubicundum, in scēminā maximam libidinem & impudicitiam arguit: & hoc in pluribus annotavi: in pueris significat catamitos vel futuros, præsertim si vultus & oculi eorum sunt risivi.

Laxa labia, lunam habent planetam.

Magna labia multam arguunt materiam attractam caliditate: & grossities arguit humores grossos & spiritus ex quibus sequitur hebetudo ingenii.

Si erecta sunt atque spissa, id est firma & compacta, Mars eorum planeta est: pariter quando os est magnum.

Labia blanda, parumper ridentia, lætis vultibus contingentiā, libidinem arguunt, aliqui tamen sunt etiam deceptores, fures, dolosi.

Homo cuius labia intrinsecus non rubent, ægrotat vel citò ægrotabit.

Labia oris valde grossa, laxa vel nimium revoluta foris, simplicem notant & citò ridentem, grossique ingenii: asinis comparatur, & phlegma prædominatur.

Subtilia labia laxa in extremitatibus, demissave, ita quòd superius labium ad inferius protendatur ad conjunctionem labiorum referunt magnanimitatem. Refer ad leones: hoc etiam videbis in fortibus canibus.

Subtilia & dura labia circa dentes caninos eminentia, arguunt intellectum belluinum & indocilitatem.

Inferius labium superiore majus, stolidos notat.

Inferius

Inferius labium ad caninos dentes intumescens, veneno plenos indicat.

Labia grossa superius, ad inferiora propendentia, fatuos arguunt: refer ad asinos.

Labium superius proeminens gingivis, amatores contumeliarum arguit, & versantes in litibus & controversiis: refer ad canes.

Parva labia & subtilia, & parvum os, imbecillitatem animi & versutiam testantur.

Optimus labiorum & oris status est, quando non nimis humidus: nam humiditas oris & labiorum timiditatem & malignitatem arguit.

Labiorum præ eminentia, stoliditatem, loquacitatem, & audaciam testantur.

Labia convenienter, id est non multum subtilia & aliquid foris retorta, secretum, sagacem, iracundum, & multi ingenii hominem signant.

Labia cum gingivis super dentes præ eminentia, maledicum, clamosum, iracundum, & ad injurias inclinatum indicant, refer ad canes.

Labia bene colorata, plus subtilia quam grossa, hominem bene conditionatum & cito convertibilem in utrumque, sed potius ad virtutes, ibi Iupiter est.

Labia non bene æquata, ut unum sit majus altero, plus simplicem quàm sapientem & variæ fortunæ attestantur hominem.

Labia superiora parva, aliquantulum elevata, verbosum notant, invidum valde & accusatorem.

Labia superius elevata, inferius verò submissa, testantur vitæ miseriam & mores indebitos.

Labia superius subtilia & everfa declivia, furem & deceptorem notant.

Labia non judicentur de Aethiopibus, nisi ab his qui inter Aethiopes versati sunt, & eorum qualitates annotaverint. Nos autem judicare possumus de regionibus nostris.

De dentibus. CAP. XVI.

Dentes canini si longi sunt & firmi, ad exteriora expositi, gulosum, irascibilem & malum arguunt, similiter & lascivum: refer ad apros & canes. Cognovi istos esse maximos lurcones, bibaces, deceptores, lenones, homicidas: præsertim si aliqua est correspondentia portionum.

Dentes debiles rari & minuti, totum corpus debile arguunt, ac vitæ debilitatem ac brevitatē, & e contra.

Sonus à dentibus factus, maniam denotat: quod interdum infantibus dormientibus accidit, cum iudicio lumbricorum.

Grossi latique dentes sive intus sive foris declinent, significant hominem vanum, lascivum, simplicem: & ingenium bonum arguunt. alii dicunt arguere spiritus grossos, ab humoribus grossis.

Dentes siccissimi omnino humiditate privati, aridique omnino, in ægroto mortem notant, in sano futuram & citam ægrotationem: ostenditur enim humidum radicale consumptum, & corpora eorum sunt sicut lucerna sine oleo.

Dentes rheumate pleni, significant vitium capitis aut stomachi communitate capitis & pulmonis, causantium corizam, branchum, tussim, synanchiam, & apostemata faucium.

Animalia habentia dentes serratos bibunt lambendo: habentia verò continuos bibunt sorbendo.

De lingua. CAP. XXII.

Lingua ad inferius conversa traulizans aut balbizans, diarrhœam ventris arguit: ut habet Hippocrates trigésimosecundo Aphor. sextæ sect.

Lingua ad sapes percipiendos & literas ac voces proferendas facta est.

Diarrhœi fiunt blæsi aut balbi propter materiam descendentē à capite, quæ etiam ingreditur spongiositatē linguæ ac lacertos. Vnde ingrossatur, dilatatur & abbreviatur: ideo

ideo traulizant, id est balbutiunt: alii etiam à natura fiunt de quibus Aetius.

Lingua antèrius ligata, non rectè profert S litteram, & blæfos facit.

Lingua postèrius ligata, non bene profert R vel T.

Qui male proferunt R, *τραυλοὶ* vocantur vel blæsi, & loco ejus utuntur. L. Aetius Ancyloglossos vocat libro octavo, capite trigesimo sexto.

Qui male proferunt S, Syali dicuntur, & vice illius ponunt C.

Blæsi sæpe timent vinum & inebriantur: inde est quòd ebrii balbutiunt, & male proferunt tretrari.

Linguae gravitas in juventute, signat post levitatem ejus subitam mortem.

Grossa & lata lingua, arguit ingenium rude, & humores phlegmaticos.

Traulizans & anteriorem syllabam repetens, paratur ad melancholiam.

Lingua motu contacta veloci, & corruptione verborum repetentiam causans, stultum, impetuosum & iracundum notat, propter mobilitatem spirituum & caliditatem festinantem prolationem absque consideratione.

Lingua cum velut lapis fuerit penè immobilis, pigritiam notat.

Lingua subtilis, ingenium notat subtile, & aliquando biliosam temperaturam.

Lingua longa rubea, sapientis indicium est: denunciat enim laudabiles humores.

Lingua alba paupertatem & miseriam testatur, ut Ptolemæus ait.

Lingua in naturali colore infecta, discrasiam & malam dispositionem notat, præsertim ventris & pectoris. Hæc Conciliator

Lingua longa grossa & rotunda ita ut cum ipsa possit quis nasum abstergere, bovinam arguit naturam.

Lingua imbibita humoribus quibusdam, corrumpit gustum.

Balbi

Balbi omnes, elati, superbi & corpore rigidi: Græci
 βαυλῆς vocant.

De Voce. CAP. XVIII.

Q Vitardum & gravem vocis edunt sonum, tranquilli
 sunt, affabiles, & jucundi. horum & justi mores sunt.

Gravis & distensa vox, fortem notat. nam à copia caloris
 fit. intelligo vocem grossam quasi tubalem.

Gravis, sed corruptæ admodum vocis sonus, dementis,
 injuriosi, & gulonis indicium est.

Fortitudo vocis sequitur largitatem venarum & spirituum
 multitudinem, quæ omnia fiunt à calido.

Valde magnæ vocis homines, graviter vociferantes, apti
 sunt ferre injurias: referuntur ad asinos.

Vocantes graviter magnum non perplexum, fortes: refer
 ad fortes canes.

Qui à gravi incipientes finiunt in acutum sonum, iracundi
 sunt & simul lamentabundi: referuntur ad boves ita
 clamantes: ut infrà.

Vocem grossam & sonoram habens, est bellicosus & eloquens.

Acuta & remissa vox, timidum & invidum signat: per remissam
 intelligo gracilem vel debilem, non grossam.

Acuta mollis & rupta, timiditatem notat muliebrem: estque effœminati.

Acuta & fortis iracundos arguit: refer ad capras.

Tarda vox, inertem, præcipitem, impudentem declarat.

Debilis vox signat stricturas arteriarum & paucitatem
 spirituum: quæ fiunt à frigido.

Mollis sine tensione vox, mansuetos notat: refer ad oves.
 nam referenda etiam vox, sicut cætera, ad similitudinem
 animalium.

Antevocantes, id est incipientes in gravem, & finientes
 in acutam, iracundi sunt, & asperis moribus.

Vox mediocris in sonoritate & grossicie, sapientem;
 R præ-

providum, veracem & justum ostendis. Quorum sonus ingratus est, stultitiam judicat.

Cujusque vocis sonus brevis est, desidem pavidumque censebis.

Velox in verbis, præcipue si sit vocis gracilis, improbus, stolidus, importunus & mendax est. Si verò vox fuerit grossa, erit iracundus & malæ naturæ.

Dulcem habens vocem, invidus est & suspiciosus.

Qui movetur frequenter, & loquitur motu manuum, est immundus, eloquens, deceptor. Qui vero est abstinens à motu manuum, hic est perfecti intellectus, bonæ dispositionis, & fani consilii.

Quorum vox incurrit in nares, ita ut resonent nares, mendaces, malevoli, invidique sunt.

Gentium aliquarum universalis cognitio.

C A P. XIX.

Gentium vel provinciarum mores ut plurimum tales sunt. Ægyptii sunt callidi, dociles, leves, temerarii, in Venerem proni, avari. Thraces autem sunt iniqui, pigri, temulenti. Celtæ ut plurimum indociles, sortes, ferri. Nam quemadmodum regiones non sunt similes, sic nec hominum mores: nam (ut Maternus inquit) Scythæ crudeles sunt. Itali regali nobilitate præfulgidi, Galli stolidi & inconsulti (quamvis, invito Materno, nonnulli etiam sapientes & consultissimi sunt, præsertim qui Evangelium bene noverunt: sed major pars vincit meliorem) Græci leves. Afri subdoli. Syri avari. Siculo acuti. Asiani Venerci, ac semper voluptatibus occupati. Hispani elata jactantia animositate præpositi. Ægyptii sapientes. Babylonii prudentes, &c. Alia differentia sumi potest respectu quatuor mundi partium, ut habet Ptolomæus libro secundo De judiciis capite secundo. Aliud discrimen à natura loci sumitur, ut ab Hippocrate colligi potest in libello De aëre & aquis: nam campestres sunt molliores, mitiores, & minus robusti habitatoribus montium, magisque divites & compri artiumque cultores. Terra item arenosa facit robu-

robustiores homines, sanos & industriosos : argillacea verò opulentiores, sed infirmiores : ubi verò opulentia, ibi mores sunt mansuetiores, & cultus artium viget propter præmia, & omnia sunt magis ornata. Differentia est & à situ quo ad montes: si enim montes sunt à parte orientis & septentrionis, erunt morbofi, imbecilles & effœminati: si verò regio ab his partibus patuerit, montes autem sint ab occidente & meridie, erunt incolumes, viribus firmi, armis dediti, feroces, artium minutarum contemptores. Possem & alias differentias respectu aquarum adducere, quæ parum etiam doctus ex se potest excogitare ac scire, ne hic ego frustra sim longior. Qui mari vicini sunt ferè omnes sunt mercatores; aliquando piratæ, magis longævi & magis firmi, periti natandi & navigandi. Rursus in planicie magis sunt equites, in montibus agiliores & firmiores. Ex his deduci possent & ala magis particulari. Possunt ex astrorum etiam natura de his conjecturæ sumi: exempli gratia, Britannia, Gallia Braccata sive Narbonensis, Germania, Bastarnæ (populi Europæ latè potentes) propriè subsunt arieti & marti: itaque harum incolæ sunt communiter feroces, pervicaces, truces: at Italia, Apulia, Gallia togata sive Cisalpina, Sicilia, leoni subjectæ sunt & Soli: præstantiæ, benignitati, amicitiaque student. Tyrrheni verò qui & Hetrusci vel Tusci dicuntur, Celtæ sive Celtiberi, Hispanique, sagittario & Iovi: libertatis, simplicitatis & mundiciæ sunt amatores. Maritima minoris Asiæ loca, Cyclades insulæ, ac Cyprus, tauro ac Veneri: ideoque ferme voluptatibus, mundiciæ, corporique serviunt. At Græci, Achiyi, Cretenses, subditi virgini & Mercurio: ingeniosiores, doctiores, & animorum cultores evaserunt. Macedones autem, Thraces & Illyrii cum subjiciantur capricorno & Saturno: in re quidem paranda non inertes, sed à mansuetudine morum & conjunctionibus alieni. Parthia, Media, Persia, Iovi ac Veneri: quæ de re harum regionum incolæ florido vestitu utuntur, seque totos illo præter pectora operiunt, delicatoque victui ac mundiciæ dant operam. Virginis & Mercurii est

Babylon, Mesopotamia, Assyrii: quibus ideo & eximia mathematicarum disciplinarum cognitio & observatio siderum contigit. Saturno verò cedit propriè India, Ariana, Gedrosia: habentque eam ob rem cultores informes fœdos, immanes, Cœlesyria, Iudæa, Idumæa, magis scorpionis & arietis Martisque propria: ob eam rem incolæ habent ferè audaces, impios, insidiosos: Phœnices, Chaldæi, sub leone & sole sunt: quod simplices, humanos, siderum observatores, solisque inprimis veneratores reddit: Arabia felix subest sagittario & Iovi: unde extitit illa consentanea appellationi feracitas & aromatum copia, hominumque dexteritas & liberalitas vitæ, contractuum, negotiorum. Hyrcani, Armeni, Matiani propriè referuntur ad geminos & Mercurium: itaque & sunt nobiliores ac subimprobi. Bactrianæ gentes & Caspiæ unà cum Scythiis libræ parent & Veneri: ideoque divitias congerunt, mûsicæ, delitiisque indulgent. At Sauromatica, Oxianæ vel Oxolæ, sogdianæ, subjiciuntur aquario & Saturno: habentque homines immanes, tetricos, feros. Phryges, Bithyni, Colchi pertinent magis ad cancerum & lunam: quod fit ut viri ferè leves sint, morigerique mulieribus. Qui Syriam tenent & Comagenem, & Cappadociam, subduntur Scorpionis & Marti, itaque multum audent, improbi sunt, insidiosi, laboriosi. At Lydi, Cilices, Pamphili, cedunt piscibus & Iovi: suntque in se paranda attentiores, commercia & mercaturas faciunt, liberales, faciles in contractibus. Numidæ, Carthaginenses, Afri debentur cancro & lunæ: & hac de causa à conjunctionibus commerciiisque non alieni sunt, inque omnium rerum affluentia degunt. Qui incolunt Metagonitida, Mauritaniam, Getuliam, scorpioni Martique obediunt: immanes, bellicosi, carnivori, discriminebus obvii, neglectores vitæ, inque sese mutuo invadentes. Phizani, Nasamones, Geramantes, subiecti piscibus & Iovi, liberabilibus & simplicibus sunt moribus, opus faciunt, conciliis valent, sordium regniisque fugientes propter Iovem Ammonis, id est Iovis in forma arietis veneratores. Cyrenarum, Marmaricæ, inprimisque inferioris

ris Aegypti incolæ adscribuntur propriè Geminis & Mercurio : adeoque sunt cogitantes, prudentes, intelligentes rerum omnium, sed maximè sapientiæ & divinitatis, magi, arcanorum initiorum institutores, in mathematicis planè excellentes. Qui Thebaida tenent, O assim Aegypti civitatem, Troglodyticen, libræ sunt ac Veneris : unde calida natura est illorum, & mobilis, & in abundantia degunt. Arabes, Azani, Medi, Aethiopes dantur aquario & Saturno : suntque carnivori & piscivori & pastores, agrestem & feris similem degunt vitam. Cor scorpii nunc afficit Hispaniam & Celticam Galliam, ubi est Lutetia & Normanni & Neustrii & quos vocant Britannos Gallia: fecitque rapaces ac subdolos, qui alioquin antiquo tempore erant boni socii, qui erant sub sagittario. Sed qui de his plura cognoscere optat, videat apud Astronomos, præcipuè Ptolemeum in secundo libro de judiciis, & Cardani commentaria. Rursus Hispania mediocres circa robur homines gignit : sed circa rerum agibilibus copiam cæteras orbis gentes facile superant. Et plurimi inter eos sunt, qui & jactu & pernecitate non unico, sed pluribus in modis maximè excellent.

In Lusitania, quæ Portugallia dicitur, homines melancholicos sanguineos magna ex parte nasci compertum est, eorum plurimi satis amplis viribus abundant, quamvis ingenii perspicacitate non præstent.

Siculi cholericis melancholicis sunt, quorum patria homines & corpore & robore bono procreare solita est. Palæstram exercent, & leves sunt in giris peragendis.

In Italia, magna ex parte debiles sunt. Nonnulli ex iis (quanquam rarissimi) plurimo robore præstant, & imitando potius quam inveniando, præstare sunt soliti : inter proceres & mediocres statura & graciles sunt.

Germania multos phlegmaticos gignit : qui suæ complexionis naturam aperte ostendunt, quos post phlegma cholera magna in parte consequi solet : eosdem etiam magnos atque corpulentos esse sensus indicat : inter quos vel robore præstantes, vel ad arduas actiones multum habiles,

viros vix inuenies, quamvis in rebus quæ manibus effici debent, ingeniosi sint.

Galli phlegmate ac cholera proportionari sunt soliti: lenti ac debiles nimia ex parte sunt: sed & aliqui eorum singulares, sed valdè pauci longo intervallo reliquos superant: & virium copiam possident, sed illis recte uti raro & pauci sciunt. Inuenies igitur ut plurimum ad regionis naturam sequi corpora moresque hominum. Particularim autem cibus ac potus varius aliquos quidem potest sobrios, alios prodigos magis operari, & hos quidem continentiores: aut audaciores, timidos, mansuetos, mites, vel litigiosos & rixosos, & hujusmodi, ut apud Hippocratem & Galenum videre est, præsertim in libello Quod animi mores sequantur corporis temperaturam.

Colli & aliquarum corporis partium judicium.

CAP. XX.

Collum gracile & longum habens, est sonorosus & stolidus, timidus etiam & malignus.

Breve collum habens, valde est callidus & defraudator: refer ad mores apparentes, ut in catto mures capiente, &c.

Collum grossum habens, est stolidus & commestor magnus.

Qui vertebam cervicis asperam continent, hos morum asperitate præ cæteris natura notavit. Ac totum asperum collum habentes, rudis ingenii usquequaque censendissimi sunt.

Cervix obesa in summitate, indocilem hominem, nec non ad injuriam inferendam propensum denotat.

Collum concretum & acclive, improbi, temerarii ac indocilis hominis habetur.

Sursum erectum collum flagitiosi, dementis, stultæ de se ipso persuasionis, nisi ob id molliciem agat.

Incurvatum autem collum, fatui hominis, parci, pravi, neque simplicis, atque animi rectitudinem habentis indicium est.

Collum in dextram aspiciens, prædentis & ornati ac provi-

providi hominis : ad sinistram vero , inconsiderati , ac insipientis.

Collum tum crassitudine , tum longitudine medioeritatem habēs , fortis naturæ , docilis , præclariq; ingenii judicatio : nonnunquā vafro ingenio ac fraudulento adscribitur.

Venæ circa collum à lateribus , & venæ circa tempora , si amplæ & turgidæ sunt naturæ , notant habentes malæ iræ fore ac pessimæ , refer ad passionem in iratis quibus sic hæc sunt.

Vasta cervix cum prolixitate , animosum , jactantem , superbum asseverat. (& fidelitatis.

Humorum elevationes , signum sunt asperitatis naturæ

Brachia quando erecto corpore in tantum protenduntur , quod manus perveniant ad genua , signant habiles operi , audaciam , & probitatem cum largitate . quando verò decurvantur brachia , signum est amanti discordiam , ac ignorantis ac invidi .

Palmæ longæ cum digitis longis , significant bene dispositum ad multas artes , præcipuè mechanicas , & sapientem in operibus : signum est enim boni regiminis .

Digitorum grossities , signat stoliditatem & insipientiam magnumque epar .

Metiendum quoque est spaciū ab umbilico usque ad pectoris finem , & usque ad originem colli : si major pars pectoris fuerit , prudentiam indicat . Si quod intra pectus est usque ad umbilicum majus fuerit , voracem hominem declarat . Latius vide infra capite 23 .

Venter si nimio recessus est , tanquam inanis , timidum , malignum & voracem indicat .

Venter aliquanto mollior atque impressior , virtutem animi & magnificentiam monstrat .

Lateræ tenuia , & angusta , & pressa , timiditatis arguunt , at quæ referta sunt carnis , & dura , indociles homines ostendunt , quæ autem rotunda sunt tanquam tumentia , loquacitatem inanem declarant , nam refertur ad ranas .

Dorsum latum , solidum virile est : & contrarium muliebri : quorum dorsum incurvū est , si in molli corpore fuerit

non tam malum accipiendum est, quam cum in spisso & solido corpore fuerit.

Dorsum convexum & humeri ad pectus imminentes, pravum esse hominem & invidum arguunt. Si verò ad hæc & corpus acclive fuerit, impudenter pravum, invidum, avarum, & tenacem dixeris. Si gibbositas à nativitate sit, scis proverbium, Cave à signatis à Deo.

Spina pars inferior, quæ *ὀσφύς* Græcè dicitur, si latè jaceat, & nimia sit, & molli carne circumdata, foeminarum est: quæ prolixa est, & in acutum desinit, intemperantiam libidinis, & timiditatem ostendit. Virilis ergo est, quæ claro ossibus & moderata ac solida est.

Ischia solida & dura, discreta ossibus, fortem & bellatorem hominem ostendunt, si vasta & carne plexa, muliebri ingenium designant. Quæ autem nimium exesa sunt, rugosa & tenui cute circumdata, simiarum malignitatem indicant. Coxam etiam intellige, quæ est basis nostri corporis.

Genicula cum inter se conversa sunt, atque concidunt, ad foemineam speciem referuntur.

Qui crassos malleolos tibiasque crassas natura sui habuerint, hi insaniunt majori ex parte, ac in cestasim rapiuntur, fanaticique sunt,

Crurium partes imæ, talis proxima, & calcanea, & pedes imi, cum vasta sunt, & referta carnibus, stultum hominem indicant vel insanum: & eo magis si & humiles digitos, & *κνημεις* vastas in iisdem pedibus esse contingat.

Effœminati, impudici, impuri existimandi, qui tibias quæ ad malleolos descenditur, crassas habuerint.

Pedes imi, discreti nervis, articulis, clarum, generosum & virile ingenium indicant.

Pedes mutili crassique, ferini animi signa sunt.

Molles & amplexa carne circumdati, molle ingenium ac foeminineum ostendunt.

Nimium prolixiores, invigilantem dolis hominem, multis perniciem cogitantem demonstrant, vel malorum artificem.

Pertenuēs & brevēs, malignum vasrumque produunt.
Curvi

Curvi pedes, & qui plantam longè cavam ac reductam habent, improbandi sunt: nam pravi signa sunt hominis.

De incessu, de cervice, manibus, unguibus &c.

C A P. XXI.

Qui longis passibus & tardis incedunt, consulti sunt & efficaces. Parvi autem & restricti passus, parvæ mentis sunt. Dolorum artifices, & obscuræ mentis, distorti passus.

Gressus tardus & brevis, consultus, inefficax est. Longus veloxque, efficax & inconsultus. Velox brevis, inconsultus & efficax. ratio horum est, quoniam longus est efficax, tardus, consultus: velox, inconsultus: brevis, inefficax.

Celeritas motus cùm est erecto corpore & honesto atque claro, hominem indicat qui adgrediatur res agendas, magnasque perficiendas. Si autem celeriter quid movetur, submittit autem oculos, & se comprimit, & vultum deducit, atque omne corpus implicat & colligit, nimium parcum, timidum, versutum, minus liberalem indicat.

Qui breves passus habet, eosdemque accelerat, malignus & plusquam timidus & imbecillus habendus est.

Brevis cervix, re atque exemplis cognita est, quòd sit indicium hominis cum timiditate audacis, qui Græcè *ἡρόδωτος* dicitur.

Cervix dura, indocilem hominem ostendit, unde natum proverbium, Homo duræ cervicis.

Cervix superius retorta, insolentem, immitem, stultum & inanem indicat.

Cùm inflexa est cervix ad pectoris partes, potest cogitationibus occupatum animum ostendere: potest ad parsi-
moniam vel ad malignitatem pertinere, prout cætera signa congruerint.

Cervix in sinistram partem declinata, stultitiam aliquatenus, & mollem magis significat.

Aristoteles etiam ad dextram partem inclinationem capitis, mollibus attribuit ex paucò colore.

Guttur asperum, levitatem mentis, loquacemque significat: refertur ad aves.

In quo eminet clavicula, illum ignavum judica.

Qui autem illam recte dispositam habuerint, prudentia præditos, viriles, ac fortes viros denotat.

Scapulæ latæ, fortem virum, ac nobilis ingenuique animi denotant: in forma ab hac diversa, diversa judicabis.

Humeri tenues, & qui in acutum erecti sunt, insidiosum hominem indicant.

Humeri crassi, haud laudabilis naturæ argumenta sunt.

Tenues cubiti, imbecilles: pleni nimium, indociles ostendunt. Cum ergo mediæ soliditatis sunt & articulis, & musculis insignes, fortem animum & nobile corpus ostendunt.

Digitum cum molles sunt, levesque manus & molles, docilem hominem significant, cum duri, fortem seu indocilem demonstrant.

Breves manus & digitum fortes, opportuni sunt. Admodum breves manus, dementem notant.

Crassæ manus & exiguæ, si digitos ultra modum breves habeant, tergiversatorem, insidiosum, & furem indicant. Manus tenues & intortæ, loquacem hominem demonstrant.

Ungues albi, lati, subrubentes, optimi ingenii dant indicium. Angusti autem curvique & oblongi, stoliditatis & feritatis indices sunt. Qui inflexi nimium & curvi sunt, impudentes & rapaces sunt: refertur ad aves & feras quæ violentæ sunt.

De maculis albis unguum quid significant, vide Cardanum De subtilitate, ex impressione Basileensi.

Ungues qui impressi sunt, & nimium adcorporati, magis feri, & magis stolidi sunt.

Nimium breves ungues & nigri, malignum hominem declarant. hoc idem significant pallidi & nigri & asperi.

Ungues

Vngues qui perrotundi sunt, in Venerem prompti sunt, incestuosumque testantur.

Hæc signa quæ unguibus attributa sunt, per semetipsa non satis idenea. Verùm conjuncta potioribus, nonnullam habent efficaciam.

Digitum cum conjuncti sunt, & cohærent, immundum hominem significant. Qui coniecti sunt & conglobati malignum & avarum indicant. Parvi & tenues, stultum.

Parvi & crassi digitum, invidum, audacem, ferumque hominem declarant.

Valdè verò parvi subtilesque digitum, dementis naturæ nugacisque ac remissi animi hominem testantur.

Nimium prolixum & nimium tenues longè à sapientia sunt.

Qui immoderato spacio inter se distant leves & loquaces ostendant. Qui autem moderatæ magnitudinis sunt, & honestæ speciei & mores optimos indicant.

Tenue pectus, & invalidum est, & animi imbecillitatem significat. Quod autem congestum est carnibus, indociles & ignavos indicat.

Quibus mamillarum partes inertes pependerit, & totum pectoris spaciū vastum carnosumq; & laxum fuerit, tales omni dubio procul mœchos, nimioque vino gaudentes judicato.

Quibus mamillæ dependent, & molli carne circumdatum pectus est, vinolentiam & intemperantiam Veneris assignat.

Qui humeros commovet, dirigit tamen collum atque erigit, superbus atque insolens rectissimè judicabitur: est enim talis equorum incessus, figura etiam erectus, iracundus est.

Qui autem omni corpore moventur, manifeste atque evidenter effœminati sunt. Ex his tolerabiliores sunt, qui cum moventur, corpus inclinant ad dextram partem. Stultiiores autem sunt, qui corpus declinant ad partem sinistram,

De anhelitu & aliis nonnullis. CAP XXII.

Cum quietus est spiritus, ita ut nullum, aut pertenuem præbeat sensum, incurrens ac recurrens, in cogitatione constitutum hominem declarat: has cogitationes fere & oculi indicabunt. Cum spiritus interdum conquietescit, longo autem post intervallo nimius trahitur, in magna tristitia indicat hominem constitutum. Cum autem etiam caput quatit, & ingemiscit, precium rei à se malè gestæ, & malè dictæ continet. Spiritus cum mugit & granditer concitatur atque editur, feritatem & vinolentiam indicat.

Spiritus qui quasi per intervalla fertur, sine strepitu procedens, optimam hominis fortitudinem indicat.

Quorum anhelitus ita perturbatus ac spissus est, sicut post cursum esse homini solet, inconsulti & iracundi sunt, quibus omne sit actu, atque dictu facile & satis promptum.

Spiritus quibus concitatus tanquã asthmatici agitur, hos consilio carentes, perverso animo, omnium rerum cupidos, verbosissimosque censebis.

Hæc in omnibus signis tenenda est regula, ut nimietatem ad malam partem accipias, medietatem ac temperamentum optimum judices.

Aristoteles dicit, eos qui cum ambulant calcaneis introrsum, pedibus autem forinsecus conversis incedunt, posteriora sectari. Invidos etiam, qui sinistras partes majores habent, & quibus supercilia ad genas detracta sunt.

Idem dicit, suras cum retractæ sunt ad genua vel suffragines, indicare hominem qui ad coitum facilis sit & velox. Cum hispida nimium sunt femina, & curva, pronos in Venerem ostendere: refertur hoc ad capros.

Idem dicit, nates sicciore viriles esse, nates amplis carnibus, effœminatum ostendere. Nates tanquam abscissas malignitatis esse signa: refertur hoc ad ursum & simiam.

Impudens homo ita esse debet. Oculis motu concitato patentibus, lucidis supercilia extensa crassaque, palpebris plu-

plurimum separatis, crassis pedibus & manibus contra intuentes altius se erigens, rubicundus vel fulvo colore, vocis acutæ hujusmodi impudens injuriosusque est.

Diffimulætoris ac contraria consulentis indicia. In dissimulatione oculi imbecilles visuntur, aspectu eleganti est: vocem submissam edit: versatili incessu utitur, ac semper sese concinno motu adaptat.

Indicia avari hominis: hominem pecuniæ studiosum & avarum ex his signis deprehendes (nisi citius ex effectu & tuo damno cognoveris) Qui membris parvis, facie exigua, atque oculis modicis fuerit præditus, qui gressu concitato fertur, qui dorsi recurvi est, celeri sermone, & acuta voce utens, colore subruffo, dicax, ebriosa facie, densas comas, barbam protensam, labia densis obsita pilis, tempora densa, oculos supplices, nitentes, atque undantes ostendit, comam nutriens, ac vino deditus.

Quò fatuum ac improbum agnoscere queas (quem etiam ex sermone ac moribus non difficile est cognoscere) hæc signa sunt. Is capillos extensos habet, caput rigidum obliquum: aures prægrandes, languidum collum ac cervicem, malleolos in pedibus rotundos, frontem duram & asperam: oculos tenebricosos, parvos, siccos, concavos, intentè visum dirigentes: genas angustas, oblongasque mentum longum: ore loquaci & soluto est, patenti, quasi bifido: facie oblonga quasi corrupta: incurvus, ventricosus, crassis cruribus, manuum pedumque articulis oblongis, asperisve, colore subviridi, sic ut à somno vel crapula excitatus videatur, vocem balantem, turpem, exiguam, insolentem edit.

Simulatoris est, cujus ea quæ sunt circa faciem pinguiora sunt, ut maxillæ & cætera. Et quæ circa oculos rugosa, ut palpebræ, & facies somniculosa.

Philodori, id est munerum amatores, inquit Aristoteles, sunt quibus labium superius sursum elevatur, ita ut dentes & gingivæ appareant. ut in canibus: & figura & vultu sunt immodesti, & super rubicundi.

Homo hirsutus, capillis nigris directis, hirsuto ore at
mento

mento & temporibus , oculis pinguibus relucētibz, furiosus , erit pronus in libidinem , studiosus pantomimorum, & maledicus.

Sic inquit libro duodecimo De subtilitate egregius Cardanus Mediolanensis medicus & philosophus , ut non omnes multi improbi sunt, ita non omnes qui corpore sunt non vitiiati, integris sunt moribus : nam plus exigitur ad formandum absque culpa animum quàm corpus. Itaque pessimi sunt omnium gibbi (nisi passio hæc ob membrorum humorem proveniat) cum error sit circa eorū principium totius corporis: post cæci strabique quod circa cerebrum natura deliquerit. Inde muti surdique. nam in minus nobili cerebri parte natura defecit. inde claudi hos sequuntur, qui in magno membro sunt vitiiati. post quos sedigiti, & qui digitos habent junctos: nam in minus necessariis aberravit. Vltimus locus est verruccis ac vestigiis quæ cicatrices æmulantur.

Idem alibi dicit, præcipuum signum dignoscendi gemellos esse , quod cavi sunt dorso, osque sacrum intus sit retractum: Septimestres autem cognosci, quod ungues habeant imperfectos cutimque haud exolitam.

Reliquarum partium iudicium, & iudicandi modus.

C A P. XXIII.

PECTORIS latitudo , & humerorum grossities & tergi probitatem & audaciam significant cum retentione intellectus & sapientiæ.

Tergi verò subtilitas significat discordantis naturæ hominem. Pectoris mediocritas & tergi æqualitas signum est optimum & appropriatum. Laxi humeri infirmitatem animi & timiditatem ostendunt.

Ventrem habens magnum, est indiscretus, stolidus, superbus, amans coitum.

Quibus spacium ab umbilico ad pectinem majus est quàm ab umbilico ad pectus, hi brevis vitæ sunt.

Quicumque autem majus habent id quod ab umbilico
ad pe-

d pectoris imum est, quàm quod ab imo pectoris ad col-
um, voraces sunt & insensitivi.

Ventris mediocritas & strictura pectoris, significant al-
titudinem intellectus & bonum consilium, vide cap. XX.

Pedes carnosi grossique signant fatuitatem & amorem
injuriæ.

Tibias habens articulatas, nervosas & robustas, est ani-
mo fortis; habentes tibias graciles nervosas, sunt venerci.
Tibias valde carnosas ac superfluas, quasi admodum diru-
ptas habentes, sunt odiosi & inverecondi.

Multitudo carnis in genibus signat debilitatem & mol-
liciem virtutis, cynædosque.

Cuius passus lati sunt & tardi, ut plurimum prosperabi-
tur in operibus suis & factis. Cujus verò passus breves, est
impetuosus & impotens, & in operibus malæ voluntatis.

Quod autem ad totum corpus breviter spectat, Plinius
& Solinus terminos longitudinis ac latitudinis humani
corporis nondum descriptos esse testantur. Verùm physi-
ci longitudinem humani corporis naturalem septem pe-
dum esse asserunt: quòd Hercules intra hunc terminum
esset compertus. latitudinem autem totidem: nam quan-
tus manibus expansis inter longissimos digitos modus
est, tantum esse constat inter calceum & verticem, hac ra-
tione etiam hominem mundū parvum appellarunt, quòd
si circulus fieret, esset perfectè sphericus: quare qui hanc
longitudinem excellit, hic longus corpore dicitur: qui
verò ab hac deficit, parvus est. Cujus autem longitudo ac
latitudo non sunt æquales, is incompositus est. Semper i-
gitur partium vel totius quantitatem respectu medii, & ad
totius mensuram referre oportet.

Ille denique est bonæ memoriæ beneque compositus in
natura, qui carnes habet molles, humidæ, mediocres in-
ter asperitatem & lenitatem: non nimis longus nec nimis
brevis, albus declinans ad rubedinem, vel non ad nigre-
dinem multam: mitis aspectu: capilli plani mediocres: ma-
gnorum oculorum declinantium ad rotunditatem: me-
diocris & mensurati capitis cum magnitudine colli bene
dispo-

dispositi æqualiter: cujus humeri parum bene declinan-
carens in cruribus, & genubus nimia carne, claræ voci
temperata subtilitate: modici risus, & non deridens: cujus
aspectus est quasi commixtus ex læticia & jucunditate.

Non tamen oportet te præcipitare sententiam, & ju-
dicium tuum in uno istorum signorum, sed collige testi-
monium universorum: & cum tibi dant diversa signa &
ad diversa, declina semper ad meliorem & probabiliorem
partem. nam complexio totius ex complexione partium
resultat. Tunc etiam per unum signum possumus argue-
re affectum, quando in eodem homine non invenitur
contrarium æquale. Signa verò propria in eodem contra-
ria inveniri est impossibile. de communibus autem alia
ratio. At tunc majora minoraque de quopiam ventura
fore prænunciabis, quanto cujuspiam facta moresque la-
tius certiusque noveris, hac via videlicet observata: verbi
causa: Eos qui perniciose vivunt, truculenta pœna mul-
tari vel saltem tum ob favorem, tum ob infortunium a-
liquod torqueri, incarcerari affligi debere: cum maxi-
ma ex parte id eveniat. Si quis item (exempli causa) ira-
cundi nota signatur, & si tunc ira minime ipsi occu-
pet, iræ tamen illum passionibus præmi credendum est:
idem & in aliis judicii erit. Hoc etiam ut axioma hac in
arte habeto, membri cujusque bonam & idoneam for-
mationem, signum esse bonæ formativæ & roboris. intel-
lige membrum parvum vel magnum respectu sui corpo-
ris. Formæ bene constitutæ, virtus, male verò ordinatæ, vi-
tium convenit.

Manifestiora verò signa sunt quæ in principalissimis
locis fiunt: principalissimus autem locus est qui circa o-
culos, & frontem, & caput, & faciem est. Secundus autem
qui circa pectus & humeros, deinde circa crura & pedes:
ultima, quæ circa alvum. Univerſa verò difficultas ex ju-
dicio pendet, ut etiam in astronomia, & medica facultate.
Animadvertendum (ut supra etiam innuimus) signa bifa-
riam esse, aliâ propria, quæ cum passionibus indicatis con-
vertuntur, à quovis ſumantur loco, ut magna extrema ha-
bere

ere signum proprium est fortitudinis : quædam autem non propria , quæ accipiuntur ab apparenti passione vel à contrario, & cæteris hujusmodi, nec convertuntur cum passionibus, ut in pluribus tamen illas ostendunt. Galenus. De temperamentis Physiognomones errare asserit circa judicium ob multas causas : primo quia uni signorum idem præbent, quod fatuum est, nisi fuerit proprium, ut suprædictum. Vnum enim signum ab una corporis particula sumitur, ex natura autem unius particulæ non resultat natura universi hominis. Secundò quia ad naturæ ac ætatis permutationem aliquando non spectant : nam signa interdum naturam præteritam denunciant, non præsentem : ut si sexagenarius pilosus sit, non præsentem libidinem, sed præteritam denunciat. Tertiò, quod excrementa membri arbitrantur semper arguere membri naturam, cum tamen contingat membri naturam esse cholericam, cujus excrementa erunt phlegmatica, ut docet experientia. Quartò quòd quæ fortia, quæve debilia sint, non discernunt. Sint igitur de electione, residua hæc præcepta. Primum, signa quæ mores significant non per qualitates sed per proprietates, potiora sunt, & primo loco habenda : ut si ponamus Socratem ex signis à qualitatibus sumptis esse liberalem, utpote colorem rubrum, & per alia sanguinis signa : signis verò sumptis à proprietate esse avarum, ut quia ejus humeri difficulter soluti sint, vel quia ejus facies parvifica sit, judico per signa quæ à proprietate sumuntur Socratem esse illiberalem, quoniam potiora sunt, cum æquantur materiam, quæ est causa necessaria, & quidem magis quàm forma. Secundum, signa quæ accipiuntur à capite vel ab ejus partibus, potissimum, ab oculis, potiora sunt his quæ ab aliis accipiuntur : unde Apuleius, totus homo in capite vultuque est, quoniam ibi ratio : potissimum verò ab oculis, qui ut inquit Galenus, sunt cerebri pars aut le ejus substantia producti : postea successivè pari ratione de aliis. Dixere etiàm nonnulli, signa quæ ab anteriori corporis parte accipiuntur, semper potiora his esse quæ à posteriori colliguntur : unde & Hippocrates primò in-

S

firmi

firmi faciem notat. Alii signa potiora esse dixerunt quæ accipiuntur ab his membris per quæ exercetur passio, ut signa quæ ex pectore & costis ad iram signandam, quæ in corde exercetur intra partes eas sito. Rursus quia per coxas, pedes, brachia, & humeros exercetur fortitudo, ideo signa pro fortitudine ab his accepta, potiora sunt. Ita de aliis pari ratione & modo.

BREVISSIMA TABVLA SIGNO-

RVM ET NATVRARVM, QVÆ IN

libro fusius ac distinctissimè tractantur.

CAPVT.

Magnum. Hebetes, ad asinos refer. Minutulum. Fatui. Canes. Mediocre boni sensus, naturale. Acutum pincatumque, inuerecundi, iactatores, ungui curvi. Breve globosum, insipientes, immemores. Pressum in superficie planum, omni vitio pleni. Oblongum ut malleus, prudentes, sagaces. In anteriori parte concavitas, dolosi, iracundi.

AVRES.

Parvæ, scurriles, simiæ. Magnæ, Hebetes, asini. Flaccæ, stolidi, asini. Moderatæ, boni sensus, naturale. Rotundæ, indisciplinabiles. Longæ angustæ, invidi. Valde capiti hærentes, malevoli. Pilosæ, benè audientes.

FRONS.

Valde parva, indociles, mobiles, fues. Valde magna, tardi, boves. Rotunda, hebetes, insensati, iracundi, asini. Aliquanto minus plana, sagaces, canes. Quadrata formata, magnanimi, leones. Tensa lucida, adulatores, canes, blandientes. Nebulosa, audaces, leones, tauri. Demissa, tristes, passio. Longa, adulatores, canes. Elevata, liberales, leones. Nimis rugosa, inuerecundi. In temporib. inflata, superbi, iracundi, ingenio rudes.

OCVLI.

Parvi, pusillanimi, simia, Magni, pigri, mansueti, boves.

boves. Concavi, malefici, invidi, simiæ. Eminentes, fatui, asini. parum concavi, magnanimi, leones. Grandi-
sculi parum eminentes, mansueti, boves. Valde aperti, im-
pudentes. Anguli justo longiores, malefici. Anguli carno-
si narib. juncti, malitiosi. Oblongi oculi, callidi, decepto-
res. Magni tremuli, mulierum cupidi, passio. Parvi tremu-
li pudentes, amatores tamen. Quanto major, tanto mi-
nor malicia, stultitiaque major. Obliqui, contorti, falla-
ces, tenaces, iracundi. Crassi, stolidi, timidi, pusillanimi,
inverecundi. Difformiter moti, nunc currentes, nunc
quiescentes, temerarii, cogitabundi, pessimi, subtractores.
Palpebrizantes, timidi, passio. Oculi velociter moti cum
visu acuto fraudulentum, latrones, infideles. Fixè intuentes
cogitabundi & deceptivi. Secundum longum situati, mon-
strofi, deceptores, invidi. Vesiculæ oculis exeuntes, vino-
lenti, passio. Vesiculæ ante oculos eminentes, somnolenti,
passio.

N A S V S.

Extremities nasi crassæ, concupiscentes, boves. Extre-
mitates crassæ, everse, insensitivi, segnes, sues. Extre-
mitates acutæ, sanæ iræ, canes. Rotundus extremitatibus ob-
tusis, magnanimi, leo. Rotundus extremitatibus gracili-
bus, mobiles ayes. Incurvus à fronte ductus, inverecundi,
leves, corvus. Curvus in fronte dearticulatus, aquilinus,
magnanimi, aquilæ. Simus libidinosi, cervi. Patens aper-
tus, iracundi, passio. Longus ad os protensus, probi, au-
daces.

L A B I A.

Gracilia relaxata, magnanimi, leones. Gracilia dura,
iracundi, sues. Gracilia mollia, magnanimi, leones. Crassa,
superius propendulum, fatui, asini. Superius eversum gin-
givis discoopertis, contumeliosi, canes.

F A C I E S.

Carnosa, pigri, boves. Macilenta, curiosi, à contra-
rio. Magna carnosus, timidi, asini, cervi. Faciei tergus
parvum, pusillanimi, elurus. simia, Magna facies, tardi bo-

nes, asini. Parvifica, illiberales, superapparentia. Deorsum spectans, hypocrita, maligni. Plane sine tumore, rixosi. Vultui ebrii, superapparentia. Similis vultui irati iracundi, superapparentia. Similis vultui verecundi, verecundi superapparentia. Deformis & obtorta, male morati, superapparentia. Longa, inverecondi. Ex levi causa sudans, astuti, libidinosi, edaces. Valde minuta rotunda, simplices. Longa macilentâ, audaces. Valde curva longa macilentâ, malitiosi, utiles. à fronte ad maxillas ad mentum angustior, invidi, rixosi.

MENTUM.

Acutum, fideles canes. Parvum breve, invidi, immites, serpentes. Quadratum, virtuti apti. Longum versus deorsum acutum, versipelles. Rotundum, molles fœminæ. Caro sub mentum versus gulam. libidinosi. Mentum cum fovea vel duplex, libidinosi.

BARBA.

Mulier barbata, luxuriosa. Mulier cum barba valde nuda, bene morata. Barba nimis pilosa, melancholici. Bene formata, bonæ naturæ, causa naturalis. Informis, malæ naturæ, per contrarium.

COLOR OCULORVM.

Superrubescens, iracundi, passio. Per nigri, timidi, coloris proprietas. Nigri flavescentes, boni animi, decencia. Glauci aut albi, timidi, coloris proprietas. Fulvi, boni animi, leones. Ignei, inverecondi, jucundi, canes. Discolors, timidi, passio. Lucentes, luxuriosi, galli, corvi.

COLOR FACIEI.

Superrubescens, verecundi, passio. Genæ superrubescens, amatores vini, passio. Genæ & nasus rubore epatico, obscœnissimi.

COLOR PECTORIS.

Flammeus, iracundi, passio.

COLOR TOTIVS.

Valde niger, timidi, Aethiopes. Peralbus, timidi, mulieres, Fuscus, fortes, mediocres. Flavus boni animi, leones,
Valde

Valde rubeus vel rufus, astuti, ingeniosi, vulpes. Pallidus turbatus nisi ex ægritudine, timidi, passio, Mollinus, tardius causa naturalis. Flammeus, maniaci, aperti, iracundi, passio. Pallidus non ob studia bona, vitiosus, malignus.

COLLVM.

Crassum, frontes, masculi. Gracile, debiles, fœminæ. Crassum carnosum iracundi, tauri. Moderatum, magnanimi, leones. Longum gracile, timidi, cervi. Perbreve, docti, lupi, catti. Quæ circa colli clavem bene soluta, sensitivi naturalis causa. Confusa, insensitivi, nat. causa.

PECTVS.

Magnum formatum, fortes, masculi. Amplum compactum, fortes, leones. Cum pilo, instabiles, animosi, aves. Sine pilo, inuerecundi aut timidi, fœminæ. Carnosum valde, indisciplinabiles, ignavi. Interstitium à jugulo ad ventriculum majus quam ab imo pectoris ad umbilicum prudentes. Mammæ pingues deorsum pendentes in viris, molles, effœminati. In pectoris sinistro caro crassa elevata cum porro aut nervo cum uno aut pluribus pilis, honoris divitiarumque argumentum, ut inquit Ptolomæus.

METAPHRENV.

Magnum non carnosum formatum, fortes, masculi. Parvum non carnosum informe, molles, fœminæ. Curvum humeris ad pectus, mali moris. Supinum molles, decedentes, equi.

HVMERI.

Formati magni, fortes, masculi. Parvi informes, molles, fœminæ. Bene soluti, liberales, super apparentia. Non bene soluti, convulsi illiberales super apparentia. In acuto levati insidiosi. Lati, fortes, intellectivi. Graciles, insensitivi.

MANVS.

Copulati digiti, immundi, sues. Curti & crassi, temerarii, immanes.

VNGVES DIGITORVM MANVS.

Lati albi subrussi. Viriles. Augusti oblongi feri. Obliqui,

qui, impudentes, rapaces, rapaces aves. Exigui, veteratores. Plani, albi, molles, subtiles, subrubei, lucidi, ingenio apti, causa naturalis. Asperi rotundi. Venerei, ad proprietatem. Pravi, curvi, rapaces. Puncta alba unguium, bene nati causa naturalis. Puncta nigra invidi, ad causam naturalem.

V N G V E S E T P E D V M D I G I T I .

Digitum pedum & ungues curvi, inverecondi, aves. Subtiles ungues bene colorati, bene nati, naturale. Coniuncti digiti, pavidi, coturnices. i

P E D E S .

Nervosi magni articulati, fortes, mares. Stricti parvi, molles, foeminae. Pars interior plantae non concava, sed ita plena ut terram toto vestigio tangat, versuti, causa nat. Aristot. in 1. Histor. Crassi atque carnosus, fatui, causa nat. Crassi & breves imbecilles, causa nat. Graciles breves, maligni, causa nat. Nimium prolixus, dolosus, causa nat. Carnosus durus, hebetes, causa nat. Parvi pulchri, fornicatores, proprietatis signi.

T A L V S .

Nervosus articulatus, fortes, mares. Carnosus informis, molles, foeminae. Latus, fortes, causa nat. Tali partes longae carnosae, stulti proprietatis. Calcanea gracilia, timidi proprietatis.

C R V R A .

Nervosa crassa articulata, fortes, masculi. Nervosa subtilia libidinosi, ad aves. Crassa informis, inverecondi ad superapp. Tibiarum surae crassae, intemperati. Tibiarum ventres molles, effoeminatissimi. Tibiae graciles, ignari, fallit in doctis multis. Surae pleniusculae veluti gravidae, sordidi. Moderatae magnae formatae, ingeniosi.

G E N V A .

Genu crasse, cynædi, ad superapparentiam. Genua subtilia, timidi, ad superapp. Genua arcuata in anteriori, effoeminata, mulieres. Pingua, timidi, liberales. Macra, fortes, audaces.

COXAE.

Nervosæ, fortes, ad marem. Carnosæ molles, ad foeminas.

PECTEN.

Pilosum valde, libidinosi & foecundi, naturalis causa: Pilis ferè nudum, casti ad causam naturalem.

NATES.

Acutæ ossæ, fortes, ad marem. Carnosæ pingues, molles ad foeminam. Carne exsiccata, mali moris, ad simias.

LUMBI.

Lumbosi, ferarum amatores, leones, canes.

ILIA.

Iliæ vel hypocondria gracilia & pressa, timidi, ranæ. Carnosa, indisciplinabiles.

ANCHAE.

Ossa prominentia extra, fortes, masculi. Gracilia, timidi, debiles, mulieres.

VENTRICVLVS.

Quæ circa ventriculum pingua, fortes, mares. Non pingua molles, mulieres. Venter magnus prominens extra edaces. Parvus formatus, mente dextri. Pilosus valde umbilico infra, loquaces, aves.

DORSVM.

Angustum, informe, molles, foeminæ. Magnum formatum fortes masculi. Amplum fortes, arrogantes, irreverentes. Curvum immorati. Aequale formatum, commensurati naturale.

COSTAE.

Bene costati fortes, masculi. Angusti & non costati molles foeminæ. Costati circumtumidi ut inflati, loquaces, stultiloqui, boves, ranæ.

VMBILICVS.

A pectore imo ad umbilicum interstitium longum, insensibiles, voraces, ad naturalem causam. Aequale, laudabiles, naturale. ventriculus ab umbilico ad pectus car-

nosus, malevoli, Palemon. Mollis & compressus, magnanimi, magnifici.

DENTES.

Canini, longi, firmi, gulosi, irascibiles, mali, canes, apri. Crassi lati, vani, lascivi simplices, boves ignari, hebetes, asini.

PILOSITAS PARTIVM.

Tibiæ pilosæ, Venerei, hircus. Pectus & alvus valde pilosæ, mobiles in opinionibus, aves. Pilosi humeri, in opinionibus mobiles, aves. Dorsum valde pilosum, asperi bellæ. Cervix siue collum à tergo pilosum, liberales, leones. Supercilia conjuncta, tristes, passio. Supercilia ante nasum demissa, ad tempora extensa, fatui, sues. Erecti capilli, timidi passio. Valde crispi, timidi, Aethiopes. Crispi in extremis, fortes, leones, in superiori parte frontis elevati, liberales, leo. Plani capilli, simplices. Capilli multi & densi pravi.

INCESSVS ET MOTVS.

Tardus longus, consulti & efficaces. Tardus brevis, consulti in efficaces. Longus velox efficaces inconsulti. Brevis velox, inconsulti inefficaces. Humeris incurvatis ambulantes, animo elati, leo, Pedib. & crurib. conversis ambulantes, molles, foeminae. Corporibus se circumtorquentes atque fricantes, adulatores, passio. Inclinati ad dextram ambulantes, cynædi, super app. Oculi satis mobiles, acuti raptores, accipitres. Oculi frequenter moti cum corporis fixatione, intellectivi passio.

V O X.

Magna gravis, injuriosi passivè, asini. A gravi incipiens in acutum desinens, iracundi lugent, boves. Acuta mollis rupta, cynædi, mulieres superapp. Gravis alta, valde iracundi, validi canes. Mollis sine contentione, mansueti, oves, Acuta fortis insani, caprae.

STATVRA.

Parvi, veloces, nat. causa. Arist. Valde magni, tardi, nat. causa. Parvi calidæ ac siccae naturæ. nihil proficientes, natur. causa. Parvi frig. naturæ perfectivi, causa nat.

Magni

Magni frig. nat. nihil perficientes, nat. causa. Magni calidæ nat. perfectivi, sensitivi. nat. causa. Incommensurati & informes, astuti & pravi passio. Commensurati boni & sensitivi naturale.

Illud autem in universum memineris, hæc potissimum valere in hominibus animalibus, videlicet non regenerari ex Dei spiritu & gratia: nam in talibus verum est illud de natura in Adam depravata, quod naturæ sequitur semina quisque suæ. Qui verò ex spiritu sancto regenerati sunt, carnem suam mortificant cum vitiis & concupiscentiis, quamvis concupiscentiæ & peccati fomes remaneat, ac in plurimis ad actum deveniat heu nimium sæpe.

TEMPORUM MUTATIONES CERTÆ EX PRÆDICTIONE RERVM QVÆ IN AERE, TERRA, AVT AQUA sunt aut fiunt, breviter & clarè, ordineque alphabetico descriptæ, per Gulielmum Gratarolorum Bergomatem medicum physicum.

A.

ANIMANTES omnes natura mutationes temporum sentiunt, quoniam naturali quodam instinctu ex impressione corporum cælestium producto moventur pro ratione dispositionis aeris ad temporum cognitionem, ut necessarium est suis naturis, super illud Hieremiæ capite octavo: Milvus in cælo cognovit tempus suum, turtur & hirundo & ciconia custodierunt tempus adventus sui. Animalia enim minus occupata & corpore imbecilliora, mutationes temporum præsentiant.

Aves parvæ in hyemis initio, magna in multitudine congregatæ, in campo cibum quærentes signum dant

S 5

magni

magni frigoris, gelu, & validarum tempestatum.

Aves marinæ si alas in littore maris non expandant, signum est serenitatis: & si à pelago aves fugerint, hyemem significat.

Aves mundantes pennas suas rostris, signant pluviam.

Aves colētes arbores, si ad nidos fugiant, pluviam signant.

Aves aquas dulces colentes, si lavent se & in aqua ludant agitando alas, pluviam notant.

Aves communiter cū strepitum faciunt aliis majorem quā soleant, futuram pluviam ostendunt.

Aves fluviatiles relictis undis prata quærentes, pluviam denotant.

Aves albæ non consuetæ apparentes, tempestatem magnam arguunt: quemadmodum & nigræ, si multæ apparuerint, signum dant aquæ.

Aves terrestres cū clamorem dant circa aquam, ultra solitum se balneantes, pluviam significant: quia earum complexio delectatur aqua, & gaudent præcognitione elementi mutati ad pluviam.

Anseres continuo clangore vociferantes & volantes, tempestatem signant.

Ardea avis, quæ & erodios Græcè, Germanicè reyer, Gallicè heron, altius volans, serenitatem denotat: & in mediis arvis tristis manens, pluviam.

Anas domestica si subsistens quatiat pennas, aquam portendit: simpliciter quatientes, ventum prædicunt.

Aquatica volatilia, ut anates, & alia, si in principio gelu quærant aquas magnas incongelabiles juxta mare, signum magnæ durationis gelu extat.

Apes quando non volant longè, sed in eodem in serenitate convolant, tempestatem futuram notant.

Arietes ultra solitum salientes, si capitibus concutiant se, tempestates demonstrant.

Aselli se vertentes fricando ad terram dorso sua, indicant magnas pluvie guttas.

Asinus quatians aures, tempestatem indicat.

Aranearum telæ multæ, latæ, ventum aut tempestatem

tem significant: cùm per aerem feruntur, ventum nunciant.

Aquam quæcunque significant, & tempestatem ducunt: si autem non aquam, nivem & tempestatem.

Aqua pluvialis quæ ceciderit, si citò deficcetur ultra solitum absque vento, pluviam indicat magnam.

Aqua stagnans si ultra solitum calidior fuerit, absente sole magnam pluviam notat.

Aqua si alicubi scaturiat, ubi non solebat aut uberius solito, pluviam grandem indicat.

Aquæ hyemales si ut frequenter fiant, ver ut plurimum fit siccum: si autem sicca hyems, aquosum erit ver.

Arcus seu iris apparens aere existente sereno, pluvias portendit: cùm verò arcus extulerit se temporibus pluvialibus, serenitatē significat, ut Ptolemæus inquit: habet enim nonnihil calidi & frigidi pluviosi, calidū in sereno signat elevari, & econtra in pluvioso. fit enim arcus à nube rorida sparsa. In diversis tamen locis diversa significat: à meridie enim ortus, magnam aquarum vim vehit, notat siquidem magnam aquarū vim esse in aere, quæ in meridie dominari possit. Si circa occasum refulserit, tonabit & leviter pluet: si ab ortu circa vespèrum surrexerit, serenapro-mittit. Quo magis arcus fuerit viridis, tanto magis pluvias portendit: si verò magis rubeus, ventorum indicat flatus: qui à tranquillo aere apparuerit, pluvias & ventos indicat: Sin autem hyemale aere apparuerit, pèr ventos & pluvias breves, aeris claritatem indicat. Iris circa lunam aut lucernam apparens, australes significat aquas: & si duæ perpendiculares irides fiant, & una quidem ab Austro, altera à Borea, & halo similiter, aquam significant.

Iride apparente, non potest esse diluvium universale usq; ad magnum tempus. Est enim fœdus (ut Moses Ge. nono scribit) quo apparente Deus homini promittit non futurū universale diluviū. Poetæ hoc haud ignorarunt, cum iridē fingunt Deorū nunciam. Virgilius: Irim de cœlo misit Saturnia Iuno: nā ab *Egeu* venit, quod nunciare significat. In iride, n. duo sunt colores, rubeus & viridis: Rubeus ex humi-
do in-

do inflammato fit, significatque aqueum elementum non omnino prævalere igneo, cum ignea natura in iride non nihil sui habeat, Viridis autem color causatur ex aqueo incocto, ac ideo signat naturam igneam non omnino aquæ prævalere simili ex causa: quare apparente iride, nec conflagratio nec diluvium, nisi multo post tempore, fieri potest, videlicet cum altera natura alteri prævalebit penitus: quamobrem tradunt nonnulli sacri scriptores, quadraginta annis ante judicium non visum iri arcum, ratione in D. litera inferius scribenda: sed hic physicè loquor: nam secus, credo diem illum & annum palàm haud futurum, ut simus parati. &c.

B.

BOves contra pilum se lambentes, pluviam indicant. Incipiente pluvia, si boves fortiter comedant, pluviae durationem signant. Bos anteriorem pedem mordens, tempestatem aut aquam significat: si autem in coelum respiciens olfacit, aquam portendit. Boves magis solito comedentes, & in dextram jacentes, tempestatem indicant. Bos in sinistram coxam jacens, serenitatem indicat.

Buffones vel rubetæ, extra cavernas proprias vespere gradientes, magni in quantitate corporum, & multi numero, pluviam monstrant.

C.

Catus seu felis, pedum priorum illinctu, caput cum interscalpulo pectinantis in modum & abluentis, si diu palpaverit, pluvias ingruere non ineptè commonstrabit.

Corvi stantes contra solem, si rostra aperiant, calorem significant. Corvi singultu quodam si latrent, rumoremque in exercitu volantes faciant, quatientes alis propriis plus solito, pluviae signum dant. Coryus si depediculetur se super olivam, aquam significat.

Coturnices, referente Solino, austro flante, nunquam exeunt, flatum humidiorum timentes: aquiloni se credunt, cujus siccitate ac vehementia facilius provehantur.

Cor.

Coryus si in serenitate non consuetam vocem habuerit, & supervociferaverit, aquam significat.

Coryi siue monedulæ si sursum volent & clament ut accipiter, aquam signant.

Cornix, krahe germanicè, balneans se in aqua, & maxime in hyeme, & ultra solitum vociferans si spatietur in sicca arena, signum est pluvix, ut inquit Virg.

Tum cornix plena pulviam vocat improba voce,

Et sola in sicca secum spaciatur arena.

Cornix super petram cantans, quam inundatio submergit, aquam significat.

Cornix si velociter bis aut ter clamet, tempestatem arguit: si mane clamaverit, serenitatem arguit: in vespere autem tempestatem, quietè cantans.

Cygnus in auspiciis semper lætissimus ales:

Hunc optant nautæ, quia non se mergit in undis.

Canum intestina si murmuraverint, pluviam significant. Canis volutans se in terra, venti magnitudinem significat, in dextram coxam procumbens, tempestatem arguit.

Columbæ si vespere ad columbare tardius accedant quàm soleant, signum est pluvix.

Cicadæ mulræ factæ, morbiferum annum significant.

Caligo post pluvias, serenitatem.

Campanarum sonus longius auditus quàm soleat, significat pluviam, nisi sit ventorum causa.

Coopercula vasorum ligneorum strictiora solito, pluviam significant.

Calor in æstate intensior & magis pungitivus quàm solebat, pluviam citam significat. Aestate si minus tonat quàm coruscat, pluviam ostendit.

Calor inferius ad nostras regiones expulsus, futuræ nigris extat indicium: & ideo cum ningere debet, aer offuscatur quadam alba tenebrositate: cum verò futura pluvia sit, nigra quadam tenebrositate aer conturbatur.

Calor temperatus elevat vapores.

Coruscatio est pars aeris ex impetu aeris ignita & splendens.

dens. Fit autem post tonitruum, quia visus in instanti fit: auditus in tempore.

Coruscatio ab aquilone tantum, in posteram diem aquam portendit, & ab ea parte ventum validum.

Coruscatio ab Austro vel Favonio nocte serena, ventum & imbrem ab his partibus indicat.

Coruscatio aere existente sereno, significat calorem. Coruscatio juxta horizontem absque tonitruo, serenitatem ostendit.

Aestate vespertinæ coruscationes, aquam ante tres dies indicant.

Coruscationes quietant ventos, & quanto tonitrua & coruscationes fiunt validiores, tanto magis venti quietantur: vere autem & hyeme minus, si eadem signa.

Coruscationum magnarum tempore capiuntur anguillæ quàm plurimæ: quia tunc aquæ cavernarum in quibus illæ latitabant, redduntur amaræ, & nutrimento illarum inconuenientes, ac lutosæ subversæque propter descensum exhalationum ad illas, & sic fugientes capiuntur. Flores etiam & herbæ ea de causa arescunt.

Cœlum cum plusquam solito plenum stellis videtur, vapores jam aerem ascendisse significat, & ideo pluvias effundet. Cum multa ignium jacula in aere apparent ad modum stellarum cursus, qui sunt vapores igniti currentes & micantes stellarum luminibus, relinquentes post se caudam, ventorum flatum portendunt. quod si fuerint tales vapores ex multis mundi partibus currentes, diversos demonstrant ventos, tonitrua & fulgura ex partibus à quibus vapores ignitæque trabes fluunt.

Serò rubeus cœlum, manè indicat esse serenum: cum manè rubescit, ventus vel pluvia crescit. Cœlo sereno existente, nebula parva ventum procellosum dabit: facta pluvia, cessant venti celerius.

Cometes secundum Aristotelem, non est stella: sed creatur & fit ex exhalatione calida & sicca. Accenduntur autem vapores ita collecti in magnam molem, à motu sphaerarum cœlestium, mediocri igneo principio, ita ut nec cito

con-

conflagrent, nec perpetuo ardeant, effluentibus etiam aliis vaporibus ex terra. Cæterum quod æstus faciant cometæ, facile est judicare, cum tam ingens multitudo & vis exhalationum in aere ardeat, per sex integros menses aliquando, ut Seneca testatur: brevissimum verò durationis tempus (inquit Plinius) septem dierum annotatū est, maximum octuaginta. Cardanus dicit horum naturam mediam esse inter corpoream & imaginariam, ac in cœlo fieri. Significant autem secundum ipsum Aristotelem, tempestatem ventorumque intemperantiam, nam sive uno sive pluribus apparentibus cometis, ventus magnus semper emergit aut duratione, aut magnitudine. Quod autem portendit uredines & siccitates, testantur historiæ, & ratio persuadet. Cumque siccitatem in aere magnam significet, nil mirum si etiam quæcunque sunt consequentia portendat: sunt verò hæc, penuria, sterilitas & fames: est enim siccitas noverca fructuum terraque nascentium, aliquorum magis, aliquorum minus, ut rusticis quoque notū. Ex his sequitur pestis. Quoniam autem ab humore sicco cum in aere abundet siccitas, sequitur melancholiæ incrementum, ideo etiam manias, dæmoniacos morbos, rabiem canum, luporum & vulpium, & morbos ex cholera & melancholia: denique ut habet Aphorismus 7. tertiæ sect. Hipp. in siccitatibus febres acutæ fiunt: & si annus magna ex parte talis fuerit, qualem fecerit constitutionem, tales plurimum morbos oportet expectare. Licet autem cometes mala homini significet, Deus tamen bona inde elicit: nam si moritur rex unus, fiet fortasse alter melior: si succedit pestis, renovatur mundus, vel corrigitur. Est item signum corruptionis aeris & destructionis terræ nascentium ob æstum, quo etiam accensibile & aliis corporum humoribus, facile ad iram homines provocantur, & ad rixas & contentiones. Virgilius describens civiles motus secutos mortem Iulii Cæsaris, inquit:

Non alias cœlo ceciderunt plura sereno
Fulgura, nec diri toties arserunt cometæ.

Est quoque signum terræ motus, bellorum, mutationis regni,

regni & etiam mortis communis hominum, & animalium viventium in calido & humido, & maximè regum, & principum, divitumq; magis quàm pauperum in illo climate ubi apparet, ob victus rationem diversam, &c. Arguit enim penuriam & defectum leguminum & segetum. Cometæ apparitio totum annum reddit suspectum, non autem solum tempus suæ apparitionis & durationis: potissimum verò minatur illi parti, versùs quam radios suos dirigit, & omnibus habentibus signum pro ascendente, in quo talis cometa apparet. Si scire ulterius velis ubi detrimenta futura sint, locum ad quem tendunt: ibi enim prælia, seditio- nes, venti, sterilitates & morbi acuti erunt: atque si hæc in eclipsibus contigerint, proculdubio naturaliter eveniunt: ubi autem præter illas, non ita, nisi magnæ & crebræ fue- rint. quid verò magis ex supradictis eventurum sit, ex co- metarum ratione dicendum. De generatione illarum, va- rietate, duratione, ac locis &c. potes videre apud Carda- num in Commentario 53. lib. 2. De judiciis Ptolemæi: in nocte videntur pulcherrimè sub crepusculis: non ita in die, nisi potenti modo. Locus cometes facilè dignosci po- test planisphærio: nam si in ariete, erit in Germania vel Britannia: & inspiciendo quò tendat cauda, hac poterunt distingui. Si diu fulgent, diuturnus erit effectus: Si matu- tinæ, celer: si parum, brevis. Non dico tamen cometam esse prædictorum causam necessariam, sed inclinantem. Fre- quentius autem circa septentrionem apparent: nec sunt unius & ejusdem formæ, sed multi & varii ac dispa- res magnitudine, dissimilesque colore.

Cardui echinus spinosus ex agris, ubi habitior factus est domum comportatus & in ædium tabulatis, camino vel contignatione, aut alibi appensus, horrentes aculeis, & pa- tentes suas alas si clauserit, seque veluti in novum habi- tum pro tempore composuerit, venientis pluyiæ signum renovabit, ut in Provincia omnibus notum est.

D.

DElphines, mehrschyvein Germanicè, tranquillo mari lascivientes flatum ventorum ex ea parte qua veniunt,

eniunt, significant: sed quando mare est turbatum, aquam
i sparserint, signant tranquillitatem, inquit Aristot. Del-
phin super mare natans & superelevans se & immergens
requenter, aquam aut tempestatem denotat.

Diluvii signare censurus, à remotis prius incipiam. A-
rescentia igitur & siccitas humidorum corporum signum
est remotum futuræ pluviæ: nam significant vapores hu-
midos, qui sunt antecedentes pluviarum causæ, elevatos
esse ac continuo elevari, donec vapores (sunt enim de na-
tura aquæ) absentibus stellis calidis frigescent ac inspissen-
tur, & in causas pluviarum conjunctas transeant. Se-
quitur hinc ex mente Theophrasti, nunquā fore diluvium
universale nec particulare, quin in eadem regione vel sibi
contermina ad minus per annum pluviæ omninò abfue-
rint: quoniam magnum effectum oportet causam ma-
gnam antecedere. non enim potest diluvium esse, nisi va-
pores multi & magni veluti antecedentes causæ præcesse-
rint. Secundum signum & validius est, si cum anteceden-
te turedine ac siccitate fuerit naturalium fontium siccitas:
quò namque plurium fontium hæc siccitas fuerit, eò futu-
rus imbrium excessus erit maior. Tertium adhuc maius
si cum siccitate naturalium fontium, fuerit fluviorum ali-
quorum, vel plurium deperditio, in ea regione in qua hæc
evenierint, diluvium esse futurum significant, vel in sibi con-
termina. Quartum adhuc efficacissimum, si cum fontium
ac fluviorum arefcentia erit maris alicuius aut aliquo-
rum, aut ex parte, aut ex toto diminutio, diluvium signi-
ficat regionis, vel plusquā provinciale. Declaravit siqui-
dem Aristoteles, maria nova fieri ex reliquis magnorum
diluviorum: arefcere verò denuo per regenerationē novo-
rum diluviorum: per hunc enim modum probavit, quod
nunc est mare, olim fuisse terram: & quod nunc terra est,
multoties fuisse mare. Quintum si in æstate apparuerint
iacula, trabes, dolia, cometæ plerumque magnæ, quo nam-
que plures maioresque fuerint, hyemem significabunt di-
luviosam, vel magnis pluviis & imbribus abundantem, vel
si nō hyem em (ob propinquitatem) saltem ver tale fore de-

T

monstra-

monstrabunt. Hujus signum fuisse igneæ acies sanguinem emittentes, quæ anno Christi 570. apparuere: nam post has pluribus diebus, continuis imbris tanta quæ vi actus est Romæ Tyberis fluvius, ut magna populi strage humiliora loca submergeret: ac similiter aliis quibusdam in civitatibus & locis contigit. Sextum si æstate in cœlo aut etiam in terra hiatus, quos Græci chasmata vocant, frequenter pluribusque in locis apparuerint, hyemæ sequente vel vere in ea regione diluvium portendunt; nam magnam vaporum copiam exhalationumque ad cœlum ascendisse portendunt: quæ demum in aquam vertuntur. Septimum si in cœlo voces, soni armorum, strepitus tubæ, aut sub terra vel è terra mugitus ut boum audita fuerint (ut in paludibus contingere posse Aristoteles probavit in Problematis) in proxima hyemæ diluvium præfagiunt, tanto quidem majus, quanto hæc pluries & pluribus in locis audientur: quoniam hæc à vapore multos & magnos elevatos esse ad cœlum, elevari que continuo, designant, qui pluviarum & illuvionum causæ sunt. Proxima verò signa & conjunctæ causæ plures sunt, de quibus in libro hoc particulatim diximus, quæ scilicet pluviam indicant, ut halo, iris seu arcus cœlestis propè orientem, luna vel sole occidente: & si nocte dieque pluries. Aliud signum sunt duo soles, vel duæ lunæ, licet rarissime visi sint, cum tamen in austro spectantur, diluvium signant in die soles, in nocte lunæ. Significant enim vaporum ingentem multitudinem, imò ingentissimam esse in nubes pluviales conversam. Ex animalibus etiam verissima colliguntur signa, ac ferè impossibile est naturaliter fieri diluvium, nisi novæ quædam animalia, quæ aut sub terra aut in sylvis, aut in aquis degebant, præapparuerint, vaporum motu perterrita: quæ verò ab aquis victum quærunt, ex magna siccitate aquarumque inopia regionatim movebuntur, ut aquas quærant. Vnde fit ut terrestria è sylvis montibusque ipsis ad plana cultaque ipsa loca veniant, vocibusque horridis ac variis præ diluvii futuri metu langueant: ut de lapidis aliisque notum est. Sciendum tamen naturaliter universale dilu-

diluvium fieri non posse: non enim fit nisi propter excessum imbrium in tota terra, modò sol nec per se nec vi alterius stellæ potest habere æqualem vim in tota terra, ut talem excessum faciat, nec potest esse universale, nisi universaliter nubes colligantur supra totam terram: at sub torrida zona non colliguntur, ergo universale esse non potest. oporteret enim ut sol absens esset ab omni regione. Noeticum diluvium fuit penitus supernaturale. Idem de universali conflagratione dico.

Desiccatio rerum in tempore hyemali & pluvioso subito facta, ut papyri & marmoris, signum est gelu.

E.

Erinaceus, echinus Græcè, igel Germanicè, vulgo ericius terrestris, facit duo foramina ubi habitat, unum versus Boream, aliud versus austrum: quodcunque horum obstruerit, ea ex parte ventum significat: si autem utrumque, venti arguit magnitudinem.

F.

Formicæ concursantes si ante ova gradientur, signant pluviam. Formicæ in concavo loco existentes si ova extulerint ex centro ad circumferentiam, seu ex intus ad extra, aquam significant: si autem deorsum tulerint, serenitatem.

Fulica (Græcè dicitur *κίρκος*, vulgo Italico follata sive follega) & anates tam sylvestres quàm domesticæ quantientes alas, aquam significant: submergentes vero se, & alas quantientes, ventum præ se ferunt.

Favillæ ex lucerna, ventum significant aut aquam.

Fuligo cadens ab evaporariis magis quam solcat, pluviam significat.

Falx nigra quæ secuit herbas, pluviam indicat.

Fumus albus si elevetur (ante solis ortum & post solis occasum) supra aquas & paludes ac prata, colorem & serenitatem diei proximæ significat: si mane, ea die: si nocte, diem crastinam calidam indicat.

Fulmen est pars aeris collisione aliqua usque ad obstaculū cum impetu veniens: vel est exhalatio calida & sicca à nubis lateribus violenter extrusa cū impetu vel incēdio.

T a

Non

Non est ergo fulmen semper lapidea substantia ut quidam asserunt : si enim lapidea substantia esset , non huc & illuc discurreret , nec rursus reverteretur : cumq; aliquod corpus feriret, carnem divideret, ossa confringeret. Est autem materia crassa, terrestris, viscosa, valde decocta & exusta, & sæpius in nigrum vel rubrum lapidem vertitur, aut lapideum fulmen : eius vero forma est, ut sit acutus altera ex parte, propterea quòd ad eam vapor primò inclinabatur cum decoqueretur : hic vero cadens à nube muros & arbores penetrat, nedum animalia, ut notum est, Si ergo exhalatio illa, quæ est fulmen, sit plus calida quam impetuosa, partes superficiales alterat sine interiorum partium læsione, quoniam propter modicum impetum moram sufficientem insuperficialibus partibus efficit, atque ita caliditas sine penetratione comburit pilos totius corporis sine vulnere. Sin autē fuerit valde impetuosa, sed crassa & multa, ac corpora quibus occurrit fuerint dura, illa frangit ad minutas partes : aliqua percutit cum vulnere, ruina, fissuris, ut in arborib. cernere est, at ubi hæc exhalatio fuerit æqualis quoad impetum & caliditatem, utrumq; facit, quoniam alterat & vulnerat. Plinius libro 2. cap. 53. fulminum plura genera facit : quæ sicca veniunt non adurunt, sed dissipant : quæ humida, non urunt sed infuscant : tertiū quod clarum vocant, mirificæ est maxime naturæ. Ideo autem citius fulmen alta sternit, quia cum ab alto obliquando descendat, citius alta reperit. Sola vero exhalatio ea facit fulmen lædens, quæ crassa est, ideoque resolutione resistit, adeo ut in terrā cadat, antequam resolvatur. Cuius autem exhalatio tenuis, non pertingit ad terram. Effectus vero fulminum circa ea quæ contingunt, potius sunt admirandi, quam causa inde querenda. Quis enim dignam inveniat causam quomodo fulmen integris & illæsis loculis aliquando conflatur argentum : manente vagina, gladium liquescit : circa lig. im dilatatum ferrū distillat : quod facit, nec ultra triduum ille rigor durat? Vinum quoque fulmine gelatum, cum ad priorem redit habitum, potatum aut exanimat, aut dementes facit. Sed cum Physicus sim,

cona-

conabor effectuum causas proprias immediatasque reddere. Vnus est igitur effectus quod in casu magni tonitruī magnæque coruscationis, vina in doliis corrumpuntur atque subvertuntur: imo (ut Plinius inquit,) doli exhauriuntur intactis operimentis, nulloque alio vestigio derelicto, huius autem causa est, quod putrefactio est extraneatio quædam propriæ atque innatæ caliditatis: cum vero exhalatio sit calida & sicca, subtilis multum ac penetrans magnoque impetu descendens, magna cum violentia per dolij poros transit ad vini substantiam, alteram eius propriam & innatam calliditatem, demumque illud corrumpit: imo etiam, ut dictum est, aliquando dolium fulmine percussum frangitur, & tamen adhuc stat vinum, nec effunditur: cuius causa est, quoniam exhalatio illa quæ cadit cum fulmine ignea est, ideo in vino circumcirca crustam inducit ad pellis modum, quæ durans per tempus retinet vinum ne effundatur: simili ratione de aliis liquoribus. Secundus effectus est, quod omne fulminatum redditur venenosum, ut vinū, vel animal, aut quodvis: nam exhalatio illa sicca atque usta urens multas vini partes, vel animalis humiditates per viam suffocationis aut prohibita transpirationis ea reddunt venenosa, & propterea sapore & odore sulfurea fiunt omnia. Tertius est, quod bibens vinum fulminatum (ut supra dixi) vel animal fulminatum comedens, aut subito moritur, aut fit demens. Causa verò est, quia ex veneno derelicto hæc vis acquiritur, quæ vel necat, vel mentem reddit. Qua etiam ratione fit, ut animalia venenosa si fulminentur, in sua venenositate corrigantur, (nam venenum veneno pellitur sæpius) quia propter coruscationis exhalationem humor venenosus extinguatur, paulatim cum fulminis exhalatione evaporando. Quartus quod in casu tonitruī & magnæ coruscationis ova gallinarum aut franguntur, aut sterilia fiunt: causa vero, quoniam coruscatio quæ est exhalatio cum ova ferit, aut est crassa, & sic illa frangit: aut est tenuis, & sic penetrans per poros ovorū spiritum gignitivum caloremque innatum in albumine contentum dissolvit, sicque sterilia redduntur. Præterea ful-

fulmen aliquando corporis pilos urit, ut inguinis, axillarum, & femoris, non lædens corpus. Aliquando corporis colorem alterat, & nihil præterea aliud. Aliquando interficit, nullumque uestionis vel fulminis vestigium derelinquit. Aliquando econtrà in interfecto à fulmine apparet uestionis signū. Præterea omne percussū fulmine, caput vertit contra fulminis impetum. Arbor insuper fulminata, astulas evulsas contra fulmen erigit. Miraculum non parvum scribitur à multis, quod cū tres homines deambularent, ex casu fulminis is eorum qui pravior erat raptus fuit ad secundam usque aeris regionem. Multa quoque alia scribuntur, quorum causæ perspicuæ sunt ex his quæ diximus. Post hæc opportunum est, ut cū medicus sim, etiam remedia contra fulmen describam. Ac primum quidem est murus aheneus, nil conscire sibi nulla palleescere culpa: nam conscientia bona vitæque innocentia tutum apud Deum reddunt, sine cuius nutu nec folium cadit, ac propter peccata veniunt adversa. Naturalia vero remedia sunt primo, ut inquit Plinius, laurus arbor, unde antiqui fulmen timentes, lauri coronam suo capiti imponebant, ut Tyberium cœlo tonante solitum esse, scribit Suetonius. Vitulos marinos fulmen non percutit, ideo tabernacula fiant pellibus eorum. Antiqui corrigiam ferebant ex horum pellibus contra fulmen validam, naturali antipathia. Aquilam non ferit fulmen, hac ratione Principes per eorum castra solebant aquilas educare, quod à fulmine præservarent, ut lib. 2. dicit Plinius cap. 57. Fulmen peccat, & aspicienti ipsum facies intumescit: remedium est in fulminis ictu faciem, oculos, totumque corpus operire, beneque integre aures etiam obturare, ne nimio sonitu dissolvantur. Valet à proprietate contra fulmen ferrum: unde & ferentes ferri multum, è fulmine non læduntur, potissimum si tempore ictus ferrum multa aqua aspergatur. Narrant autores boni, corallum contra fulmen valere. Ferunt lapidem qui cum fulmine cecidit (ut aliquando contingit) si in ostio suspēdatur, domū à fulmine præservare. Fertur etiam dormientes ac prægnantes ne-

qua-

Quaquam fulmine tangi. Est & remedium ut (ainota superstitione) omnes urbis campanæ sonentur imminente illo tempore: nam vi soni moventis aerem sursum & ad latera, exhalationes ad tertiam aeris regionem expelluntur. Tempora & loca fulminum etiam referente Plinio libro 2. hyeme & æstate rariora fulmina contrariis de causis fiunt, quoniam hyeme densatus aer nubium crassiore superficie inspissatur, omnisque terrarum exhalatio rigans ac gelida quicquid ignei vaporis accipit, extinguit. Vere autem & autumno crebriora fulmina sunt corruptis æstatis hyemisque causis. Crebriora spectantur cum sol per sagittarium decurrit, & hanc ferè ob causam poetæ signum illud sagittarium appellarunt. Hac ratione nec Scythia nec Ægyptus fulgurat. Scythia enim præ nimio frigore exhalationem non habet: Ægyptus præ nimio calore illas resolvit, qua de causa in Italia fulmina crebra sunt, quia mobilior aer mitiore hyeme, & æstate nimbofa semper quodammodo vernat, vel autumnat. In Campania hyeme & æstate fulgurat, quod non in alio situ cernitur: nam illic semper ver est. Quid autem portendant, brevibus accipe: Quo in anno fulmen magna ædificia præcipuè templa elidit, frugum inopiam ac sterilitatem præfagit, & maximo fructuum sui temporis.

G.

G Allinæ si ultra solitum se concutiant in aqua, vel segregentur plures earum in uno loco simul & in pluvie principio quærant tecturam aliquam se protegentes à pluvia, signum est magnæ futuræ pluvie. Galli cantus in nocte citius quam soleat, mutationem aeris aut ventum ostendit, & paulo post occasum solis cantans, indubitatam pluviam prædicit: modo non æstate fuerit: motum enim vaporum qui sursum petunt sentiens, expergescit & cantat.

Grues ab imis vallibus fugientes, pluviam significant. Quando graves volant nec reflectuntur vel non revertuntur, serenitatem significant: non enim volant, nisi utique volantes prius serenitatem viderint. Grues abeuntes tempus hyemandi indicant.

T 4

Gelu

Gelu primum quod anno quovis accidit, si dissolvatur cum pluvia, quodque gelu subsequens illo anno, cum pluvia maiori parte dissolvetur: si in principio gelu venti fuerint durantes orientales, gelu duraturum significant.

H

H Erodius, id est ardea, in matutinis clamans, aquam significat: super verò mare volans & vociferans, ventum præsignat.

Halos si æqualiter constituatur & appareat, serenitatem significat. Est autem corona quæ circa solem aut lunam congregatur: cum enim in nubem nigram finitur, imbrem prælagit, eoque plus, quo sæpius aut continuatis diebus & noctibus apparet: nam etiam de illuvione timendum.

Hirundo circa aquam volitans, si sæpe percutiat aquam propriis pennis, vel ventre paludes verberet, pluviam indiciat.

I

Ignis flamma si flexuosè volitet, aut cum luminaria ex eo flammæ elidunt, vel vix accendatur, aut sublatis collis ab igne eiusdem carbo ignitus adhæreat, aut cum ignis scintillas emittit, vel cum cinis in igne concrevit, carbone ignitus vehementer pellucet: hæc omnia significant ventos, coruscationes & tonitrua: simul sunt futuræ pluviz signa.

Iuncturæ patientium podagras, & ossa fracta non benè curata, si doleant, pluviam notant.

L

L Vsciniæ domesticæ (præsertim mares) ineuntem brumam cantu admodum vocali tacentibus reliquis produnt.

Lampyridarum seu noctilucarum stellantes volatus, maturitatis ordeis signum dant rusticis.

Lupus ululans, tempestatem significat: lupus cum ad laborata, id est culta venit, & tempestatis tempus haut sit, tempestatem confestim significat.

In æstate, interlunio tempus est calidius, quia luna nobis proxima est: in plenilunio frigidius, quia cum sol sit nobis

nobis proximus in æstate, luna illi opposita erit à nobis remota, in hyeme autem plenilunia faciunt tepidiores noctes, quia luna nobis proxima est: ut novilunia frigidissimas, quia luna abest à nobis.

Lunam conspice tertia die ante conjunctionem, quando scilicet luna apparet cum cornibus subtilibus, aut post tres dies à solis conitu, quando apparet in occidente cum cornibus: quæ namque luna apparuerit in talibus temporibus clara & nitida & à nullo vapore circumdetur, aerem serenum significabit: sed si luna subtilis apparuerit & rubea, & illa pars lunæ quæ non est luminosa à sole apparuerit clara & cum quadam agitatione, ventorum flatum portendet, qui ex illa mundi parte procedent, à qua colores veniunt & circa lunam recedunt. Si verò luna nigra in talibus prædictis temporibus apparuerit aut viridis & spissa, hyemalem aerem atque pluvias nuntiabit. Aegypti observarunt, si luna quarta exorta puro nitore fuerit, esse certum serenitatis signum: quod & Plin lib. 2. cap. 46. Convenit quoque ut lunam contempleris tertia die ante oppositionem, scilicet quando est plena, vel die post oppositionem: & sic etiam tertia die antequam luna sit media in lumine, aut tertia die post dimidiationem sui luminis: quæ si clara sit & nitida: & à nullo circumdetur vapore serenitatem significat. Si verò rubea fuerit, & pars non illuminata à sole clara apparuerit cum motu quodam scintillativo, flatus ventorum significat: utque superius diximus, ab illa parte procedunt venti, ad quam ipsam declinat. Si verò nigra fuerit aut viridis & spissa, hyemalem aerem atque pluvias nuntiabit. Est & alius iudicandi modus, ut circulum respiciamus qui apparere solet circa lunam: qui si fuerit unus & clarus, qui paulatim destruat, significat aeris claritatem: si verò circa lunam duo apparuerint circuli aut tres, significant aerem hyemalem, quia vaporum abundantiam indicant & crassarum fumositatum. quod si circuli tales fuerint clari, ad ruborem vergentes, & quasi abscissi, fumositates Martis naturam sapientes demonstrant: abscissi, motum fumositatum significat.

gnificat, & ideo ventorum potentissimos flatus portant & aerem hyemalem. Si circuli tales fuerint lividi, seu nigri, aut turbulenti, aerem hyemalem cum grandibus significant. Circuli circa lunam abscissi, si ad nigram viriditatem declinaverint, significant aerem hyemalem pluviosum cum grandinibus & ventis: & quanto plures fuerint, tanto magis multam demonstrant fumositatem & spissam. Circulus lunæ si dilapsus fuerit æqualiter, & in semetipsum evanuerit, significat futuram aeris tranquillitatem. Cum verò in unam partem quasi ruptus cesserit, illic ventus erit unde scinditur: si pluribus locis ruptus fuerit, tempestatem in mari nautæ expectant.

Circa lunam plures halones, pluviam nunciant.

Plena luna nigra præfagit aquas.

Lunæ rectitudo quando inclinatur, borealis est mensis: quando autem fuerit deorsum, australis. Intelligo autem lunam primam post coitum, & per rectitudinem, cornua recta.

Luna rubens ventat, pallor pluit, alba serenat.

Lunæ motus per coeli quadras, magnum habet dominium super corpora humida: & ideo per suum lumen, & principalius per specialem ejus influentiam, facit mare tumescere & detumescere, fluere & refluxere secundum diversos ejus respectus ad ipsum, & secundum quod fiunt in majoribus aut minoribus fortificationibus suis. Hoc etiam fit quia luna habet proprietatem cum oceano, non cum aliis. Unde dum luna movetur ab oriente in meridiem, facit ipsum mare tumescere, & ex consequenti fluere: cum autem movetur à meridiem in occidentem, facit ipsum detumescere atque refluxere: & consimiliter dum luna movetur ab occidente ad angulum noctis, mare iterum fluit: & dum movetur ab angulo noctis seu à septentrione ad orientem, iterum refluit. Sunt tamen aliqua maria adeo crassa seu spissa, quòd talem effectum à luna recipere nequeunt, ut sunt maria mediterranea: & aliquod est mare in crassitie medio modo se habens, quod solum semel in mense fluit & refluit, Flumina autem & stagna propter eorum subtilitatem insen-

insensibiliter evaporant, ideo tumescunt aut detumescunt notabiliter non patiuntur.

Littora clamantia, ventosa sunt, & potissimum si subeuntur.

M.

Montes halitum densum & crassum usque adeo ut ne à sole quidem & vento dispici possit, perspirare visituræ pluvie signa omnium oculis admovent.

Mons qui ante est, si sonuerit, ventosum est.

Milvi ludentes & spaciantes in aere, alter cum altero volando, signant calorem, siccitatem, aerisque serenitatem.

Musæ parvæ, si parum ante solis occasum congregentur ante solis radios ad modum formæ pyramidalis & lulant, signum est caloris & serenitatis crastinæ dici.

Musæ atrocius mordentes quam soleant, petentes os aut oculos hominis, alteriusve animalis, pluviam significant.

Maris tumor & agitatio significat tempestates, & pluvias. Mare sublevatum, & littora clamantia, ventosum. In mari si fiant pappi multi qui fiunt à spumis, ventum significant magnum.

Marina in tempestate canentia, serenitatem notant.

Mergorum è flumine celer volatus & clamor, pluviam & ventos significabunt.

Mare plus solito cæruleum apparens, Austros nunciare prædunt: atrum, Aquilones.

N.

Noctua in imbre garrula vel sereno tempestatem indicat: quæ & vociferans in tempestate, serenitatem notat: & nocte, tempestatem, quiete cantans.

Nubes dum est integræ, & spiritus intus discurrens, sonum æqualem & continuum atque mugitibus similem reddit, huiusmodi tonitrua venturi imbris sunt prænuntia. Sed cum nubes in modum vesicæ eliditur vel exploditur, fit sonus acutus, quo edocto concidunt homines & exanimantur, quos propriè Attonitos dicimus.

Nubes

Nubes cùm sereno cœlo in altum feruntur, ex quacunque mundi parte fiat, ventos emersuros ab eadem mundi parte significant. Si nubes globarentur, appropinquanteque sole discutiantur, & hoc ab aquilone fiat, ventos demonstrant.

Nubes parva si post serenitatem factam apparuerit in aere distensa & divulsa, nondum cessat tempestas. Nubes apparentes in aere quæ assimilantur floccis lanæ, aliquândo significant pluvias cum frigore, sed non multas: nam flocci vaporum crassiciem ostendunt.

Nubes quæ apparent gradatæ & siccæ ad modum ovium gregis, ventos denunciant.

Nebulosa tempora sunt serenis calidiora, cæteris paribus: causa autem est, quia serena tempora sunt exhalationum magis expertia: nebulosa verò plena sunt exhalationibus, quæ suo calore aerem calefaciunt.

Nubes nigræ in aere pluvias inducunt: albæ verò grandes tempore æstivo: hyemali verò tempore, albæ nubes, nives demonstrant.

Nubes in montium cacuminibus incidentes, pluvias significant.

Quædam est caligo seu nebula contingens tempore sereno, quæ si sursum petat, per condensationem transit in nubem, estque signum pluvie. Altera accidit in pluvia, & decidit ex nubibus ut ejus excrementum, estque serenitatis signum.

Nebulæ igitur in aere apparentes, si cadant & non ascendant superius, aeris purgationem significant, & serenitatem.

Nubes albæ cum multæ apparuerint, & præcipuè in horizonis parte in vespere per duos aut tres dies continuos tempore hyemis, frigoris & nivis extat indicium. Turbatio aeris ad pluviam, & nubes si sint magis quàm soleant albæ, significant nivem, & præcipuè cùm post talem apparentiam, aer aliquantulum calefactus sentitur, propter calidum quod de nube expellitur.

Nebula maris, si terram petat vento sibi contrario, pluuiam significat.

Nives cadentes in principio gelu, si subtiles & minutæ fuerint, fortius gelu notant: si verò latæ partes cadentes nivis, signant citam gelu dissolutionem.

Nemorum fragor, & commotio foliorum, ventos & tempestates indicat.

O.

Oves tenellas, si ante maturum tempus Venerem experiantur, futuræ pestis esse præsagium affirmant.

Oves præter solitum nimis pascentes pluuiam præsentunt.

Olei scintillatio in lampadibus ardentibus, pluviæ signum est.

Oves aut capræ quando coiverint, tempestatem longè significant: oves si manè cocunt, manè tempestatem indicant. Autumno si oves aut boves fodiunt & jaceant uniti ad invicem habentes caput, hyemem tempestuosam portendunt: tardè cocuntes, serenitatem.

P.

Pluvia aut nix quia rarè absque vento cessare abigique solet, idcirco utraque si insignis erit, flatuosum aerem non procul abesse testabitur.

Pluit rarè vel parum frigidissimis temporibus aut calidissimis: nam frigoris accessio nimia, vaporum elevationem atque inde nubes prohibet, color nimius citò nubes dissolvit, vel dividit.

Pruina cadens in vere & autumno, serenitatem illius diei & caliditatem significat aliqualem, secundum anni tempora. Fit autem in locis & temporibus frigidis, fitque ex vapore qui immediatè vertitur in gelicidium: significat etiam cum apparet in triduo futuram pluuiam, ob vapores majores.

Pedes si sudaverint, australis est mutatio, idemque signum nebulæ.

Pruni si bene fructificaverint, tempestates multæ vehementer fient.

Porci

Porci seu sues manipulos foeni si dilacerent & abscondant, pluviam ostendunt.

Passer clamans manè, tempestatem signat.

Pecora exultantia si indecora lascivia ludant, pluviam portendunt.

Pulices mordaciores existentes, pluviam significant.

Pavones ultra solitum clamantes, pluviam declarant.

Picus avis, Specht Germanicè, quæ & pluvix avis antiquis dicta est, validius quam pro more stridere si observabitur, certò imbres indicat.

Planetæ in suis stationibus maxime suas vires exerunt. Saturnus enim frigiditatem facit, Mars calorem, Jupiter temperamentum & serenitatem, Venus pluvias. Ingressus quoque planetarum in signa sui casus, tempora mutant.

R.

Ranæ plus solito suum prosequentes garritum, pluviam significant.

Et veterem in limo ranæ cecinere querelam.

Ros si manè non apparuerit, dum tamen à vento non impediatur, pluviam vel gelu significabit, secundum anni tempus.

Ros fit ex vapore qui immediate in aquam convertitur. fitque in temporibus & locis temperatis.

S.

Salamandra visa, signum pluvix est.

Starnes si manè volaverint coadunatæ, manè erit tempestas: si autem tardè, tardè & multo tempore erit tempestas: & si revertantur volantes, tempestatem significant.

Sciurus, Germanicè eychhorn, tempestatem prævidet, obruratisq; quæ spiraturus est ventus cavernis, ex alia parte foras aperit, ut inquit Plin. lib. 8. cap. 38.

Sol cum oritur aut occidit clarus, ita quòd non tegatur ab aliquibus nubibus, serenitatem aeris in tali die significat. Si verò in ejus ortu circulus aliquis circa solè apparens diversorum colorum fuerit, vel ad igneum ruborè declinaverit, aut solis radii per nubes transeuntes rubei fuer-

fuerint & protensi, ita quod videantur ejus radii tanquamacula, & rubei extra circulum separatim, talia accidentia significant ventos fortissimos: colores namque rubei Martis naturam indicant, quare fumos & siccos ventos demonstrant.

Sol occidens ruber, ventosus est: quod si post occasum solis in occidentali plaga nubes rubeæ ut carbones accensi apparuerint, certum ventorum signum sunt.

Sol si ruber vel puniceus ante ejus occasum videatur, præsertim per magnum tempus ante occasum, vel per totum diem, & in occasu appareat magnæ quantitatis, ventos sine dubio nunciat.

Sol cum oritur aut occidit, si circa ipsum nubes fuerint nigræ aut virides, aut nigræ cum permixtione viriditatis, & circulus circa solem sic apparens, aut ascenderit cum nubibus nigris, aut viridibus, aut ad viriditatem tendentibus, aut ab ambabus partibus sol habuerit nubes extensas, pluvias & aerem hyemalem in tali die aut nocte significat: pro diurnis qualitatibus observatur in ortu, pro nocturnis in occasu.

Sol si magnus exoritur aut occidit, pluviarum præcoest, quia solis illa magnitudo apparet propter aerem crassiores, atque ita significat, vapores pluviosos inter solem & nos interponi. Halo circa solem cum non celeriter resolvitur, nunciat pluviam. Fit enim roridis & pluviosis vaporibus interpositis. Parahalius circa solem unus vel plures, est magnum pluvie signum, eadem causa. Sol concavus aut maculosus, vel sub nube oriens aut occidens, est pluviosus: causa ex prædictis est.

Scillæ flos, ut Berytius scribit, virgata specie profiliens modo non celeriter emarcescat, largos frugum proventus signat.

Sole descendente si substituerit nubes à qua fundantur radii, tempestatis est signum: & quando æstuosè occidit aut oritur, si non fiat ventus, aquæ signum est.

Sol ubi nascentem maculis variaverit ortum, Conditus in nubem, medioque refugerit orbe, Suspecti tibi sunt imbres. Virg.

Sol

Sol oriens calidus & non scintillans , vento sum est signum: & si concavus videatur sol , venti aut aquæ signum est. Et si multis diebus calidus, siccitatem & ventos diurnos significat.

Signa in sole & luna, nigra quidem aquæ, rubea autem venti. Sole occidentē tempore hyemali, si clarior & rubicundior apparuerit quàm soleat , & tunc Boreas aut alius frigidus ventus flaverit , in sequenti nocte gelu significat.

Serenitatis signum est in pluviis, cū splendor apparet in septentrione: in austro verò tumorosa nubes plerunque serenitatis signum est.

Senes & alii qui læsa ossa habent, & quartanarii , cū frigore læduntur, gelu significant.

Salsæ carnes uberius si humectentur, & sal in vase liquefcens ultra solitum, signa sunt pluvix.

Stellæ undecunque videantur currere , ventus exinde erit: si autem undique, ventos multos indicant: nam prius illic ventus est quàm apud nos, ab eoque feruntur. Stellæ si in hyeme clariores apparuerint, magni extat frigoris indicium. Stellæ scintillantes hyemali tempore , magnum frigus & gelu demonstrant.

Stellæ si majores apparent quàm consueverit lumine & quantitate, ventum significat.

Sterilitatis est signū, si in galla quercus nascatur aranea: est enim aranea frigidum ac siccum animal , quæ qualitates generationi omni ac vitæ sunt contrariæ.

Frugum semina cū levia fuerint aut corrupta, sterilitatem in eo genere futuram punciant.

In fructibus etiam illud fermè perpetuo verum est , ut maximam ubertatem maxima sterilitas subsequatur , seu exhaustis arborum viribus, seu quomodocunque læsis germinibus.

Sterilitatis etiam aut penuriæ signum , imò verò causa potius, sunt horrida bella, per quorum deploratam licentiam, & penè dixerim fatalem tyrannidem , armenta arationi destinata passim abduci, horrea compilari , granaria incendi, aut ab avaris claudi, sementes everti, & colonos partim

partim trucidari, partim captivos agi, nemo sine lacrymis & suorum proximorum iactura irreparabili audit, vidit, experitur: qua etiā de re Psaltes inquit: Dissipa gentes quæ bella volunt.

Si in vere sint signa frigoris & siccitatis, in fine veris cadet pruina juxta plenilunium, & erunt paucissimi fructus eo anno, vini fermè nihil. Si ver futurum sit siccum, pauci erunt fructus & boni, & penuria frumenti. Quod si ver frigidum, fructus erunt serotini.

Si ver & æstas humiditate superflua madebunt, aut caligo vel pruina cum austris pluribus diebus (dum omnis parturit arbor, dum omnis floret ager) invalescere apprehendetur, fructuum inopiam illo anno, aut saltem corruptelam validè formidabis, multique erunt morbi.

Si æstas sit siccior, erit penuria frumenti, fructus æstivi erunt salubres: pisces moriuntur: morbi acutissimi. Si verò calidior, erunt & morbi multi, & multa fructuum æstivorum copia. Si frigidior, incolumis annus, fructus serotini. Autumnus humidior putrefacit uvas, vinæque facit quæ verè pervertuntur. Si sit ultinia parte humidior, sequenti anno erit penuria frumenti. Si siccior in prima parte, erit eo anno milii penuria. Si calidior, erit morbosus atque omninò malus. Si frigidior, autumnalium fructuum fiet iactura in quanto & quali. Hyems frigida & sicca laudabilis est: frigidissima occidit arbores, maxime quæ cœlo calido gaudent, ut punicum malum, ficum, persicum, malum medicum, ut citria, arantia, limuniæque. Si magis sæviat, vitem & olivam, cerasa & chrysomela. Calida verò, & humida hyems, insalubris & segetibus inimica. Omnis denique immoderata intemperies, mala: & perversio temporum etiam mala, vel æqualitas illorum. Ventorum quoque multitudo noxia fructibus est, paucitas segetibus. Totius anni tranquillitas de pestilentia suspecta est. Univerſalis temporum divisio est hæc: Nostro tempore Vernum æquinoctium est die decima Martii, Solstitium æstivum undecima Junii. Aequinoctium autumnale decimatertia Septembris, Bruma, undecima Decembris.

Nives permultæ anno quopiam è cælo peropportuna descendentes, frugum terræ (modo cætera consenserint copiam (ut grandines inopiam) significant, nam cum de bitis temporibus nix accidit, herbas fœcundat, ac pabula semine, materia enim nivis multum habet terreæ calidæ aerei commixti, quod paulatim egrediens bonum præbeminibus pabulum, unde gignitivum spiritum ex calido illo augent, alunturque terrestri parte cum humido mixta: fœcunditas enim tum ab humore, tum à calore solis fit, unde inutiles ferè & steriles in umbratis locis nascuntur plantæ.

Virgilius primo Georg.

Sedulus observa cum se nix plurima sylvis
Induet in florem, & ramos curvabit olentes,
Si superant fœtus, pariter frumenta sequentur
Magnaque cum magno veniet tritura calore.
At si luxuria filiorum exuperat umbra.
Nequicquam pingues paleæ teret area culmos.

Terræ motus & locustæ sæpe pestis, frequentius sterilitatis causæ manifestæ & efficaces fuerunt. Piscium abundantia sterilitatem nunciat. ab humidi enim copia fiunt pisces, triticum autem ab humido temperato. Sic tritici ubertas ratione contraria, paucos pisces facit.

Eclipses solis præsertim magnæ, si in florentem segetem inciderint, eo anno stipulæ absque granis colliguntur: maxime fit illud, si sol exoriens deliquium patiatur: causam vide si vis in Commentariis Cardani in 2. De judiciis Ptol. comm. 51.

Avium greges relictis insulis & nemoribus, agros, villas vel urbes frequentare visi, & graculi turmatim sylvas valedicere itidem conspecti, sterilitatem, ac triste nescio quid antiquis semper indicarunt.

T

Terræ motus est passio seu affectio, qua terra movetur, facta à ventis seu vaporibus siccis in terram inclusis, & à calore solis calefactis atq; impulsis. Fiumina magis

his in vere & autumnno quàm in æstate aut hyeme, ut in ventis dicitur.

Terræmotus in posterum quoque dira portendit, & in primis pestilentiam præfagit famemque & bella deinceps. At verius dixerò nihil portendere futuri, sed illum ex naturæ necessitate suo tempore perfici, ac ob putridos exhalatos vapores aerem inficere & herbas & fructus, atque inde homines inficiuntur. Inter signa futuri motus est cœlum silens, tempestates sopitæ, & in puteis aqua turbidior fœdique odoris. Est & in cœlo signum præcedens futuro motu, tenuis scilicet linea nubis, in longum porrectæ spacium. Existunt maximi motus in solis lunæque defectu, sed in hac re solis defectus potentior est. Durat aliquando terræmotus duos annos aliquando ante quadraginta dies cessat: nam si secundo die accesserit, non desinet usque ad 40 quos si transierit, ad unum vel ad duos usque annos accidet, vel etiam tres, ut inquit Averr. Potentissimum adversus hanc luem remedium est, degere in regionibus ad septemtrionem vergentibus, maximeq; in his quæ climate sive segmento septimo continentur, ubi vel nulli vel rarè motus existunt. Vis esse liber & tutus à terræ tremore, aliisque id genus casib. periculosissimis, sit tibi animus contemptor mortis, sit mens impavida leti. hoc vero assequeris viva in Christum dominum fide, quæ per dilectionem operatur. Media vero vel remedia universalialia sunt primo de loco fugere (si potes) ubi non sit terræmotus, ut supra dixi: particularia autem sunt sub terris cloacas cuniculosque & crebros specus facere: præconceptum enim spiritum exhalant. Tutissimi sunt ædificiorum fornices sive testudines, anguli quoque parietum, pontes alterno pulsu renitente, parietes latericio lapide facti minore quatiuntur noxa. Remedium autem contra pestem est terræmotus tempore dormire in alto, non in terrenis, à quibus pestilenres exhalationes manant. Terræmotus universalis in tota terra esse supernaturalis, quoniam cùm non fiat nisi ex exhalationibus à sole congregatis in uno loco, non dispersim movetur illæ, sed unitim eo in loco, & circumvicino.

Tonitrua matutina & hyemalia, ventum significant & aquas: meridiana, imbrem. Tonitrua novissimæ bonæ dici, ingentem maris tempestatem, vel iram cœlestem demonstrant, æstate si minus tonet quàm coruscet, pluviam significat. Tonitrua æstiva in meridie & vespere, aquosum signum.

Tonitruum est partium aeris sibi cum impetu concurrentium sonus.

Hermes cœlestium rerum observator tradit: Si Ianuario tonaverit, eo anno in ea regione ventos validos portendere, atque fertilitatem. Si Februario, multorum mortem, præcipuè divitum. Si Martio, ventos validos, fertilitatem, & popularia bella. Aprili vero bonum & jucundum annum. Majo autem famem & inopiam. Iunio fertilitatem. Iulio bonam & utilem annonam. Augusto reip. prosperitatem, sed hominum varios morbos. September fertilitatem, sed potentium cædes. October validum ventum, annonæ ac fructuum copiam. November frumenti copiam, & annonæ jucunditatem. December denique si tonaverit, annonæ copiam, & in populo pacem præfagire asserit. Plinius: si in cubatu tonuerit, ova perire, sed hoc universaliter negant mulieres.

Talpæ si plus solito in terram operentur in minutis partibus fractam, pluviam indicant.

V.

V Espertiliones sicutius in vespere & in majori eorum quantitate volant quam solebant, signum est caloris & serenitatis futuræ proximæ diei. Et hoc etiam de crabronibus intellige, qui tamen si quasi intrantes & se occultantes sint foraminibus, tempestatem significant.

Vermes terreni interruptentes trifolia (nam ea communiter non ingrediuntur) significant tempestatem.

Vermes exeuntes à terra, pluviam significant.

Vermes qui dicuntur centipedes, multi in numero reptantes, aquam indicant.

Ventus est exhalatio calida & sicca, à sole facta, quæ impetuosè à frigiditate mediæ regionis aeris propellitur.

Auster

Auster flat cū oriuntur Vergiliæ, id est mense Majo. Aquilo flat oriente Orione, quod fit die sequenti ad ortum Caniculæ. Favonius flat mense Februarii, cum Fidicula occidere incipit: confirmatur autem cingulo seu zona Orionis emergente, id est circa decimum Februarii inde aperitur terra pullulareque incipit.

Observarunt mathematici, quoties Iupiter fuerit Lunæ conjunctus, novos ventos nasci, quoties etiam luna cancrum peragrat, movere ventos. Quod si luna Iovem petat in cancro, ventorum flatus exoriri sine dubio videbis. Præterea si sol (ut dicunt) fuerit in capricorno, & luna in scorpio, vel capricorno, vel tauro, aut virgine, frigidissimos ventos concitat. Idem sol etiam efficit, si in Aquario & Saturnus in opposito, luna alterum horum respiciente. Dicunt & Sat. in signo terreo retrogradum ventos sedare. Similiter & Martem. sed hæc astrologis relinquo, & secundum physicos assero, nec temporibus maxime frigidis nec maxime calidis spirare ventos, sed temporibus inter hæc mediis. Particulatim vero venti spirare solent mane & vespere: nam in meridie ob solis caliditatem maiorem cessant, in media nocte propter maximam frigiditatem extinguuntur. Si ab aurora flare incipiunt venti, durant magis, auster non incipiens, sed desinens, imbrem affert, quoniam incipiente adhuc aer calidus est, cum è loco calido spiret.

Rubedo circa solem & lunam, ventorum est signum. Aestate ubi coruscationes & tonitrua, inde ventus fortis spirat. Hyeme verò & autumnno coruscationes sedant ventos: & quanto tonitrua & coruscationes fortiores sunt, tanto magis ventos sedant. Somnium hominum si fuerit de avibus, proximo die certum ventorum signum esse dicunt.

Hyeme venti circa auroram spirant, æstate verò circa occasum. Hyeme à parte orientali, æstate à parte occidentis. Si Etesia, qui temporales boreæ dicuntur, multo tempore flaverint, & autumnus est ventosus, tranquillam hyemem nunciant. Sin autem autumnus est tranquillus, ventosa hyems erit. Auster Sirochus & Garbinus pluvias adducunt.

Observarunt antiqui primam Ianuarij noctem: nam si serena erat sine pluvia, & tranquilla sine vento, annus futurus plerunque bonus erat. Si cum vento orientali, pericoribus erat perniciosus. Si cum occidentali, regibus mortiferus erat. Si cum meridionali, populus moriebatur. Si autem nox illa cum septemtrionali vento emergeret, futurus annus censebatur sterilis. Nolo hic morborum prognostica ex quatuor anni temporibus adducere, quæ quilibet ex Hippocrate & Galeno tertia sectione Aphorismorum scire facile potest, Aph. 11. 12. 13. & 14. atque alibi.

Si unam anni tempus fuerit serenum, & siccum, oportet alterum esse pluviosum: ut si autumnus est serenus & siccus, hyems est pluviosa. Si præcedens annus est siccus (cum in siccitate eleventur vapores) sequens est humidus. Similiter contra, si unum tempus fuerit pluviosum, sequens erit siccum: quia oportet humidum sursum ductum redire, aliter non servaretur elementorum æqualitas, & humidum deorsum latum oportet sursum reverti, ut servetur (ut dixi) æqualitas & proportio.

Vnus & idem ventus contrarios effectus facere potest, & primarios & secundarios, & per se unum, aliud per accidens: nam Eurus à principio quidem siccus est, finiens autem aquosus. Boreas per se frigefacit, per accidens autem (calidum contrectando) calefacit.

Venti validi omnes refrigerant & exsiccant & serenitatem pariunt, imbecilles calefaciunt & humectant, pluvias item gignunt.

Venti incipiunt cum sole & oriente luna. Si autem oriente sole & luna cessent, distenduntur venti. Luna diminuta, fiunt magis venti. Diuturniores autem & fortiores venti fiunt, qui incipiunt in die quam qui in nocte. Quando Boreas nubes multas movet flans, magnam serenitatem significat: Eurus solus flans, ad se trahit nubes. Venti orientales sunt sicci, propter vaporum combustionem à sole factam, ideo siccitatem producant. Occidentales humectant propter vaporum crassos à sole relictos nocturno tempore.

Pluvia

Pluvia cita præscitur per magnam nubem orientem ab illa mundi parte à qua venti flant: & quanto intensior ac major fuerit nubes, tanto citius & certius futuræ & scitæ pluvie signum est.

Auster cum atrocius flaverit, & postmodum Boreas flare incipiat, signum est magnæ tempestatis, & maxime in mari.

Coruscationes cum vento boreali, pluviam significant.

Tonitrua cum orientali vento vel occidentali, pluviam vel tempestatem validam ostendunt.

Annus Borealis melior est australi, iidem venti præcedente aere sicco faciunt pluviam, præcedente humido pluvias.

Africo Euroque vento flante, tum magis, tum majora monstra præ cæteris temporibus somniare solemus, maxime si eò tunc humiditas in corpore modum excedit. Huiusmodi tamen flatus ad plantarum auctiorem nimium præstant: pulcibus etiam & muscis, reliquisque istius generis animantibus naturæ nostræ infestis, maximo adjuvamento sunt. Purgationem quoque cum his ventis assumere bonum est: tunc enim membra laxa sunt, & medicina cedunt, quam Aquilo magnopere comprimit.

Vitreis corporibus ac parietibus perpolitis vel ligno & ferro vapidum nescio quid, & veluti roridum hærere consequentibus diebus aliquot, absque manifesta causa, si videbis, & lacrymabile quiddam, saltem de superficie præ se ferre pluviam intra breve tempus adfuturum, haud dubiè expectabis.

Vultur, Germanicè hasengeir, locum futuro bello septem dies antequàm pugna committatur, prævidet, in eamque partem, in qua alterutra pars succumbet, respectat. Quamobrem reges olim speculatores solebant præmittere, qui renunciarent ad quamnam partem vultures prospicerent. Ait quoque Plinius lib. XL. Vultures cadavera futura & præsentia præsentire.

Vacca in cælum suspiciens, & captans naribus auras, pluviam præsagit.

Z

Zonæ sericæ magis aridæ quam soleant, pluviâ significant.

Zonæ pellicæ, corrigiæ item, & similes ligaturæ solito contractiores redditæ: adhæc musicorum instrumentorum subtensæ fidiculæ ruptim dissilientes, pluviæ signa confirmabunt. nam ex prævia aeris humiditate intenduntur, ac ita facilius rumpuntur. Sed longissimum foret ac præter scopum, hic omnium effectuum velle causas reddere.

LECTORI.

Meminerit syncerus lector, quod ut omnis non fert omnia tellus, ita omne ubique non dat mortalibus omnia cælum. Erit itaque de constitutione aeris iudicium ad eum duntaxat horizontem referendum. in quo signa narrata apparebunt. Optimum insuper est, signum signo conjungere, & pluribus in unum conspirantibus hærere.

Ubiunque in libello De memoria reperies lib. 1. med. intellige sesquilibræ: ita per unc. 1. med. sesquiunciam: per drach. 1. med. sesquidrachmam.

VNDE

UNDECIM SIGNA MOTUS TERRÆ EX ANTONIO MIZALDO, EA- DEM FERE CVM SVPERIVS dictis à nobis.

I. ECLIPSIS.

REGIO ad quam umbra eclipsis luminarium conver-
titur, terræmotui obnoxia esse plerunque solet: idq;
certius, si defectus ipse in cauda draconis contigit,
qui quanto major erit & universalior, tanto motus validior
experietur: quanto minor, contra.

2. SOL

Ante terræmotum sol diebus aliquot sine nube obscu-
rus, & summa sub auroram cum frigore tranquillitas, nec
non post occasum (vigente serenitate) nubecula per aerem
strictim ac longiuscule exporrecta, sæpenumero appa-
ruit.

NVBES

Ignita nubes, columnæ speciem in aere præ se ferens,
Callistheni philosopho trepidationis terræ signum verissi-
mum exhibuit.

4. AQUÆ

Puteorum & fontium aquas, ante terræ concussionem
absque manifesta causa turbidas fieri, & salsugine fœtoreve
aut alio ingrato minimèque naturali sapore, infici, primus
exploravit Pherecides, Pythagoræ doctor.

5. TRANQVILLITAS

Summam tranquillitatem, & ventorum silentium in
regione terræmotui obnoxia, menses aliquot præcessisse
antiquis observatum est.

6. MARE

Navigantes, futuros terræmotus conjectura non du-
bia

bia sentire certum est, sine flatibus intumescente fluctu subito, aut quatiente. Contremiscunt & in navibus posita, æquè quam in ædificiis, crepituque motum ipsum prænunciant.

7 NVBECULA

Nubecula in modum lineæ, occasum versus gracilis, oblonga & alba, terræ agitationem præcedere plerunque est visa: quo signo Anaximander suas hisce de rebus prædictiones serio Lacedæmoniis aliquando confirmatur.

8 AVES ET QVADRVPEDES

Aves cum quadrupedibus plerisque, loca succussationi terræ peropportuna reliquisse, & novas sedes, quò se ab ingruente injuria vindicarent, quæsiuisse, tam est observationibus probatum quam priscorum libris testatum.

9 SOLE ET LVNA

Terræ motu adventante, sol ac si delinqueret caliginosus, & colore quadantenus cum Cynthia sorore veluti sanguineo obsitus, à quam plurimis est conspectus.

10 MARE ET COELVM.

Nunquam intremiscunt terræ nisi sopito mari, cœloque adeo tranquillo, ut volatus avium non pendeant subtracto omni spiritu qui vehit: nec unquam nisi post ventos, in venas terræ, & cavernas occulto afflatu conditos.

11. SONVS

Præcedit motum terræ, & plerunque comitatur sonus terribilis, murmuri, & mugitibus, aut clamori humano, armorumve pulsantium fragori persimilis.

Addo ego duodecimum signum, quod est præapparens cometa: nullum tamen horum signorum ad terræ motum significandum sufficiens est: propterea si multa concurrunt significatio certa est.

APPENDIX.

Desinunt tremores cum ventus emerfit: sin vero dure vere nō ante quadraginta dies sistuntur: plerumq; & tardius, utpote cū quidā annuo & biēni spacio duraverint. Septies & quinquagesies uno anno fuit. post astros, præcipue noxii sunt. Vna nocte in Asia xii. urbes perierunt. Fun-

re. Fundata in palustris, vix terræmotus neque terræ hia-
tus sentiunt. Specus & cuniculi valent adversus hæc. Lo-
cris & Crotona neque pestem neque terræmotum habuit.
Basilæa utrumque, nam tremuit olim pessimè die decimo-
octava Octobris anno domini 1356. ut videre est in Co-
smographia universali Sebastiani Munsteri libro tertio
pag. 408.

LIBROS PRÆSAGIA HABEN.

tes, hîc indico.

Albategni.	Hippocratem.
Alex. Aphrodisæum.	Ioachimum Ring.
Ant. Mizaldum.	Macrobium.
Aratum.	Manilium.
Aristotelem.	M. Catonem.
Avicennam.	Mesue.
Aug. Nipkum Suefs.	Ovidium.
Bedam Anglo Saxonem.	Platonem.
Cl Ptolemæum.	Plinium.
Corn. Agrippam.	Proclum.
Corn. Celsum.	Rasin.
Columellam.	Themistium.
Diarium physicum.	Theophrastum.
Galenum.	Varronem.
Gu. Gratalorum.	Virgilium, &c.
Hesiodum.	

Sic habes apud quos certas rerum futurarum prædi-
ctiones reperies, præsertim

Caloris,	Fertilitatis,	Gelu,
Caliginis,	Fulguris	Grandinis,
Corruptelæ,	Fulminis,	Inopiæ,
Diluvij,	Frigoris,	Nebularum.
Nivis,	Penuriæ,	Tempestatis.
Pestis,	Roris,	Terræmotus,
Pluviæ,	Serenitatis,	Tonitruï,
Pruinæ,	Siccitatis,	Ventorum.

Sed nullibi copiosius, certius, facilius, & ordinatius
quàm hoc in libello,

PHY

P H Y S I O G N O M I C I L I B R I C O M P E N .
diſus index.

De Phyſiognomia in univerſali.	Cap. 1.
Capitis judicium.	cap. 2.
Ex colore capitis judicium.	cap. 3.
Capillorum judicium ex ſubſtantia.	cap. 4.
Coloris capillorum & pilorum judicium.	cap. 5.
Frontis judicium.	cap. 6.
Superciliorum judicium.	cap. 7.
Ciliorum ſeu palpebrarum judicium.	cap. 8.
Oculorum judicium.	cap. 9.
Lupini hominis deſcriptio.	ibid. in fine.
Faciei judicium & vultus.	cap. 10.
Naſi nariumque judicium.	cap. 11.
Pudendorum judicia.	cap. 11.
Aurium judicium.	cap. 12.
Maxillarum & genarum judicium.	cap. 13.
Oris natura & menti.	cap. 14.
Labiorum judicium.	cap. 15.
Dentium.	cap. 16.
Lingux.	cap. 17.
Vocis.	cap. 18.
Gentium univerſalis cognitio.	cap. 19.
Colli & aliquarum corporis partium judicium.	cap. 20.
De inceſſu, de cervice, manibus, unguibus, &c.	cap. 21.
De anhelitu & aliis nonnullis.	cap. 22.
Lupini hominis judicia.	
Impudentis hominis cognitio.	cap. 22.
Diſſimulantis & ſimulantis cognitio.	ibid.
Avari hominis judicia.	cap. 22.
Fatui ac improbi notæ.	ibid.
Reliquarum partium judiciũ, & judicandi modus.	cap. 22.
Philodori, id eſt amatoris munerum cognitio.	cap. 22.
Effœminati.	22. & alibi ſæpius.
Totius corporis moles & commenſuratio.	cap. 23.
Bene compoſitus ac bonæ memoriæ qui ſit.	cap. 23.
Tabula ſignorum & naturarum.	cap. 23.
	POM.

POMPONII GAURICI
NEAPOLITANI DE
SCULPTURA.

Vbi agitur.

De Symmetriis.	De Chimice.
De Lineamentis.	De Eclypsi.
De Physiognomia.	De Cælatura, ejusque speciebus.
De Perspectiva,	
Præterea de cæteris speciebus Statuariæ.	
De Plâstice.	De Tomice.
De Proplastice.	De Colaptice.
De Paradigmaticæ.	De claris Sculptoribus.
Ac plerisque aliis rebus scitu dignissimis.	

VERE NOBILI ERVDITO VIRO IOAN-
ni Iardano ab Hirtzaim Equiti Germano,
Jac. Curio Hofemianus.
S. D.

DEDIT ad me Lucas Gauricus Pomponii fratris
sui hunc de Symmetria & Statuaria librum, o-
mnium sanè quos videre hac de re unquam con-
tingit præstantissimum. Et eo quidem nomine
dedit, ut si probaretur mihi, quem hætenus nemo Ita-
lorum non egregiè probat, novis eum formulis darem
in Germania excudendum. Agnovi donantis humanita-
tem, mirumque in modum ardore incendebat legendi
aliquid de Statuaria, quæ nullos adhuc, quantum qui-
dem ipse memini, scriptores invenit. Nosse cupiebam avi-
de quanta verborum dignitate vim ac potestatem artis
exc-

queretur, maxime verò, quid nam commodi ipsa aut voluptatis cognitori adferret, quæ esset explicatio, quæ gratia. Dici autem vix potest, quanta animum meum admiratione impleverat, dum singulas artis viderem species tam apposite, tam dico & scite, eleganterque pro varietate materiæ tractatas. Iures ad id artificii genus exercendum se vertisse totum, quando quod optimi cujusque artificis est, Affabrefactionem ex eo contendit omnem hinc esse, quo singulæ inter se operis partes, sibi quàm aptissime respondeant, nihilque omnino aut productum habeant, aut subductum magis, quàm ratio, quàm natura, quàm res denique ipsa exposcat. Attingit pleraque minime plebei, sed artis plena & seposita, quæq; non nisi ab ingeniosissimis, quos natura scilicet ad hæc ipsa formavit, cognoscantur. Physiognomiam, cujus quàm maximè peritum vult esse Statuarium, non prætermisit. Neque his contentus, laudes artis quoque, & artificum eorum, præsertim quos novit insignes addit. Atq; omnia mehercle venuste hæc & graviter, unde rem me facturum literatis quibusdam apud nos, non ingratam putavi, si Gaurici obsecutus consilio, tam impense à multis laudatam disputationem prælo mandarem. Adeoq; tuo illam ipsam etiam Iardane nomini renatam inscriberè. Quem enim idoneum magis judicem & patronum dari huic, quàm te postulem? Qui non modo rerum harum, quas liber hic tractat, valde es studiosus, verum aliàs tantùm etiam ad fortunæ & ad summa ingenii ornamenta adjungis diligentia, quantum in tuo hoc ordine vix quisquam alius. Nam & historia nunquàm tibi cadit è manibus. Et philosophiam ita amplexaris, ut dubium sit, utrùm discendo cognitione, aut augendo, quæ præcipit, virtute & moribus plus jam profeceris. Neq; verò illud etiam non magnopere in te laudandum venit, quòd in his temporum anxietatibus & tædiis, pacem ac tranquillitatem mentis salutarium librorum lectione tuearis. Consueveras id quoq; facere, dum esses adhuc Alberti Cardinalis & Archiepiscopi Moguntini Principis nostri, cum generis antiquitate, tum summis & Heroicis animi dotibus illustriss.

strissimi, cubicularius, ministrorumq; adeo omnium pro-
 ximus & intimus, ubi persæpe animadverti, qua assiduita-
 te, non jam in uno quodam liberalis doctrinæ genere, sed
 multiplici, versaberis. Qua gratia etiam & favore pruden-
 tissimus Princeps te complectebatur ob hoc, quòd vide-
 ret, te, quicquid ocii suppeteret, consumere in studiis utili-
 bus & amœnis, non indulgere vanis & inanibus oblecta-
 mentis, quemadmodum soliti tum fuerant tuæ conditio-
 nis juvenes quidam alii, qui dum potitarent, luderentque
 alea, tu animi causa lustrabas Bibliothecam, quam nun-
 quam absque honoris præfatione nominandus Princeps
 noster locupletissimam instruxit. Vel etiam delassatum
 negotiis animum recreaturus spaciosam illam ingredieba-
 ris Aulam, quam idem ille ornavit; tot quasi spirantibus
 simulachrorum figmentis, Statuis, Automatis, Tortuma-
 tis, auro radiantibus Aulæis & peristromatis. Inter quæ o-
 mnia partim ipsa novitate, partim magnificentia & rarita-
 te visenda opera & spectacula, dum nobis tu (qui non se-
 mel in penetralia te comitabamur) perite ostenderes, quid
 quaque in re excellens esset, quid naturale, quid pulchrum
 ac decens, quid item instruat ad componendos mores,
 quidve faciat ad pascendos solum oculos, multorum etiam
 opificum transcendere iudicium mihi videbare. Quare me-
 rito hunc in multa jam denuo propagatum exemplaria li-
 brum, Ioannes Iardane, accipies, non ut munus, tamen ali-
 quod à me te putes accipere: Pomponii enim est, non
 meum, Sed ut tuam, quod dixi, sententiam de eo feras. Be-
 ne vale, ac Pomponium ingenii nobilitate præcellentem
 hunc, tuo patrocinio apud nostros defende. Moguntia: o-
 ctavo Idus Aprilis, Anno M. D. XLII.

POM-

M. ANTONIUS PLACI-
DUS LAURENTIO STROZÆ
FLORENTINO S.

Cum ad nostras manus pervenisset, hic Pomponius Gaurici, de Sculptura non jam libellus, sed qualem Domitius Piso oportere esse agebat, thesaurus, quod & ipsa Romana urbis instaurator Bernhardus Orizellarius socer tuus iudicavit. Existimavi non parvam apud omnes homines aliquando me gratiam promeriturum, si per me communis omnibus in publico locaretur. Atque ea diligentia, ut ne litera quidem aliter reponeretur, quam ejus ipsius manu mihi scripta constaret. Verum enim vero, cum ille de me peculiarē sibi patronum aliquem exposceret, cujus tutela in vulgum illa sus prodiret, Patronum ego ei te dedi, scilicet quem maxime is optare videbatur. Vti Regia domo ceteros in toto terrarum orbe mortales antecellentem. Ita & ceteros in hac tua florentissima urbe juvenes & morum & ingenii nobilitate præstantem. Nam quid rogo potuit fieri convenientius? quam elegantissimus libellus juveni dicaretur elegantissimo, quam nova ars ipsis addita liberabilibus octava, novam adiret domum, & qua quasi octavum haberetur in mundo miraculum decoratam statuis, decoratam & picturis. Tu igitur munus hoc nostrum patrocínio tuo complectere, & quod te facturum scio, ne de tuis, ne de Philippi fratris tui optimarum literarum studiosissimi, manibus unquam temere cadat. Nam præterquam quod hac sæpius legendo. Latinam linguam, quod ego in me expertus sum, efficietis exornatiorem, Et Vestram pulchritudinem relegetis, & Vehementius multo Vestri Palatii ornamenta diligetis.

Vale.

POMPONII GAURICI

NEAPOLITANI DE SCULPTURA

AD DIVUM HERCULEM FER- rariæ Principem.



V M sæpe mecum Princeps invictiss. per
egregias laudes tuas animo considerare
atque ad clariss. rerum tuarū splendorem,
nominis quoque rationem accommoda-
tam esse intelligerem. Et Platonis nostrī
Cratylum deamavi, & te unum ex omni-
bus cognovi, quem vere nostris temporibus Heroa voca-
re possimus & in quem divinos conferre honores unā cer-
tatim omnes debeamus. Etenim si cum comparatione cau-
sam expenderimus, multo id quidem rationabilius nos
quam veteres olim fecisse dijudicabimur. Nam quis erit
isque adeò rerum omnium imprudens ac stolidus, qui fa-
eri audeat, non hunc Herculem Hercule tanto majorem,
quanto animam corpore excellentiorem? nisi forte vipe-
reos angueis elidere, feras quas ipsi nos interdum venatū
persequimur apros, cervos, leones vincere, equos edoma-
re, obscœnis subinde libidinibus emancipati. Tantum non
quingenta, ut festive Græcus ait, mulierculis admisce-
re, ac postremo etiam in furorem adigi, præstabilius cui-
dam videri poterit, quam civitates constituere, urbes am-
plificare, populos regere, virtutes complexari, libidinem,
incontinentiam, superbiam, avaritiam frenare, ac nullis omni-
bus denique vitiis obnoxium esse. Hoc erat Herculem a-
gere, hoc erat Iove nasci, & jam tandem cœlum mereri.
Quocirca factum est dive ac sancte Hercules, ut non mi-
nori ego te veneratione semper habuerim, quam priscū
illi Iovis filium. Quod ipsum tibi significare cum voluis-
sem, nihil mihi quidem venire in mentem potuit, quod
dignius putarem, ut ad te mitteretur, quam hic de Scul-

ptura libellus, tum quòd nulli ante hoc tempus inventi sunt, qui de ea re perscribere potuerint. Tum etiam quòd nihil ea arte visum nobilius, atque ad hanc immortalitatem tuam accomodatius. Cogitabam igitur perpetua dictione Sculptoriam tibi omnem artem explicare, sed quominus id ita fecerim, casus quidem ipse impedimento fuit. Nam cum superioribus diebus, proximaestate Patavii essem, divertissetque apud me Raphael Regius, Græce & Latine Rhetor exercitatus. post multorum salutationes, ubi in varios, quod fieri inter familiares assolet, sermones exivimus, libuit Ciceronianum illud declamandi genus, multis jam seculis intermissum paulisper retractare. Certis quibusdam horis, quibus ille ab negotiis, Ego à philosophiæ studiis vacare soliti eramus. Quodam vero die, cum ἀγαλιαντοῦργον, id enim domesticæ officinæ nomen, me convenisset, ibique nescio quas expressas ære ac marmore effigies contemplatus esset, de Sculptura mox loqui accepimus. Qui sermo, quoniam varius ac multiplex fuit, speravi operæ precium fore, si à me tibi recenseretur. Ille igitur, nihil te inquit, uno mirius. Ast ego putabam te tantummodo literis operam dare, nunc minimum video tempus id esse, quod studiis impertitur. Equidem si quid erit alibi impendendum, laudò heic potius consumas, nimirum ars est, & inter cæteras nobilis, & libero, mihi ut videtur, homine digna. Ego vero tum inquam, usque adeo nobilissimam dignissimamque Regi semper hanc artem existimaui, ut ne ab liberalibus ipsis disciplinis separari posse crediderim. Quid? Ergo inquit ille ὅγδ' ἑπτασοφόν. An non satis visæ tibi sunt sorores septem, nisi & octavam adoptaveris. Non ita, tum ego inquam, verum si, postquam in hunc sermonem devenimus, quanta sit hujus dignitas artis, considerare paululum. Ingentissima certe vel ex hoc ipso patebit, quòd apud omnes omnium gentium ac seculorum populos, tanta ei semper habitafuerit, ut nihilo plus majore apud eos admiratione, qui-

is optimi Scripres fuisse intoveniantur, quàm optimi
culptores. Nam quid, rogo, Praxitelia illa quam
nydiis fecit. Venere decantatus? Quid Phidiaca illa,
quam Athenis in arce locavit Minerva, & Olympio Iove
gnatus? Quid Lyndius, Sicyoniisque colossis, Apel-
isque tabulis, in toto jam terrarum orbe, ut nunc lo-
untur, famigeratus? Illi quidem agunt verbis, at
erò hirebus: illi narrant, hi vero exprimunt, expli-
ant. Illi fastidiosissimos aurium sensus non semper
ahunt. At vero hi & oculis satisfaciunt, ac tanquam
ulcherrimo spectaculo captos omneis homines tenent.
quidem ipse sic existimo, tanta inter sese, & simili-
adine & propinquitate conjunctos, ut sejungi se nul-
o modopatiantur. Et quid nos præterea separabimus
os, scilicet qui nec ipso nomine discerni possunt? Re-
tant age paululum prisca Demosthenis secula, cum il-
γραφίας diceret. quos? Scriptores ne an pictores po-
us sculptorésve intelligemus? Cum rursus ἀγαθάρχων
γραφῆν nunquid? Agatharchi scripturam potius, quàm pi-
uram Agatarchi? Γράφειν quidem verbum commune
sce omnibus esse & antiquissima Ægyptiorum ratio
ocet Pingere ac sculper e os oportebat, cum quid vel si-
nificare, vel monentis demandare volebant. Et apud
os Poeta ipse noster comprobatur, qui Dædali cælatu-
m perlegisse Aeneam facit. Alii aliter: Ego vero ita sen-
o, eam esse adjectam utreisque necessitudinem, ut vix
e alteris alteri constare satis possint. Quam rem, si pau-
diligentius perscrutari libuerit, vel in primis ipsa no-
s natura significare videtur, quæ nos semper, cum quid
εργατικόν volumus, impellit cogitque ad eam ipsam
m describendam. Tale quiderit è Trojano bello rever-
ntis, Hac ibat Simois, quæ est Sygeia tellus, Hic stete-
t Priami regia celsa senis. Ac rursus apud eundem, elo-
uens vir ille, Heic inquit Troja est, muros in littore fe-
e, Heic tibi sit Simois, hæc mea castra puta. Nam quor-
m hæc? nisi ut intelligatur, parum recte, humana eos
ione disjungi, quos natura tantopere conjunctos es-

se voluerit, ac quondam, ut diximus, necessitudinis vinculo fecerit esse cognatos. Quin etiam viros esse nunquam eos censuerim, quos Sculptoria hæc ars non oblectarit. Nam cum ex animo & corpore constemus omnes, si quomodo spes est immortalitatis, ac non partim vivere, partim & emori optamus, Quid rogo ad utriusque memoriam conservandam, hac arte convenientius? Quid & in hominum vita præstabilius, postquam ad aliquid peragendum nati omnes sumus, quam & disciplinis animum, & corpus hujusmodi præclaris artibus exerceri. Quando toga nos, & laurea nos, jam pridem deseruerunt. Equidem sic ego vitam à puero institui meam, nulla, quantum in me erit, ejus unquam pars sit ocio deputitura. Atque id temporis quod vel tessellis ludendo, vel urbem totam pervagando conteritur ab aliis adolescentibus, decrevi ad hæc ego sculpendi munera transferre, quæ mihi cæteris aliis artibus honestiora videntur, & his nostris (ni fallor) studiis accommodatiora. Nam quid rogo artem attracturo mihi aliquam, poterit honestius esse, ea illa, quam & Socrates, & ipsi etiam cum Socrate nostri Imperatores, non approbarunt modo, verum etiam diligentissime perexercuerunt? Nec vero censendi hæc Regi, quæ cæteræ istæ Sellulariolar, ut sic loquar, artulæ, sed qua potius deorumque hominumque, ac totius naturæ sapientissima imitatrix, quam qui non amat quam qui non complectitur, ut Philostrati verbis utar, veritatem non amat, sapientiam, quantacunque in Poetas cadere solet, omnem propulsat, ipsamque ab se rejici Symmetriam, sine qua nullum quidem dictum aut factum constare unquam potest. Hæc ego cum dixissem, valde inquit Regius, institutum hoc tuum probo, tibi que gratulor, nimirum ad sexcentos annos dicere primus Sculpturam cum literis conjunxisse. Sed perge, Valde quidem istæc me tua delectant, & jam dudum artem ipsam vehementius admirror. Quod si mea hoc ætas pateretur, profecto ei me totum dederem, longe enim inde mihi melius sperarem fore, quam ex Cicerone ac Quintiliano. Age

igitur

igitur Statuariam mihi amabo omnem ἀπὸρχῆς ἄχρι τέλους
 explica, ut cum Venetias postridie rediero, habeam quæ
 Pyrgoteli respondere possim promptius. Hic cum sub-
 ridere me animadvertisset Regius. Quid inquit, rides:
 Rideo inquam ὑπὸ βαρβαρικὸν τρόπον, uti istis videtur, te
 Venetias pronunciaſſe. Aſt cave, ne dum Græcitatem
 in omnibus ſectandam putes, parum etiam Latinus vi-
 deare noſtris Epyrotis. Tum ille; antiquum eſt inquit
 T. literam ſuo ipſius ſono proferri, ſed perge, ſatis qui-
 dem de hac re diſputatum heri à nobis fuit. Vix hæc dixe-
 ramus, ecce tibi pulſatæ concrepuerunt fores, Nuncia-
 tum eſt, veniſſe Nicolaum Leonum, virum ſine contro-
 verſia doctiſs. ſimul etiam Statuariæ juxtaque noſtri a-
 mantiſſimum, Peripateticæ iſ ſcholæ magiſter. Nec tamen
 ab Academia noſtra diſſentiens. Græcè philoſophiam
 eam, quæ eſt de rerum natura, edocebat, tanta omnium
 mortalium exiſtimatione, ut cum quolibet Græcorum
 Philoſophorum comparandus meritò videtur. Poſtquam
 igitur ei repente occurſum à me eſt. Oportunè inquam Ma-
 giſter, nam ad quod veneris ſcio, Putoq; id me tibi jam per-
 feciſſe. LEO. Belliſſime, ſed qui ſermones erant, cum
 ego adveniſſem, veſtri. De Sculptura ego inquam lo-
 quebamur. LEO. Pergite, nihil equidem mihi po-
 terit eſſe jucundius, quam de hac ipſa re vos diſſerentes
 audire. REG. Id ita hodie eveniſſe vehementer gaudeo,
 Nam & ego in partem beneficii liberior accedam, & tu ti-
 bi ſemel duos perſtringes. Hoc autem qui pernegare au-
 deas, Nunquid ego tum inquam, Regi jam dudum com-
 mutaſti animum, & velis forſitan Rhetorica illa tua de-
 relinquare, atque ad Sculptoriam pertranſire? Ille au-
 tem, Negabis igitur tu occaſionem ſequendam, ac ſi
 quod forte bonum acciderit, minime id captari oportere?
 At vero, ſi ita Ego inquam perſuaſum habes mi Regi, ab
 aliquo iſtorum, qui exercitent venditentque, exquiren-
 da tibi artis præcepta ſunt non à me, qui nullum unquam
 magiſtrum audierim, qui relaxare animos in ea ſim ſoli-
 tus, ac non deſatigare. Quomodo igitur, inquit ille, tan-

tum in hac arte profectum es consecutus, nullo doctore? Quod si tute tibimet *πόμπη* fueris, atque *αὐτοδίδακτος*, quemadmodum? id scire cupio. Ego vero tum inquam, nihil tam arduum, tamque admirabile in humanis rebus esse existimo, quod hominum non possit industria confici. Illud idem huic mihi usuvenit Leonice, quod in cunctis evenire artibus scripsit Aristoteles tuus, experientia ut adjutus ad id sola fuerim. Præclare quidem Polus hanc artis in experientiam fortuiti eventus, dixit esse magistram, LEON. Agnosco jam verba Græca, scilicet inquam meo auspiciu, meo & ductu, ita enim in arcanis custoditur ars, at non intimi modo ac familiares, sed ne germani quidem fratres, intro admittantur. REG. Sic sanè se res habeat, aggredere tu eam, & qualem ipse tibi confeceris explica. Neque enim te istorum esse similem putamus, qui sibi solis se natos existimant, invidentque bona cæteris. Ego vero inquam lubentissime, nisi quid fortasse Leonicus. LEO. Istuc ipsum, quei postquam confedere, ita ego exorsus sum. Et si hæc mihi potius è vobis intelligenda essent, non dubitabo tamen, quoniam sic vos velle video, potius quodcunque ineptitudinis obire periculum quam ullius ingratitudinis accusare. Equidem nihil vobis placere nunc ambigam. Liberius vobiscum agam, agam & familiariter. Ne autem ab nemore Pelio repetamus, satis quidem constare debet hoc omnibus, Sculptoriam artem, sicut & cæteras, variis ac diversis naturæ principiis originem habuisse. Nam sive casu aliquo, sive solertia cœperint homines, certa truncisve aut lapidibus, ex umbra similitudines imitando, naturam ipsam æmulari, disquisitione haud opus est, dum natura artificioque profecta ac perfecta omnia intelligantur. Statuarium quidem usum priscis omnibus seculis fuisse, tum Græcorum, tum etiam Barbarorum historiis manifestissimum. Earum autem fingendarum rationem hinc plerique natam arbitrantur, uti scilicet eorum, qui præclarum aliquod facinus peregissent, aut in vita quid utile adinventissent, memoria perduraret. Cæterique ad eos æmulan-

dos

dos ejusdem honoris , quo magis dari nihil posse videbatur , spe raperentur. Quæ causa Ciceroni fuit , ut Octavio Lepidoque statuas in foro decerneret : nonnulli vero ex mortuorum , aut eorum qui abfuturi erant desideriis , ut pleraque omnia apud Aegyptios id primum cœpisse tradiderunt , utcunque sive virtus , sive amor in causa fuerit , sive potius utrumque. Certe nihil ab homine majus excogitari potuit adversus mortalitatem suam , & adversus invidiam Deorum. Atqui quod egregiam civium virtutem significare potest , tantus Romæ Statuarum , & Privatarum & Publicarum numerus , ut non minor fictus quàm verus populus fuisse tradatur. Principes ipsi longo ordine suorum imagines , tanquam insigne nobilitatis unicum , Pompeia & Atriis præferebant. Docti vero , atque eruditi , non minus & ipsi Statuis signisque refertas Bibliothecas suas esse studebant , quàm libris. Mihi pol quidem Cicero ipse videtur non tam Verrem accusare , quam præclaram illam tot egregiorum artificum & signorum rapinam invidere. Sed nunquid priusquam de re ipsa dicere incipiamus , qualem velimus esse sculptorem , breviter ac summatim recenserebimus? LEO. Ut libet. REG. Perge igitur , ac sculptoris tui qualem velis imaginem nobis effinge. Tum ego sic , Primum quidem , ut ab summo capite incipiamus , nam supremo humili ne quis ortus loco recte agat , modo ille traditam dignitatem tueri studeat , hic partam adipisci , minime laborarim. Omnibus enim artibus quantum fieri poterit , instructum , ac planè literatum cuperem , qui scilicet quàm plurimarum rerum , & fabularum & historiarum notitiam habeat , Laudis deinde ac gloriæ studiosissimum. Nihil enim video , quid possit eruditio sine laudum cupiditate , Laudum ipsa cupiditas sine eruditione , ita alterum alterius præsidio semper innititur. Liberalem præterea ad minime fordidum , qualem superioribus annis Donatellum Florentium fuisse accepimus. Fertur enim ab iis , qui cum noverunt , pecuniolam omnem in Cistella semper habuisse , ita

se, ita ex officinæ tigno suspensam, ut quando vellet, & quantam quisque vellet accipere, atque uti frui suo jure potuisset. Præclarum facinus, atque ipso Donatello dignum. Prudentem etiam minimeque ineptum, qui scilicet certam quandam in omnibus rationem esse intelligat. Nam cum omnes verbi gratia Statuæ, pedestres fiant aut equestres, aut stantes, aut sedentes, aut incumbentes, publicis in locis aut privatis, togatorum hominum aut laureatorum erit diligens in singulis adhibenda ratio, qui ornatus quidve rem quamque deceat. Etenim accommodanda sunt omnia ad personarum, locorum, temporum, ac rei naturam. Nam quod in Græcorum proverbio est, non omnia eodem modo omnibus, cum in eisdem plerumque rebus diversissima esse ratio soleat. Alia enim in C. verbi gratia, Cæsare Imperatore, alia in cons. alia in eodem ipso dictatore convenient. Nec Herculem ipsum semper eadem decebunt, vel cum Anthæo luctantem, vel cælum humeris sustinentem, vel dea viræ amplexus petentem, vel Hylam quæritantem. Nam veluti hæc fieri eodem uno tempore nō potuerunt, ita nec semel eidem poterunt convenire. Non tamen quin singulæ interdum statuæ effici non possint, ita variis insignibus distinctæ, ut pleraque semel intelligantur. S. Scipio ante ætatem Cons. cum Imperio Carthaginem missus. Hasdrubalem prælio superavit. Carthaginem vicit, devicta Carthagine triumphavit. Pacem P. R. adtulit. P. Scipionis Statuam ita effingemus, ut & juvenis & cons. & imperat. & Bellator, & victor, & Triumphator, atque etiam pacificator dignosci manifestissime valeat, cujusmodi fuisse Domitiani Statuam ex Papinij sylva contemplamur, & Paridem ab illo factum, Pastorem, ludicem & amatorem. Antiquarium quoque qui sciat, cur verbi gratia Mars apud Romanos duplex, Gradivus & Quirinus, Alter in campo olim extra alter, in foro intra urbem colebatur. Cur & Venus apud Lacedæmonios armata, apud Archades nigra, apud Cyprios barbara virili Sceptro, muliebrique ornatu. Cur in Ægyra pone fortunam Amalthiæ cornu præfe-

præferentem Alatus amor ac mille ejusmodi, quorum omnium causas Sculptor tenere debet, ut cum quærat, quid sibi velit, ille in Theſſalia tres oculos habens Iupiter: Respondeat sic: Fertur id ſignum Laomedontis fuiſſe mox & Priami regis in medio Aulæ ſub divo ſacratum, Quod & noſter Maro innuit, Ædibus in mediis nudoque ſub ætheris axe Ingens ara fuit ad hoc ipſum cum à Græcis Troia caperetur, cum Hecuba uxore, ac natis fruſtra confugerat. Nam à Pyrrho interfectus illic tamen eſt, mox deinde id ſignum à Stheleno Capanei Lariffam, translatum. Quod autem quiquis ille fuerit artifex tertium in fronte oculum fecerit, puto ob hanc cauſam, ut triplicem Iovis poteſtatem ſignificaret, duobus terram & mare altero cœlum ſpectat. Idem rogatus, quid faciant in Lyſimachi regis fronte Cornua. Quid in C. Cæſaris vertice ſtella, In M. Bruti pileolus, ac duo pugiunculi, Rationem reddens dicat, illum de Alexandri ſacrificio, ſolutis vinculis elapſum taurum-ambabus manibus comprehenſum tenuiſſe. In alterius cæde Cometem apparuiſſe. In huius autem præclaro facinore Pileatam plebem, libertatis enim ſignum pileus, per urbem excuſſiſſe, viſamque Bruti & Caſſii Pugionibus libertatem reſtitutam fuiſſe. Sed enim cum Equeſtres potiſſimum ponantur Statuæ, ſi modo ruſtico Equitatu Equitem deformare noluerit, Nonne optimum inſeſſorum cum eſſe oportebit? aut ſaltem equitandi rationem ipſam tenere? Ea autem quando vix eſt & noſtris militibus cognita duplex. Vtinam hæc mihi contigiſſet, interpretari potius quam edocere. Nam Sarmonis olim nihil, & ſi qua à Polluce tradita præcepta ſunt ad rem noſtram nihil. Altera quidem, qua levites vehimur, cujus ratio & cæteris qui equo vehuntur communis. Altera qua ſcutati in prælium ducimur. In illa aſſidentis ſpecies eſt, in hac verò aſtantis. Curvabuntur illic poplites, hinc intenduntur, Pedes illic planam habebunt firmitudinem, hic digitorum extremitatem deflexam, qualis eſſe ſolet contra innitentium, ad equi aures directam, ne ſtimuli ſemper

ilibus admoveantur. Quod quidem facilius fiet, si illic ad equitis sesquicubitum, heic ad bicubitum protensis stationibus offirmati pede fuerint. Illic molliter supina cervice pectus ostentatur: Hic fortiter declinato vertice sinister humerus præfertur. Illic levem interdum virgam habere dextra solet, Hic hastam, ensen, aut clavam gestare, lævaque regendis nunquam cessabit habenis. Nam qua moderandus sit arte: equus, cum jaculatur, quid cum punctim cæsimve feritur observandum, ut sit Clogmo ad cursum sonipes excitandus. Interdum & Poppisimo inhibendus, paulo remotiora, Nec plus id doctrina quàm exercitatione comparabitur. Nos vero ad nostrum Sculptorem, scilicet quam maxime *εὐφραντισίαντος* esse debet, qui videlicet dolentis, ridentis, ægrotantis, morientis, periclitantis, & ejusmodi infinitas animo species imaginetur, quod etiam Poetis ipsis & Oratoribus quàm maxime necessarium. Nec tamen nisi quatenus ipsa rei natura patietur, ne velut ægri somnia vanæ fingantur species, dolentis illud, Excussi manibus radii revolutaque pensa, Morientis hoc, Sternitur infœlix alieno vulnere cœlumque aspicit, & dulces moriens reminiscitur Argos. Vt reliqua omittamus, quorum exemplis refertissimus est idem Poeta, Quid? Nonne ipsos ante oculos vestros habere videmini, Consternatam audita morte filij mulierem, atque ipsam peregrini hominis moribundi mentem? Quid vero & illud? Pulchrosque per artus It cruor, inque humeros cervix collapsa recumbit. Item, atque illi in partibus æquis huc caput atque illuc humero ex utroque pependit, Corruit in vulnus gemitum super arma dedere, Sternitur infœlix Acon & calcibus atram Tundit humum, expirans. Ac mille ejusmodi quæ apud hunc Poetam invenias. Præterea & *παῦλαληπτικός*, hoc est, qui omnium quas exprimere voluerit rerum conceptas animo species contineat, reddatque. Sed nunquid rerum omnium concipiendæ Sculptoris animo species? Plane omnium, sed ut Philosopho rerum cunctarum cognitio datur, ut hominem, seque

que cognoscat, Medico succorum vires, ut hominem sanet, Civili Legum atque actionum scientia, ut hominem in officio contineat: Ita Sculptori rerum omnium species comprehendendæ, ut hominem ponat, quo tanquam propositum tota ejus & mens, & manus dirigenda, quam Satyriscis, hydrys, chimæris, monstris denique, quæ nusquam unquam viderint, fingendis ita præoccupantur, ut nihil præterea reliquum esse videatur, Dii Deæque omnes neminem unum esse, qui quo sibi proficiscendum sit videat, qui ad finem respiciat. Supreme parens Iupiter, ita ne nos miseros mortales in Cebetis tabulam relegasse, ut qui sanus inveniatur sit nemo, ut qui ab Apate ebriacus factus huc illuc non rapiatur sit nemo. Et tamen sibi quisque sapimus omnes. Nec vero solum nostri Sculptores, quibus jam ob ignaviam ignoscendum, spumantem ab illa pateram hausere. Verum & isti, quos tu festive gregarios appellare soles, Philosophi tui Leonice, ita sese madidos proluere, ut nulli mortalium deerent magis. Nam cum omnia ἡδὲ π' τέλει dicant, illum tamen quem sequamur, ipsi finem non vident, sed esto jam hoc nostrum in parergis insectandis parergon, nos ad Sculptorem nostrum revertamur. Abesse quidem ab eo omnis debet *κολακεία*, hoc est, ne quid formæ supra veritatem adjiciatur. Quæ cum cæteris in rebus improbe fiat, tum vero in Sculptura improbissime, ut quæ non unum semel eblandiens fallat, sed frustretur perpetuo cunctos. Ad summam, nisi quis præter dexteritatem ingeniosissimus sit, ad Sculpturam venire neminem permittamus. Nihil autem, ut sæpius eodem revolvamur, sine literis, sine eruditione, Literas vero atque eruditionem cum dicimus, illarum potissimum disciplinarum cognitionem intelligi volumus, quæ à Græcis *μαθηματικά* dicuntur, Arithmeticam, Musicen, & Geometriam sine quæis perfecti quidem esse nihil potest. Non tamen qui prorsus ego inficias ire audeam non inveniri, atque extare quàm plurimos, qui & si illiterati, excellenter tamen multa, Neq; enim idcirco quenquam vituperamus,

hort

hortamur potius omnes , commonefacimus omnes , id quod certissimum , id quod & optimum sit sequantur. Novi equidem plures , quibus si qua supra adcessisset doctrina , haberemus sanè nunc quos cum antiquioribus ipsis comparare possemus , ita ad eam , de qua nunc agitur , rem , aptissimi sunt visi. Neque vero ferenda hoc loco nonnullorum ignavia , qui cum in hunc sermonem mecum incidissent , non veriti sunt dicere , conferre quidem si adsint , sed non omnino necessarias Sculptori literas. Satis ei esse , ut ajunt , artificium , & quatenus licebit naturam sequi. Recte id quidem , sed ubi rogo istud invenietur artificium? Num quotidie in templis , in porticibus , in plateis in foro stupefcentes astare , in privatis cerdonum ædibus versari. Refertas omnibus signis cellulas habere , gypso plenas arcas custodire , mirari rursus spectare , inhiare , quod belli apparuerit imitari , in vestrum opus transferre. Dicemus id esse artificium ? Dicemus id esse naturam sequi? Atque id quidem non multo secius est , quam si quis Poeta aut Orator foris futurus , hinc atque inde de Vergilio Ciceroneque verba suffuretur , ignarus quoque quid tum agat. Sed non possum equidem non mirari , cur tamen ipsi sua ratione nequeant , quod olim Phidias , Polyclerus , Lysius , Chares , quodque nuper Donatellus. Nempe quia quibus illi excellebant , doctrina omni & eruditione carent , quia & Donatelli abacum non habent. Scitum quidem est , quod fertur de Donatelli abaco. Is cum rogaretur à M. Balbo nobili viro , inspiciendi sui abaci copiam faceret. Respondit , postridie mane domum ad se veniret , idque se quàm lubentissime facturum. Ille ubi venit , prandioque susceptus est , præter hunc quem hic vides , inquit Donatellus , nullus est mihi Balbe alius abacus , nisi quem soli mihi contueri licet , quem nullis impedimentis , nulla sarcina mecum ipse semper porto. Si tamen videre quid cupias , afferte huc Pusiones cum stylo papyrum , Illicet depromptam abaco quancunque historiam dimirabere , sive Palliatos sive Togatus , sive & Nudos spectare libuerit. Sed prorsus jam valeant , qui non
censent

consent oportere Sculptores literatos, hoc est ingeniosos esse: Etenim cum nihil plane quicquam effici possit, quod notione prius atque idea cognitum non fuerit. Quo me melius feram, si quis à me Colossus effabricaretur, quàm ad Vergilii Polyphemum, illum quem mecum ipse vehementer mirari soleo, Monstrum, horrendum, informe, ingens, aut ad Homeri hunc:

Καὶ γὰρ θάυμ' ἐτέτυκτο πελώριον ἔδ' ἐώκει

Ἀνδρείεσι το φάγ' ἀλλὰ ρίω ὑλήεντι

Ὑψηλῶν ὀρέων ὅτε φαίνεται οἷν ἀπάλλων.

Amabo vos, nunquid vivaciorem intelligitis, ipsum Donatelli Equum, quo nihil quidem perfectius esse volunt? An hunc qui contreranei mei Poetæ versibus sic exprimitur?

At Sonipes habitusque animosque imitatus equestres,

Acrius attollit vultus, cursumque minatur,

Cui rigidis stant colla jubis, vivitque per annos

Impetus, & tantis calcâribus ilia late

Suffectura patent, vacuæ pro cespite terræ

Aenea captivi crinem tegit ungula Rheni.

Age si quempiam fabricari equum velletis, propositis hisce duobus tanquam modulis, Vtrum potis imitandum Pomponio juberetis? scilicet videbunt plus isti, quàm Deus ille Statuarius Phidias, qui quum Olympicum Iovem perfecisset, passus est, se non alio illic magistro quum, quàm his Homeri versibus.

Ἡ κ' κυανέησιν ἐπὶ φρουσιν ὑστὶ κροῖων

Ἀμβροσίαι δ' ἄρα χαίται ἐπερρώσαντο ἄνακτι

Κρατὸς ἀπ' ἀθανάτιο μέγαν δ' ἐλέλιξεν Ὀλυμπον.

Annuït, & totum nutu tremefecit Olympum, quid majus vel dici, vel intelligi potuit? Nonne ipsum prope Iovis imperium Majestatemque verbis ipsis effinxisse videtur? Habetis igitur, qualis esse debeat is, qui optimi Sculptoris nomen sit consecuturus, non quidem Platonis nostri civitatem, aut Ciceronis Oratorem, sed qui facillime & inveniri & extare possit. Si vero haud satis probabiliter à me dictum esse videbitur, expecto quid & vos sentiat.

tis. Nihil etenim mihi certius videri poterit, quam quod vobis placuisse cognovero. REG. Recte mihi quidem omnia. Et profectò simul tantum dignitatis atque auctoritatis adjecisti, ut quæ antea diligere videbar, nunc deamem. Sanè quidem sic res se habet, & tecum jam sentio, non modo Sculpturam sine literis, sed ne literas quidem sine Sculptura consistere posse. Atque ut necessariam Oratori Juris Civilis scientiam Fabius, ita & ego cæteris scriptoribus necessariam γραφικὴν existimabo. Sed amabo te inquit, quandoquidem multum ocii nobis hodie datur, atque hujus novæ artis avidi facti sumus. Sequere, satis quidem & laudata à te Sculptura est, & optimum Sculptorem effinxisti, qualem te esse & verbis, ut inquiunt, & rebus significasti. Aggredere igitur & reliqua, ut cum artem ipsam demonstraveris, nihil planè huic sermoni nostro defuisse videatur. Tum ego, libenter inquam, ac postquam ultro non invitati ad prandium nostrum venistis, faciam qualitercunque, ut nunquam hodie à me, nisi ad plenum exatiati recesseritis. Itaque tum id illis expectantibus, jamque ad audiendum apparationibus, cœpi ego sic. Fieri quidem Statuas ex diversa, uti & nunc materia, semper consuevisse, notissimum. Ex ligno: Gens primum truncis ac duro robore nata. Ex Ebore, ex Argilla, ex Gypso, ex Lapidibus, & ex Metallis. Qui Ligno Eboreve Statuas conficiunt, Defectores vocentur. Qui Argilla. Græco vocabulo πλαῖται, à nobis Fictores nominabuntur. Qui Gypso, si placeat γυψοχόοι, qui Lapidibus, quos video à quibusdam λιδοξόοις appellari. Quoniam præcipuum ac peculiare magis marmor, Marmorarii, Itemque à Scalpendo Scalptores, qui Metallis γλύπται, à nobis Sculptores. Excussores enim ærarios quos Græci χαλκίας vocant, eos dicemus, quicunque vasa aut quid tale fabricantur, Statuvariorum vero appellatione, quos ἀγαστρατοποίεις illi appellant, generaliter omnes continebuntur, qui quovis pacto Statuas effingent. Statuaria igitur omnis in quinque distincta species est. Cum Ligno Eboreve tractabitur, ab abscindendo τομικὴ dicetur.

Cum

Cum Argilla, quoniam figulorum est, πλασικὴ nomina-
bitur. Cum Gypso, quod eo typos imitamur, παραδειγμα-
τικὴν nos Exemplariam appellare poterimus. Cum La-
pidibus, ubi scalpello utimur, à percussione κολαπτικὴν,
sive Sculpturam. Cum vero Metallis γλυφικὴν, hoc est
Sculpturam. Cujus quidem ratio duplex, Nam aut cera
fabricantur, & à deducendo ἀγωγικὴν. Aut informantur,
& à fundendo χημικὴν enuncupabimus. Hæ autem ita in-
ter sese omnes junctæ connexæque sunt, ut cunctas no-
visse videri poterit, qui unam earum aliquam noverit. So-
la enim circa quam versantur materia differunt, arte verò
ipsa atque intentione conveniunt. Ex quibus quoniam
γλυφικὴ, uti subjecta materia, ita & artificio multiplicior
est, eam expediemus. Ac primum περὶ ἀγωγικῆς. Neque ve-
ro expectetis à me, ut dicam quo in cera, quo ve in creta
sit temperamento utendum, aut quam in omnibus dili-
gentiam adhibendam. Non enim nunc τὰ πρὸς τὴν πρακτι-
κὴν. Cum voletis autem ego vos ad officinam vocabo.
Cera tamen ad id quod volumus medicabitur, quam com-
modissime πικρὰ σφαλτα, quam vulgo alii ex vocabu-
lo Græcam, alii ex loco Hispaniam Picem vocant, si prius
oleo aut pauculum sevo colliquata fuerit, quarta portio-
ne. Medicabitur & cæteris Resinis, præcipuè Terebin-
ti, Piceæ, ac Lentisci. Nonnulli eam quæ deraditur è
navibus Picem præbant, & qua ferrum vernicatur. Sed
hoc non nisi in iis, quas manere voluerimus typos. Tere-
bintina autem, Piceque & Armenio rectius, usos eo
plurimum in signis veteres animadverti. Quod si duri-
cies expetatur, in Sigillis, Cera Punica ubi delicit, ce-
russæ pulvisculum bibat, fermè ad æquale pondus. Ea
sic & niveum candorem æmulabitur, & marmoreum ni-
torem præstabit, sed hoc non erat propositum. Ἀγωγικὴ
igitur, quam nos Ductoriam vocemus, duabus hisce con-
sumitur rebus, γραφικὴ & ψυχικὴ, Graphicen vero, quam
nostri in scriptore descriptionem, in Pictore & Sculptore
designationem vocaverunt. nam Lineationem quæ γραμ-
μικὴ dicitur, Architecto damus, usque adeò necessa-
riam

riam Sculptori judicavit Donatellus. Sic enim accepimus, ut plerunque discipulis dicere solitus fuerit, uno si verbo Sculptoriam artem eis omnem traditurum, cum dicebat, Designare, &c. Et profecto id est totius Sculpturæ caput ac fundamentum. Ea vero duabus etiam hisce rebus maxime constat, *συμμετρία*: quæ nondum sibi Romanum nomen invenit, nisi fortasse Latinam linguam augentes, ut Cicero ait, commensurationem dixerint. *ὀπτική* quam perspectivam appellant. De Symmetria igitur nunc pauca dicamus. Quia in re illud à tua philosophia non alienum Leonice, considerandum, hominem ipsum quem præcipuè dimetiendum suscepimus, materia constare & forma. Formam autem hic nunc eam intelligemus faciem, qua hunc ab illo discernimus. Materiam verò corpus ipsum. Corpus autem omne in treis dimensionibus partiri, in longitudinem, amplitudinem, profunditatemque. Formam vero ipsam lineamentis comprehendendi. Quare de corporis Symmetria primum, mox de lineamentis. Mensuram igitur, hoc enim nomine Symmetriam intelligamus, cum in cæteris omnibus quas natura progenuit rebus, tum verò in homine ipso admirabilissimam & contemplari & amare debebimus. Ita enim undique exactissime dimetiatis partibus compositum est nostrum hoc corpus, ut nihil plane aliud quam Harmonicum quoddam omnia absolutissimum numeris instrumentum esse videatur. Sed age, Non enim de Timæo Platonis, qui & à Cicerone Latinis explicatus est literis, hominem ego vobis referam, quod ad nostrum hunc institutum sermonem attinet, cum longe aliter quam Architectus, vivum stantemque dimetiamur, scilicet in novem de longitudine portiones. Ita etenim hominem ipsum solers natura formavit, ut faciem hanc summo loco spectandam proponeret. Cæteræque totius corporis partes commensum inde susciperent. Constat autem ipsa tribus pariter dimensionibus una erit ab summo frontis, qua capilli nascuntur, hinc ad intercilia, Altera hinc ad imas nares, ultima, ab naribus hinc ad mentem, Prima sapientię

scientiæ secunda pulchritudinis, tertia bonitatis sedes.
 hæc autem ipsæ per se, ut ajunt multiplicatæ, integram,
 quanta erit humani corporis staturam reddent, novem
 portiones. Prima erit facies ipsa. Secundam faciet portio-
 nem pectus. Ab summo stomacho ad umbilicum tertia,
 Ab hoc ad imum femur. Quarta, duas continebunt co-
 lendices ad poplitem, Totidemque ab hoc ad nodum
 crura. Pars autem hæc infima, quæ est à nodo ad mani-
 plantam, Gutturque hoc quod est ab summo pectoris ad
 summum gulæ. Atq; hic semicirculi arcus, qui fit ab sum-
 ma fronte ad summum verticem, unam aliam conficiet
 portionem. Nam horum juncturæ nodi poplitesque tan-
 quam interfinia nullis suam cedunt proprietatem. Con-
 stabit igitur humanæ staturæ longitudo, portionibus, ut
 dictum est, novem. Quamquam alii octo, Alii quod ra-
 tius est, est enim tanquam in Musice dissonum ferimè, se-
 ptem, Alii, quod & rarum etiam est, decem fecerunt. Nos
 medium, & quod in plerisque omnibus mortalibus fre-
 quentius erat, secuti sumus. Ac de Adulto loquimur vi-
 do, non de putis infantibus, quorum in longitudinem men-
 sura omnis nisi quatuor constat faciebus. Nam per singu-
 las ætates Symmetria, quæ in prima, media, atque ultima
 ætate, item adolescentiâ, juventute & senectute depre-
 hendatur. Certi nihil nunc afferre possemus. Et jam cogi-
 amus in puero, si quis mihi nepos ex sorore nascetur, cam
 annem observare, atque observatam literarum moni-
 tentis demandare, ut aut beneficio mihi gratam poste-
 ritatem devinciam, aut certè ad aliquid semper quod ex-
 ediat excogitandum exemplo excitem. Nonne summa
 ultitia est, hominem terrasque tractusque maris, cœ-
 lumque profundum dimetiri, & suam mensuram ignora-
 re? Brachiorum autem alterutri, pariter lacerti, sesquial-
 teram continebunt portionem, manus una aliam, Quam-
 quam sint qui metiantur sic: Ab humeris extrinsecus ad
 juncturas articulorum, ab Ascellis vero intrinsecus ad
 confinia palmæ ac digitorum, facies tres, alterutri autem
 articuli una. Quomodocunque id parum refert, modo

brachiorum tota longitudo septem contineatur faciebus ut dispersæ manus rectam ipsam corporis longitudinem definire inveniatur. Pedes autem ita ab extremis talis ad extremum unguem producuntur, ut eandem bis ter & uno altero tribus ferè minus digitis commetiantur. Non enim hoc loco obscœni dei semipedalem fuscinam, aut deformem illum; unde egressi omnes sumus hiatum, ut nonnulli dimetiendum curabimus, cum præsertim latère semper nisi in pueris honestissime soleant. Consideranda verò & ipsa inter se partium *ἀνάλογία* quam alibi proportionem, hic ni fallor, propriè commensum dixerimus. Quanta est longitudo ab interciliis ad summas nares, tanta erit productio menti ab jugulo. Quantaque est ab summis naribus ad mentum, tanta ab jugulo ad imam gulam. Hoc est semiportione, quantum est superioris labri intervallum ab ore hinc ad nares imas, tantundem erit summarii narium prominentia ab labro, tantundemque & oculorum ab interciliis ad interiores angulos concavitas. Præterea in manibus; quod est extrinsecus ab summo ungue indice ad juncturam hanc imam, continebitur semiportione, Ac rursus hinc ad eam qua brachio colligatur manus alia. Sic & intrinsecus ab summo ungue medio. Primus autem hic indicis articulus major, correspondebit fronti. secundus hic cum Onychio ad extremum unguis naso. Primus item medii, huic quod est ab naribus ad mentum, ejusdem secundus, huic quod ab imo mento ad inferioris labii supremum, ejusdem Onychius huic quod est ab ore ad inferiora narium. Indicis eodem ab supremo labri superioris. Major pollicis articulus coæquabitur huic, quod est ab mento ad summum labii inferioris. Minor huic quod est ab nare ad eundem. Onychiorum autem articulorum omnium dimidiatam sibi partem occupabunt ungues. In latitudinem verò frons, ab hac media, quam & discriminaticem appellare possumus linea, hinc inde ad prima hic tempora definitur, sua bis longitudine. Ab interciliis ad extremos oculo-

um angulos, atque hinc ad primas aures harumque longitudo, tantundem. Id verò spacium quod est inter utranque extremitatem oculorum. Ex duabus iisdem dimensionibus, in treis partes distinctum, duas oculi, unam sibi intermedius nasus vindicavit. Oris latitudo si per summum labii metiamur, respondebit fronti nasove. Sin circino illi spacio, quod est pollicis articulo majore definitum, ab labro superiore ad mentum. Pectoris latitudo faciebus continebitur duabus, spacium inter utranque mammillam una. Earumque certus situs ab inferiore gula, ejusdem dimensus circino deprehendetur. Palmaris autem plantarisque latitudo definiri semper invenietur semiportione. In altitudinem vero quæ sola circumlatione comprehenditur, ex supradictis mensura captabitur, hoc modo: Capitis per medium frontem altitudo, portionum est trium. Item & summæ coxendicis, per occipitium à summa fronte ad cervicem duarum. Itemque & infimæ coxendicis colli duarum. Pectoris per alas ad tergum quinque. Ventris per medium quatuor. Lacertorum, coxarum, crurum, pollicis, cæterorumque articulorum, summa circumferentia nunquam plus eorundem longitudine membrorum. Extremum brachii propter juncturas manuum portione, propter nodum tibie etiam quarta. Altitudo autem hæc, quæ est ab imo talorum ad summum pedis, respondebit longitudini, quæ est, istinc ab summo pedis ad extremum unguem. Colli circumlatio ei parti quæ est ab summo pectoris ad umbilicum; Corpus ne hoc quod tanto sit commensu fabricatum, an exactissimam potius Harmoniam esse dicemus? Qualem rogo Geometram? qualem & Musicum fuisse existimabimus eum; qui hominem ita formavit? Qualem vero esse oportere eum qui talem typum sit imitaturus? Laudatur Iulius noster, quod palladium illam Mantennii nostri turbam, Cæsareosque triumphos tam bellissime sit imitatus. Num alius quispiam picturæ ignarus illud idem effecisset? Num aut Homerum; aut Demosthenem ad Vergilii Ciceronisque æmulationem imitabitur quis, qui

Poëticam Rhetoricamque nescierit : Nisi fortasse cum dixerimus, qui nuper ducta circino de Vergilii versibus mensura ad suos, deesse nihil aliud existimabat, planeque sic tanti Poëtæ videri etiam æmulus volebat. Equidem omnes, qui nunc vulgo habentur Statuarii, haud multum dissimiles ab illis scriptoribus existimarim, quos noster Calpurnius dicere solitus est, casu quodam tesserali verba jacere, Nec nisi ipsos rerum successus expectare. Intellegendum est autem, ejusmodi Symmetriam cunctis mortalibus, præterquam monstruoso, atque isti Pygmæo, qui in deliciis habetur populo, convenire, deprehendique in omnibus non secius quam Enharmonicum concentum in Musicis instrumentis. Vtenim in Cithara chordæ si protendantur, exacuetur accrescetque sonus. Sin contra laxatæ fuerint remitteretur, eritque nihil minus eadem numerorum proportio. Ita & heic sive accrescat quantitas sive decrescat, idem tamen ipse commensus extabit. Neque enim paulo evidentiore exemplo agam, Andrion, Vincentius ac Vigetius Tarvisianus à Peireio Honorioque Sophistis, Symmetria, sed pineali differunt proceritate. Nam quantum illi universos totis humeris præcellunt mortales, tantum hi à cæteris exuperantur mortalibus. Sed de Symmetria jam satis, quanquam nihil de ea satis dici potuerit, scilicet de sculptorum parente, artificiorum omnium nutrice, amica totius generis humani, ex qua tantam jam laudem consecuti sunt, antiqui omnes & Statuarii & Pictores, & Architecti. Hinc est enim illud quod mirum videri solet omnibus, cum dicitur Artifices XXV. diversis & locis & temporibus ita statuam confecisse, ut ab uno semel facta esse videretur. Ad mensuram videlicet eadem conveniebant omnes, Eadem utebantur proportionem omnes. Hinc quoque est illud Pythagoricum admirabile, Herculis statutam ex olympico stadio adinventam hinc & mille alia, quæ cum dicuntur, miracula quidem audiri mera putantur. Verum enimvero intelligendum hoc loco quatuor prorsus esse ordinis Statuarum, pariles, magnæ, majores, maximæ. Pariles quidem fient, cum ejus
qui

qui exprimitur Staturam undique præsentabimus, Dantur hæc benemeritis ac sapientibus viris, Armodio & Aristogitoni, Homero, Soloni, Hippocrati, Gorgia, Berofo, Pythagoræ, Platoni. Ex nostris L. M. & D. Brutis, Q. Mutio, Clericæ viragini, M. Catonibus, Q. Ennio, M. Varroni, P. Vergilio, M. T. Ciceroni. Nunc nisi capiciatis. Magnæ fient, cum infra sesquialteram Statura continebitur, quæ & Augustæ dicuntur, quod Regibus Augustisque Imperatoribus dicarentur, Phoroneo, Lycurgo, Temisthocli, Zersia, Alexandro. Ex nostris Romulo, Numæ, Tatio, Cn. Pompejo, C. Cæsari, Cn. Octavio, ac reliquis quei in Deorum numerum referebantur Cæsaribus. Atque hinc arbitror illud quod moritura Dido sic queritur: Et nunc magna mei sub terras ibit imago. Dolet enim abnegari sibi & Statuam & ἀποδείωσιν, quæ minime dabantur iis, qui sua sibi manu turpiter mortem conscivissent. Majores dicentur, quando ad alteram excreverint. Ponuntur autem hæc solis Heroibus, Libero patri, Herculi, Theseo, & ejusmodi. Maximæ vero fient, quando ter geminabitur humani corporis statura, itemque rursus ac rursus. Quæ quidem statux vel à specubus, uti ego opinor, vasta que intus inanitate: id enim est κολονώσων: vel ut alii ab noxia radiorum effusione, quæ fieri solet ejusmodi moles intuen-do, vel ab authore ipso colossi sunt denominatæ. Non possum hoc loco Regi non ridere intolerabilem istorum Grammaticulorum inscitiam, qui ab eo ipso insigni Rhodios Colossenses dictos existimarunt, ad quos extent Pauli perbreves Epistolæ. Verum an Colossenses ij sint, non plane affirmarim. Stephanus tuus, nam cætero mancus mihi est. Coryssem Ephesiam scribit fuisse urbem, à qua Coryssienfes Dicebantur autē ejusmodi Statux Diis, Opt. Max. Iovi, Minervæ, Apollini, Marti, atque id genus cæteris. Quanquam Romani & Barbari Reges eas ipsas sibi, veluti & Augustiorem Aëtius vindicaverint. Extat etiam nunc Baroli, quod oppidum Apuliæ est ad Cannas Heracli Colossus. Mihi quidem æternum tristissimæ re-

cordationis ob acerbissimam patris memoriam. quintus nunc agitur annus, ex quo proxime illic eum sepulturæ demandavimus. Sed jam mentem ad id, quod nobis propositum est, revocemus. Accidit autem sæpissime, ut rem ipsam, ex diverso minorem faciamus. Hoc etiam erit diligenter considerandum. Nam aut erunt parvæ, aut minores, aut minimæ, hoc modo. Secetur, verbi gratia, quæ novem consistat dimensionibus, Humana statura, hæc in has treis partes, hæc mox singulæ in trinas, Parvæ infra hanc portionem constabunt, quæ est ad sex, Minores, quæ est ad tria, Minimæ, quæ ad unum. Respondebuntque inferiora hæc superioribus inter se, sic, Primum hoc minimæ partis spacium, Spacio quod est minoris, quarto, & quod est majoris septimo, secundum quinto & octavo, Tertium sexto ac nono. Horumque rursus partes partibus. Quod si identidem fiat, Quantavis Colossæam vastitatem pedali jam mensu definiverimus, hoc modo. Vtrunque vero siye majorem siye minorem ipsam rem feceris, asservata etiam qualitate, semel in hunc fiet modum. Estoque hoc Gymnicum Athletæ corpus, ducantur nunc lineæ hinc à planta in directum huc usque, una dimensione, Item hucusque altera, item hucusque & altera. Ab summo autem vertice ad hujus extremum hæc. Si igitur intra hoc primum spacium referri eandem oporteret. Sic. Quum ab parilitate cadat, parvus dicetur. Si intra hoc secundum, nam ferme ad medietatem usque descivit minor. Si intra hoc tertium minimus, hoc videlicet spacio minutissima quæque finiuntur. Ducentur item ex diverso in directum, ambæ ad eandem unam dimensionem lineæ Si proximior hoc intus adaugeretur spacio, magnus Si hoc alteroq major, Sin & hoc postremo maximus dicetur. Præterea ducatur ab inferiore hoc majoris spacio angulo per summum apicem, triplici ejusdem in directum mensse, sic ter geminabitur. Qua quidē ratione pueros adolecentes, senes quod antea mirum videri poterat. Eosdem ipsos magnos, parvos, majores, minores, maximos efficiemus. Hujus autem diversitatis ratio opinor hæc est, ut minores fierent,

vel inopia vel transportandi commoditas effecit, ut vèro in centum & amplius aliquando cubitos accrescerent, opulentia atque excellentior personæ dignitas. Æquum enim est, ut qui animo & auctoritate præcellunt, corporis etiam dignitate cæteros præstare videantur. Quod ipsum innuere videtur Homerus, his ipsis carminibus, quibus Vlyssæm facit ornari à Pallade. Olli multiplicem, ex humeris tritonia pallam componens, auxit corpus, lætæque inventam. Vnde paulo dehinc post tanquam aliquis de cœlestium numero videretur. Sed ô certe divinam Mantuani nostri fœlicitatem, qualis verò illa obstupescens Reginæ admiratio. Tunc ille Æneas : nonne ex superiore illa causa processerat, Os humerosque Deo similes. Cyrum quoque post præclaram illam de Assyriis victoriam scribit Xenophon circa cultum majestatemque corporis diligentissimum Alexandrum Macedonem, Curtius ob pusillitatem ab Amazonum Regina Talestri habitam contemptiorem. Eundemque mox in castris ubi fuisset, amplioris formæ monumenta in posteritatis miraculum relinqui jussisse. Quam etiam causam fuisse existimo, cur augustiores specie humana videantur imagines nostrorum. Neque enim id tam in causa erat vulgo, ut imperiti existimant, quod multum ex ea re diminutum iri videbatur, si statura magnitudine fuissent, cum de alto prospectandæ ponerentur, quam quod excellens augustioris ejus dignitatis ratio servabatur. Illæ autem ipsæ Statuæ, quæ Diis fiunt, siue audacta, siue & retenta humani habitus æquabilitate Græcis εἰδωλα, propriè à nobis simulachra nominantur, Martis, Veneris, Minervæ, Cupidinis, Fidei, Fortunæ ac cæterorum Deorum, qui corporeis omninò formis carent. Quæ Heroibus illi ξόανα. Puto tamen initio sic vocatas omnes, maximèque numinum Aegyptiorum. Quæ Regibus ἀνδράντας. Quæ sapientibus εἰσιλα, Quæ autem bene merentibus viris βερίτα vocarunt. Nam ἱερὰ γὰρ quemadmodum & in Pictura εἰκόνες, de vultu opinor sunt, deque membris ipsis expressæ similitudines, quas nos imagines appellamus. Nam in reliquis frustra ullam

niemus appellationem, nisi fortasse unico vocabulo effigies dixerimus. Figura enim ea est, quæ in plano designatur lineæ, circulus, hominis atque equi circumscriptio quod ab illis σχῆμα nuncupatur. Ἀγάλματα quidem olim Homeri temporibus dicebantur, quævis templorum ornamenta, quæ spectantium animos afficerent, unde & nomen quod vulgo etiam remansit, habuere. Posterius vero generaliter & ipsæ Statuæ, quod ex iis potissimum ejusmodi ornamenta constarent. Quæ verò infra humani habitus staturam fient, universæ omnes Signa vocantur, unde & Sigilla, quæ intra minimam hancerunt portionem, Cubitalis Palmarisve altitudinis, vel etiam quantum fieri poterunt Tantillæ, hoc est parva signa. Sed certe stultus ego, qui Grammaticam docere vos volui. Equidem nescio quomodo imprudens huc exierim. Datur tamen mihi nunc venia, si & Cicero idem sæpe fecerit. REG. Placent nimirum hæc, cum ita suo loco dicuntur. Nonne & summi quoque Philosophi interdum functi sunt munus Grammaticorum? Iuris autem Civilis cognitio num aliunde dependet? Equidem non Ciceroni modo, sed cuius *γραμματικότερα* liceret arbitror, triduo posse se Iurisconsultum profiteri. Perge, Tum ego sic, Postquam igitur de Symmetria diximus, dicendum nunc de Lineamentis. Lineamenta autem sunt rectæ congruarum linearum ductiones, ad uniuscujusque speciem demonstrandam. Linearum vero aliæ extremæ, quæ & ambientes dicuntur, cum extrema complectimur. Aliæ vero intermedix, cum res medias significari, membrorumque juncturas distinguere volumus. Ambientium autem ducendarum ratio, ex actionum varietate multiplex ac penè infinita. Possem ego totum hunc æstivum, quantus est diem consumere demonstrando, ut isti aridiorem ex triangulo, plenior ex quadrangulo faciem constare doceant, uti intra horum fines, reliquum omne corpus sic intercludi oportere disputent. Recto quidem ut qui Platonis Timæum perdidicerint. Sed ab hac nostra docendi certissima serie aliquando remotius. Com-

pertum

pertum enim habemus Lineamenta omnia, ex ipsa corporum Symmetria, ex Optica, ex Physiognomonia sumi, De Symmetria dictum. Mox verò de reliquis. Si prius ducendorum Lineamentorum rationem à me pridè in picturis excogitatam monstravero. Corporum quidem omnium latitudinem, nam longitudo fit semper. Altitudo autem umbris luminibusq; significatur, si depressa sint, ut pectus tergum, liber sua descriptione, Sic si rotunda, ut caput, collū, brachia, coxæ, crura, digiti, columnulæ, & ejusmodi, ex tertia suæ in circumferentiam dimensionis parte finiri, hoc ut videris pacto. Nam quemadmodum in chartarum typis noctu atq; interdum ex lucernæ solisque umbra circumscriptiones fieri possent, ostendere inertissimū. Nunc igitur de Physiognomonica, nam de Optica, quæ multiplicior est, posterius differemus Estisq; interdum ad minus amariores epulas revocandi. Ea autem est certa quædam observatio, qua ex iis, quæ corpori insunt signis, animorum etiam qualitates denotamus. Solent enim, ut in proverbio est, artificem instrumenta, dominum qualis sit domus ostendere. Id autem quoniam *ἀντίστροφον* est, commutationemq; patitur. Erit quidem Sculptori quàm maximè necessarium. Namque vel ex viventium corporibus effigies, imitabimur, quod à nobis in Calpurnio factum vidistis. Vel mortuorum præsentias ex notissimis eorum moribus imaginabimur, Vt si ex Zopyri quis judicatu Socratem effingat calvum, simum, ventrosum, & ejusmodi. Quemadmodum à Veronensibus in Catullo, Vitruvio, Marco, Celso, Plinioque, quos sibi cives vendicant, factitatum, ipsi nos nuper festivè spectavimus. Vix jam certe verbis explicari posset, quantum Statuario usum præstet Physiognomica, nec Statuariis modo, sed & omni generi humano. Miretur quidem suo jure Plinius severissimum, ut ipse ait, authorem Trogum cumque (Trogo miretur & Aristotelem. Ex quo illa ea transtulit. Supernat quantumlibet vulgus, dum nobis in Socraticæ Pythagoricæque philosophiæ arcanis sanctissimè custodiatur. Hæc nos tu-

to huic depositum credere, Hæc nos illi fidere, conjugiu
facere pueros disciplinis tradere, cum honestis conversi
ri, turpes atque obscenos effugere, non temere societate
& amicitias deligere, scelestorum improbitatem absq; u
lo experimento devitare, Hæc eadem prudentes fortun
tos, & quasi *ρεσφύρας* videri & esse nos facit. Apud Statu
rios vero tanti erit, ut nobis illum ipsum qui tantope
desideratur Homerum. Ipsosque Græciæ sapientes Cleo
bulum, Periandrum, Solonem, Thalem, Chilonem, Pe
ctacum, Biantem, atq; è nostris utrunque Catonem, ipsissi
mos præsentare faciliter possint. Dicerem equidem ex A
ristotele atque Adamantio, nam Polemonis, qui de eade
re perscripsit omnia, desiderantur, nisi longioris esset inst
tuti, videretq; uti in proverbio est, Minervas docere. Veru
enim vero quæ scire oportebit Sculptorem, hæc ferè sun
Sed vultis quando hæc ipsa nuper à me scripta sunt, quem
admodum in Theæreto facit Euclides, de *ἀνὰ πνοή* audie
mus? REG. Quam maximè tu interim resipisces: LEO. Ni
hil quidem fieri aptius poterit. POMPON. Heus tu puer, co
pe hunc libellum, ac lege. PVER. Naturæ morumque inspi
ciendorum ratio. POMPON. Non inde. PVER, Spectantur
POMPON. Istinc.

DE PHYSIOGNOMIA TRACTATVS.

Spectantur homines, ex natione patriaque, spectantur
ex genere, spectantur ex se. Ex natione, ut num Mau
rus an Assyrius, Thebis nutritus an Argis, de quo piam
quæritur, quod potissimum solet ornatu significari, ut il
lud, Virginibus Tyrii, mos est gestare pharetram. Debe
mus enim, ut idem Poeta ait: Varium cœli perdiscere mo
rem, ac patrios omnes cultus habitusque locorum. Et quid
quæque ferat regio, & quid ferre recuset. Arcto quicunq;
subiacent, corpore sunt quàm cæteri prolixiores, color
albi, comas flavi, capillis mollioribus, glauci, simi, cras
siores, carnosiores, ventrosi, ac corpulentiores, iracundi
simplices, levissimi consilii, animo præcipientes, stolidi atque
omnino disciplinis inhabiles. Galli videlicet Germanique
Con

Contra qui sub meridie, nigris capillis crispisque nigris & oculis, corpore humiliores, cruribus grandiores, fusci atque aridiores, Disciplinis & ipsi parum apti, plurimæ tamen cogitationis, leves, dolosi, mendaces, lucribundi, furaces. At magis minusq; alii aliis. Quo distant acceduntq; ad arcton Borealem Australemque, magis minusque alteri alterius. Sardi, Siculi, Mauritani, Arabes. Horum vero medii, mediam quoque habent & qualitatem, Corpore sunt mediocres, capilli eis nec crispi nimis nec nimis porrecti, colore mellino, aspectu jucundiore, apti studiis, ingeniosi, misericordes, modesti ac graves, Itali videlicet Græcique. Sed qua proximiores illis accedunt loco, accedunt etiam & moribus, ut Libes, Hiberis: Hiberi, Celtis. Quin & Libes Æthiopibus, & Celtæ, Gallis similiores, Austrini quidem omnes sicco dominantur & calido, Arctoi contra, humido & frigido. Nam & cæterorum quique ad Occidentem, quique ad Orientem spectant, eadem erit de duobus polis ratio. Plerunque tamen evenit, ut alii alio transferant sedes, confundanturq; nationes, ut si Thraeces commigrarint in Italiam, Itali in Thraciam, Persæ in Assyriam, Assyrii in Persiam. Ex genere autem inspiciuntur homines, non cum quibus quisque sit parentibus ortus, sed cum Mas sit quæritur, an Fœmina Ceneus. Plurima est horum dissimilitudo, illud nobile, justum, intrepidum, audax, æquabile, magnanimum, benignum, constans, animosum, probum, liberale, magnificum. Hoc vile, injurium, timidum, temerarium, intemperans, remissum, atrox, difficile, varium, ac mutabile semper, improbum, avarum, nequam. Fœmina omnis quam mas, est caput minor, corpore pressior, capillos habet molliores, nigrioresque, vultum angustiores, oculos vibrantiores splendorosque, collum gracilius, pectora imbecilliora, latera molliora, ilia coxasque habitiores, suras carnosiores, genuaque ob eam ipsam rationem collabantia, extrema pedum nianumque tumidiora, omnem corporis aspectum delicatiorem negligentioremq;, tactus est ei humidior, vox tenuior, gressus tardior ac densior, membra

bra succipleniora, motus lentior. Medium vero & quodammodo neutrum genus, lascivientis videlicet naturalusiones, hermaphroditi, virorum spadones, foeminarum eunuchi. Quos tamen nihilominus quàm castrati soleant equi, canes, taurive ad bellum utiles, docet Xenophonti Cyrus: ut utriusque sunt sexus participes, ita & utroque nequiores, malæ mentis, mali animi, pessimi & consilii, crudelēs, duri, dolosi, callidi, malefici, At aliis alii magis minusve naturæ sexionisve culpa. Ex se vero spectantur hominis duplici ratione, ex iis quæ cohærent substantiæ, & ex iis quæ circumstant atque inducuntur. Cohærent substantiæ membrorum ac totius corporis habitus, ex facie, ætate, incessu, voce, spiritu. Circumstant vero atq; inducuntur, ornatus, nomen, locus, tempus, & ejusmodi. Sunt & media vultus, & color, quæ omnia Aeneas in matre, Pyrgo in cœlesti Beroe, pernotarunt. Nunc age ipsam ex iis naturæ morumque inspectionem consideremus. Omnium quidem signorum præcipua, quæ in oculis aut plane iis proximiora, cujus generis sunt pupillæ, palpebræ, frons, genæ, supercilia, nasus, labra, os, mentum, malæ, capilli, aures, ipsum caput. Secundum ordinem tenent, brachia, manus, ilia, pedes, Postremum venter, tergum, foemur, coxendices ac suræ, de quibus singulis quàm brevissime dicemus.

DE OCVLIS.

Oculi, hos natura tanquam conspexillares animorum nostrorum fenestras esse voluit. Et quisquam deinde quæretur, non fenestratum homini pectus? plurimam habent varietatem. Statu quidem, magni, mediocres, parvi, prominentes, conditi, tumentes, adæquati, concavi, mobiles, fixi, tremuli, rigidiores, conniventes, non conniventes, nictantes & non nictantes, Contuitu autem, vibrantes, languidi, humentes, sicci, splendescentes, tenebrosi, ridentes, mœsti, acuti, obtusi, graves, ludibundi,

i, truces, blandi, atque id genus cæteri. Colore vero, nigri, glauci, scilicet iidem ac cæsi, quique de iis fiunt, subnigri, qui ob gratiosam venustatem à Græcis *χαρῖνοι*, à nobis varii dicuntur. Et subglauci, qui ab illis *αἰγῶνοι*, à nobis vero caprini nominantur. Item rufi, flavi, fulvi, unde cognomina familiarum, pallidi, punicei, latei, virides, ruficundi, ignei, flammei, sanguinei, crocei, ostrini, aurei, latei, atque id genus reliqui. Harum autem omnium qualitates, quid ita significant, longioris esset instituti recēdere, quid vero inter se mixtæ si fuerint, negotii quidem permixti. Attingam tamen, potissimum ea, quæ ad hanc ipsam rem magis pertinere videbuntur. Ac ne minutula forte files habeatur, parum experto adolescenti, existimes velim, huius rei authorem, non Pomponium, sed gravissimos omnium philosophos Aristotelem atque Adamantium, quorum uterque rationem cur aut ita fiat adducere, cum vellet. Alter corpora animorum, vicissimque animos corporum affectiones sequi argumentatus est. Alter vero Prometheus, principi Limi, defectam undique particulam adlere coactum, apposuisse nobis opinatur, vim leonis, astutiam vulpis, temeritatem apri, formidinem leporis, gravitatem bovis, falsum equi, scurrilitatem simiæ, fatuitatem pecudis, stoliditatem hirci, voracitatem suis, ductatū paralis, ferociam tygridis, immanitatem urforum, desperationem elephantorum, rapacitatem luporum. Similiter & cæterorum reptilium, volucrum, atque aquatiliū naturam, magis minusve uti, & libido ferebat, & Limi naturam patiebatur. Quem igitur, inquit, videris subnigros ac meliocriter concavos oculos habentem. Ex leone, qui talis est, animosum eum fortemque dijudicato. Quem condios, Ex simia, simulatorem, fraudulentum, delusorem, machinosum. Quem stabiles firmosque, Ex bove, gravem ac rugi. Quem protensos, ignavum, injurium, contumeliosum, ac vere ex Asello asinum. Itaque rem ipsam nostro more summam expe-

diamus.

DE OCULIS.

Oculi magni, mobiles, lucidique, si torvum contueantur, simul & supercilia porrigan- tur, agrestioris trudi, rapaciorisque animi hominem indicabunt. Tales enim sunt aprorum luporumque. Aristoteles quidem nec magnos nec parvos ait oportere esse oculos qui prominentur. Prominentes oculi, qui sese extra mittant, quibusque in circuli species tumor circumducitur, aut contra, quos veluti castrorum fossa circumdederit, dolosum, stolidum, hominem ineptissimum significabunt. Qui si & mobiliore fuerint, voracem. Si petulci atque sanguinei, ebriosum. Si glauci, nec justitiam, nec consuetudinem hominis ullam. Si vero & supercilia gravarint, certior erit ejus amentia. Si tumentiores parvique, parricidium ac veneficium declarabitur. Quibuscunque vero fuerint prominentiores, splendidi, grandiores, purum, humidumque intuentes, insigni omnes justitia & consuetudine præditi, disciplinis aptissimi, deamoro- sissimi, qualem ex Theæteto didicimus fuisse Socratem. Conditio- nis, quanquam acutissimi omnium intuendo, nisi fuerint & magni, nullo pacto probantur. Horum namque parvitas, dissimulatorem, invidum, insidiatorem. Siccitas ad illa perfidiam, humiditas & amentiam augent. Laudatur vero status oculorum medius inter prominentem & conditum. Et qui nec tumidiore sint, nec concavi, sed mediocritatem quandam magnitudinis habeant casti- gatam. Mobiles oculi, turbatorem, suspiciosum, interpellatorem, infidum, ac curiosum, magis perficacem ostendunt. Si & palpebræ moveant, certe animam præpotentem. Si minus, audacem, Ocyus circumvolubiles oculi, ganeonem. Tardioris motus, pigrum, inertemque denotabunt. Tremuli oculi, si in dextram ierint, socordiam, insanitatem: Si in sinistram, adulterium: Si vero iatrorsum, quasi naso annuerint, gratiosum, Venereum, & amorosum declarabunt. Rigidiore nunquam boni: Nam si fuerint humidi, formidolosum: Si aridiore, ve- sanum: Si pallidiore, stolidum judicabunt. Si vero gran-
diores

tiore fuerint ac subrubicundi, impotentis erunt & libidininis, & gulæ testimonium. Quod si quem videris, qui splendescens huiusmodi oculos habeat, hunc tu ad cor, ut nec tibi civem nec vicinum esse audias, ut qui malis tantum & calamitatibus gaudeat alienis. Oculi qui cum se claudunt, sursum attolluntur, libidinositatis, gulositatis, ac sacri morbi certissimum signum. Quod si & pallidi fuerint, impios atque homicidas. Si subrubescētes nigrantesve, intemperatissimi oris mulierosos, stolidos, aleatores demonstrabunt. Contra qui feruntur deorsum, contraria iis esse omnia. Oculi qui cum sese aperuerint perstant vel cogitationem, vel certe alicujus rei pœnitentiam significabunt, quæ res scilicet ex superiorum omnium ratione captabitur, si magni, prominentes, conditi, mobiles, & ejusmodi, Vibrantes parvique oculi. dolosum adulterionem. Magni verò, inceptum rudem, gulosumque arguent. Quod si grandiusculi, splendide humidius contueantur ingentem commonstrabunt spiritum. Excelsam ac maximorum operum effectricem animam, iracundos, tamen, ebriacosos, ac supra hominem gloriabundos, qualem fuisse ajunt Alexandrum Macedonem. Tenebricosi oculi, manifestum quidem iis inest incommodum. Si tamen sicciores fuerint, infidum. Si & minuti, bilinguem, dolosum insidiatorem. Et cui gravissimas inimicitias proficitur Achilles, aliud pectore occultantem, aliud de ore promentem, animi multiplicis, pessimique. Si verò quales puerorum videri solent, humidi, grandiores, animosum, constantem, studiosum, prudentem, disciplinis habilem, timidum: ac prope avarum. Præluce autem modo contradixerit aliud nihil, optimi. Splendescētes oculi, tametsi utiles, non tamen certæ sunt probitatis indices. Idem enim glauci sanguineive, calliditatem arguunt, ac jam vesaniæ proximiorē audaciam. Subnigri, timorē, formidinem, suspiciones. Nigri vero & adulterium. Qui si torvum contueantur, difficultatis molestiæ, ac morositatis indicium. Si & humidum fortitudinis, imprudentiæ, celeritatis, iracundiæ, secordiæ, inveni-
 statis

statis. Si & siccum nequiciosissimæ scelerositatis. Oculi in quibus voluptas quædam ac risus, ut ita dicam, inhabitant, dissimulatores. Idem verò conditi, insidiatores. Sicci, aut quibus exteriore palpebræ supercilia, genæ, ac labra non steterint, reprobissimos indicabunt. Humidi verò, non malos quidem, sed tamen vanos, rudes, omni-que animorum commotione carentes; pigros; intemperantesque. At si horum inanes palpebræ non connictarint, fueritque frons læta, & utriusque simul vacua supercilia, hominem eum significabunt, magnificum, iustum, suavem, piū, facilem, hospitalem, atque optimæ consultationis. Tristes vero humidique studiosi, plurimarum-que artium sectatorem. Nam si & superciliis obtegantur; affueritque læta frons, æquā pileū, fidū, frugi; prudentemque monstrabunt. Sicci vero si & vultus fuerit truciōr. Item si frons aspera, aspectus immobilior, palpebræque rectè, rusticanissimas voluntates, improbissimas & cogitationes, nec ullum unquam iis esse intentatum imperfectumque facinus. Acuti oculi cum multatōrum hominum sunt atque rapacium. Oculi qui frequentius connivent, id autem est, cum immoto capite huc illud obliquantur, quod pro dubitare usurpant; formidolositatem coarquent. Si cum siccitate, fraudem, insidias, occultumque aliquod malum. Si cum tremorem pallescant, quopiam avertantur, fatuitatem. At vero quei contra non conniverint robustiores invistique. Quod si & gravedinosum intueantur, nihil unquam boni est id, quod patant. Si lene atque humidum, studiosos, faciles, amōrosos. Si pallescentes, puniceive siccum, improbissimarum rerum memoriam; iracundiam; invidentiam, aut quamvis aliam extrēmam maliciam denotabunt. Et si circumvolvuntur, amentiam. Oculi quibuscunque pernictant, insidiatores, furaces. Si vero humidum; multarum artium studiosos. Sin contremuerint pallescantve, famelicōs, & qui ad epilepsiam, declinarint. Quibuscunque vero non pernictarint, sed si cum clauduntur defluant, verecundos. Si & mox attollantur, adulteros, voraces. Sin recti permanserint, benignos

gnos, bonos viros. Sin & ficci, temerarios indicabunt, Quod si ad hæc frontem quis habuerit asperiores, supercilia cōstrata, palpebrasque duriores, agrestiore animo, paratus audendum omnia, quique laudibus & honoribus & donis facillimè capiat. Horum autem omnium mediocris status præcipuè laudatur.

DE PVPILLIS OCVLORVM ET CENCHRIS.

Oculorum acies, quas & pupillas vocant, parvæ quibus fuerint, pravissima cogitationis eos esse necesse est, item & avaros ac pusilli animi, Serpentes enim Ichneumones, simiæ vulpesque huiusmodi. Contra quibus magnæ, placidissimæ mentis, liberales, magnanimos, forteis. ovium enim ac boum tales. Quibus secundum rationem oculorum decentes fuerint, probi. Quibus contra, nefarii, impudentes, scelerosi. Quibus inæquales, non prorsus mali. Sunt autem interdum in oculis calculi quidam, quos Græci Cenchros vocant, ad similitudinem Milii, candidiores, fulvi, pallidi, sanguinei, quique admixtum habent pallidum fulvo & iis nigrum, In charopis oculis Cenchri qualescumque agresticitatis, injuriæq; nota. In nigris sanguinei veneficiorum, Pallentes, etiam magicorum carminum.

DE PALPEBRIS ET SUPERCILII S.

Qui rectas palpebras flexaque supercilia non habuerint, sed cum tremore submoveant aspectum, hi semiri cum sint, viri tamen esse coguntur. Quibus innuendo rotenduntur palpebræ, foeminati. Qui alteram palpebrarum emittunt, & dum quopiam averterint, humidum & molle respiciunt, deliciofi, qui plurimum formæ fiant ac mœchi. Vesiculæ autem illæ, quæ solent esse infra oculos, ebriosorum. Quæ supra, somniculosorum, Ambæ utrorumque. Anguli oculorum à temporibus parvi, improbos. A naribus cernosi, reprobissimos denotant. Supercilia qui attollunt cum spiritu: crudæ sunt mentis, praque consilii homines, vani, oblòquentes, iracundi, sediosi. Recta supercilia, mollem: Juxta nasum flexa, rigidum: Iuxta tempora, derisorem: Contracta invidum: Deiffa malevolum indicabunt.

DE OCVLORVM COLORIBVS.

Qui glaucos oculos, minimasque acies habuerint, il-
 liberales, avari, callidi. Qui eosdem aridos, incertis
 erunt moribus, agrestes. Qui humidos, dat enim hos
 Palladi Homerus, splendescentes decenterque magnos, op-
 timi atque animosi. Subpurpurei quibus fuerint oculi
 cum siccitate, iracundos. Cum humiditate, ebriacosos si
 dixeris, nihil aberrabis. Subalbidiores paucamque glauci-
 tatem habentes, timiditatis atque impotentiae signum.
 Cerulei, quia cæteris humidiores, propterea & meliores.
 Verum de oculis suprâ quàm constitueram satis, nunc &
 reliqua prosequamur.

DE NASO.

Nasi summum gracile si fuerit, facilem iracundiam.
 Crassum verum depressumque, consceleratos mores
 denunciat. Plenum solidum, obtusumque si videris, ex
 leonibus, molloßsiisq; fortem ac iactabundum dijudicato-
 Nasus oblongus, gracilis, rostratusque ejus quoque gene-
 ris mores dabit. Nasus adclinans, viræ morumque hone-
 statis signum. Nasus rectus linguæ significat intemperan-
 tiam. Acutus, iracundiam, Obtusus, molliciem. Adun-
 cus qui & aquilinus, regalem animum, ac magnificen-
 tiam. Simus, immodestiam, scortationem. Minor, frau-
 dem, rapacitatem. Adapertus, animi vim roburque corpo-
 ris. Angustus rotundior obstruatusque. solitarem, secor-
 diam, vesanitatem. Obliquus intortusque, mentis & ani-
 morum obliquitatem.

DE FRONTE.

Frons angusta, ruditatis. Plana, secordia, Magna, se-
 gniciei. Parva, mobilitatis stygmate inusta. Frons au-
 tem longa, docilitatem, atque optimos sensus ostendit.
 Depressa atque humilis, fæminatum. Rotunda, iracun-
 dum. Gibbosa, insensatum. Circumducta, impuden-
 tem. aspera; quæ quasi fossas habeat, infidum, callidum
 & si cætera abfuerint, stolidum. Quadrata, quæ scilicet sua
 magnitudinis mensuram habuerit, evidentissima pru-
 den-

dentia, fortitudinis, intellectus, magnificentiaque index. Frons alta jectaque; contumaciam. Distenta, securitatem. Rugosa, studium ac sollicitudinem ostendet.

DE GENIS ET MALIS.

Genæ malæque quibus carnosæ, segneis atque ebriacosos indicant. Graciliores, improbitatis. Pinguidiores, calliditatis. Crassæ & ab oculis demissiores, invidentiæ signum. Rotundæ dolosorum. Prælargæ, vaniloquentiorum.

DE ORE ET LABRIS.

Os neque firmum, neque protervum, audaciæ, nugacitatis, dementiæ nota. Os parvum prominensque, insidiarum, reprobitatis. Concavum ac fornicatum, ut si infremeret, invidentiæ; sclerositatis. Humile ac depressum, formidinis & consiliorum instabilitatis. Oris autem sectio, vesanum; crudum manducationem. Vastitas caninam denotabit exuricionem. Os parvum foeminas, majus viros decet. Labra in ore majori tenuia, ut inferioribus adjiciantur superiora, magnanimitatem significant ac leoninam fortitudinem. In minori vero, ignaviam, inhumanitatem, molestiam, impietatem, perfidiam. Quibus supra caninos attolluntur ex rictu labra, pessimorum morum, adclamatores; in injuriæ conviciatores morales. Quibus totum os protenditur, labraq; sunt de Chironum Labeonumque cognomina, & moribus & operibus sunt suini. Quibus inferiori labro, superius labrum superadjicitur, prudentiores. Quibus contra labro labium proninebit magis, non prorsus mali, quanquam vani & stolidiores.

DE MENTO.

Mentum quibuscunque longius non omnino reprobis, nisi quod præter modum loquaciores ac molliuculi. Quibuscunque brevius, pessimi, crudeles, diri, atque insidiatores. Ex serpentibus qui tales sunt. Quibus cutum, bonam habent hi omnes mentem. Quibus ro-
 undiorem figuram circumscripserit, effœminati. Qui-
 bus

bus quadratam, utiles. Quibus summo in loco tanquam in duos vertices dissiluerit, modo scissura sit apparens, docti. Nam si levis, Venerei potius gratiosique judicabuntur.

DE CAPITIS ET CAPILLIS.

Caput valde parvum quisquis habuerit, is ab omni erit sensu humanoque captu alienior. Qui modicum, fortis, probe sensatus, magnanimusque. Qui permagnum, imbecillus, illiberalis, nullius aut certe rudissimi perceptus, Qui obliquum, inverecundior. Qui altum, contumacior. Qui utrinque connexum, iracundior. Pars capitis posterior depressa atque humilis, formidolosa, ac prorsus animo toto carentis. Caput volunt id sensibus ceterisque rebus videri perfectum, quod mediocre fuerit, quod rectum, quod & intra mensum constiterit, ac & Græcæ literæ figuram habuerit. Capillos autem nihil ad hanc rationem conferre vult Adamantius. Sunt verò multiformes porrecti, crispi, leves, intorti, molles, duri, densi, rariores, nigri, albi, glauci, rubei, rufi, flavi, & ejusmodi, Aristoteles tamen molliores capillos, facilioris vult esse ingenii signum, duros agrestioris.

DE AURIBUS.

Aurium multa varietas, quædam sunt tenues, quædam crassæ, aliæ magnæ, aliæ parvæ, extantes, pressæ, atque earum mediæ. Item quadratæ, rotundæ, immobiles & unde flaccorum cognomina, languentes ac deciduæ. Tenues igitur minores ac veluti circumcisæ, fatuum denotant, callidum, maliciosum. Crassæ magnæque, surditatem. Extantes præsentaneam hominis docilitatem, mansuetudinem, benignitatem. Pressæ, inscitiam, ruditatem. Quadratæ vero ac mediocriter magnæ in audiendo argutissimum.

DE FACIE AC VULTU.

Facies quibus est, Aristoteles inquit, magna, rudiores. Quibus parva. immoti. Quibus larga, stupidi. Quibus circumlata, animosi. Carnosa, inquit Adamantius, facies, deliciosi est hominis, lauti ac pubes-

pubescentis. Macra. studiosi, deamatoris, insidiatoris. Parva facies, parvos quoque redarguit mores. Per magna verò stolidiores. Iam verò ipse index obtestorque conscientia nostræ, vultus quàm incertus, inconstans, varius, quia totus videlicet ex animorum perturbationibus confingitur, Quin etiam interdum earum simulator ac dissimulatur. Quare haud temere ex eo omnibus horis dijudicandum, nisi cum ab ejusmodi motionibus animi defebuisse videbuntur. Mille sunt ejus varietates, mæstus, jucundus, facilis, severus, alacer, tristis, clarus, tenebrosus, nubilus, dolorosus, pervigil, somniculosus, securus, audax, meticulosus, & ejusmodi, quorum & animi tales. Alacer autem clarusque vultus, certissimus index adulterii. Erubescens hinc illud, salva res est, pudoris, verecundia. Vultum qui perexprimere potuerit, is se sciat non multum jam sibi esse à Lisypso. Nunc vero deinceps & reliqua.

DE COLLO.

Collum quicumque habuerint oblongius, graciliusque, timidiore sunt, atque egregiè malorum morum. Qui pinguidius prolixiusque, animosiores, jactabundi, contumaces. Qui & compactius, robusti, fortes atque ad disciplinas idonei. Nam qui contra inanius habuerint, asperi, adulterive. Collum quod nervis obtenditur, sinistri ad sint & cætera fatui, inque dementiam delabantis. Collum præpinguius, iracundi, ad disciplinas inhabile suini. Collum brevius præmultumque audacis. Collum denique nullam in partem cadens, sinistri contumacis, inepti. Collum effractum, semiviri. Collum in dextram adclians, ornati, prudentis, studiosique. In sinistram adulteri, ac nullius prudentia. In utramque verò aut in quamvis aliam, pravissimi animi ac mentis indicium. In nullam verò, moderationis, plurimæque & artis & exercitationis. Collum quibus longum, iisdem erunt etiam crura longa.

DE CERVICE ET GVTTVRE.

Cervix quibuscunque aspera atque obliqua fuerit, ineptissimi. Quibus quæ sub ea sunt spondiles asperæ,

collumque prominentius sese humeris super effuderit, injurij, præduræ mentis, ad disciplinas tanquam ad Musicen asinus apti. Guttur asperum, levitatem arguit, protervitatem linguæ atque arrogantiam. Quod si & spondilibus hæserit, solam ex iis levitatem, item hominem ebriosum, querulum, tristem, iracundum, cœnipetam, alioqui semper altiora cogitantem.

DE CLIDIBVS, PECTORE ET MAMILLIS.

C Leides, sic enim à Græcis vocantur, hi qui è summo pectore in imam gulam exeunt vertices, à clavium effectu simili. Obstructæ, nullam vim aut sensus aut actionis ostendunt, Apertæ, molliorem fœminatamque. Mediores verò, quæ ad nasi longitudinem dimensu inter se distarent, insignem hominis & prudentiam & virilitatem. Quibuscunque ab umbilico ad cleidas, major commensus quàm sit circumlatio colli, hoc est, plus duabus faciebus, gulosi, exuriones. Pectus magnum ac dearticulatum, significat robustitatem; gracile atque imbecillum, animi pusillitatem. Carnosum verò, affectus dexteritatisque carentiam. Mamillæ quibus in obeso pectore dependent, scortatores, ebriosi, & ganeones indicabuntur. Nunc postremum ad reliqua.

DE HUMERIS, SCAPVLIS, LVMBO, ET TERGO.

P Ingues humeri, nullo modo probantur. Robusti, robustos & mores significant. Vacui fœminatorum sunt ac timidorum. Graciles erectique, pessimorum. Inarticulati efformesque, stolidorum. Scapula quibus est robusta, robusti & ipsi. Quibus imbecilla & gracilis, timidi ac pusillanimes. Carnosa, sensuum indicate gestatem. Angusta etià fatuitatem. Latior, mentis altitudinem. Rotundior, industriam, sagacitatem. Gibbosa curvaque scapula: humerique in pectus effracti, invidentiam, pravitatem. Lumbus osseus, sortem significat, & virilem. Carnosus mollisque mollem & effœminatum. Acutus verò intemperantem ac timidum. Tergum latum, ac solidum animositatis generositatisque signum. Angustum contrà & solutum, timiditatis, & illiberalitatis. **Incurvus autem homo, nequaquam unquam bonus.**

bonus, nisi membra humidiora cæteraq; urbana affuerint signa. Sic tu eum succinctum ac venatorium judicabis.

DE VLNIS BRACHIISQVE.

VLnæ si ita fuerint proluxiores, ut demissæ manus ad medias infra coxendices pervenerint, fortitudinis ac felicitatis signum. Breviares verò, quorum capita cibo occurrunt, malevolentia, invidentiaque. Exiles, hominem effœminatum. Carnosiores verò disciplinis sensibusq; carentium. Vlnas, brachia cubitosque ipsos bene articulatos esse oportet, quos probari voluerimus.

DE MANIBVS, DIGITIS, VNGVIBVSQVE.

MAnus teneræ mollioresque, optimi dicuntur esse ingenij argumentum. Duræ magnæque, fortem illum quidem significabunt, haud satis tamen disciplinis idoneum. Parvæ manus, callidum. Perbreves ac mutilatæ, fatuum. Quæ si & pingues, nequissimum. Angustæ gracilesque manus, rapacitatis. Pleniores quæ oblongos habeant digitos, furacitatis. Graciles tortuosæque, nugacitatis voracitatisque indicium. Digitos quicumque habuerint compactos, nunquam boni. Qui constrictos distinctosque, callidi, avari, ac perdidissimorum morum. Qui parvos gracilesque, paucissimi intellectus. Qui præmutilos crassosque, audaces, ferini. Qui oblongos gracilesque, minimæ rudiorisque mentis. Digniti qui commensu constiterint suo, omnium optimi. Ungues lati colore albo sufflavoque, naturæ bonitatem. Angusti proluxiores, curvique item & carnosî, improvidum, male sensatum. Obliqui, inverecundum ac rapacem commonstrabunt. Parvi, pallidi, nigri, asperique unguis, & qui carni hæserint, calliditatis. Rotundiores libidinositatis indicium. Unguum illucitas nequaquam est hominis frugi. Ipsi tamen per se unguis infirmam habebunt rationem.

DE LATERIBVS, ILIBVS ET VENTRE.

Latera graciliora, formidinem, debilitatem. Dura atque carnosâ, indocibilitatem. Circumlata atque in speciem tumoris plena, nugacitatem nequitiamque redarguent. Ilia præpinguidiora mulierum, ossea virorum, Gracilia, densa, sordida, & tanquam eliquata, calidissimorum hominum, venter vacuus, & sanitatem & magnanimitatem ostendit. Macerrimus ac præter modum inanis, timiditatem, nequitiam, exuritionem. Carnosus si & mollis fuerit, prudensque sensuum hebetudinem, intemperantiam, ebriositatem. Si durus cervicique compactus calliditatem.

DE COXIS ET CRVRIBVS,

Quibuscumque articulatæ solidæque fuerint coxendices & crura, egregiam naturæ aptitudinem præstabunt & generositatem. Quibus contra inarticulatæ ac molles, timidam imbecillitatem. Quibus prægraciles, improbitatem: quæ si etiam nervosæ, præter illa immodestissimam procacitatem. Crura vero ipsa suris prægnantia, intemperantes, inuerecundos, & abominabiles indicabunt. Genua quibuscumque tanquam collabantia, mulierosi faminatique.

DE PEDIBVS AC TALIS.

Pedes nervosi, articulati, & generis & morum nobilitatis vestigia imprimunt. Teneri & quales Telemacho dat Homerus humiduli, molliorem significant. Præmutili ac pingues, ferinos arguent mores. Oblongi, plurimæ cogitationis signum. Parvi, calliditatis. Magni, mœchanicitatis. Qui adæquatas habuerint plantas, aut contra nimium connexas. Item, qui quasi talis incedunt, improbi, astuti, callidique. Tali autem discreti, nobilem. Molles levesque effœminatam. Graciliores, timidum, intemperantemque demonstrant. Calcaneorum crassitudo plurimæ servilitatis atque indocibilitatis indicium. Præpingues talos, asperiora calcanea, carnosos pedes, digitosque horum incurvos, & suras prægnantes qui habuerint, omnes, patrio vocabulo utar, Caraces. Sic enim pueri appellare solebamus fatum mentis hominem, furiosum.

De

DE COLORE.

NVnc demum pauca quædam & de colore dicamus. Nā nomen ipsum & facta, basis explicabit. Nulli unquam artifices, vocem dabunt, incessum, vultum, spiritum, ætatē, ornatum. Statuæ cum fiunt, ipsæ præstabunt. Quibus igitur niger est color, adulteri, timidique, Albicans color, pigrum, intemperantem, fœminatum, incontinentem. Fulvus, dolosum ac multiformem. Subviridis, quem obijciens Pisoni Cicero, servilem vocavit, nisi ex aliqua ægrotatione is fuerit pravum, timidum. Luteus, avarum, invidum. Mellinus, iracundum, epulonem, nugigerulum, dicacem, meticulosum. Flammeus in leviter subrubescen- te corpore si perdurarit, naturæ bonitatem, aptitudinem, in disciplinis capeffendis promptitudinem & egregiam animorum nobilitatem significabit. Albus sufflavusque, & animi & corporis vim promittet. Atque hæc generaliter. Pectus verò subrubicundum, excandescentem iram denunciat. Idemque erit, si quæ circa ventrem, quæque in temporibus insunt venulæ, paulo apparentiores fuerint. Vultus ipse perrubicundus, verecundiam ostendit. Nam si genæ tantum erubuerint, vinositatem. De coloribus autem oculorum, quia junctim dicendum de iis fuit, satis quidem, ut arbitror, est supradictum.

Hæc sunt, tum ego inquam, quæ Physiognomonica nuper nostro more interpretati sumus. Si quæ displicuerint, monebitis. Nam ad Pistoriensem nostrum cogitamus dare, voloque ei hæc probatum iri quàm maximè. Sed nunquid rogo sentitis, quantum hæc Statuario intellecta conducant, quantumque sint ut intelligantur necessaria, an aut Deum aut hominum quenquam quis ponet, cui prius hæc cognita non fuerint? Miseret me fateor istorum Deorum, atque inprimis Nazerini nostri Dierecti. Nam quis erit unquam vir bonus, cui quidem honoris quàm vitæ sit ratio potior, qui non & alterum atque alterum malit Gaballum, quam se isto modo spectari, dissimulatorem, impudicum, furem, perperum. appetonem, tenebrionem. & ejusmodi? Verum & id quidem

Z 5 dem

dem nimis , nunc ad Perspectivam rationem pertransca-
mus , quæ etsi fermè tota pictorum esse videatur ,
ad sculptorium quoque munus transfertur quàm com-
modissimè. Ea vero duplex. Altera, ad *φυσιολογίαν* , al-
tera vero ad *κατασκευήν* pertinebit. Priore quidem illa ratio-
nes traduntur, cur inconspicuis ita perspectus afficiantur ,
ac quemadmodum triplex illa speciendi ratio fiat , ex di-
recto, ex reflexione, ac refractione radiorum. Quæ quo-
niam plurimos nascita est , & Græcos & Latinos scriptores,
estque aliquanto ab hac nostra remotior , non est mihi
propositum eam vos edocere, qui alios soleris. Posterior
autem hæc nostra duplex , nanique vel ad totum opus vel
ad singulas pertinebit partes. Quæ ad totum opus per-
tinet, prior, ac visu primum dijudicatur. Quæ verò ad par-
tes, eas sibi res tantummodo considerandas proponit , quæ
perspectioni occurrent. Prioris autem hujus quæ sese la-
tius effundit ratiocinatio , sumetur sic. Omne corpus
quocunque statu constiterit , in aliquo quidem necesse
est esse loco. Hoc cum ita sit, quod prius erat , prius quo-
quoque & hic nobis considerandum. Atqui locus prior
sit necesse est quàm corpus locatum. Locus igitur primò
designabitur , id quod Planum vocant. Facies autem
quàm directissimum sit. Ad perpendicularum mediam li-
neam demittito. Hinc inde semicirculos circumducito ,
per eorum intersectiones lineam ipsam æquoream trahi-
to. Ne quis verò fiat in collocandis deinde personis er-
ror , fieri oportere demonstrant hoc modo. Estto jam
in hac quadrata, nam ejusmodi potissimum utimur, tabu-
la hæc inquirunt linea. At quantum ab hac , plani defini-
nitrix distare debebit? Aut ubi corpora collocabimus?
Qui prospicit, nisi jam in pedes despexerit, prospiciet à pe-
dibus , unica sui ad minimum dimensione. Ducatur
itaque quod voluerit pedum linea hæc. Mox deinde hic
longius, attollatur alia in humanam staturam sic. ex hu-
jus autem ipsius vertice ducatur ad extremum æquoræ
linea , sic. Itidem ad omnium harum portionum angu-
los, Sic. Vbi igitur à media æquorea perpendicularis
hæc

hæc, cum ea quæ ab vertice ad extremum ducta fuerat, se conjunxerit, plani finitricis lineæ terminus hic esto, quod si ab æquorea ad hanc finitricem, ab laterali ad lateralem, absque ipsarum angulis ad angulos, plurimas hoc modo perduxeris lineas. descriptum etiam collocandis personis locum habebis, nam & cohærere & distare uti oportuerit his ipsis debebunt intervallis. Atque ad hunc modum differuerint. Nos nostro more forsitan distinctius, Sculptoriæ Perspectivæ pars, quam ad totum opus pertinere diximus, triplex. Nam triplex omnino speciendi legitimus ordo. In rectum, cum videlicet intra extremas hæc verticis ac pedum lineas visus dirigitur, cujus ratio proprie, uti arbitror *ὀπτική* nominata. In sursum, quod ad usque medium horizonta supra caput attollitur, quæ *ἀνωπική* dicta. Et deorsum cum infra pedes tantundem demittitur, quæ *καθωπική* nuncupata, in quibus omnibus quid oporteat diligenter considerandum. Ille etenim perspectus, qui sit in rectum, non nisi ad priores pervenire poterit personas, aut per intervalla earum ad secundas, atque interdum etiam ad tertias. Quoniam verò hoc ipso perspektu quæ primo sese offerunt res, paulo plus quam ex dimidio prospectantibus occurrunt, itidem & istic in tabula extare primo loco debebunt, sic contractius secundæ hoc celsiore, propter rationem distantix in plano, Sic. Contractius verò & tertiæ, vix summam hinc superficiem mittent, quod ipsum in vetustissimis plerisque monimentis observatum animadvertimus. Ea namque oculorum lex est. Priora sese magis ostendent, longinquiora compressius videantur, Si igitur distarint hinc personæ, ab his qui in prima hic constiterint acie, prominebit exterius planum, Sic. Sin cohærebunt hic à tergo posterioris nihil id ita oportebit. Cum verò suspicitur, atque in alto aliquid loco significare voluerimus, verbi gratia hominem hunc in summa specula, Nautam hic in summa turre mali, aut Dædalum etiam si libuerit cum Icaro volantem, considerandum qua distantia, quave id altitudine ab hoc ipso suspensionis centro fuerit, & quantum illinc radio-

rum

rum unumquodque suscipiat. Nam hic propius, istius remotius, hoc majus, illud minus esse conveniet hoc pacto Sed quid hoc est Leonice, aciem nostram, cum attollitur, superas etiam domos Deorum scandere, cum dirigitur 40. milia passus ulterius non progredi, sed in convexum terminari. cum vero demittitur, inferius pedes non transire, & tamen quæ sub pedibus sunt, non terrena semper spectare? in quamcumque vero deferatur partem centesimo passu hebetari? Ascendimus enim Cremonensem & nos turrim, eo cum accessissem nuper ad Grammaticos salutandos, Lugarium, cujus cum gnato mihi familiaritas, & Cajetanum vestrum, ut narrare solebat in Græcis literis condiscipulum, neque vero putetis ulla me re in tota illa provincia delectatum magis quam consuetudine, quorum est feracissima Grammaticorum, quam multos Brixia, Bergomi? Taberium Britannicum, hospitem in primis meum Clementem, qui claras facit suas videri, minutulas quasdam ubi Grammaticam doceatur Athenas. Quid vero me Grammaticis non delectari Grammatico patre natum? sed etiam ad propositum. Sin itaque despicietur, quando is est frequentior multoque difficilior prospectus majorem & curam diligentiam adhibendum nobis erit. Tunc enim despiciendi hæc ratio tractabitur, quoties plurimam rem aliquam ostenderimus, veluti magno in populo cum sæpe cohorta est seditio, pugnas, prælia, urbes, & ejusmodi, quod ipsum fieri aliter non potest quam despectu. Etenim in omni re tumultuosa spectaturi, semper altum conscendimus, Quare quoties multiplicem voluerimus rem ullam talem prospectantium oculis subicere, ad hanc ipsam despiciendi rationem decurritur. Ac quæ primo in quam velis partem se offerunt, proximior hic loco statuemus. Quæ deinde intermedio hic conspectiore, Quæ postremo hic celsiore, cum in modum, ut spaciis quæque suis interdistincta, suo sic ordine dignoscantur, cujusmodi intelligitur illud, Videt Iliacas exorbem, Atque ille uterque Vulcanius clypeus. Constat enim

tota

tota hæc in universum Perspectiva, dispositione, ut intelligamus quacunque ratione spectetur, quantum ab alio aliud distare aut cohærere debeat, quot necessariae sint ad illam rem significandam personæ, ne aut numero confundantur, aut raritate deficiat intellectio. Dicerem equidem de hoc ipso genere toto singulatim plura, nisi prudens artifex, quæ dici possent, ex supradictis facillime cuncta deprehenderet. Intelligendum est autem in recto perspectu, tabulam ipsam pro pariete; in sursum pro æthere, in deorsum pro terra accipi oportere, Quamquam inter se una semper egeat alterius, ex qua re sola Perspectivæ rationis hujus lex tota dignosci poterat, Igitur animadvertite, libet unico vobis exemplo rem omnem significare: Estò hic sagulatus Hannibal, hic purpurati Romanorum duces, Paulus & Varrò, hic Romana manus, hic Chartaginensis, hac fluvius, hic & cædes. Dirigatur age nunc æquor in rectam oculorum aciem, Sic: certè non videtur: deprimatur hæc pars anterior, jam melius. Age adhuc; etiam melius. Age adhuc in perpendiculum apertius, ita semper oculus rem sibi subjectam quærit. Estò rursus hoc pulpitum cubitis age altum tribus, si res quæ in eo fient, videri debebunt, certè aut iis qui postèrius sunt, ascendendum erit, aut certè quasi hic liber cum legimus attollendum pulpitum, ita nunquam & hic erit à natura recedendum. Hanc verò triplicem speciendi rationem à pictore quisquis ille fuerit, animadvertimus perbelle semel adservatam. Ita enim is Danaem composuerat, ut si prospiceres avaram ipsam puellam, stupefcentem videres. Sin suspiceres, Iovem jamjam è nubibus descensurum impluvio putares. Sin verò despiceres, proximas regiones aurea conspersas grandine mirarere. Sed de universali Perspectiva hæc satis. Altera verò Perspectivæ pars quæ singulas considerat rerum partitiones, est quidem illa vulgaris, Pictorumque pueris usitatissima, Sic tamen ut summam assecutus videri possit, quisquis eam recte tenuerit. Est autem nihil aliud hæc perspectiva, nisi quædam in reddendis rerum omnium utcunque paruerint
fimi-

similitudinibus versatur, quæ non ita sunt, ita tamen videri faciat: Id verò ex merita potissimum longitudinis mensiōe, sive hominum, sive ædificiorum aut cuiusvis alterius alicujus corporis, cum ab sua rectitudine prospectari desierit, sive rotundam, sive triangularem; quadrangularemve, aut quavis aliam lateralem habuerit formam. Nam continuò ad concisionum, quas decurraciones vocant, difficillimas rationes deveniendum; nostra tamen quantum fieri poterit demonstratione facillimas. Rotundas igitur omnes rerum omnium formas concisione præstabimus, Sic. Esto hic circulus, hæc rota, hoc age potius speculum. Efficiatur primum ex eo quadrangulus, Sic. Mox undique de lateribus, & de angulis ducantur quæ interfecentur in centro lineæ; sic. Deinde productis ab hoc uno latere duabus his lineis, eodem spacio circuli fiat hic triangulus, quo ex dimidia parte dissecto, totidem rursus ducantur & hîc, quot in priore circulo lineæ, simili ratione. Qua igitur hic interfecantur, centrum erit hujus alterius, hoc pacto. Esto præterea, si voluerimus idem in latus spectari, sic Ducantur de iisdem ambobus lateribus, diametri spacio, in directum lineæ, nam hic tanquam compressura cogatur, hoc modo. Similique etiam ratione ducantur per latera, perque angulos lineæ, quo quidem spacio videbitur angustari totum, sic, centro adhuc in interseccionem servato. Triangulares autem, quadrangulares, lateralesque omnes, nam una fermè omnium ratio, diversiores in hunc fient modum. Esto hic liber, Homerus est, nostræ deliciæ, quem nunquam temerè à me longius abesse patior. Esto uti appareat in pluteo rectus, recta enim primo esse omnia oportebit, quæcunque in aliam erunt status rationem transitura, Sic. Ducantur de omnibus quatuor angulis in longum paralleli lineæ, paulo & sursum & deorsum, ut libuerit, age sic. Singuli autem & hic anguli sui contineantur lineis, sic. Videtis ut jam resupinaret. Spectetur idem & à tergo in hunc modum. Altitudo

lo hæc, ipsaque latitudo, non enim dum sic apparuerint, quicquam de iis comminuitur, erit hujusmodi, æquabilis autem hæc superior paginarum planicies, productis paululum ab latitudine lineis in sursum, Sic. Item & hæc inferior ad eandem rationem status, Sic. Nonne præsentata vobis species videtur? Quin & apertius ut nunc sit Ilias, illinc Odyssæa, Sic. Ducantur de singulis angulis in longum, eodem ut diximus paralleli modo, Sic. Quis mox unusquisque descriptus finiatur lineis sic quam prope eadem oculis, in hanc alteram commutata nunc est forma illa prior. Sed jam altero contenti exemplo erimus. Esto hic M. T. Ciceronis, vel C. Cæsaris facies ad perpendicularum discriminatrice linea nullam declinans in partem, sed porrectissimo cohtuitu perspiciens in hanc M. Antonii vel M. Catonis, hoc modo, ut reliquum eam corpus, cujus hæc eadem est ratio, dimissum fecerimus. Punctus autem quo terminatur frons, Aristotelico more sit A. in interciliis oculorum hic sit B. in extremis hic naribus C. hic mento sit D, vertex E, gula inferior G, nutetur inde prospectus, ad medium usque horizonta collatur, dirigaturq; acies in signū hoc, ubi sit litera S. hoc modo. Ducatur nunc linea directæ AB, ad S, sic: reliquæ eadem suo intervallo similiter sic. En ut perpendicularis, quæ modo fuerat nunc obliqua, quin & cæteræ partes intra suas continebuntur lineas, sic. Simili etiam modo & hanc alterā M. Catonis in despectum, suspectum, aspectū, ex dimidio, sesqui oculo, Vultu vè toto, diverterimus in mille varietates. Sed rerum omnium similitudines, quemadmodum ex concisionibus reddendæ sint, in aliam diem transferemus. Est enim maximè, ut mihi quidem videtur, negotii satis mihi nunc sic eam vobis breviter significasse. Atque equidem videmini nescio quid aliud agere, ve reorque ne jam permolestus esse acceperim. Sed quandoquidem cœpistis obdurate, mihi de Statu motuque pauca quædam hoc loco dicenda. Status igitur, unde Statuæ dictæ alij sunt recti, alij flexi, alij verò & obliqui recti sta-

tus ii sunt, qui sui natura constabunt, nullamque omnino
 vergent in partem ut cum astamus. Flexi sunt, qui pri-
 mum à rectitudine declinauerint, ut cum proni supinive
 accumbimus. Obliqui vero, cum aliquo facies avertetur,
 membraque ad actionem distorquentur; quorum omniū
 certissima ratio his ipsis continebitur finibus, quos hic
 effectus comprobabit. Omne quidem corpus, nisi extre-
 ma sese undique contineant librenturque ad centrum;
 collabatur ruatque necesse est. Stantibus itaque sic nobis
 pede in uno, si quò mutabit corpus, declinaritque à recta
 linea caput plus pede, necesse est concidere. Quod in iis
 videri manifestissimum potest, quos Græci σχοινοβάτες
 nostri haud minus inepte Funambulos dixere. Illorum
 enim corpora sic librantur, ut si quam in partem inclina-
 rint, jamjam ecce casuros speramus. Sin verò vertatur in
 dextram facies, perpendicularem ipsam ab extremo na-
 rium lineam, dextri pedis quo semper inniti solemus exte-
 riorem nodum non progredi. Aut si in sinistram, interio-
 rem sinistri vix attingere. Sinistrum verò pedem non lon-
 gius ab dextro ire quam pedis unius spacio Motuum verò
 neque enim quæ à principibus philosophiæ, ipsoque Pla-
 tone nostro dicta de statu motuque sunt, repetenda no-
 bis ipso in loco duximus; Quidam sunt primi, ut cum
 incipimus moveri. Quidam medii, cum intra initium
 finemque versantur; Quidam ultimi, cum ad finem
 ferè pervenerint, nec dum firmantur. Si enim firmaren-
 tur, status quidem dicendi essent, non motus. Quare & illi
 status laudantur, qui vel à moribus facti videbuntur, vel
 in motus transierint. Motus præterea aut sunt faciles, aut
 violenti. Faciles motus sunt, qui remissa nulloque fiunt
 conatu, veluti cum deambulatur. Violenti sunt, qui
 vires conatusque vehementiores exprimunt, veluti cum
 accurritur; Cum trahitur pelliturque huc versus & illuc.
 Ejusmodi sexcentæ sunt varietates. Alii fiunt huc illuc in
 rectum, alii in dextram, alii in sinistram, alii feruntur
 in sursum, alii in deorsum. Est autem uti status & mo-
 tus, ita & ocium. Ocium vero alterum est liberale, illi-
 bera-

berale alterum. Liberale, est veluti cum philosophos mor-
 em commentantes, uti apud Aristophanē Socrates est, in
 ista suspenderimus. Illiberale vero jam dudum in omniū
 victorum consuetudinem venit. Præcipuèq; solitum fieri à
 Mantenio nostro, ubi negligētes famuli modo accumbunt,
 modo dominorum imperia deoscitantes expectant, modo
 nertes, stupidiq; manent. Quod opportune factum si fue-
 rit, jucunditatem simul atq; ex varietate gratiā afferet. Sed
 enim superioris perspectivæ species, quas tamen de Her-
 mōgene mutuabor Regi tuo, potissimū duæ σαφήναι cum
 scilicet spectantium oculi quadam afficiuntur perspicuita-
 re. Sic in medio classes æratas actia bella cernere erat, to-
 umq; instructo Marte viderēs fervere Leucatem, auroque
 effulgere fluctus. Itemq; illud, Namque videbat uti bellā-
 res Pergama circum, Hac fugerent Graji, premeret Troja-
 na juvenus, Hac Phrygas instaret curru cristatus Achilles.
 Et ἐνέργεια cum videlicet ex ornatu quæque suo ac decoro
 placent. Sic: Sævit in medio certamine Mayors celatus ferro.
 tristesq; ex æthere divæ, & scissa gaudens vadit discor-
 ia Palla. Posterioris autē hujus tres, ἐνάργεια, Quando sci-
 cet ex ea re quòdq; præcesserit, quodque fit, evidentissimè
 repræsentatur. Sic: Et versa pulvis inscribitur hasta, leviq;
 patens in pectore vulnus. ἑμβασις, cum quid ex ea ipsa re
 uturum jam sit commonstratur, Sic: Constitit in digitos
 xemplo arrestus uterque. Manet imperterritus ille, hostē
 magnanimū operiens, & mole sua stat. Ἀμφιβολία Quoties
 ubium fit, quæ medio locata res est, huc potius an illuc
 efferri oporteat, Sic: Lora tenens tamen, incertum enim vi-
 eri posset, id ne sit quanquā hæreat curru resupinus inani,
 n quanquam cervixq; comæque trahantur per terram sci-
 cet inter illas media. Ut enim altera manifestiorem quæ
 ondum acta est, rem facit. Altera futuram ostendit. Ita &
 æc rem utrinq; dubiam proponit, quod in Polignoto Tha-
 o pellaudarunt. Fertur is militem ita pinxisse, ut dijudi-
 cari haud ullo sanè pacto potuerit, conscendere mallet mi-
 es equum, an mallet equo descendere miles, quam rem &
 osi nos Sculptura nuper imitati sumus. An non Homericū
 lud glauci, Ante alios semper magnis excellere rebus, ha-

bere in animo semper debemus? Item & *νοῦμος*, quotie plusquam fiat intelligitur, cuius generis fuisse ajunt picturas Protogenis sic, Trunca manum pinus regit, Demissus lapsi per funem. Indutus at olim Demolos cursu pallāte Troas agebat. Sed in omnibus hisce præterquā in Amphibola unico hoc semel Poetæ, nam qui apud Sculptores nostros invenias? exemplo contenti erimus, Intextusq; puer frondosa regius ida, Veloces jaculo cervos cursuq; fatigat Acer anhelanti similis, quem præpes adida Sublimen, rapuit pedibus Ionis armiger uncis, quæ rogo Enargia? Qui verò & hæc quæ sequitur Emphasis? Longævi palmas nunc quicquam ad sydera tollunt custodes. Quid verò & hoc postremum? Sævitq; canum latratus ad auras, quam multa et eo intelliguntur? Pueri certe speciosissimi patientiam, Irtemperatissimi raptoris incontinentiam qui nec stragulum quidem expectarit, sed jam de Graphice satis. Altera vero Ductorix pars quam *ψυχικὴν* h. e. animationē vocavimus. Sed quidem *μίμησις* continebitur, h. e. imitatione, Cujus tanta, ut mihi videtur, vis est, ut vel solam eam posse Sculptor satisficere affirmarim. Ecquid tam multa? quā angustissimis ecce terminis Sculpturam finivimus, quam facile evidam commonstravimus? Certam, brevem, antiquissimam & quæ sola Lysippum eousq; perduxit, ut ab alio se effingetiam edicto vetuerit Alexander. Credendum est enim cōstentiam hanc sibi ab Eupompo pictore, ac vere Eupompoviam tenuisse semper, neq; ab ea unquam divertisse. Ille enim quærenti Lysippo, quem potissimū artificem sequeretur commonstrata multitudine, respondisse fertur, naturam eam imitandā, non artificem. Nos quoque hortamur admonefacimusq; identidem omnes qui Corynthii, non Tuscanici esse cupiant, ubi corporis circumscriptionē fecerint, remq; ad gestus Symmetriamq; perduxerint, naturam ipsam diligenter inspiciant, habeantque & elegantissima & pulcherrima corpora. Nam quod Zeusis Crotoniastat docuit, Perfectam in uno corpore pulchritatem hauri facile invenias. Si nudos inquam fecerint nuda & quos voluerint gestus aptissime imitantia, unde singulorum membrorum juncturarum, nervorum, venarum, rugarumq; par-

ritionem suum opus deducere possint. Scio quid ridetis. Argucisculi estis plusquā speraram, Alia quidem apparēt in Herculis quoniam Hyle non licet tergo, lacertis, pectore, eruribus ac toto deniq; corpore, hydram conficientis, alia cum Antheo luctantis Alia tauro cornua dissipantis, Alia aliter agentis, Dulciter tamen, ac non uti ab eo factū est, qui Colconū ad Pauli nuper posuit. Ille enim ita, ut ajunt, cruditer equum imitatus est ut non aliud quā denudati equi facies videtur. Sed satis quidē ut arbitror à nobis dictū est, de ea parte quam maximam putavit Donatellus, designationem, ac rusticioribus verbis, Quæ tamen spensitentur, dexteraq; adjiciatur, sanè quam pulcherrimum opus efficiant. Nunc verò de altera parte dicendum esset, quam nos *χυμικὴ* sive fusoriam nominavimus, quæ quoniam & fœda & caliginosa est, eam si videbitur, prætermittamus. Non enim cera, non buxus, sed creta, sed stercora, carbones follesque tractandi. Movenda Liparensis officina, Exercitandi Steropesque, Pyracmonque, Ac satis dudum estis hoc sermone nostro defatigati. REG. Nisi tu dicendo, nos quidem nequaquam sumus audiendo, ut pro utroque agam. LEO. Perage nec jam causati occipias. Tum ego sic. Chimice unde infamis illa omnibus usitatissima seculis ars dicta, quæ circa metallorum exalterationē versatur, in duas à nobis dividetur partes, in Formarum confectionem, & in metallorum informationē. Formas autem nunc eas intelligimus, quæ speciem de cera suscipiant, contineantque, ac postremò tandem fideliter reddant, in omnibus ceræ potissimum natura consideranda, nec fiet tenax, ne terrea, ne turpis. Mollitur deinde, subigiturque tomento vel ventre equino, pari portione, quoad neutrius discretio fiat, additis interdum cinerib. lateritiove pulvere. Desiccatur, eraditur, excribratur, rursus perfusa aqua lutescat, neq; durius neque mollius. Dicerem quid prima, quid secunda quidve tertia sit illinitione observandum, quemadmodum postremo ferreis vinculis cogendæ quemadmodum decoquendæ humanæq; sint formæ, nisi consulto vos ipsa videre quam audire malim. Atque equidem puto vos in officinis istorum, qui bellicas murorū machinas atq; æra sonantia fun-

dunt interfuisse. In metallis vero ipsis informandis diligentior prorsus erit ratio adhibenda, ne chymisticarum elogio, operâ simul & carbones perdidisse videamur, in qua quidem re summū erit, metallorum naturam cognoscere, atque ubi delicuerint ebullierintq; informare. Neq; verò est quod physiologica nunc adducam, vosque ego doceam quæ sit auri, argenti, æris, stagni, ac cæterorū natura. Quidvé ex horum consiat permixtura. equidem nolò noctuam Athenas, aut videri Chimice sciens. Intelligendum tamen æs temperari solere multis modis. Alia enim utuntur temperatura campanarii, Alia & nos. Quæ scientia defuit Donatello. Nunquam fuit ipse campanariorū usus opera semper. Illorum temperatura, vicenæ interdum, & ex qualitate æris, trigenæ libræ stagni in centenas æris. Nostra verò aut statuaria, aut Tabularis, aut Sigillaria. Statuaria hæc, duodenæ stagni in cētenas libras æris, tertia parte collectanei. Plumbum quidem ipsum æri non admiscetur. Additur tamen plerunq; ad colorem, nigri plumbi portio decima. Argentarii verò id enim est albo nigroq; pariter mixtis, vicissima, colorem contrahet, quem dixerunt germanicū. Plumbi nigri duodecima addita Cyprio purpureum. Tabularis hæc denæ libræ stagni in cētenas æris. Sigillaria verò hæc, funditur æs collectaneum longo usu perdomitum, simul & orichalcus pari portione, in singulas libras additis interdū binis uncis stagni, interdum si tutilus quærat̃ur colos turtia. Nam si albus, Sic. Collectaneum æs depurgatum fundito, arsenici nitriq; defumatorū terras uncias in binas in ejus æris libras, frustillatim conjicito, obturatū in vase percoquito, postremum infundito, dealbescet sic in speciē argenti. Si post Noricas fornaces nobis ferrum eliquaretur, commodius plurima fieret colorum in ære diversitas. Ac si equidem Aristonidas, qui cum vesani Adamantis filiū præcipitare volentis, furorem & mox præcipitato illo residentis poenitentiam vellet exprimere, ferrum & æs miscuit, ut ejus rubigine per nitorem æris relucente, rubor exprimeretur verecundiæ. Pleriq; tamen inventi, qui affirmarent, Si ferri scobē subtilissimè delimatam, arsenico pariter salique permixtam ardentissimis fornacibus diem totū calcinatam

natam feceris, adeò permolliri, ut argento atque ære facilius colliquari possit, rursusq; obdurari, si candens intingatur aqua frigida. Liquatū æs emendatur sale tartaroque. ebulliet, ipsoq; in iactu depurgabitur à Scoria, injectis laciniiis lini ceratis oleatisque. Ebullitionis autē præmaturæ signum nonnulli dixerunt esse fursur injectum, si paraccedi statim non effumando videatur. Pleriq; dum Scoriam fecerint expectant, frustra vero speratis, ullo quos vis artificio, recte informari metallum posse, nisi jam decoctissimæ prius formæ, suas uti, quodve oportebit spiramentorum emissuras habuerit. Sed hæc audiendo aut parū profunt aut nihil. Igitur ad officinā, Ac si qua id ratione verbis explicari posset non de ullo melius quam de poeta cognosceritis, cum sic ait: Striduntq; cavernis, Stricturæ calybum, ac fornacibus ignis anhelat. Fluit æs rivis, auriq; metallum. Vulficusq; calybs vasta fornace liquefcit, ingentē clybeum informant. Sed quoniā sæpius per imprudentiam evenit, medio ut iactu metalla defecerint, multū enim facit ne id ipsum accidat si scierimus quota metalli cujusque portio correspondeat Argillæ, ligno ac ceræ. Ponam hoc loco quæ inveni ab aliis tradita. Singulis libris Argillæ correspondebunt novem æris, Ligni faginei XIII. Ceræ verò VI. Æris albi VIII. uncia & semis, Cypri IX. drachmæ III. Orichalchi IX. uncia II. ac semis, Stagni VII. uncia X. drachmæ III. Argenti XI. uncia VI. Plūbi XII. uncia IX. Auri XIX. unciaq; tres, ut drachmæ novem efficiant unciam unam. Nonnulli in quadratas formas cubitalis undiq; mensuris DII. mill. pondo æris dixerūt infundi oportet. Sed quique sibi homo prudens rem omnem certam faciet experimento, antequam fundat. Si tamen meminerimus, semper meliorem esse conditionem eorum, quibus res supersunt, quam quibus desunt, multoq; semper oportunius hoc esse, ut de mi possit, quàm ut addi oporteat. Nam quid ego dicam, de commissuris, Stultissimū quidem existimo, ubi res semel integra fieri poterit, in frustra disjungere, ut iterū jungas. Si tamen ita necesse fuerit. Mihi quidem eis in triangulorum speciem fieri in hunc modum placeret: Nam & pertinacius hærebunt, & dissolventur temere nunquam. Sed: REG. Sed

istud tuum memineris. Quæso cur antiquam & infamen feris artem? Chimiam? Operæ precium, Ego tum inquā Regi. Ferunt illam Arietis auream, ad quam cum delectu Arigivum heroum manu, celeri provectus: est Iason Argo, non Pellem ipsam, uti ex hoc eo Poetæ finxerunt, Sed arietinis chartis fuisse librum, qui conficiendi auri & argenti rationem continuerit. Ejus verò artis uti & cæterarum omnium innumerabilib⁹ penè seculis peritissimos dicūt fuisse Ægyptios, ac longo post tempore Diocletianum Cæsarem ob proximarū rerum in ea provincia suspitionē conquæsitos undiq; artis illius libros omneis cōburi jussisse, Nequa divitiis compararēt, pecuniarumq; copia fidentes, Romanis aliquando Ægyptii bellum inferre auderent, atque ex eo publice semper habitam flagitiosam, Sed si unquam, nunc certe flagitiosissimā, quæ perfida plerosq; jam regnatos, jam mendicare coegit. Nunc autem ad, Sed, illud nostrum revertamus, jamq; ad commodissimam Sculpturæ speciem *Εκτοκωσι*, quæ dici à nobis efformatoria potest, pertrāseamus. Nam de tota in universum Sculpturæ materia satis jam dictum videri velim. Tractatur autem ea quadrifariā. Siquidem Creta, Gypso, Cera, & pulvisculo conformamus. Creta sic. Argillam ipsam fistilem accipito, in aquam colliquefacito, quod subsederit tenuius, ad solem adfurnum arefacito, in pulverem redigito, Excribratum paulo durius impastato, mox quod volueris sigillum ea semel imprimito & siccatum figlina concoquito. Ita campillū etiam efformaveris. Gypso sic. Illud vero calcis species est ajunt in Cypro & Thebis fodi, sed nihil refert, dum Bononiensis Appenninus mirum quàm in ea urbe Gypsum abundat, dum & Alpes id nobis sufficiāt. Ejus autē triplex est species marmorosa, glebosa, & aluminosa, Marmorosa quidem, utilior, nam & scalpitur ad Statuas, & suum morem decocta pertinacior. Mirabilem ea nobis usum præstitit nuper ad lacum Sebinum, quem nunc accolæ ab oppido quod ab ejus uti arbitror portorio nomen acceperat Gypseum, uti & ab Ardea Benacum, etiam corruptè vocant. At quanta me nova voluptate affecerunt illi lacus, illa ejus provinciæ quam quidem oppidulatim peragraram jucunda fœlicitas. In

Ethruria quoque ex eo Gypso toreumata mirati sumus,
 cum ex Alabastrite, viderentur, tantus erat lapidis illius
 nitor, splendorque. Aluminosa verò si polluxeris, ad id
 quod volumus, longè commodior nā de altera nihil oportet,
 decoquitur furno lente calido, teritur furno lente calido,
 teritur pilis ligneis excribraturq; statim ut tepescens
 aqua permoduerit, superinfunditur, ubi peraruerit, tollitur.
 Quod fieri salva re nunquā poterit, nisi prius oleo illitum
 aut plus semicirculo fuerit occupatū. Nam primum hoc
 deinde & illud efformabimus, quo ad integrā rem habebimus.
 Continebunt autē sese frustula firmitus, si quod erat prius,
 excavatū inveniatur à posteriore, ut in cōmissuris. Emendabitur autē huiusmodi formula ad ceream rursus
 plumbeamve effigiem hoc pacto. Desiccato rursus sed
 forno calidiore. Quoties oportuerit intepestentē aquam,
 si sis cerā immissurus immergito. Si cavitas placuerit post
 paululum ubi infusa fuerit, effundito. Si verò plumbū proderit,
 eam optime desiccari: plumbumq; ipsum nigrū albo quod
 Marchasitā vocant & Antimonio temperari, XII. portione.
 Ceram autē efformabimus sic. Liquefiat primū, mox ad eam
 rationē quam diximus superfundatur, vel si commodius fiet,
 in eam ipsare, commergatur emergaturque, donec amictu
 vestita fuerit crassiore, frequentius desecetur acie tenuissima,
 adaperiatur, jungaturque. Ad soliditatem infungitur Gypsum,
 Ad cavitatē verò quæ sola in his admirationē habet, etiam uti
 docuimus cera, sed si prius illam humor circumfluxerit
 liquidus. Cujus quidem inventi ratio, & si in uno Architecto
 quondā constiterit, jure tamen quando illius cum ipso deperierat,
 mihi debebitur. Cavitas vero ipsa, ubi cretatum fuerit
 extrinsecus, accipito tanquam de Gn. Flavio rem secretissimam,
 replebitur Argilla, quam edocuimus tomento & equino ventre
 subacta, mixtis pulvere lateritio, interdum molari, interdum
 vitreo, sive etiam adustarum formarum calce viva, cineribusve.
 Pulvisculus verò qui optimus sit, diu quaritari à multis
 solitum. Is autem aut natus est, aut factitius. Natus qui per se
 nascitur, qualē nos nuper in agro Crenonensi

nensi deprehendimus. Factitius verò qui fit, fit autem de ea materia, quæ vim ignis omnē sustinere ac pati possit. Quare non unus habetur, alii enim ex pumice, alii ex ossibus deustis, alii ex scobe ferri, alii ex colliquato in fornacibus latere, alii ex Smirillo, alii ex rebus aliis. Ego verò omnes modis omnibus expertus aptissimè utor, vel ferrugineo, vel lateritio. Ferrugineus fiet sic: Accipitur Scoria, sive etiam scobes ferri, subtiliter delimata, purgatur, impubis pueri urina acerone semimēstri spacio perfunditur. Adu-ritur fornacibus, teriturq; pilis. Itemque id rursus ac rursus dum ad eam tenuitatem pervenerit, qua tactum effugiet, mox quando opus erit, humectatur aceto aquave salsa. Lateritius autem sic. Lateres ardentissimis coliquati fornacibus simili modo teruntur, simili etiam modo minutissimus pulvis factus inebriatur. Conformatur stationibus, ad-moveturq; prunæ, ut nihil humoris permaneat, deniq; per ignescat. Quod si puerilem tantum urinam ebiberit, nullo fere opus erit igni, vix pauculo calore candescensque hoc naturæ miraculum consideratè infusum metallū non ampulefcet. Non parum autem contulisse iudicabitur, antequam metalli jactus fiat candelæ fumus subiectus, præsertim si res ita subtiliter celatæ fuerint, ut faciliè injuriā pati posse videantur. Dicerem quidem hoc satis esse, nisi exor-nandus quoq; nobis esset & finis. Constat autē finis perfectiōne, perfectiō ipsa omnis perficitur, extremorū dimotione, & pulchritudinis inductione, atqui extrema, ut in exteris rebus sunt, excessus & carentia. Excessus scapello tollū-tur & lima. Carentia verò medicabitur adjiciōne & adjunctiōne. Adjiciōne hoc modo. Terebra. is cerebro lateribus inducatur, uti oportuerit, cera, cretetur deinde, mox & c-missa cera, & Argilla decocto, infundatur sui generis me-tallū. Adjunctiōnes verò cum adglutinamus, Sic colliqua-tur ut mos est fictili vase oricalchus, additurq; singulis e-jus libr. uncia arsenici, teritur deinde in mortario æneo, qui pulvis permixtus boraci, inspergitur commissuris, appo-niturq; igni ad eliquationem. Conglutinantur, plerunq; æ-ra, stagno & pice, inductis ferro candenti. Pulchritudo au-tem omnis perfecta videbitur levatura & coloratione. Le-
vatu.

vatura cum delimationis asperitatem tollimus cœlo, nitor-
remq; superinducimus pumice, stylo calybeove dente, quæ
bronitorium vocant. Coloratione verò cum suum cuique
parti colorem damus. Ideoq; vel jactu ipso ex scientia Chi-
mices quam præmonstravimus, vel post jactū, hoc modo.
Albus color præcipuus, argento, sic. Deducitur argentum
optimum in brachteolas tenuissimas, malagmaturq; vino,
deinde cum aqua nitri & aluminis ferreo superinducitur
stilo, mergitur oleo, fervescenti ad assationem, imponitur
prunæ candenti. Ebullitur in aceto, sale lotio, tartaroque,
levaturq; rursus bronitorio. Aureus color ipse fit præcipu-
auro, eadem ratione qua & albus argento, nisi quod in oleo
perfrigi non oportet. Id vero si temperatura caruerit sta-
gno, aliter enim res agetur ipso-
rum brachteis. Fiunt & hu-
jusmodi colores multis aliis modis, qui quoniam nec ita
perpetui, nec meliores, ne curaverimus. Croceus autem
proveniet in prætextis color. Si per exter-
sum sigillum candenti superimponatur lamina, quo ad cum ipsum videbi-
tur colorem contraxisse. Frigescatque paulatim. Viridis si
perhumeſcetur aceto falso. Niger, aut ex liquidæ picis ver-
nicatione, aut ex palearum, si prius emaduerit, suffumatio-
ne. Hi quidem nunc sat erunt, dum captabimus & reliquos.
Nam ipsi oculorum ac pupillarum colores, de India Mura-
noque petendi. Sed de india sanè in sua illa Minerva Phi-
dias, de Murano nos & commodius & fortasse etiā melius.

Sed nunquid Cælaturam ipsam præteribimus? Non qui-
dem, ut ejus rationes, quas omneis ostendimus, explicen-
tur. Sed ut quid sit, cum cælaturā dicimus intelligatur. Est
autem Cælatura, ut uno verbo expediam, cum de plana su-
perficie exculpimus effigiunculas excavando. In quacunq;
id fiat Regi materia, quæ persistat eadem semper, neque i-
magines plusquam ex dimidio prominere videantur. Po-
tissimū tamen metallica atq; argento in Scypis ad similitu-
dinem hujus, quod circum supraq; complexu terram con-
tinet cavi cœli, quod à Pacunio dictum, uti plemmyrium
unde sum à Virgilio. Sed alterum ornatu dedit appellatio-
nem huic parti, alterū oblectu. Decultationi. Species ejus:
Anaglyphice, quando exculpitur, ut extent imagines. Dia-

glyphice, quando inſculptur ad impreſſuram. Encolaptice, quando laminæ cudendo efformantur, quæ maxime ad aurifices pertineat. Item & Toreutice, Cum vaſa, fibulas, candelabra, & ejusmodi accedimus. Latine ut video proprie dicta politura. Nam quum noſtri à *τογων* rotundum feciſſent, quemadmodum ab *ἀεργαγας* rapacem. Et à *μορφα* formam. Cum deinde *τογωνειν* vellent, non rotundare quod ita oportebat aliam ſignificationē habere. Sed ab ipſis veriticibus in quibus circumvolvitur tornus, polire dixerunt. *τογωνειν* ipſum reddentes, quod plerunq; ad elegantiam referri ſolitum, idq; & poſteriores tornare. In hac pleroſque nobiliſſimos honeſtiſſimè verſatos ſcimus nam quantum hoc muſcas Conſectatos noſtris principibus præſtitiffet? Item & *Εγκαισιχη*, quam injuſtoriam appellabimus, quæcunq; ea olim fuerit pingendi ratio cera in parietib; poſtquam nec apud Græcos ipſos Grammaticos ſatis conſtat, & jam pridem exerceri deſuevit de hinc eam intelligamus quæ ipſo tractatur Encauſto, quod Smalton vocāt, uſitata ſiſſimam, cum videlicet argentū, æs, vitrumq; pingimus, id n. Pantochromaton hoc modo. Teritur ſubtiliſſime in pulverem. Superinfunditur deinde aqua ſtiloque, in pingendam partem inducitur. Poſtremò ad eliquationē aduritur. Quid verò plura? Ventum ad ſupremū eſt, Diximus de affinitate quam habeat Sculptura cum literis aperuimus qualis eſſe deberet Sculptor. Recenſuimus, unde ubi, aut qua de cauſa cœpiſſe potuerit, Declaravimus materiam Statuarum oſtendimus quot eſſent Statuariæ ſpecies. Diximus Symmetria, de Lineamentis, de Phyſiognomia, de Perſpectiva, de Animatione, Chimice, Efformatoria, Exornatione, poſtremò & de Czatura, Equidem nihil arbitror reſtat, cur non ſatis à me factū eſſe poteris, cum non Sculptoriæ modo unius artis, ſed totius Statuariæ rationes omnes explicaverim. Nempe huc tendunt, huc referuntur & reliquæ, non aliter quam ſcientiæ & artes cæteræ ad ipſam philoſophiam. Plaſtice ſic. Fiunt de Argilla in eum quem diximus morem effigies, Areſcunt: ſiglina decoquuntur. Poſtremò quoniam id membratim conglutinantur colla è viva calce & albumine ovorum, continuo ſtatim, inducuntur &

novissime colores linaceo nuccone oliyo, quanquam, nec
 pictoribus debere cœperint in Ethruria Plaste, Encausto
 enim devitrant. Proplastiche autem dicitur, cum futuri o-
 peris formam Plastes creta finget, veluti cum Sculptor ce-
 ra, protypus & Architectus ligno modulus, Maximo hæc
 olim in usu, nihil fere moliebatur, nisi ex Proplastiche, ex ea
 enim & futura deprehenduntur errata, & nullo priusquam
 fiant incommodo castigantur, multòque aliter quam isti
 nostri opinantur, ipsa res citius expeditur proposito jam
 exemplari quod imite ris. Tomice verò, simplicissima o-
 mnium species, ut quæ ipsa tantummodo sectione Gluti-
 no & picturatione perficiatur. Glutinū autem ejus Ichtio-
 colla, Item calx mastice caseusque pari portione, simul
 omnibus contritis Paradigmaticè itidem, Exprimuntur
 creta cerave liquenti effigies, Gypsum mox infunditur,
 Deinde calida aqua, ubi dissolutum saponem feceris, ad
 marmoris nitorem gratiam inebriatur. Defectus autem Gy-
 pso rursus addito castigatur. Colaptice itidem Scalpello
 perficitur lima terebroque, ad nitorem postremò ipsum
 lympa & punice. Glutinum verò si quid forte acciderit
 hoc, mansam masticem, atque incera modum perdomi-
 tam statim ad applicato. Item & si picem, armenium, ce-
 ram admisceto. Sed quo res expeditior fiat, in Colaptice
 hæc observanda, lapidem dimetiri in longum septē peda-
 perpendiculari quam discriminatricem appellavimus li-
 nea medietatem definiri. Ex intersectu semicircularum
 planum designari. Hinc atq; inde pedali mensione corpus
 in latum definiri. Circino & oris & oculorum posituram
 depræhendi, altero pede statuto in perpendiculari, & al-
 tero ad extrema perducto. Sed in Academiam hanc no-
 stram ἀνωμήτης nemo. Harum autem originem sanè
 quondam olim de Aegypto sacerdote Solon acceperit, no-
 bis quidem semper puellulis non licet. Plasticen tam en i-
 psam Chaldaus Moses antiquissimam est testatus, haud
 quidem inepte, cujus author Deus ipse primus extiterit,
 neque verò aliter videri debet, quàm optimum eum fuisse
 Plastam, qui hos tam admirabiliter mundos ita formavit.
 Tanta verò Plastices hujus authoritas, ut eā nonnulli Scul-
 pturæ

pturæ matrem appellarint, Fertur & à Dibutade Sicyonio. Corinthi ad inventa, deamantis filiolarum beneficio. Floruerunt autem in ea Prometheus ob artis excellentiâ dictus, raptum de cœlo vitalem igniculum limo imisisse Rhetus, Ideochus, & qui primus invenit ferrum fundere atq; ex eo statuas facere Theodorus Samii. Plastics etiam inventores existimati, Eucirapus Eugrammus, Lysistratus Lysippi frater, Demophilus. Gorgasus, Calchostenes cujus officina ceramico vico nomē dedit, Possunius qui pisces finxisse dicitur, ita ut à veris non faciliè discerneres. Arcefilaus cujus Proplastice pluris ajunt venisse solitâ, quam cæterorum opera. In Italia laudatissimus quondam Turanius Fregellanus. Nostra ætate Vitus Mazon Mutinensis, quē nuper nobis Gallia cum plerisq; rebus abstulit. Vxor etiam ejus finxit & filia Lucas Rubius Florētinus ex aurificæ Plastes, cujus inventum, fictile opus Encausto pingi Andreas ejus ex sorore nepos, nullis quos ego viderim posterior Naturam existimes ipsam fecisse quæ hujus manus effinxit. Nā quid ego vobis commemorē, Nannum Miniatorem, Domitiū Figulum, & Andream Crispum Patavinos? Ligno vel Vergiliano carmine notissimus Dædalus rudis quidē artifex, ut, qui à posterioribus longè fuerit superatus, sed cujus opera cuncta divinum quiddā habere videbantur, Clarus & in Samo Smilis Aeginensis, quem Callimachus Scelmin appellavit, Dædali ipsius ætate, nec tamen & pari existimatione, non quod inferioris esset arte quā Dædalus, sed quod minus magnis rebus usus, nullo facinore, nulla regum familiaritate, nullo errore, nullis & calamitatib⁹ insignis. Atheniensis quidem ille sororis filium interfecit. In cretā venit, Minoni & filiabus aliquandiu jucundissimus fuit. Sed cognita mox ejus à rege nequitia, in carcerē est detrusus. Inde cum filio simul effugiens, Inycum Siciliæ urbem ad Cocalum applicuit. Siculi belli adversus Cretenses causā fuit, scilicet cum Minone repetente & Cocalo perdenegante, à Cocali filiabus in tantum amatus, ut de Minonis morte in ejus gratiā deliberarint. Itaq; per omnem Siciliā dispersa, in Italiam quoq; ad nos ejus fama pervenit. At verò hic Aeginensis, angustiore patrimonio, nisi semel in Samum ventus,

Etus, vix reor illic ubi egregiam illam Iunonis Samiæ Statuam fabricarat, notus. Ebores nunquam satis claudatus Phidias, & si fabulæ credimus Pigmalon. Gypso autem ob tenue artificium, nullus. Marmore quidem innumera-biles, sed quorum mihi memoria potior, hic Attalus Atheniensis primus, ut putatur, in Græcia Statuarius. Sed certe constat initio multis antea seculis & templa & Statuas à Danao dedicatas, Dipœnus, Scylis, horumque discipulus Dorcylidas, Mædon Dorcylidæ frater. Theocles, cum Egylo patre Lacedæmonii, Dionysius Argivus, Simo Aeginensis, Cleon Scyconius, Malas Chiu, cum Miciade filio & Antermo nepote, Phidias ipse Atheniensis, Alo-mam, & Agotacritus discipuli. Cersatides Calaber, & Bupalus uti opinor, Phææates templa Deorum architectari & Statuas bonas effingere. Fortunæ simulachrum Smir-næis faciens, in vertice polum, in altera manu Amalthiæ cornu ab Græcis habentem fecit. Tantum ejus Deæ vim & facta declarans, quantum non ipse Homerus intellexit, qui connumerans eam in Cereris hymno tanquam unam filiarum Oceani, nihil præterea aliud addidit, quantum deinde vix Pindarus, qui alia multa in fortunam dicens Pherepolin appellavit. Scopas, Timotheus, Bixax, Leocates in Mausolæo calando æmuli, Praxiteles infinitis prope operibus. Sed potissimum Venere Cupidineque dea-matis clarissimis Archesitas Cleomenes, Minestratus, Euty-chides, Philiscus Timarchides, Policarimus, Heliôdo-rus, Lysias, Agasander, Polydorus, Athenodorus, Crate-rus, Pythodorus Polidectes, Hermolaus, Artemon, Timo-machus, cæterorumque innumera multitudo. Sed ele-gantissimo Græco Epigrammate celebratur Timomachi hujus Medæa quæ videlicet amore saucia, natorum san-guine patris injuriam ulciscens, & servare & occidere vel-le videbatur. Id autem opinor hujusmodi.

*Quod natos feritura ferox Medæa moratur,
Præstitit hoc magnæ dextera Timomachi.
Tardat amor facinus strictum dolor incitat ensem,
Vult non vult, natos perderet ipsa suos.*

In

In minimis autem operibus Myrmecides, & Callicrates admirandi, ulterius quadrigulam alis muscæ coopertam, alterius formicarum pedes, ita subtilissime scalptos traditum est, ut vix intenta propius acie pervideri potuerint. Nostreis verò temporibus scalpendo marmore insignes habiti, Ninus, cujus nescio, Nam semper hoc tantū usus est inscriptionis titulo, Nini opus. Antonius Crispus, qui cum vobis fuit familiaritas, Petrus insubes, TULLIUS atque Antonius ejus, filii. Sed ne ego TULLIUM præterierim illaudatum. Equidē ni vereret visum iri amicitia, non verè laudi datum judicium de illo meum, dicere profectò sculptorum omnium quos ulla unquam viderit ætas præstantissimum, neque indignis ornaretur honoribus, An quid non priora ingenia, priora & miracula rediere? Circumferbantur in pompæ morem Tarvisii epistyliorum coronæ, quas ille junior variis interæclarat foliorum ornamentis, Aderat Crispus partim æmulatione quam tum patre Tullii gerebat, partim & tantæ novitatis fama permotus. Cunctis igitur admirantibus, qui tanta varietate fieri potuerit? nunquam prius è marmore coronas factas fassus est, quam gladiolo id ita esse depræhenderit. Quod mirius miraculum huic comparari poterit? Prudentissimum artificem TULLII cælatura deceptum Nec vero & frater qui cum summa est artis æmulatio laude minor. Sed & jure optimo laudatur in Bois CHRISTOPHORUS Gobbius in quo nisi unum hoc damnant, quod assuetus Herculeos artus imitari, eo quidem sæpissimè paulo temerius utitur, Dignus & qui nominetur Brixiani prætorii Architectura & Cæsaribus CASPAR Mediolanensis, Clarus & ipse Magistrophoro illa sua Venere noster Pyrgoteles. Laudantur & in Thuscia magni quidem profectus, nisi admòdum juvenis periisset, Betus Majanus, Michelangulus Bonarotus et jam pictor, ANDREAS SOVINIUS FRANCISCUS RUSTICUS Aere qui Sculptores claruerint prope innumera-biles, Colossorum autem molibus, ipse inprimis Pidias ATHENIENSIS, qui & toreuticen adinvenit, Lysippus Sicyonius, Pryaxis Lysippi discipul⁹ Chares Lyndius, Romani SP. CORNELIUS & NERONIS principatu Zenodorus,

dorus, In minoribus autem signis Policletus videlicet Ar-
 givus, non ut alii existimarunt Sicyonius, Speciebus rerum
 concipiendis, quas phantasias vocant, summus, quod et-
 iam Antiphilo pictori assignarunt. Alchamenes Phidia disci-
 pulus, Heglias, Critias, Nestocles, Policleti discipulus
 ARISTIDES, Cleon Sicyonius, discipulus Antiphanis de
 stirpe Policleti, Naucides, Leoncius, Cyclon, PYTHAGO-
 RAS Reginus. Item & SAMIUS, Myron Eleuteriensis,
 buccula nobilitatus, Butyreus Licius ejus discipulus, Eu-
 phranor in omni genere laudatissimus. Telephanes Phoc-
 cus, Praxiteles, nam & æra etiam fecit, Hyphicrates, Ce-
 phisiodorus, DEMETRIUS Dynomenes, Phradmon, Dæ-
 dalus, Euclides, Calamis, Canacus, Menechius, qui libros
 de arte sua scripsit, Chereas, Clesilaus, Eutyclides, Pyro-
 machus Policles. Pyrrus, Syllanion, nullo mecum docto-
 re nobilis, Naucerus, Niceratus, & qui etiam de sua arte
 scripsit XENOCRATES, nam Perillus nullum impietate
 sua nomen est meritus, Bedas, Phœnix, Stypax Cyprius,
 & Pentalesius A T H E N I E N S I S, cujus equidem opus
 fuisse existimo Aegireticam illam Minervam, cujus & vul-
 tus & pedes exebore, Reliquum ex auro partim in super-
 ficiem ducto, partim ex arte Chimia facto. In minimis ve-
 ro laudatissimi Pyreicus, & miræ subtilitatis artifex Theo-
 dorus. Invenio & Romæ laudatum Blesanum Novium,
 qui miris Statuis urbem decoravit & orbem, sed marmo-
 rarium puto potius quam Sculptorem. Nostro quidem
 ævo multi, sed qui præcipue nominantur, Laurentius
 Cion, Fores in templo Martis Florentiæ quæ ad Septen-
 trionem, quæque ad orientem spectant cujus opus. Nam
 quæ ad Austrum, nescio cujus Vgolini. Desiderius qui
 NEAPOLI sculpsit fores novæ arcis, Sculpsit etiam egre-
 gie marmora. Pisanus pictor in se cælando ambitiosissi-
 mus. Donatellus ipse Cionis, ut putatur, discipulus, ære li-
 gno marmore, laudatissimus. Plura hujus unius manu ex-
 tant opera, quàm semel ab eo ad nos cæterorum omnium.
 Andreas Alverochius Donatelli, sed jam senis æmulus,
 discipulo Christi latus pertentante nobilitatus, Cælatura
 quoque ejus & pictura magnopere commendatur. Postremo
 & ipse

& ipse Alverochii discipulus Leonhardus Vncius, Equo illo quem ei perficere non licuit, in Bois maximo, pictura Symposii, nec minus & Archimædo ingenio notissimus. Florentini, ea nimirum urbs semper fuit harum artium Mater. Sed & Donatelli discipulus Bellanus tuus Leonice, inter hos quoque nomen habebit quanquam ineptus artifex. Quin Bellani uti volunt discipulus Andreas Crispus familiaris meus, cujus inter Plastes quoque mentionem fecimus podagrarum beneficio ex aurifice Sculptor. Cælatura vero insignes olim habiti Mentor, Acragas, Boetus, Mys, Antipater, Zopyrus, Scopas, Tauricus Cizicenus, Ariston, & Onychus Mithylenæ, Lesbocles, Prodorus, Pythodichus, Polignotus, Scinus, Phylidonius Ephesius, Leda Stratites, Teucer Crustarius, Pyrrheas, Stratonicus philosophus Canacus etiam Calamis, Tauriscus, Echateus, & præcipuam laudem gemmis consecuti, Pyrgoteles, Apollonides, Cronius Discorides, & qui Romæ Cælatura Clodiana omnes evicit M. Canuleius Zosimus libertinæ conditionis. Passim quidem nunc omnes, sed pauci propter quod commemorarentur egregio aliquo opere insignes, nisi duo aurifices Charodoxus Mediolanensis, & Franciscus Furmus Bononiensis. Nam Severum Rhayennatem ideo ad extremum distuli, ut plenius laudarem, qui iniror ad me hodie cur non venerit. Is mihi quidem videtur Statuariæ numeros omnibus adimplere, Sculptor, Scalptor, Cælator, Desector, Plastes, Pictorque egregius. Nam si me hic nunc rogaretis, qualem Sculptorem velim, talem nempe ipsum velim, qualem, modo literæ adessent, Severum esse novimus. Erunt quidem & nostro fortassis beneficio multo complures, qui post me Statuariam omnem exornabunt. Interea vero danda sedulo nobis opera est, quando qua ratione Ligna, Lapides, Argillæ, Cera, Metalla, nobis simillima esse possint ad invenerimus, ne quod Socratem dixisse ferunt, eis potius nos similiores esse videamur. Hæc cum à me dicta essent, surreximus omnes, in ambulationem Leonicus, Regius in quietem, ego vero ad Calpurnium.







G. m. VII

1770. Joannis 7^o

nolite Judicare super faciem
sive aspectum aspectum sed
rectum Judicium indicate.

Journal

Journal de la mission de la Compagnie des Indes

à la Nouvelle-France

par M. de la Roche

1400

Special 91-B
24849

